

近代中國史料叢刊續編第四十輯

沈雲龍主編

止菴詩存。外集

周學熙著

文海出版社有限公司印行

止菴詩存

默頌



中華民國三十  
七年七月初吉  
至德周氏藏版

## 止菴詩存序

今人言詩者有新舊之別何謂舊恪守前人法度選詞貴雅運事必審聲調氣韻或崇魏晉或摹唐宋隱然各有其疆域非習之數十年不能達其堂室者是爲舊詩何謂新出口成文純任自然句之短長殊無定式多不用韻等於常談其體仿自西洋是爲新詩二者之間嚴守畛域互爲詆斥幾有不能並立之勢余竊非之夫詩以言志言志者所以抒寫其性情而非用以彰文字之美若必逞妍鬪巧則是桎梏其心思而何有於言志然必如新詩之盡廢格律毫無可以吟詠之趣則竟寫散文可已而又何有於詩余不能詩而獨喜讀白氏長慶集展卷吟翫深有感於吾心謂是爲詩人之詩不圖今又於周君止菴得之止菴之詩冲和雅澹置之長慶集中殆無少遜其鳧葥詠楞脰吟及憫世嘵世勸世諸作則白氏之諷喻詩也其趣園吟山居雜詠知足歌七十述懷病中自廣及告諸子寫入生壤諸作則白氏之閒適詩也其憫華僑歎災民哀族難悔過吟諸作則白氏之感傷詩也止菴先官直隸有政聲民謡既建長財政多所擘畫尤以振興實業爲務其宦跡與白氏若相類若不相類而從政不得行其志潔身引退暮年多病栖心釋梵則全與白氏合其所作詩大都成於退居之後自言以香山放翁詩爲養心藥解故濡染於白氏者尤深史稱樂天詩詞書於觀寺郵候牆壁之上道於妻婦

牛童馬走之口譜寫模勒銜賣於市井村校兒童競習歌詠斯集既成流播之廣殆將  
如是是則止菴之詩其必可於新舊二者間各據一席且可爲之溝通也乎民國紀元  
三十七年十月世烟愚弟海鹽張元濟拜序

止菴詩存自序

余本不能詩弱冠從事舉業專習試帖中年風塵奔走學殖荒落迨暮年多病百事謝絕乃喜讀香山放翁詩聊當養心藥餌亦無意于吟詠偶有所觸率成俚句隨手棄去不復收拾今兒輩從故紙堆中搜得若干首錄而藏之又自丙寅歲起吾宗子弟聯師古堂月課每拈題擬賦以爲之倡有若干首并附于後竊維詩以言志折楊皇華皆足寄興不必計其詞之工拙且觀古人有積數十年心力而不得一紙之流傳者又或本非詩人而其單詞隻句反膾炙人口者此殆有幸有不幸歟然則詩之工者未必傳傳者未必工當其時不過如歐陽公所謂鳥獸好音之過耳而已何所容心哉吾詩雖拙亦可見吾之所志故姑存之聊示雪泥鴻爪云爾不足供大雅一粲也乙亥九月止菴手記



止菴詩存上卷

至德周學熙緝之著

養疴北海晚飯後散步乙卯嘉平

歷朝臨幸地所居在北海之東岸小山嶺三楹日崇敬又山半容我短簾拖池小橋添曲石山北有小池不盈故橋界其中凡九曲廊迴路失坡山上下銅庫相屬凡登陟之苦晴皋殘雪少寒梅少瘦高樹夕陽多山居太液池岸東故晉夕陽之多此數處宜園在京西香山寺始於金元殿宇全毀惟

見心齋此數處余在京西香山寺始於金元殿宇全毀惟

南游雜詠五首

樓臺彷彿畫圖中六百年間事已空卻問天心何處見一枝紅杏笑春風

丙辰正月二十一日感懷去年是日被

命再長財政

誤染繙塵又一年江湖回首倍依然女媧煉石天何補精衛銜山海豈填落落孤雲唳鶴茫茫遠水墮飛鷺尊鱸那及桃花蠟剩欲乘春放釣船

南游雜詠五首

雨中登常熟方塔遠眺

亭臺隱約見辛峰點染湖山翠幾重恰似苑寬圖畫裏更饒西寺一聲鐘

雨中遊西湖

二十年前此舊遊今朝攜子弄扁舟六橋堤上蕭蕭雨萬柳塘邊瑟瑟秋城郭已非憐

去鶴江山猶是問斧鷗清時美譽聞難得到處臨歸爲小留

冒雨遊湖西諸山

笠屐乘幽興名山獨往回雲依螺黛轉雨挾瀑花來

瘦句

晚晴登五雲山

新晴山色好來陟五雲顛圖畫羅千里旃檀邈百年峰迴疑礙日江遍欲吞天搔首風塵外乾坤意渺然

登廬山牯嶺望雲海

飛棧方驚蜀道難白雲堆絮忽漫漫廬山真面今誰識且作滄溟萬里看

丁巳仲春遊鄧尉先宿玄墓寺次晨冒雨觀梅匆匆而歸

二首

柱天勳業等雲烟喜得名山姓氏傳十里香花千載伴幾生修到都公緣

墓在崇州刺史  
鄧泰

笠屐匆匆破曉烟萬株香雪不虛傳花枝有盡情無盡留與名山結後緣

趣園偶題

戊午

聯峰之麓臨滄海新築園林凝輞師槐下有風清午簟荷邊過雨漲秋池偶看西子凌波戲閑赴東鄰把釣期栗里商山今不遠會心深處鮮人知

花陽小築落成

二首

回首平生馬少游人間萬事付悠悠小齋臨水軒窗淨曲徑環山草木幽閉戶光陰如太古寄懷風月亦千秋殷勤一片江南興疏柳門前繫釣舟

滄桑幾度賦歸來萬事從今笑口開性定空山忘歲迴神完大地見春回招呼風月鋤三尺收拾乾坤酒一杯綠野堂前舒愛日漁歌樵唱頌臺萊

喜七弟過訪北戴河趣園見賦二律奉和原韻

庚申  
二首

紛紛朝市輭紅塵誰訪桃源古渡津茅屋新芟堪下櫛石舟垂釣可怡神千重翠嶂詩中畫幾繡青芒物外人領略山林閑經濟羞稱廊廟有絲綸

近獲已先識集備寓以通不

隱

退舍休牽上瀨船千秋泉石爲誰妍山川俯仰成陳迹風月婆娑有宿緣涉世久拚菱作芡會心同悟火裁蓮海天浩渺情無限願祝人間好夢圓

弟昔有水闢之議近遺得戴河東沿地四十餘畝此

鳳未知何日達也

趣園吟

并序 甲子六月

憂居三載久廢吟詠今夏重來海濱讀中峰禪師廣錄于靜中觀物妙動處悟真源覺人生得失榮辱皆屬幻緣苦樂悲歡本無自性返觀內照煩惱即是菩提世人徒自縛耳因長言以詠之

昔營小築東海上倏忽寒暑已十更數椽茅屋雖云陋千樹槐柳午陰清問余胡爲甘

寂寞自來幽趣無人爭放眼不觸塵埃障側耳不接市井聲檻外凌波滄溟小杯中倒影星辰傾君不見桃花源裏猶人耳山川信美疑仙城淨土極樂對咫尺唐虞未邈在平明松爲妻兮鵠爲子風吟雨噪皆天成吁嗟乎莊生齊物乃牘語韓子非達仍善鳴世間萬事空如洗一室盎然太古情我正逍遙忘歲月始知土苴亦長生

趣園卽事

小園數畝剪榛荆閉戶偏多物外情脫著蓑衣旋冷暖淺深花影判陰晴低承墮露珠絲重高趁斜陽燕腹明更有中宵會心處前村天籟起驢鳴

白玉簪

由來色相盡虛花自有幽芳對晚霞閱世風塵泥未涴前身冰雪玉無瑕清陰乞護依林下白石尋盟傍天涯千古美人在空谷一般秋思落誰家

雨後見月

一樣團圓月今宵覺倍妍山空新雨後海闊近秋邊光豈殊清濁形寧論缺圓從教塵宇淨萬里鏡孤懸

乳燕

唧泥燕子爲誰忙幾日飛離各四方應會天心無私覆人間得失渾相忘

海濱觀月

雨洗天方淨秋高月更親蟲聲聞唧唧樹影見鱗鱗玉宇彌空際金波絕點塵渾忘今  
世界却悟本來身

秋田喜雨

隱隱輕雷送雨聲山田露足喜秋成農民一飽鬪誰事且卜天心見太平  
海上小舟

碧水茫茫遠接天扁舟一葉任風牽休言萬里乘槎客若個人登彼岸邊  
趣園下山作七月二十七日

年年遊屐太匆匆幾度幽芳寂寞紅今日倚裝與花約好凌霜雪待春風  
聞宣統遜帝前日步遊香山有感

隆準人稱萬乘尊卽今徒步訪山園崖前尙有遼時柏休唱庭花欲斷魂

奉和姚慎思李公祠頤園納涼二首

門外原無市園中別有天虛堂風自遠近水月能先蓮動魚兒戲林深燕子穿炎涼隨  
地易襟抱故超然

相業垂千古遊人憶勝朝寄懷瞻古柏乘興渡平橋流水鳴琴杳空亭待鶴招夜來明  
月上把酒欲相邀

八月六日到香山松雲別墅甲子

四園山色翠濤傾快似蛟龍縱

香山雨中作

白絮漫漫作浪堆新秋一雨淨

山居即事

二首

山居幽趣與誰論數卷壇經畫抹  
嗚咽雲度層崖看吐吞耳目都迷  
紛紛寵辱且休論百丈紅塵不動  
如舊急雨摧山勢欲吞因悟世間

清暉閣

小閣崢嶸倚翠微凌烟無夢到知

聽濤軒

滿壑松風靜不譁濤聲偏喜到山

仰止堂

石橋西畔小茅堂窄窄柴門短短

習靜齋

萬松深處卜幽居靜對青山展道

甲子八月至德縣壽石山房落成喜賦

何代摩崖壽宇開草堂今始起山隈相期月夜敲詩鉢將待風晨把酒杯幾片白雲浮  
檻出四圍青嶂撲窗來故鄉勝蹟垂千古快事平生第一回

甲子六十初度

二首

六十年來爲底忙于今悟得自心王世情蒼狗雲千態身事黃粱夢一場本不應來無  
足快便從此逝又何傷花開邇甲重新數記取池蓮絕妙香  
堪笑人間舉世狂聊將粥飯答年光明朝未必今朝是來日何如去日長般若一經無  
盡藏彌陀六字自資糧相期得證無生忍攜取醍醐共舉觴

乙丑元日試筆

二首

六十一年金玉身于今幸作太平民天心若致唐虞盛自有皋夔濟世人  
鼙鼓聲中舊歲除及今四海共車書屠蘇飲罷人稱壽斗室絪縕似泰初

遊普陀雜詠

七首

閏四月十五日到普陀步姚慎思原韻

扁舟來佛國島嶼勢迴旋塵外原無世山中別有天金波浮日月紺宇入雲烟不學長  
生術逍遙已是仙

宿寺樓烈風竟夕

帶海橫吹一夜風夢魂搖曳樹聲雄朝來試起推窗看多少危舟駭浪中

磬陀菴僧出示萬歷玉帶

煌煌帝業等雲烟玉帶於今四百年莫道天家遺璽在何如佛國有燈傳

登佛頂山遊慧濟寺

攜筇直上一峰孤俯瞰滄溟地欲無古寺雲開新雨後虛苔烟定放參餘帆懸白水飛  
明鏡簾捲青山入畫圖放眼塵寰成極樂百年端合寄僧廬

仙人井外觀潮

雷奔雪湧海天荒欲問瀛洲意渺茫駭浪堪驚人世險放平心地是慈航

寧波天童寺淨心上人屬題觀音洞水月亭

攜筇直上石崖巔俯瞰塵寰意渺然洞裏乾坤人不識心空隨地有金仙  
松風未足比清華語下明心是到家悟得楊枝空色相莊嚴還仗古烟霞

定海道中

島嶼迴環四面通舟行竟日畫圖中浮天點點青如滴道似江南實不同

庭中楸樹今始着花喜賦

一樹高楸十載栽今年始得報花開庭前喜氣盈千尺從此春風歲歲來

冒雨遊旅順舊臺鴻感懷二首

光緒初先公任津海關道兼沿海營務處頻年渡海與先岳劉鄉林公經營旅順海防予時率內子歸寧砲臺船鴻皆先岳督修苦心毅力駐旅十年後履烟台登萊青道任甲午旅大威海淪陷而烟台獨全豈非人謀勝天心耶至今烟民祠祀之

冊載先公攬轡臨于今遺壘尚崢嶸山川不盡興亡恨日日潮頭有怒聲欲訪羊公墮淚碑天寒霧雨正霏微愴懷幾度滄桑後猶是當年老令威

觀旅順戰圖

海天莽莽帳烟塵彈雨橫飛殺氣昏今見畫圖魂欲斷可知當日荷戈人  
大連老虎灘卽景

數椽聊借虎灘頭門掩松陰曲徑幽野市偏懸沽酒旆村童慣習弄潮舟天連水遠浮仙島雨散雲開見蜃樓寄語繙塵名利客何如物外得清遊

參觀傅笠漁青年會學校

安定遺規世鮮宗何期今日見高風百年塵刦歸遼鶴萬里煙雲付冥鵠周室菁峨開治譜漢家草澤崛英雄佇看海宇澄清業盡在先生杖履中

石本別莊題壁

昔年每在北戴河這暑今夏避地至大連僦居老虎灘日本人石本鐸太郎別

莊傍山臨海頗得幽致

海外重尋近水村人間難覓舊巢痕連山虎踞藏深壘曲徑蛇蟠上嘯園舍邊有廟宇萬里金波天際曉幾家燈火雨中昏殘年住世原爲客省事經旬不出門

奉題李君道衡大連勸業博覽會出品圖說

海徼風雲迭長雄廿年生聚闢鴻濛豈圖鷺鷥來珍異已卜車書見大同月旦品題超象外經綸成算本胸中他年萬國衣裳會佇奏量才玉尺功

約道衡爲嚮導未值遂獨尋金州北山響水寺滿山皆松泉從殿旁洞出流過階除落澗作三疊如小瀑布聲甚幽韻因賦一絕紀畧

乘興驅車上翠微一菴獨叩白雲扉平生願識廬山面三疊泉聲似或非

泉山有三疊  
爲名勝

十月十六暮雪

紛紛白雪繆空庭滿目雲山失故青最好樓臺明遠岫兩三燈火似疏星

暮雪獨坐寒甚感賦

倚杖風迎袖憑欄雪滿衣忘情詩淡泊久客夢依稀山近寒光集天低暮色圍茫茫塵宇淨萬里雁孤飛

雪霽怯寒閉戶

積雪仍封徑高齋獨掩扉寺遙鐘韻短地僻市聲稀落日淡無色孤雲寒不歸爐香伴

清坐息盡萬緣非

六十一年初度感賦

六十一年同幻夢三千里外寄閑身烟雲變滅青山在蓬梗飄零白髮新塵世蠭蟻多  
浩刦故園桃李幾芳春浮生不是無歸處指上分光明月滿輪

二月二十六日到香山松雲別墅桃花正開喜賦丙寅

一樹桃花撲面紅春光也自到山中放教萬壑青松裏看是繁華卻不同

香山登清暉閣遠眺

千村桃柳豔無邊渺渺平原錦繡川更上最高峰頂看星羅棋布到胸前

香山觀雪

白雪春風亦快哉光搖銀海淨無埃漫山松翠驚如失萬樹梨花一霎開

香山小住偶題

世外原無刦園中別有春樹暮風氣勢花借雨精神屋小爐香久山深鳥迹馳羲皇猶  
在眼莫問避秦人

香山晨起小雨又聞礮聲三月初五日

隱隱輕雷細雨飛烽烟忽起四山圍枝棲尚有飄搖感堪歎哀鴻何處歸

盛暑得雨有秋意二首

炎午能令金石流蕭然暮雨倏成秋人生容易驚霜鬢大造何心判葛裘  
衰年火宅苦炎熇一雨欣然百慮消喚起江南烟水興扁舟載酒過湖橋

重遊勞山柳樹台二首

依稀舊隱傍巖前一別蕭條十二年滿目青山尙如昨笑人雙鬢已皤然  
誰把山林作戰場十年三度閱興亡崖間危石依然在堪笑人生爲底忙

七月中夜泛海二首

朗月孤圓碧海深金波萬點夜沈沈輕舫獨放蒼茫裏快寄平生落落心  
皓月當空萬里秋扁舟恰似鏡中遊寄聲朝市縑塵客可有今宵此樂不  
大連月夜泛海二首

大連月夜泛海二首

滄溟放棹欲何之正是風來月到時一樣清光三萬里天心原不判華夷  
天高玉宇淨無塵大地山河日日新今夜月明滄海遠浮沈誰識鏡中身

丙寅大連中秋對月三首

十年孤劍伴征鞍遼右居然老幼安今夜月明秋萬里不知身在旅中看  
放懷高詠獨憑欄月色偏宜海上看百丈紅塵飛不到興來忘卻五更寒  
浩然風露海山間吹盡浮雲月自閒住世已如千歲鶴夢魂猶繞漢時闌

喜晤李薑隱同年贈詩奉和原韻

聯臂簪花日驚心已卅年清風懷海上舊雨聚樽前高臥雲封屋營生莫代田商山今  
再見未讓采芝賢

邵君慎亭邀閣君紉韜李君道衡黃君越川同遊響水寺張道士殷勤具鷄黍薄暮始歸

萬松迷衆壑一徑入仙居賓主情如故杯觴樂有餘清泉喧亂石落日伴歸車好記雲深處他年共結廬

題王岷源字幅爲慎亭

一日班荆成永訣數行珠玉見平生他年化鶴歸來日華表山頭看海清  
題孫君夢錫海上琴緣圖

披圖海上共移情千載孤桐寄意行借問崖前隱君子太公何似伯夷清  
風雪中傅君笠漁見訪

門掩空山野徑斜寒風栗烈雪飛花數聲淒斷穿雲雁一片依稀點樹鴉白髮無情侵  
歲晚青燈有夢到天涯袁安深愧高人訪卻憶山陰好事家

遊湯崗子卻憶江浦溫泉丙寅十月二十六日

隆冬日暖似春初沂水高風樂有餘莫恨江南歸未得天心原自慣乘除  
營口回大連道中遇雪

平生百事仰天公幾日清遊與未窮正恐歸途偏寂寞故教瓊玉戲空中

輓大連雙貞女

大患從來爲有身雙雙白璧竟成塵可憐北里嬌癡女猶似紅羊刦裏人

斗室

菴居歲月捷飛騰門外滄桑幾廢興托足儘同棲樹雀安心遂比閉關僧一尊繡佛清齋鉢數卷青絹小炷燈堪笑莊生觀未達逍遙何必羨鯤鵬

丁卯人日賦寄緯齋青田

金戈匝地動春雷何怪昆明有刦灰逆旅光陰欺弱柳故鄉消息問寒梅天津橋畔鶻聲遠冥海濤頭蝶夢回閑坐小窗生意盎山茶初試一枝開

沽上修禊分韻虹字

永和陳迹太匆匆俯仰無心任化工三月鶯花頻入夢千年詠事已成空幼安異地雲留鶴逸少斯文氣吐虹滿眼金戈天自朗一觴羨不負春風

庭花盛開病起感懷

三首

料峭春寒病骨摧空庭寂寥報花開吟箋欲展情無那獨把遺山誦百回  
幾樹新花閉院門厭厭扶病怯芳尊少陵無限東州恨欲詠兵車已斷魂  
綽約花枝颺晚風病回春滿四山中焚香細讀桃源記欲訪清溪放釣竿

安奉道中丁卯八月

重繆從古障迴川車轍于今掣電穿此車<sub>合陰湖</sub>每洞前後阻溪澗皆架橋而過天限華夷人語別<sub>中韓</sub>深而言語一嘴<sub>綠江是車</sub>路<sub>北</sub>不<sub>同</sub>地聯海陸市情便<sub>中日韓三國百貨交易殷富</sub>漫山紅紫楓榛樹夾道青黃稻菽田<sub>沿濱多高屬人來開水田</sub>父老未忘先德事星霜飛輓說當年<sub>甲午中日之役先</sub>慤慎公以直集奉旨<sub>任前敵營務處兼辦糧台時無火車冰天雪地驅于鳳凰城邊山關間千里運籌艱難萬狀</sub>

九月中由大連至旅順沿途滿山紅柘青松炫爛可愛

海濱延秋逸興酣林巒秀色撲征驂此中合着詩人未紅樹青山憶劍南

感懷

殘生已似再眠蠶俯仰乾坤入夢酣風捲落花紅片片雨催新柳碧巍巍蔬齋一鉢忘兼味茅屋三間勝住菴何日得尋雲水去芒鞚竹杖遍江南

七弟見懷青島消夏一首卽步原韻

利名刊盡一身閑滌蕩襟懷祇有山月下收晉魚極樂雲邊帶箭鶴孤還健攜芳榼青峰頂狂弄扁舟碧水濱海外烟霞期共老勸君莫惜鬢毛斑

海濱六十有三初度七弟寄賀率步原韻以博一粲

相期同作武陵人海嶠歡生斗室春持偈好捐身外事還丹常養谷中神消磨歲月雙芒屨俯仰乾坤一幅巾已種蟠桃堪共老不愁雀噪對空困

戊辰二月十七日微雪初晴登香山過玉華山莊栖月崖雨香館循玉乳泉而歸

得句

破曉杖策獨方羊輕寒料峭雪似霜披徑綴衣草露白入林霑屐松花香畫棟雀穿知人闌印泥鴻迹笑我忙貪看春雲遲出岫山中一日如年長

戊辰新秋青島消夏

天青雲白十分晴幾樹槐陰午更清誦罷黃庭無一事北窗高臥領蟬聲

七弟見示詠懷率和戊辰七月青島病愈

白頭歲月苦駸駸萬事烟雲忌有心悔不讀書無那老憂從識字直于今打包剩禮三龜佛買宅寧期十載陰擊碎乾坤高着眼頓忘塵刦罷呻吟

金志安評示青島下河地格和以答意

存吾順事歿由天何處青山不可扞方寸久知無礪魄彼蒼要自有衡璇茅檐孫子期千襆草澤英雄得幾年願束芒屨隨杖履北平遊約踐言

題楊味雲三月城南觀桃圖并序

今春暮入燕京味雲約隨樊山諸公遊零壇山桃盛開一時吟興頗酣散後匆匆東渡回首有滄桑之感八月令茀攜此圖過連灣屬題率賦二絕以志雪泥纏紛紅雨落杯中雋語深情妙化工留得畫圖千載後風流當與永和同

秋風容易到天涯幾日春城爛熳花無那桃源漁父恨重來始覺是仙家

題無錫貢華閣圖二首

清平佳士重憐才此閣風情亦壯哉一代人文關氣運豈徒名勝足低徊  
滄桑萬事付雲烟高閣欣成刼後緣天地有情終不老好留圖畫到千年

六十有四初度辱荷武青田吳伯生詩祝感懷答謝

天留老眼看桑田且幸膠東有數椽四海鴻噭空袖手一生驚鈍負華顛幼安遲暮終歸里永叔艱難尙表阡但使河清人可俟多君美意頌延年

移家青島適值賤辰承伯生詩賀率賦答意

漫道桃源好避秦已觀東海幾揚塵百年幸有青編在兩曜偏催白髮新天下蒼生思  
袞席人間景福待經綸感君妙轉扶輪手黍谷能回歲暮春

戊辰冬舉室離津感賦二首用迴環韻寄呈七九弟兼訓諸子二首

沾上萍蹤六十年綵衣錦紱倏華顛敢誇世澤門興駟堪歎心期水墮鶩事業幾隨征  
戰盡姓名翻畏道塗傳千秋先德空回首青草祠堂日暮煙

巢空一瞥付雲烟獨抱遺經待子傳紙上是非多鹿馬塵中飛躍任魚鷺得人可挽滄  
桑刲閱世須登泰華顛寄語雁行同努力希夷含有墜驢年

益蘭並蒂已人日

幽芳兩兩喜同心開向尊前寄意深鄭重山林涵養日也曾飽受雪霜侵

孤芳自賞苦無鄰並蒂花開卻有因世外桃源何處覓一菴長養十分春

焯恩二子游美易言

己巳七月初三日行

莫負四方志真成萬里行天空異域近海闊暑風清習尙觀民隱盈虛辨國情胸中塵俗淨所得自分明

己巳九月重遊潭柘寺

偶尋方外入山遊回首雲烟二十秋宣統戊戌九月會此九疊奇峰真鬱勃千年梵宇尙深幽拂簷修竹參差出繞砌清泉曲折流莫道燕京名勝少江南寺寺有斯不

己巳重九日同立弟宿戒壇寺

鞍山寺裏又重陽綠樹迎霜已半黃千歲虬松枝偃仆五朝螭碣字微茫疏嫌數米知年歎衣待裝棉怯晚涼話久卻忘清夜徂起看斜月過西岡

己巳六十五初度

二首

多難餘生真若浮又開六十六春秋家如旅舍誰賓主身似輕雲任去留殘齒天教蠲肉食病腰人羨耐園遊新傳半偈長生訣一炷爐香歲月悠  
欲待河清奈老何偏憐斗室得春多蘭芽競茁愚兼魯棣鄂聯芳嚦且歌市虎已教拏墮瓦冥鴻原不憶張羅即今便悟空王理萬變雲烟一笑過

庚午六月六日遊青島市外九水登窯各村

逶迤海澨自成村石疊梯田水遶門終歲勤劬甘半飽也勝戎馬偏中原  
有感

突鬢蓬頭短後衣夷風漸靡古風微百年禮樂難求野一室芝蘭欲掩扉東里西施誰  
竟是壽陵餘子若爲譏癡頑莫笑深村叟老死山林未必非

觀遠海漁舟

天低浪闊碧沈沈帆靜還如不動心歷徧風濤三十載卻從漁父覓知音

閉戶

坐旁斷簡隨時讀庭下幽花次第開往事全拋空刼外卻疑身似夢中來

庚午八月偕立弟入香山痔發未能登陟喜沅叔見訪

西山最愛晚秋天無定陰晴態更妍紅葉漸添花錦繡白雲飛起玉蜿蜒四郊村落如  
圖畫百里峰巒列几筵微疾未能追杖履好風吹袂亦欣然

庚午八月巨溟同年偕遊香山一宿而別惜未盡興

卅年馨桂氣相求把袂名山契更幽松影罨窗多暇日泉聲繞砌盡清流天連遼冀乾坤  
大地屬金章歲月逍遙喜崖前紅樹晚停車好爲夕陽留

巨溟同年六十壽庚午八月二十四日

四十餘年踏輞塵於今欣作葛天民千秋著述懷鉛槧一代坊型仰席珍飽德未妨甘食淡多文那復計家貧名山事業無疆壽奚羨莊生說大椿

大隱本無朝市爭門欽通德有清名豔傳棟鄂登科事喜讀萱幃正雅聲籬下晚花陶靖節帷前生草鄭康成優游歲月唐虞世好誦南山進兕觥

庚午重陽雨後繼以大雪展讀樂天放翁詩二首

黃花時節雪漫天紅樹青松分外妍山徑寂寥人迹罕好迎白陸到窗前虛簷聽雨興方吟十日山林便是家造物念人甘冷淡故教白雪映黃花

詠諸葛

功名自古怨天慳盡瘁終輸高臥閑六出未回三鼎祚空留遺憾在人間

六十六初度二首

世難生如寄年衰感獨多舊交詩裏見佳日病中過不雨雲歸壑奔林鳥脫羅安心今有法歲月敢蹉跎

一身如掣電萬事等浮煙但使貧能濟遑憂子象賢室溫梅耐久窗冷月增妍不學餐芝術虛懷儘足仙

辛未元旦

忍疾扶衰又見春荆妻相慰白頭親世尊莫莢初開日家重屠蘇後飲人堂構竟分千

里遠格捲猶薦百年新延齡何必昌陽復一盞藜羹飯味真

辛未正月過津舊寓登樓見辛卯揚州所得舊琴匣破塵封琴囊有僧小航畫山

水感賦

廢巢燕去偶登樓琴匣塵封斷未修四十一年驚昨夢尋僧論畫到揚州

辛未養疴西苑一甫來遊數日卽歸

漫言容易又新秋總角論交盡白頭爲愛清泉尋廢殿空邀皓月弄扁舟心摧遼海千年感興繼斜川五日遊鄭重與君期晚節菊花香裏入山不

養雲軒古木

老樹扶疏日影長托根猶及見君王奇材自古嗟盤錯大廈於今想棟樑青杏纍纍曾玉食蒼松鬱鬱尙天香百年雨露消磨盡輸與遊人一夏涼

西園養疴

秉燭光陰百慮除日長人倦午拋書靜聽小雨喧還寂閑看輕雲卷復舒巖壑欲登身轉怯杯盤雖具意先疎不因椎髻來相問全似山僧退院居

湖上雜詠四首

一雨全消暑氣空新荷偏趁夕陽紅緩拖簾杖闌干角飽領清香陣陣風天教白髮遂閑情獨步空廊聽鳥鳴松際清光深夜月驚心偏是子規聲

水態通明春似海山容靜穆日如年相看不厭人來往數盡鷗邊隻隻船  
雨過雲開見遠山忽看倒影入波間天光上下皆虛幻晤得空明處處閑

病中口占二首

將心何處倩人安白髮青燈強自寬但得胸中無一事也勝百服少還丹  
飢渴從來禹稷年不聞陋巷有憂煎風雲憂態吾何與剩欲騎驢太華顛

六十七初度二首

天涯霜露不勝情邱壠心傷缺醴牲萬里關河驚斷夢百年鄉社負歸耕養身鏡裏鬢  
毛白抗志樽前髀肉生幸有遺經付孫子夜窗相伴短燈檠

迂儒何計答年光占盡癡頑老未妨性定驚濤還坦蕩身閑寒日亦舒長重編舊學書  
無佚別卜新阡骨有藏從此逍遙殘歲月扁舟隨處武陵鄉

壬申元旦口占

六十八翁新歲月一家四處喜同春止園半畝風光好幸作唐虞擊壤民

自勸二首

歲月侵人日夜馳清遊火急莫須遲山高水遠多幽處會有登臨不得時  
盈虛消長總由天酒美從無不散筵往事漫嗟飛鳥迹譬如六十八年前

壬申正月作

讀金剛經感言

煩惱俱生幻識中光明本自與天通須知般若純真際不獨魔空佛亦空

師鄭同年以鄉薦四十年爲杯酒之約適養疴西山賦詩寄謝

彈指蟾宮四十秋清輝無恙不勝愁論交文字皆青眼話舊風塵盡白頭尊酒愧君虛左席山林容我作孤遊他年重宴承平日同詠霓裳聽鹿呦

答巨溟琴石論詩

千古詩人里巷間免爰鴻雁不須刪故宮禾黍多哀思白雪皇華總一般

有感

貧乃士之常病則老所同君胡不自適鬱鬱於胸中淵明有道者茅屋遭祝融樂天信達士六十身被風而其心磊落真可摩蒼穹人生真寄耳所守在寸衷形骸爲外物金紫盡樊籠於斯生厭喜無乃鳥迹印天空

南海日知閣題壁

四首 申五月十八日

歷盡風波萬里船天留老眼看雲烟鑑湖一曲今誰賜容我逍遙過十年  
飄泊身如不繫船望中樓閣若浮烟問君日日知何事一覺因循五百年  
屋小纔如一葉船林間巖壑渡頭烟留連風景忘身世猶是桃源放棹年  
閣小如乘天上船宮花寂寞柳含煙曲江風物今何似堪憶唐人及第年

山居

數椽茅竹傍松居丘滿青山案滿書一點無塵人境絕直疑身世到華胥

山居雜詠四首

雨後散步

攜得枯藤伴寂寥前山雨過曉煙消興來不覺尋幽遠一路溪聲到石橋

朝霧

喜從峰頂露朝陽又見濃陰布下方白霧漫漫蟬似海依稀塔影似帆檣

雨晴

朝雨霏微懶出行小軒趺坐愜幽情眼昏不辨楞伽字聞對爐香看晚晴

閒身

贏得閒身盡日遊祇應林下與溪頭喬松影短晝初永啼鳥聲長山更幽

松雲別墅題壁

此身雖老志彌堅常若春冰虎尾邊萬事低摧消厄運一心磊落敵災年洛陽風月思  
康節履道園林羨樂天住世漫云當去客書生習氣在陳編

山居日課禪經

受養心珠不染塵胸中留得四時春雲容變去明生滅溪響喧來悟果因大地是抨人  
是弈青山爲主我爲賓滄桑歷劫尋常事鄭重爐香定裏身

天太山道中書所見

籃筍尋幽景最奇風光觸目耐人思

一村無水居偏聚千仞迴峰路轉夷櫨未豔時先

敗葉桑從焚後出新枝此間消長類如此

天地何心物自爲

過寄塔村長五里全然無行山春過一片石路極荒平不知琪在山上也黃榆迎霜紅今年雨多葉全衰

山居即事

愛山忘地僻避世覺身輕雲起峰巒換風來戶牖清改詩消午倦拜石驗平生莫謂成

孤寂黃鸝不斷聲

題習靜齋壁

已悟吾生真若浮林泉送老百無憂雲容石態朝殊暮野草幽花春到秋偶爾會心成  
獨笑有時信脚作孤遊城中車馬紅塵客也得山翁此樂不

聞雁

家山望斷幾烟嵐雲水歸來好住菴老厭風塵悲去雁年年秋思滿江南

放言

已無咄咄手書空別是人間老鈍翁粥去飯來殊草草花開木落總忽忽晨興愛就東  
簷日夜靜知防北牖風天地陰陽歸變理也能康濟一身中

秋晚入城

捲地西風滿眼秋放懷隨處寄悠悠身開始覺乾坤大時難偏驚歲月道三畝未謀歸  
邑宅一樣難借見山樓殘年無復安排計書肆茶坊得小留

病中取香山語自慰香山六十八病風子病賦二首

中歲幸逃夭折厄卽今衰朽已爲遲身無官守家無債正好寬閑養病時  
我生周甲已天幸况復餘年近古稀大化爐錘知有主去何所戀住何希  
病起

塵紛消盡意愔愔一宿棲禽喜茂林已駕驪車還小住浮雲變滅本無心

自嘲老態題畫像二首

心唯一不媿事卻百無營宴集慙生客箋題避舊名衣寬肱股活食簡腹胸清老眼昏  
難合猶希見太平

倏忽常嚴百歲身無端誤墨也傳神笑他不失本來面卻作人間強項人

胡季樵同年以所刻叢書見贈賦謝

桂苑香消四十年又摹老眼看桑田山河故國皆殘土身世秋波已逝川舊業未隨征  
戰盡高風猶藉繫鉛傳知君別有探驪訣恰似南華木雁篇

六十有八初度

二首

多難餘生厭市喧入山深處卽桃源米分齋鉢蘇隣里字校殘經課子孫調氣敢希衰

體健安心方識外身存剩儂秉燭清遊願詩滿奚囊酒滿尊

滿頭霜雪百憂經獨酒三杯半醉醒何日蒼生得蘇息舊時朋輩已凋零風塵澁洞河山暗滄海橫流草木腥自怪癡頑殊耐老夜窗高詠一燈青

癸酉三月重過揚州口占二首贈贊卿姪婿二首

春寒不減舊京華三月揚州未見花二十四橋風景在獨憐月夜起清笳遼天野鶴渺雲煙一別揚州已卅年莫訝婿今頭易白兒孫又見滿堂前

肩輿遊勞山北五水戲癸酉四月十一日

輿人相戒脚根牢怪石凌嶒水怒號堪笑衰翁頑似鐵歷經世險等秋毫

青寓看花

向言花晚怯春寒幾日芳菲倏已殘分付園丁勤護惜明年扶杖引孫看  
自述

早隨射策六徵車晚避司農雨焚魚得失久拋空刦外功名從負此心初喜分方外齋廚供還讀兒時胄監書風疾未嬰無技遺香山雖樂比何如

山居癸酉集體

年老身當逸心清境亦遷林泉惟屬我風月豈論錢無是無非地不寒不熱天問今何歲月如在結繩前

匯泉公園晚步

獨往山林趣不同炎曠忽已換清風池心初月斜釣白樹杪殘陽一抹紅鳥語蟲聲來  
聒聒衣香人影去忽忽眼前生滅無窮境都在先生一笑中

海濱雨霽

閒出柴門望新泥路欲迷波搖孤嶼活雲截亂峰齊草茂蛙聲壯林深鳥韻低老人無  
定處隨意過橋西

香山秋居二首

老來髀肉怯車舟且喜西山得近遊峰勢頻迴便深秀泉聲入細轉清幽風生萬木涼  
如洗雨過千巖翠欲流最是一年孤賞處動人詩思正新秋

天遣疏庸遠市紛一邱常臥養心君乍晴松影窗中見方曉鶯聲枕上聞鎮日高居臨  
絕壑有時孤岫送閑雲名山終老非無事靜對爐香校典墳

題譚貞女殉禮圖二首

旣倒狂瀾萬事新閨門泄沓總輕身誰知南國江沱處猶有冰霜自矢人  
禮教於今盡撤藩婚姻道苦更何言斯人一息爭千古忍讀吟箋幾斷魂

山禽

滿耳溝聲萬壑松一菴常是白雲封林間時有禽來往誰謂幽人鮮過從

山花

薄有山花次第開疏疏紅紫間階苔一雙蝴蝶翩翩舞肯爲幽人破寂來

山月

玩月山中景一奇飛空如見衆峰馳浩然風露清宵後卻過松陰故故遲  
山家

山居侵曉靜無譁松影環窗綠透紗忽聽雞聲出林表白雲深處有人家

山居卽事

平生淡泊是吾師獨往幽棲與性宜地靜松聲歸壑遠日聞花影上階遲林間鳥隱飛  
方覺葉底蓮敷落始知雅有天機堪入畫寂無人處好尋詩

自壽六十九一首

少小聞言羨古稀如今所得亦幾微人生體本同天地不悟無生念念非  
人人券內有期願畢竟期願又幾時松老槿榮原一致樂天安命是吾師

自况

菴居事簡意偏長自喜林泉草木香四面雲山來几席一庭風月入杯觴每從野叟尋  
孤寺偶遇詩僧說盛唐俯仰幾忘身世處齋心直比到羲皇

自况

老病秋來日日增扶衰猶賴故溪藤  
豈無鄉國思南越每爲風塵困北溟落落殘經娛  
短景寥寥交舊等晨星放懷不覺掀髯笑自况居然退院僧

白露後下山倚裝作

恬退由來與老便襟懷無日不翛然腥羶屏盡消前業疾恙微留鎮厄年心遠地偏原  
具足時和身泰敢求全一年容易君休歎贏得秋風亦美緣

癸酉九月回籍省墓

二首

霜葉丹黃滿眼秋殘年百感戀松楸衰宗扶植無長策樂歲艱難有隱憂方信王侯等  
螻蟻總知華屋變荒邱青山似特憐游子出岫孤雲故故留

重到江南老眼明最難佳日是秋晴四山綠樹間紅樹一路泉聲送鳥聲溪父分潭攜  
子釣村翁倚丘看孫耕故鄉風景猶如畫誰挽天河洗甲兵

六十九初度寄七九弟暨諸姪

二首

歎息棠華兩墜紅得年誰料屬瀛童大二周甲余幼多病難危身世三肱折飄泊鄉心五處  
同彭澤且遺多子憾香山還有半身風浮生變滅須臾事始悟瞿曇說苦空

豈信金丹有大還平生耐事儘癡頑一無所病惟除老百姓不如人祇是閑築矮前微全  
廟享鵠鵠新兆得峰環六世祖中玉公處士公先考慈慎公三弟家柯今年落成仲兄味西改葬得佳城何時遂作青春伴白  
髮清尊話故山

甲戌二月遊金陵無錫遇雪而歸

乘興江南好覓詩杏花春雨正當時  
具區萬頃波真壯鍾阜千峰雪亦奇  
無限風光輸繡口不多故舊盡銀鬢老身尙及中興日  
一度遊來一度思

奉和範之先生癸酉除夕之作

年年爆竹歲除中造化弄人似戲工芻狗催成千世界  
兵戈製就幾英雄北窗小隱羲皇上東魯斯文日月同  
願祝先生金石壽放翁故事懶治聲

松雲別墅雜詠六首

養雲軒

世事難逢笑口開林泉幽處好徘徊  
松如意循簷長雲自無心入牖來

習靜齋

歷盡人間憂患深老來方解惜光陰  
閒持蠺簡聊遮眼靜對爐香得養心

聽濤軒

何事言齊物本虛莊生名論豈誣歟  
聽來萬籟知誰使夜半松聲忽起予

仰止堂

攜得琴書遠市城聊將小隱畢餘生  
莫嫌四顧無鄰舍山半時聞笑語聲

五宜榭

面面窗開不受塵天然圖畫得傳真四時美景知何限一日閑來是主人

清暉閣

依山小閣樹爲垣祇見清陰不見門莫笑老身孤寂慣青禽來去伴朝昏

雨後晚眺

頓消殘暑覺身閑徒倚柴門未上關萬壑爭流溪驟響千林欲暝鳥初還泥融曲折路  
旁路雲散橫空山外山天與幽人助清興玉釣斜挂柳梢彎

山中賞雨

變態風雲匪所思向來山色失峨峨乃知天地多涵蓄煙雨空濛又一奇

山中病足

山居恰似閉關僧涉澗穿林謝不能長日惺惺三尺拂清宵寂寂一孤燈幽花解笑空  
相向頑石無言喚不響獨守湛然方寸地光明常是日東升

憫老步康節林下吟韻

百花代謝已無存蒲柳還希不老春蠶簡親來頭易眩賊風襲去足難伸飽飢細忖鎗  
銖飯寒燠時稱絲絮裯垂暮熟觀天下事敢疏調護子遺身

老病自勉

三首

豐鑠期願豈力爲金丹祕訣更多歧鼠肝蟲臂從他化一卷南華是我師

瘦薄于今竟白頭便從此逝亦無憂劉伶荷鍤猶非達薪盡何嘗火不留添膏獨惜夜深燈爲善孳孳愧塞登一息尚虞聞道晚未臨易簷且兢兢

聞蟋蟀

嘯傲烟霞歲月深悠然萬事不關心無端驚起清宵夢淒切秋蟲砌下吟

讀擊壤集

堪羨堯夫值令辰年逾七十太平民乾坤浩浩何妨樂草木閑閑總是春堯典邃深聲自永羲經悟徹筆通神余生恨晚風塵老天挺人豪寤寐親

松雪別墅題壁

山如四壁樹爲樊小屋參差便是村着個飄然白鬚叟那須世外問桃源

夏日山居

一庵門掩得深藏物妙天機靜裏商風起飛鶩先作勢雨淋老柏自生香胸無壘塊乾坤大坐有詩書日月長送盡夕陽山更好恍然世界本清涼

園居消夏

寄身廢苑意翛然一點無塵境自仙雲霧半藏山外寺樓臺翻映水中天荷心曉露香  
恆遠松頂斜陽翠更鮮好景每從閑處得未妨粥飯送流年

養生

恃強信弱兩皆非  
勤慎治身理庶幾  
甘美略嘗防過食  
清涼才覺便添衣  
晨興調息神常斂  
夜住空心夢自稀  
更有一言君記取  
常存歡喜是天機

自詒二首

重圍突出利名場  
老廢方知少壯忙  
足軟妨行高下路  
眼昏才讀二三行  
萬松過雨秋先到  
百鳥吟風晝倍長  
莫妙香山安樂法  
恍然身世兩相忘  
已墮黃塵七十秋  
風霜雨露總悠悠  
百年勸業空尋鹿  
千古文章祇汗牛  
逆旅何常留客過  
太虛不礙有雲浮  
齋心玄牝功應驗  
合是愁時也弗愁

今歲七十頭眩廢書專持佛號默坐養心作歌述懷

一日少一日一年  
老一年形骸薄似露  
世事去如煙人生無根蒂  
飄泊誠堪憐我少不  
更事功業冀騰骞已覲與已溺  
夙夜廣憂煎熟知竟大謬  
忽忽雪盈顛高飛翼不振疾  
走足不前廢然方自省  
聞道恨未先蘭膏終自苦  
擣櫟始能全狂瀾既已倒一葦安障  
川母乃自貽戚于人何尤焉晚始驚  
夢覺辨香師昔賢懷懷芻狗訓服膺木雁篇  
如此積有歲稍稍名利捐無奈迫衰羸病魔相糾纏  
展書未終卷目昏頭亦旋從茲常默坐  
私淑蓮宗禪冥心依極樂彷彿見金仙稱名萬德具愚頑可立  
鐫曠然遺身世如獲解倒懸俯仰天地間一味信前緣  
鋒刀常坦坦毒藥也便便吾雖垂日暮誓以補前愆倘  
或笑非達更請問樂天

有感

世變離奇道始尊恍然魔佛本同根空化遇物何忻厭幻質於人孰怨恩萬籟松聲風度壑一簾竹影月當門閑觀綠野桑麻長依舊桃源洞裏村

玩易

堪笑癡頑七十年晚知糟粕是陳編得閑舒卷雲歸岫無礙光明月在淵滿地落花酣舞蝶半天高柳聚鳴蟬卻從一畫前觀易萬物盈虛總自然

六月二十六日重到香山

獨有山居興味長紅塵隔盡暑全忘千巖滴翠才如洗萬木無風亦自涼拄杖不嫌坡  
攀確焚香偏愛屋深藏老人去住原皆幻清夢還應上沅湘時有友納  
並賦山

題齋壁

桃源何處覓仙鄉小隱山林世可忘地僻衣貧差近古民淳穀賤罕言荒蔬餐漸減知  
年邁書課常閑覽日長莫道河清難久俟北窗高臥便羲皇

自吟二首

胸中莫留一點事眼底常展數行書治金伐石雖不足美睡甘餐卻有餘  
人寰何處覓仙居但使塵襟痛掃除更得深山結茅屋淡然身世到黃初

頭眩

剎那遷變不停留知命應無事可憂眩作祇同身泛海人生斯世本來浮  
腿痛

微疴

留得壓災年足蹇何妨心泰然衣食幸無奔走事山遊况復有行纏

有感題著書圖

萬方多難一身勞弱弩寧能息怒濤垓下幾人憐覆轍隆中何日識英豪飄搖風雨鶴  
音苦寥落河山馬骨高千載興亡天有眼好將詩禮付兒曹

四十年前常遊揚州僧舍至今思之恍如隔世

揚州精舍是僧家雲水相逢自在茶壁上淡描三世佛庭前長養四時花晨堂粥鉢香  
如積夜殿鐘魚靜不譁四十餘年醒一夢于今梵宇起清笳

甲戌過金陵復成倉橋

一別金陵六十秋慈闈空有數椽留多情最是倉橋水猶記兒時舊釣遊

遊金陵舊貢院門前商場

一闋聲中路欲迷入門無復舊威儀喚回五十年前夢萬士肩摩接卷時

甲戌十月過蕪湖省老宅有感

故園南望路迢迢多難生經壯志消正憫哀鴻聞野哭更堪戎馬養天驕百年堂構廬  
將敝十載風煙木已凋剩有先疇付兒輩好持世業共漁樵

遊龍渚廣福寺呈量如上人

重作梁溪五日遊最饒清景是龍頭漁歌起去扁舟遠梵唄聞來小寺幽幾曲畫橋聯澗壑千林紅葉映松楸平生願得茅庵隱請揀湖山佳處留

甲戌十一月初二日先妣忌辰

痛別慈顏廿八年恩深顧復到華顛兒今七十親當慰欲獻清尊淚已先

生日感懷

衰年感慨多對酒獨高歌身事同看鏡民風等逝波無從修禮樂誰與息干戈不判今宵醉清暉奈月何

七十雙壽寄賀內子

齊眉古稀看清福自來難庭內原無棘階前卻有蘭長齋心淡泊緩步體輕安好隱鹿門去青松共歲寒

勸遊寄內子

家雖居是客身卻老如嬰欲學長生術無妨放浪行有蔬餐易美得杖步能輕孫子何須念惟留心地耕

勸遊二首

事業文章老已休今朝遊得且須遊待將足輾頭旋日錦褥華堂祇自囚

人生何事得安排荷鍤劉伶亦自佳玉食錦衣難貸老不如一杖兩芒屨

七十初度述懷

示子兼謝諸親友  
四首

放翁幸及宣和末我去宣和又幾辰夢裏衣冠如隔世眼中魚鳥亦親人獨遊拄杖寧嗟老宴客多蔬豈示貧自矢終年當閉戶春秋虎尾事吾身

滿目瘡痍不忍看自慚迂拙誤儒冠遺經恐墜先人訓

先公嘗諭子孫以讀書明理爲本分事業

收族常憂

後嗣單

本族自吳之後生計凋零不無百丁會麻恤之

身以白圭爲玉律心從玄牝養金丹獨憐南國烽烟久

惆悵鄉閭又揭竿

至德縣毗連江西入甚猶號邑人多避難

世上何人不白頭忍看滄海溢橫流眼昏脚蹇便多逸

領三年

飯足蔬安敢過求

絕

已六陰慶萱圖開百秩

吳太夫人今年百齡追慕著圖爲紀念

敝廬藻薦嗣千秋

金陵

今故家祠

絕知道

義無今古愚婦終懷恤緯憂

預鐫墓碣待終藏

自撰墓志

自笑閑身底事忙且辨荆釵貽燕翼

今秋爲長孫招更謀

更謀

衽席起虹梁

募建至德縣萬善橋三月告成

菊畦新闢軒楹爽

濟南新廟千本

荷花清遊肺腑涼

居顯齋

養病倘遂龐公遺子願年年菽水勝稱觴

西遊雜詠

十二首

避生會西遊關中過華州寄謝親友

車走塵飛疾似風浮生何啻一驚篷數來秦漢駒光裏望去崤函蝸角中社櫟不材今

已老蓼莪增痛古應同雲天高誼情無極遙寄華封祝與公

過華陰望太華

用崔顥韻

山奔萬馬赴神京俯瞰中原局早成欲喚希夷醒舊夢喜瞻蓮崿得新晴雨收巨掌容都斂雲截三峰勢轉平我已久忘名利客長生未學學無生

對華山慕希夷先生

抗懷千載慕希夷車走紅塵路不知今日儼然瞻道貌巍巍壁立是鬚眉

題玉泉院希夷石像影本

傳來幻影見真仙枕石翛然正熟眠欲喚先生跨驢背于今一夢又千年

由陝州一日抵西安望咸陽周陵有感

入關先後幾英雄黃土誰尋宿莽中函谷空聞騎犧叟華陰難遇墜驢翁千年都會山無恙萬里征車軌已同遙望先陵嗟日暮煙塵撲地眼矇矇

雪中登長安北城望咸陽

巍巍秦漢舊山川俯仰興亡意惘然哀怨餘音聞出塞圖形故蹟渺凌烟何年北海羝還乳幾輩東門犬尙牽卻憶灞橋風雪裏古來驢背有人傳

酒樓眺雪

二首

七十衰翁作壯遊西瞻自古帝王州灞橋今日饒風雪郤爲尋詩上酒樓

高樓百尺不知寒四面雲山雪裏看城郭已非歸鶴杳令人空憶古袁安

登雁塔見元祐慶歷諸公題名

科名梵行兩成塵興廢何堪說往因畢竟聞人名不朽非關塔雁亦津津

回車雪中重瞻太華

岩嶺悵望雪盈顛心與名山結後緣掌摩巨靈原示幻祠空武帝漫求仙百年僕僕塵  
澑海萬事茫茫杵倚天準備芒礪春暖日峰頭放眼看雲烟

洛陽謁周公廟

定鼎堂空護短垣門前廳廳是周原茅茨雖見民風古禮樂誰知王道尊三代衣冠徒想像千年廟貌僅虛存試思營洛當時意體國何曾恃虎賁

遊伊闕懷古

千載名山孰主賓百年興廢每相循周原廳廳塵依舊砥道平平轍已新寺過兵戎無  
牘宇碑尋牧豎有知津樂天去後暮風月詩酒流連更幾人

乙亥元旦試筆二首

大耋初開喜欲顛元辰氣象勝年年雖驚爆竹聲除歲卻似風光廿載前民國以來  
未嘗無爆竹

爆竹今歲始開此聲

屠蘇飲罷意方羊靜對銅爐一炷香堪笑白頭閑不得滿腔心事爲人忙時本義至舊  
學本義正善張

乙亥二月二十六日偕七弟大覺寺看杏花遇林詒老

喜從荆樹逐繁華邂逅詩人笑語譁麥隴縱橫鮮浥露杏林高下豔爭霞借炊紅粟留僧舍遙指青帘問酒家願祝年年春日健萬株花底話桑麻

乙亥三月同七弟立之遊青島勞山諸勝偶得小詩聊作紀念十首

蔚竹菴道中

山深不見市塵喧始信淳風太古存疊石爲田才片土依巖結屋自成村千尋絕壁疑無路一派清溪直到門滿耳松聲滿眼竹雖非世外亦桃源

宿華嚴寺

海角名藍又一奇絕無人處忽開基峰巒迴互溪多折樓閣參差路亦危萬籟松喧供梵唄百年花發見孫枝殘生倘得身長健願借茅菴後日期

重遊太清宮

夢醒黃梁二十年天留老眼看雲烟久經滄海猶身健再到名山亦宿緣樹杪着花皆古幹竹根繞石遍清泉羽師能記前朝事欲訪知音問七弦唐光緒間先公接東時有韓道士善鼓琴今其徒劉廷璽者在華嚴寺中此奏曾奉先公部下猶存其行伍

擬管對華小築

在華園下大勞觀旁

滄桑閱遍厭紛華方幸吾生今有涯矮屋三間方丈席小園半畝四時花百年荏苒原爲客一日清閒便似家但得蓮峰風月好亦無心事覓丹砂

遊北九水

九水山輸二水奇溪聲瀲瀲柳絲絲傍崖十里田高下恰似江南春暮時

明霞洞

黃精玉竹養山新苗

春曉丹台照綺霞漫山靈藥茁新芽秦皇倘識神仙境何事空勞海外槎  
登德人廢砲台

故壘憑陵萬里風濤聲淘盡幾英雄依稀戰血留殘壁空對桃花寂寞紅  
重過登窯看聚仙庵古耐冬盛開

古寺無人晝掩扉羣山赴海作重圍輕陰留得花常好不似桃源去後非  
海濱公園二首

廿載風雲戰壘空桃花依舊照筵紅閱來千古興亡事都在潮痕漲落中  
身健心閑春暮天看花品茗送流年眼看碧海波千尺帆穩何如早繫船

止園題壁北平

小園遙述市城間車馬無聲鎮日閒池引清泉如絕澗牆圍高樹似深山心安始覺乾坤大身退方知道路艱抱甕灌蔬吾事了柴門雖設卻常關

過雙清遍設鐵柵云護飲料阻遊人戲作

院靜林深晝掩門闥無人迹破苔痕清泉自愛在山日謀食誰曾問本源

題林斐成鷺峰山莊乙亥八月二十八日

卅載消沈雪上鴻巍峨棟宇忽盤空仙山樓閣居然是會着遊人入畫中  
久聞高士得身閑啓宇層崖不畏艱今日登臨天地別始知仙境在人間

秋夜乙亥九月香山作

萬卉爭春百鳥鳴尋芳載酒總關情秋來別有會心處臥聽空階蟋蟀聲

遊覺生寺觀永樂華嚴大鐘

文物莊嚴比鼎彝萬鈞一鑾幾回移低徊五百年間事可有鐘聲似舊時

三萬斤重

內外鑄華嚴金剛等經全部沈度書小楷極精明初置大內後移萬壽寺又移此

七十有一自壽二首乙亥冬月

百年富貴等浮雲老桂冬榮亦自欣足蹇逢山貪緩陟耳聾觀樂喜微聞賞心兄弟傳  
詩草繼志兒孫誦典墳莫道河清難久俟今朝得酒且醺醺  
此身愈老愈顛狂落日銜山幸有光憲作清游知稼穡時尋佳釀問坊場門稀車馬諸  
緣淨坐擁圖書萬事忘笑慰荆妻同鶴髮齋孟蔬水勝桃觴

乙亥九月二十五日味雲約仲虎彤士劍秋蔭伯同飲春明樓酒後遊陶然亭遇

散原老人暨伯夔君任若木諸公偕立之七弟同來分韻得老子一首

不上江亭二十秋城南名蹟多荒草天留我輩看滄桑回首風雲如電掃傾心宇內幾  
詩人相逢客裏惟稱好年年風雨妬重陽今歲天清寒不早青山萬古總無情憑高一  
嘯抒懷抱九原可作誰與歸鸚鵡香魂空懊惱衰柳蒹葭帶野水天涯恨別陽關道留  
連古寺日已斜門外車聲塵浩浩人言孟琰可乞靈世間萬事憑蒼昊駐顏不守永與  
鉛裏腹但豐梨與棗爾來交舊若晨星勸君莫惜金尊倒如此清遊更幾回人生難得  
閒中老

仲虎先生七旬壽辰

南國蜚聲仗劍遊滄桑閱遍雪盈頭平章軍國三千牘嘯傲湖山五十秋務觀老勤鉛  
槧業淵明質不斗升謀共來燕市高歌地擊筑相從大白浮

相知恨晚惜殘年炳燭光分問字筵話雨每思春韭夜看花常趁早驚天仰瞻甲第清  
芬冊喜誦豐鳴雅詠箋並世耆英賡洛會二張齒德邁前賢

乙亥初冬遊拈花寺愛其閒靜將營菟裘爲終老計因借其廢廬五楹修葺爲靜  
室既竣頗軒敞十月二十二日與立弟夔恩二兒暨予貞紹棠養吾希文諸友  
本寺長老全朗量源等十人仿樂天爐峰草堂故事具齋施茶果以落之喜賦

俚句

相業祁公邈莫攀也希屏迹叩禪關清泉白石胸中有紙帳蘆簾物外閒務觀老懷歸繡佛樂天生計入香山具齋施果今猶昔想像爐峰亦解顏

於前明嘉靖原名千佛寺清康熙雍正間重加修拓勢勝今名北平自光緒中葉後屢經變亂內外諸刹一切古像法器雜殘殆盡獨茲寺巍然如故無幾毫損失是由全副有上人道行高潔感召人天默切佛佑區區寄居都城五十年今衰矣

丙子正月三日重過北海濠濮間口占

二十年前此養疴金元老樹幾摩挲雲烟回首消磨盡輸與西風一棹歌立之七弟六十壽辰

堪羨萱庭戲綵袍詩書更喜起兒曹燈紅酒綠歡無極白髮蒼顏氣自豪四海風雲同轉軸五湖煙水可容篙願期介壽承平日耄耋相從醉濁醪

相對尊前雪滿顛恍如梨棗戲當年早膺薦辟匡時策晚好吟哦壽世篇桑海幾番原是幻桃源一室也稱仙算來六十無疆壽猶似方中日在天

丙子人日仲虎招飲同席共壽八百喜賦

相從高會及新春盡美東南共主賓却後貞元舊朝士尊前長慶老詩人引年衛武思慶爵飽德溫公喜率真不數義熙閒甲子放歌同作葛天民

丙子正月二十四日立弟六十壽與一甫六十七同生日又值西甫七十壽合之予年七十二實弟五十五共三百二十四歲一甫挈同登最高樓攝影賦詩爲

紀念

三世論交歲月道歡聯棠棣海添籌神清喜對千秋鏡足健同登百尺樓元白貽謀思比屋陶朱送老弄扁舟會當圖像追坡叟笠屐相從放浪遊

丙子正月至津幼梅見訪暢敍離悰贈詩屬和勉效壤歌聊當鼓腹  
白頭相對兩衰翁四海瘡痍痛疾癱誰嗣風流來稷下空懷豪傑入關中版圖自古征車苦蓬島于今弱水通君有文章能壽世何妨星值燭磨宮

海山風雪憶當年回首滄桑意惘然鵬舉鸞飛同是樂雁烹木壽總堪憐胸羅文繡矜書笥腹饜膏粱恃硯田詩酒清狂如昨日羨君今作地行仙

一山先生見示十老詩勉步元韻

乾坤我貸作陳人大患由來貴有身桃裏難尋秦氏邑柳邊尙醉葛天民苔岑落落星臨旦萍水茫茫海漲塵且喜乞言遙介壽芝蘭緘得滿腔春

正月冒雪遊北海公園二首

清塵廢苑及新春樓閣仙山畫本真古木寒鴉雖寂寞相逢也有覓詩人  
扶杖衝寒踧躅行天容慘淡靜無聲飢鳥獨啄枝頭絮誰念茅檐待粟情

二月二日大雪後登瓊島遠眺

雪霽寒光照眼明憑高身直小蓬瀛北山屏嶂橫千疊化作銀濤萬里平

丙子二月三日 先妣百齡晉二進慶自拈花寺進香回聞第一曾孫女生賦以  
志喜

欣聞設帨值昌辰追慶金萱百二春今日拈花叨福蔭他年詠絮得傳人秀鍾襁褓重  
闡愛美奐門楣四葉新堪羨兒曹強過我含飴早及黑頭身

止園題壁

二首

且喜鶯鶯占一枝春花秋月總相宜性耽泉石閑成癖坐擁圖書老不知幸有微疴容  
避客苦無傑思諱言詩浮生歲月皆羈旅常似扁舟不繫時

四面濃陰綠滿城小園半畝愜幽清源泉修規思遺澤溫室繁花悟養生魚戲波平春  
沼暖鳥嚦風定曉窗明人間自有桃源境豈獨神仙博美名

三月三日偕七弟約仲虎少楠劍秋稷壇修禊潤之蔚如形士不期而遇  
冰雪纔消曳杖過書英邂逅笑顏酡天教厄閨芳時晚人重延年美意多故社有情憐  
草木中原無計止兵戈佇看大地春風遍萬里塵清海不波

三月中北海公園探杏

誰言節候萬方同廢苑春深雪未融瓊島螺青輪北塞瀛洲草綠怨東風鵠翻黑白盤

空際魚戲東西倒影中造物無情寧有意杏花偏向日邊紅

施達雲未消盡東坡  
杏林已露紅梢

濟南止園養疴

丙子三月南遊車中腹脹劇痛遂止濟南

老病方知行路難江南花事夢中看小庭風月情無奈聊展吟箋強自寬

濟南家祠春祭畢未得南歸展墓感賦二首

一年一度薦烝嘗未展松楸倍慘傷咫尺音容天際遠白雲深處認吾鄉  
滿眼春暉草色新清明時節倍思親年年先壠虛牲酒不及墦間有祭人

懷金陵故居

絕裾妄謂志承先違侍晨昏五十年今日追思揮淚地空餘風木恨終天

自二十歲至下仕官奔

走中間得侍慈廟者歲三數年耳乙巳楚寧

者死叩頭時吾母垂淚從此慈廟未得再見

懷蕪湖先第

先公晚年所營今爲義莊祠宅

先澤留遺已卅年故園喬木長風烟椿萱隱德思無量今日孤寒有義田

先公孝友堂先妣樂旛會

讀易理臆言

墜緒茫茫勢已摧閉門絕學就誰裁先公手澤義經在日抱遺編誦百回

說病

四大原來暫假同病由不病在其中吾今覺痛卻非痛悟得無身患自空

濟寓喜見海棠二首

江南薊北百花繁禁足慨慨欲斷魂喜得一枝破岑寂畫闌相對卻無言

綽約芳姿幾度春  
年年寂寞怨風塵  
今朝老眼殷勤看  
贏得花時作主人

金牛山觀杏

二首

一道清溪幾曲灣  
參差紅杏萬松間  
漁舟四處閒來往  
全似江南舊隱山  
千樹山顛井水涯  
風和日暖正飛花  
兩三茅屋成村落  
可有青帘賣酒家

青島春暮看花

二首

又見梨開雪滿枝  
今年春比去年遲  
天公有意憐衰老  
故遣芳菲特後時  
老人病蹇重遲回  
桃杏爭春處處開  
風舉雲車能縮地  
千村萬樹就身來

驅車遊李村丹山

村村桃李占春光  
車走風馳道路長  
一日徧看花百里  
放教閒事卻成忙  
下河于村小憩

花紅柳綠麥青青  
野市山村歷歷經  
會得堯夫行樂意  
小車何處不堪停  
魚鱗瀑道中

輕輿直上碧崔嵬  
細徑盤迂折百回  
削壁天成雲外立  
危崖路絕石中開  
日移樹影知峰轉  
風挾溪聲似雨來  
最愛小亭觀瀑處  
野人苦茗勝新醅

知足歌

寄九弟

人生七十風前燭  
要脫天刑解桎梏  
掃除胸中閑是非  
忘卻世上虛榮辱  
身無痼疾家

無憂寒有粗衣飢有粟時時退步卽安然道德五千在知足吁嗟今世事難言第一籌  
塞翁失馬爲忠告霜天正厲雁行飛月黑須防矰繳觸

雜感三首

服玉餐芝術不傳浮生夢滅等雲烟從今只合空山老飲水茹蔬亦自仙  
養生藥餌總無靈疾恙孱軀實飽經杜漸防微在衣食似飢乍冷費調停  
世途何處不迷邅屋漏真如對帝天師友凋零身亦老心香常爇影衾前

食戒

年老百憂輕疾病爲至感須臾或不慎飲食成勍敵鳩毒隱肥甘殺業開自喫缶豆與  
盤蔬過飽猶及溺念此獨何心口腹敢求適人生非金石一息如拱璧先師懷明訓朝  
乾更夕惕生熟寧無崖鼠壤有餘瀝我本多難身衆矢集一的淡泊養真元勿負天所  
錫

平生

平生多脆弱垂老百無成劍守刻舟迹瑟求膠柱聲功名忘甌墮文字媿蛙鳴獨幸齋  
居樂還教夢寐清詩書千載契湖海一身輕莫問滔滔者狂歌伴耦耕

道暑長山作二首

何處能逃夏人休爲熱忙心專能忘暑性定自生涼披甲趨前敵流金總道場老年容

易過轉眼是秋光

一入香山境翻然悔昨非  
騰騰辭火宅寂寂掩雲扉  
天淨塵如洗峰迴翠作圍  
晚來防快意露坐卻添衣

七十有二初度感懷

二首

酸寒病骨久龍鍾

左服酸痛

身世安危不繫胸差慰靈馨開四世

今年喜得曾孫女

尙虛文史

課三冬

前助徐先生立

族微士苦兵兼役

族丁本少徵兵

歲熟天蘇却後農

故鄉雨

今年收蒿目鄉隨無奈老錦衣空惜夜行蹤

今年收

蒿目鄉隨無奈老錦衣空惜夜行蹤

殘年惟羨地行仙放浪山巔與水邊蓬艇爲家波蕩漾籃輿探險徑盤旋崢嶸五頂雲  
中境縹渺雙林海外天

北五臺南普陀皆

何日茅菴遂終老姓名得避世人傳

老態

禮簡交遊絕身慵日月長看書惟引睡得句亦旋忘食少嫌餐薄衣輕負體強中宵不成寐枯坐默焚香

山中

山中不覺暑隨事可怡情吟罷花間坐餐餘樹底行看雲胸次豁聽雨夢魂清此是期  
頤券何勞問廣成

憶江南

二首

止菴詩存

誰助南遊興天清雁影過稻梁隨地足橘柚渡江多落日依高嶺秋風逐逝波放翁詩  
卷在八十尙烟蓑

暫住家如客支離病起身遊偏於水適老更與山親柳暗三湘雨花明五嶺春中宵勞  
夢想強學少年人

老逸

幸得老時逸方知去日忙心期邈雲漢魂夢繞江鄉獨立乾坤隘孤征道路長頽齡能  
善忘且復近壺觴生平數十年爲國計民生及故鄉  
舊事皆付烟波思之慨然

讀易二首

渾沌乾坤萬古來無端鑿竅立三才五千年後兵戈刦盡自庖羲一畫開  
大易原居未盡前湛然誰象帝之先尼山道統仁爲首可信淵源在韋編

晨興獨坐

未起荒雞舞頻驚畫角吹風雲蒼狗幻歲月白駒馳身老家如寄時艱夢亦悲茫茫江  
海遠搔首欲何之

香山懷古

山川無改色父老有遺思地萃三朝勝香山古蹟甚多遺承安後金  
甘露寺隋行宮梵宇十餘處人班萬里師  
香山  
功平金川殘林棲鳥少故壘夕陽遲零落宮牆在披榛訪斷碑

丙子七月與子貞同居香山喜壽田藻亭遠來適立弟自津至賦詩持贈率步原

韻用志嘉會

二首

一邱小隱藏身久千里高朋覲面難各有文名垂宇宙共來白髮對青山袖中海外新  
詩本襟上江南舊酒班暫得林泉同作主人間晚福是能閑  
浮生衰病藥難除差幸閑身得自如萬壑深藏忘歲月一窗高臥有詩書梵修空慕唐  
三藏酒會猶慚漢二疏且喜明簪聯棣萼清談雅詠到黃初

丙子七夕後四日壽田藻亭一甫子貞同飲西山酒樓立弟卽席賦詩屬和因步  
原韻兼寄同坐諸公

高會耆英慕古風翠微峰下興無窮催詩欲雨當頭黑挾醉流霞滿頰紅天地有情人  
不老江山無恙歲仍豐清遊莫厭盤飧薄真率猶堪故事同

丙子七月癸巳同年公宴巨演賦詩屬和勉步原韻

江山爲主我爲賓句垂老身名孰與親幾度中原看逐鹿何時郊藪見遊麟愴懷桂籍  
情如夢感念萍蹤語益真願頌期顧還饗鑠年年同醉玉壺春

贈孫芸生

并序

熙自童年受知于濟寧孫文恪翹首師門五十餘年風塵奔走未遂瞻依今夏  
得晤賢孫芸生世兄雍容儒雅克紹家風以詩書教授國人欣佩無量謹賦俚

句用伸景仰

兩荷生成豈宿因  
熙十六歲入泮二十九歲領鄉薦皆出師門斗山青及不材人風塵有幸江河壯天地無私草木春  
鄉試首藝蒙師特賞評中長江大河滔滔汨汨之筆有喜見箕裘賢繼世媿虛衣鉢老爲民山陽夢斷侯芭痛車笠心期白首新

丙子七夕癸巳同年公宴芸生世兄賦詩屬和勉步原韻

文場早退幸全師身世渾如未算墓迹近香山廢還往心隨務觀學頑癡人間甲第風塵老  
癸巳年秋于今四十有四歲天上有星橋歲月移  
近有依新歷舊乞巧故事七夕今日詠觴推伯獻難忘清白聖明時

富春舟中作

丙子九月

山如玳瑁水琉璃秋晚江村景益奇柏紫橙黃遮路斷渚清沙白渡舟遲入雲疊巘重難數澈底游魚樂可知到此平生不虛讀李營邱畫放翁詩

七里灘謁子陵祠宿桐廬

富春一宿夢魂清不盡江山萬古情窗外波搖沈宿影枕邊風送遠灘聲桐君香火隆秋賽嚴子雲仍重祖彷彿隱德自隨天地永豈須簪組始垂名  
嚴子雲孫世守今七十歲矣

九月十六日平津車中觀月

如海沈沈夜碧天豁然風露浩無邊平生百感都消盡萬里橫空看月圓

探梅

丙子大雪前二日同人有消寒之約賦此寄意

底事探梅日有程冰霜百折錢餘生尋來東閣知心少盼到南枝醉眼明驛使魂消家  
萬里綺窗夢斷月三更衰翁春意胸中滿笑掣奚囊踏雪行

酬筱汀親家見惠壽詩

三首

伴影青燈白髮鬟故人情重有詩函喚回三十年前夢風雨蓬窗抵掌談  
已拚分作溝中瘠何意人知爨下音入表同昏今昔感停雲猶見百年心  
開緘珠玉滿籯箋龍馬精神宛現前愧乏瓊瑤鳴瓦缶心香遙祝大椿年

七十二初度息菴七弟寵以詩章謹步元韻

不作枝求氣自和榮枯夢境付南柯引年未恨昌陽少閱世方知枳棘多炳燭夜遊良  
有以漿巾日飲更無何天教棟幕春難老剩覓桃源把臂過

丙子除夕薦辛盤

爆竹聲中閱歲華老人一室靜無譁驚回五十年前事御菜猶傳百姓家  
我生初及中興年家慶椿萱福祿綿今日青燈映白髮難忘索棗戀衣牽

丁丑元日試筆

光陰催老苦無情閉戶方知樂趣生胝手六書摹絹白樓心一典見牆羹几橫松影香  
盤篆窗透花姿鳥弄聲歲月優游人自壽昌黎何事不平鳴

二月十一日大雪中遊西郊

三首

誰見荒郊白屋貧梨花萬樹豔無倫天公作意拋珠玉妝點人間富貴春  
白雪陽春和久空探梅逸興幾人同會心直入莊嚴地身在漫天花雨中  
累盡閑身自在行心清大地放光明天教老眼瞻仙境海畔銀山擁玉城

自幸

功名遇合命多撲導引長生術不傳啜粥茹蔬窮巷裏誰知也遇古稀年

止園題壁

學盡癡獃歇盡狂數椽容膝得深藏盤蔬有味身彌健車馬無聲晝更長掃淨萬緣三  
尺劍行持半偈一爐香老龐非不兒孫念卻笑斤斤八百桑

晚霽獨坐

一編終日掩齋扉雨過泥深客屨稀莫笑衰翁耐孤寂人間可愛是斜暉

遊西郊長安寺留題

九衢轂擊厭車塵極目郊原浩蕩春山寺無僧花正好天教閑處着閑人

清明日獨遊稷園山桃正開感賦

傾城桃李旋成塵閱盡貞元幾度春莫笑衰慵耐幽獨天留冷眼看花人

早起出遊看花

繁華洗盡少年癡破曉看花亦自奇萬紫千紅春意鬧怡情偏在獨遊時

止園花放小坐

一窗寂寞送年華世事無涯生有涯且喜眼前春意滿相看不厭故園花

山中喜雨

春來久旱四月二十八日夜雨連朝

霏微連夜雨身喜出塵寰澗曲添懸溜雲封失遠山尋詩驢滑滑載酒鳥關關一片江南興依稀若夢間

松雲別墅題壁

丁丑六月

且喜閒身與世忘一邱一壑得彷徉豆棚瓜籬知時熟酒榼詩囊伴日長觀化百年餘蝶夢歷途跬步盡羊腸殘生何幸衰中健讀罷西窗看夕陽

仲虎屬題其夫人楷書詩冊遺墨

幾幅蘭箋翰墨香知君伉儷勝鴻光乾坤清淑歸彤管家國憂危入錦囊名媛由來多厄運斯文終不祕幽芳會看笙磬同梨棗松雪名傳內美彰

觀書有感

詩書之厄始贏秦世事如棋局局新翻自古已聞天補石子今又見海揚塵夢回蕉失難尋徑春去桃空莫問津安得生公重說法有情都作點頭人

雜感

二首

間把浮生物理推月盈日昃儘相催縱教天地隨人轉誰見江河到海回身外萬緣空  
嚼葉夢中一境苦依槐英雄千古皆兒戲讀盡羈編笑口開

翛然白髮寄山村物我無心孰怨恩燕倚春風趨畫棟牛禁暮雨入柴門炎炎火宅騰  
新燄疊疊沙溪牚舊痕掃盡浮雲天地別鳥啼花落自朝昏

暑中喜雨

苔色侵階潤簷聲入牖宣嶺頭封舊路樹杪挂新泉頓失炎天苦翻成縮地仙江南煙  
雨意千里落尊前

山居卽事

老人何計得消閒除卻吟哦事事艱目暗松窗慵遠矚足躋蘚磴罷躋攀波光掩映塔  
旁塔雲影參差山外山欲寫丹青無妙手戲題齋壁且開顏

自詒丁丑八月鳳樓中得第二會孫女

山河終古在天地本來寬世以平爲福心從問去安蔬餐矜食美文褓慰承歡無限斜  
陽好雲烟過眼看

賀楊味雲親家七十壽二首

三世論交晚倍親雷陳誼復結朱陳甘棠稷下曾留蔭正笏朝端不染塵今喜笄珈同  
壽考久聞蘭桂盡儒珍平生低首推通德剩撫新醪說往因

賈華閣上繼詞仙五嶽歸來擁卷眠紀事竟分班馬席吟秋欲續庾徐篇著書歲月閒  
中老住世滄桑刼外緣八表同昏數知己開懷共慶古稀年

中秋對月

三首

茫茫大地突風塵道路誰憐骨肉親  
今夜月明天萬里清光猶照亂離人  
滿眼烽烟滿眼秋從來邊釁爲封侯  
無情最是今宵月舉酒難消萬古愁  
烽火連天夜色寒團圓鄉夢得歸難  
清暉偏照流亡屋獨倚高樓不忍看

避地天津重九與西甫一甫市樓登高

二首

殘山臘水夢中身濁酒黃花孰與親  
我輩異鄉爲客慣眼前多有失家人

用王  
集韻

萬方多難一身輕苦雨淒風更滿城  
正復無糕題未得劉郎原不負詩名

七十有三生日感懷

二首

目能給視耳能聽福禍原非在杳冥  
東海已揚塵浩浩中原方見火星星  
斷機芸衆生無計屏藥荆妻禱有靈  
天相殘年敵憂患常嚴屋漏寸心銘

知也無涯生有涯宣和尙及己堪誇  
遼天幾見千年鶴銀漢誰通萬里槎  
蝸角疆分猶愛國桃源路失漫思家  
河清自古人難俟聊喚芳尊聽暮笳

登市樓觀雪

三首

丁丑十二月十六日

郊原蕭瑟阻清遊莫放山陰訪戴舟  
一片寒光千里目動人詩思最高樓

扶搖直上一身輕欲挽天河洗甲兵大地如銀春有意流民百萬待歸耕  
逐獮驅蝗屬望深蒼生待澤勝甘霖祥雲小試空中戲猶見乾坤愛育心

丁丑歲暮祀祖

千載雲仍歲祀崇雞豚不改舊家風心驚幕火尋棲燕目擊烽烟送斷鴻落落義經綿  
世澤茫茫媧石補天工時危祖德方知厚竹報平安五處同

弔俞節士福焜兼慰巨溟同年

一朝完大節百世發幽光浩氣文兼武休名弛亦張中原方頌洞巠室盡流亡馬革平  
生志神歸德不傷

天變風雲色人爭日月光一門三世表千載四維張黃口生猶寄丹心死不亡英靈山  
嶽在伯道竟何傷

孟莊書室題壁二首

聊將一室視山邱閉戶寧知歲月道大地龍蛇方競走深林鹿豕可同遊琴尊嘯傲空  
千古書劍縱橫隘九州領取淵明觀大化未應白髮伴閑愁

學業空疏悔已深惟將淡泊惜光陰利名畫斷急揮劍血氣調和時撫琴一色青蔬覬  
地力數聲黃鳥驗天心老年無復箴規友自課神明對影衾

息侯金梁少保同出陳桂生侍郎門下屬題其女孫曉雲女士之弟子名伶趙金

蓉詩集悵望師門不勝今昔之感

莫從荆棘問飛蓬五十年間萬事空驚嘵皇州曾是夢夢中何處覓春風

陌上飄塵雨不知桑田滄海更堪悲公孫妙舞今何世忍賦芬芳弟子詩

避難津沽聞至德舊宏毅學舍屋燬書焚坦亭樹伐季青姪率眷入深山禹良孫

逃徽州感賦

戊寅七月

亂離時世故鄉思一紙音書百種悲大廈竟辜寒士庇遺經奈失遠孫期心援骨肉金難寄夢繞松楸木已衰堪歎老身耐飄泊琴囊劍匣尚相隨

七月十五對月

紙灰驚起樹樓鴉今夜何心玩月華一樣清暉多少淚流民百萬已無家

中元節祭先

盤蔬粗薦獨泫然家國興亡七十年追痛先親談往事亂離豈祇在生前

有感

春秋不作痛詩亡浩刱蟲沙劇可傷安得桃花山外地子孫世世守耕桑

自詒

萬緣前定有天裁七十殘年念已灰除卻焚香並啜粥別無一事上心來

養心

彭殤一致總成塵大患從來爲有身天地委形何足戀要將淡泊養心君

秋思

董傳事起換經一年夏英全國不勝感喟  
二首

方寸成灰鬢已絲  
那堪務觀示兒詩  
烽烟遍地生難料  
寒暑催人老不知  
海內英雄爭崛起  
天涯骨肉盡流離  
千年青史重回首  
試閱金元代謝時

百年酣夢委塵埃  
太華騎驢亦壯哉  
日月不情終不老  
風雲何去復何來  
盛時將相原無種  
前詩太衰之  
後詩書尚有灰自古興亡雖定數要憑人事挽天回

止足

松菊從吾好  
琴書結古歡  
流年如水逝  
浮世等雲看  
蟬腹腥羶絕  
蠅廬坐起寬  
餘生知止足  
何物動憂端

對鳧老人重印聖蹟圖徵詩

圖成聖蹟日經天  
盛事今看步昔賢  
滄海橫流驚一世  
尼山教澤亘千年  
珍藏要似經留壁  
浣讀還如韋絕編  
近聖人居公最甚  
故應洙泗有薪傳

借花市小屋爲靜室書此補壁

結廬人境絕紛譁  
心似山僧已棄家  
塵拂藜床如是足  
三椽六尺又何加  
百年日月輸欹枕  
萬里江山勝斷絰  
從此清齋無別事  
讀書纔倦卽看花

重九日雨莊約同西甫子貞震初佩璵小酌觀菊並登新華最高樓因憶南中親

友

城郭當年邈莫尋遼東歸鶴此登臨菊因逢閨開偏早酒爲澆愁酌更深話舊幾人誇  
總角憑高何處寄鄉心青天莫問空搔首且聽飛鴻有遠音

冬至前五日得雪約西甫子貞佩璵同飲市樓遠眺用重九詩韻

山河綿繡恨難尋被野祥雲喜已臨萬里途平鴻迹遠千村澤透麥根深待看日月銷  
兵象先見乾坤育物心痛飲市樓驚歲晚天涯白髮幾知音

先妣忌日泣賦

痛失慈幃己卅年雞豚空薦涕泣然松楸淪入兵戈地腸斷飛鴛點點天

聞君機杼聲

至德誠錄

基

弘孝友堂故宅亦被毀通半

七十四初度

二首

秉燭光陰豈久留況經多難又添籌百年幻境輸欹枕萬里烽烟怯倚樓憂國有心存  
典籍思親餘痛墜箕裘兒孫勉慰尊前意且祝江南寺寺遊

殘息才支鬢已凋放懷且喜解天弢漫思卷石填滄海將見強弓息怒濤一篆清香持  
小刲半杯濁酒餞今朝書生自有千秋業閉戶寧能與世鑾

癡頑

超然塵網養心君獨有癡頑二字真不是將心敵憂患和心忘卻始全神

止菴詩存

二十二

達觀

淵明視家如逆旅前途漸窄猶惕惕放翁曠達無與倫來本不應去何感自古汾陽會  
有幾至今思之同拂覽掃空泡影見真吾一點靈光毋自汨

生日思親二首

少小羸尪豈永年萱堂顧復百憂煎今朝白首思萊舞難挽音容拜几前  
幼志輕離重顯揚老知菽水勝羔羊絕裾一失悲風木抱恨終天祇自傷

有感三首

戊寅歲八日

吾家世存忠厚慈祥先考生平極重教育力培後進先妣慤恤孤貧推解  
不遑且常以此訓子孫熙數十年節衣縮食罄貲施濟所恨時乖事舛迄無長  
策今經大亂收集餘爐令兒輩聯合慈善同志組織持久善舉常承先志不  
墜家風于焉是賴惟世變方殷後顧茫茫不知能否天假之緣尤惴惴焉  
夢境艱危萬苦辛登山無徑渡無津曉雞一唱窗虛白依舊藜床自在身  
平生屋漏矢銘心萬事低摧口欲瘖畢竟乘除天不爽安然粥飯到而今  
幼承慈訓勖推恩常存在耳言一事無成今白首愧將艱鉅付兒孫

讀書有感

勸業文章愧不能臨窗展卷意兢兢未曾聞道身先老辜負兒時半夜燈

戊寅除夕二首

光陰彈指雪盈顛志道無聞媿昔賢詩禮己奉庭訓守筋骸奚比石頑堅衰時舊業同  
潮磧濁世浮名入暮烟若問此心真面目返觀七十四年前

物態從教日日新閉門聊得樂吾真心遊與世相忘地身是叨天獨厚人萬里風雲雖  
變色百年禮樂尙知津燈前靜對爐香裊幾樹梅花別有春

己卯元旦津寓試筆二首

大地春回氣象昌太平民物慶熙穰蚩尤毒霧能多少自是堯天舜日長

韶齡隨親抵析津回觀卻似夢中身童心未盡慈顏邈反掌興亡七十春

得鄉書感賦

陋邑袁宗故國情承平版籍子遺丁登樓心怯斜陽處愁聽雲邊斷角聲猶憶仍時事

全蜀微訂

病中示諸子

勲業不救時文章不傳世負此七尺軀平生多顛蹶豈謂不逢辰獨遭天地閼筋骸如  
芭蕉先秋已凋敝寒煖苦節宣飢飽費調劑絮衣勝腋裘蔬食屏雞彘居室才尋丈塞  
步怯階砌性本愛山林清遊等夢寐陳編希尙友白陸尤深契風日偶晴和出門無所  
詣朋輩如晨星寥寥幾後裔晤語重悲傷多言取罪戾亦或巾柴車獨往無人際心曠

夫宇高眼明風月霽徘徊賦小詩俚句詮真諦足已聊自忻悅如舟不繫人生固有涯  
泡影誠危脆富貴如春花誰哉能罔替稽古賢哲士經綸在利濟撫衷自循省視身若  
疣贅殘年百念灰恨渺身後惠滅族衣弗完鄉鄰食弗繼睦婣與往卽庭訓志未逮引  
痛切肌膚每思輒橫涕喘息告諸兒慈祥吾祖制餘慶豈汝私幹疊惟汝勵勤儉而推  
解忠厚而孝悌世界莽風雲屋漏質天帝瓜瓞卜綿綿至性爲根柢世澤倘能延含笑  
從此逝

弔張勳伯撫軍二首

赫赫當年定遠侯玉門生入隱鋤耰天教鼎沸中原日難使英雄得首邱歸田舍肥成  
葬地

碑  
清

叱吒曾令萬馬空興亡未決若爲功年荒四野多豺虎錯不藏身人海中  
題北洋名公致外舅劉閣學公書札二首

羣賢濟濟中興年聲歎芝蘭入錦箋鎖鑰北門傷往事空留紙上幾雲烟

先君橐筆起江南袍澤惟公共苦甘今日馨香留異代燕齊相望兩燈龕

民國十年  
士紳請建  
龕

詞先君暮年於天津與  
司北洋監司中所鑑有也

檢焚舊牘有感

五十年間萬事空羞將老眼送歸鴻幾多家國心頭血盡付雲烟變滅中

遊英公園五十年老海棠盛開

薄靄輕陰護縠妝天公有意惜春光憑肩仕女嬌無耐逐隊兒童喜若狂乍轉流鶯知驟暖頻招遠蝶似聞香花顏不改承平日夢繞西園欲斷腸

和園海棠  
昔年最盛

喜次孫嘉良授室

已卯五月初八日  
二首

種德詔謀百慮寬青廬借地在國民飯店  
禮堂行禮喜承歡禮嚴著代孫由子瓜衍椒繁倚杖看新蓮並蒂及時裁喜見孫枝次第開繡褓已乘雙竹馬明年迎得石麟來

長嘉前年完  
聯已得兩會

登樓有感

朝市飄蓬五十年清時無補又烽烟倚闌不覺斜陽晚貪看孤雲伴鳥還

五月二十日佛號滿千萬聲

余稱佛號初無定期自丙寅年始每日定二千聲計程十有三年矣  
二首

不貪世諦不朝真七十年來百苦身今日稱名過千萬可能歸作佛邊人  
少年猛志喪吾真憂患如山集一身老慕金仙方徹悟夢中何事得由人

有感

人家最忌事事足此語吾聞于胡公消長陰陽天不爽君看熱極必生風

七月六日洪水突至津埠盡成澤國

須臾平陸變深淵真似黃河水自天風捲濤聲村樹杪日搖波影市樓顛幾多行李成

漂杵百萬流民在露田安得賢能如趙抃療飢拯溺獲生全

自遣二首

風塵歷盡雪盈頭勸業文章志已休贏得身心如木石丹經讀罷且清游  
七十年來醒幻夢三千里外寄閒身茹蔬啜粥由天賦底事能憂淡泊人

遙望水中樓閣有感

煙樹微茫景一奇凌波樓閣鬱參差流民圖已無人繪卻賦東坡海市詩

中秋對月

一年容易又中秋萬里歸心浩莫收情話千端無處訴殷勤惟有月當頭

庭中夾竹桃入秋大開

空庭幾樹竹兼桃次第秋花伴寂寥寒檠不妨招蝶疏枝猶得集鶴鵠雖非金谷繁  
華勝也似雲臺逸興饒方寸清虛天地闊始知鵬鵠等逍遙

重陽日九弟招飲市樓二首用王維韻

四海烽烟愴此身白頭兄弟倍相親舉杯更勸茱萸酒翻羲者年是壯父今已五十八  
矣

菊花十里伴閒身回首揚州孰與親地老天荒今古恨難忘百口渡江人

歲五十年前  
九月九日  
在揚

九月十九日同九弟約西南一甫雨莊佩璵蔬酌爲展重陽會和佩翁詩原韻  
九日重逢醉眼青舊交零落若晨星涉川安得先三甲通道誰能遺五丁玩世光陰同  
野馬弄人造物是寧馨黃花開晚知無恨十度風霜又飽經

七十有五初度兒輩進重遊泮水圖爲壽感賦二首

青衿繞膝慰高堂六十年前夢一場盛世衣冠隨籍去中天禮樂付詩亡車書翻作乾  
坤厄文字誰聞翰墨香儘有英才偏閭里稱名那復列宮牆  
漢官儀已蕩無存釋菜誰知聖道尊萬里櫬檜悲浩刼千年秦火痛餘溫牛刀莫笑弦  
歌地燕翼還思通德門畢竟詩書能繼世區區衣鉢付兒孫

生日述懷二首

老人風燭亦欣然漫說添年是減年口羨香醪看客醉心懸峻嶽藉詩傳光陰難繫花  
間露世事如飛草上煙晨粥一孟宵一枕技求消盡卽神仙

文章勳業本無期獨有箕裘願不移遺愛心欽南服目慈祥耳熟北堂時衰殘已戢希  
文志頑健還資務觀詩身後可能流澤遠尙將繼述望諸兒

己卯除夕感懷

守歲兒童喜欲顛老人心緒獨紛然羈危故國三千里瀕洞風塵五十年何日黎元登  
袞席無邊蒼狗幻雲烟高堂菽水嗟難再扶拜龍鍾俎豆前

庚辰元旦試筆三首

元日光華氣象新陽回斗室又生春老人拜舞無多祝再覩昇平作幸民  
又見辛盤百果堆故鄉風味笑顏開筋骸倘似常年健准擬江南買棹回  
未敢貪天壽且康甘餐美寢答春光心危不減華胥夢腹儉還贏壑瓮香

自詒

夢境何休短齊觀孰等量養成知命學修作引年方食少同珍餌心虛卽道場任教桑  
海幻身事付蒼蒼

水仙二首

出水花枝照眼新一番冰雪一番春會來天地無私意隨處桃源可問津  
孤潔無言遠世情亭亭金玉自天成夷齊千載風猶在白石清泉共此生

孟莊宅偶題二首

八十開年已半強市朝經閱幾滄桑從教舊歷更新歷卻認他鄉作故鄉椿蔭難回驚  
歲月槐陰未茂怯風霜龜堂願學隨緣住日日街頭看戲場

萬縵歇盡寸心安斗室端居似海寬枕蓆探源同志少荆榛塞路獨行難蘭芽競秀知  
春早松蓋辭榮耐歲寒風雨漂搖常閉戶一篇木雁養金丹

題齋壁

浮沈人海媿虛生霜鬢龍鍾老已成檻有藏書期世遠室無長物覺身輕隨緣施藥非  
言惠遺悶尋詩不計名安得女媧還煉石尚摩病眼看河清

病中作宴客寒又傷生冷壯熱三日二首

聲色侵人病莫興老來貪食更堪憎美餐入胃如吞石甘菓凝胸比飲冰下箸危於臨  
大敵選珍難似覓夏朋膏肓豈是無端至氣血摧傷藥不勝  
一飯疏虞廢寢興百番反側百般憎胃寒安得回丹火脾溼殊難解澤冰減膳禮疏慚  
對客加餐情厚怯邀朋老人謬試千鈞弩奮臂方知力不勝

養生

隨緣息念安天命慎食防微卻病魔此事躬行須自策養生妙訣本無多

虛靜

進食不多能養氣見人時少得安神五千道德惟虛靜要識精微後此身  
隨分

暑寒不忘衣加減風雨惟依室徜徉康濟自身媿康節也知隨分答年光

安禪

一生碌碌爲人勞老譏安禪可補牢贖有晨鐘並夜磬戲將聲寂問兒曹

憶昔

名場憶昔少年雄徒步風塵百里中孝秀書生從古重貞元朝士與誰同城民今故輸  
遼鶴家國興亡付雪鴻今日一燈依病榻青編有味勝兒童

十五歲時由本邑赴鄉試八千里徒步兩日到

此片惟手一翻對影聊不苦也

卻病訣

二首

跏趺半結倚籬床收視環臍轉火光守得癡頑卻病訣如天大事莫思量  
電光石火有何常日日隨緣作道場無慮無思名極樂半飢半飽是仙方

老妻閒話

庚辰余七十六妻七十五二首

二人一百五十一頭童齒豁舌猶存滄桑往事從何說尙把艱危告子孫  
世界安危常草草家庭興替亦悠悠休嗟三黨尊行少兒輩于今且白頭  
讀醇王傳相海軍大閱記書後

二首

千古河山似弈棋賢王上相亦何爲蒼生浩刦今方始五十年前運已移  
天厄英雄恨不平危機常向盛時生乾坤解紐嗟何及誰使連鶴勢不成

先外舅劉閣學公百齡追慶

三首

憶從親迎謁音容倏痛弓藏馬鬣封今日營齋天地別還思海外覓仙蹤  
俎豆馨香寄海東當年卻敵出奇功令威今昔河山感警茲如聞百歲翁  
上壽期頤復幾時卽今冥慶重追思乾坤不朽綱常在一世孤忠百世師

追慕慈親

夢裏音容無計覓松楸千里心恆惕老昏偏記在童年乞芋牽衣猶歷歷  
一葉向母乞制之  
二文市食之

病起偶吟二首

十日春光病裏看牆頭柳潤鵲聲乾晴明頗動青鞋興心怯隄邊未減寒  
百歲原難樂事多好春况復病中過今朝生氣纔絲髮便擬尊前發浩歌

病中謝親友相問

病魔難遣亂時屯故舊還因異地親報語加餐須努力相看都是白頭人  
養病

簾櫳聲靜木陰移正是清閒養病時書策目昏無日課睡餘遣悶卻吟詩

白頭

少日心期慕白頭白頭今屆復何求挽車方識騎驢樂得寵翻增望蜀憂葉底蠅眠徒  
自苦花間蜂逐爲誰謀淵明豈惜前途窄高臥羲皇歲月悠

題畫十首

小病兼旬閉戶無聊坐對屏山率得俚句拉雜書之聊志臥遊情趣云爾  
相同屏山作臥遊此身如在百花洲烟波渺渺鐘聲遠欲往溪邊喚去舟

柳黃草綠早春天最好風光是水邊十里鶯啼聲不斷家家齊放釣魚船  
一派溪山不染塵田園廬舍亦仙人此心若使殊巢許縱有桃源莫問津  
兩岸青山解送迎波平帆飽一舟輕老夫對此生狂思身似江湖萬里行  
十載姑蘇夢裏蹤層層塔影一聲鐘今看圖畫添幽致試劍池邊好着儂  
四面山如碧玉堆白雲深處有仙臺亭中一叟依稀見猶帶筆床茶灶來  
病餘足蹇目猶昏書策塵封更閉門忽見江南舊遊地水村山寺得重溫  
柳陰驅犢水如漿四野催耕處處忙屋角鳴鳩勤喚雨聲聲猶帶杏花香  
桑陰幾處臥閒牛蠶事豐成麥有秋莫笑農家終歲苦一生衣食與天謀  
高文無那病支離獨有雲山興未衰百感衷情難縷訴請看十絕畫中詩

夢遊靈隱

身入名山衆壑深路隨啼鳥亦無心尋苦一徑知何處風送溪聲過竹陰

答友人約遊山

遊山本是覓閑方卻爲遊山特地忙我欲結茅最佳處開門朝夕對山光

老病

馬失非爲禍花開豈有長病知浮世苦老悔少年狂殘息半甌粥清心一篆香老聃原學易妙理問羲皇

有感

草草光陰一百年百年曾見幾人全天心夢夢逢陽九世界茫茫閱大千已歎中原紛逐鹿更看大地墮飛鶩會須喚醒希夷叟驢背相期太華巔

自勉二首

術無導引還延算計乏奇贏尙厚生百事敢貪天賦予要將爲善矢雞鳴  
莫嗟枝葉傷秋落好培根蒂待春生知幾一念天臨汝陰德由來若耳鳴

無心

莫執無心尙有心好將禪寂老光陰中天月到光盈室大地春生綠滿林

市隱

一生好入名山遊備垂老翻成市隱謀滄海田中新世界紅塵堆裏舊春秋數椽且復親鉛槧小圃聊堪荷棘耰欲問鄉園歸雁少夕陽明處怕登樓藝居津租昇三年矣

喜雨四月一日二首

掃淨風霾別有天霏微小雨助花妍小公園山人生隨遇須如此一點無塵便是仙  
暄日尋芳有幾回東風啼鳥十分催天教微雨殷勤護留待詩人載酒來

遊倪氏林園

依水園林氣象舒幾行高柳蔭扶疏豐碑大碣將軍墓木斲牆圬處士廬雨足尙添新

菜甲潦收難覓舊芙蓉山邱華屋今無恙贏得平泉世世居洪武後荷盡葉枯只有大鷗

我

有感二首

寥落田園有樂天及今况復義熙年未能樂土營三窟已是浮家歷五遷南渡衣冠等塗炭西征道路慘風烟夷齊倘弗辭周粟薇蕨焉能百世傳

木壽雁烹本自爲病侵虎噬欲何之百年日月雙飛轂萬里河山擲一棋天地無情猶橐籥乾坤有象作蓍龜平生磨蝎甘憂患老奉丹心是我師

邀友看花

乘健偷閑有幾何春光九十本無多今朝日麗花枝好酒椀詩囊莫負他

戲嘲老態

老來嬌怪勝兒時百事多乖嬾護持不耐輕寒偏惡燠甫傷鋪啜又號飢耳聲肆應支吾對足蹇孤行寸步移最笑閉門苦岑寂枯腸搜索打油詩

奉和鶴菴自笑原韻

同是閑雲自在身任教東海又揚塵一春美景無多子十日清游有幾人與世不諧難避俗得天獨厚尙全真桃源未必非凡境尋得溪山作幸民

棄產感言

萍蹤舟載似浮槎垂老翻驚四面笳洗甲回天籌有日連烽徧地等無家未能松菊留  
三徑已是圖書散五車白傅田園尙寥落吾廬何恨寄天涯賴宅秦之南下而故鄉直不  
能歸之苦從此飄零不知何日得安居矣

養慵

不覺年光速翻嫌人事忙擬遊還怯步得句亦旋忘粥晏晨鐘後書拋午枕旁時時留  
小疾天賦養慵方

自儆

浮生百歲少得笑幾回難戒懼逢災這從容遇事安齋心銘屋漏息念鎮波瀾逆順休  
忘道胸中抵海寬

曠觀

窮通倚伏要觀全世事誰將後視前快意每招衰病苦多財還損子孫賢春秋草無  
私地山月江風自在天二十四年猶一瞬汾陽富貴亦雲烟

孟莊新葺止園消夏四首

小園草草勝居鄉袖手晨昏一炷香莫笑閒坊人事少殘年光景喜深藏  
掃盡紅塵喜不禁閉門還似入山深茅齋低小偏忘暑幸借簾梢半畝陰  
豈慕夷齊北海濱疏慵聊得養天真因時花鳥娛清晝隨分杯盤洽比鄰

炳燭餘光已悔遲誰知閉戶有餘師枕經蕭史嗟何及曳杖閒吟白陸詩

自笑

自笑龍鍾百不能菴居淡泊曲吾肱漫言居易三齋月終歲蔬餐薄過僧

清明道阻不得掃墓

養親負米恨無能寒食鶗聲感不勝望斷家山懸萬里夜來魂夢繞荒陵

喜得皓孫書二首

弱息投荒瘴海邊魚沈雁杳已三年花開花落驚殘序雲卷雲舒任際天定違心期輸汗馬伏波身世仰飛鳩衰翁幸展平安字贏得甘餐與熟眠

家國興衰不百年艱危歷盡尙身全衣冠卻走蠻荒地衽席翻依瘴癘天橐筆中興思祖武楹書季世望孫賢乾坤消息空搔首撫簡燈前一泫然

壽俞巨溟七十

士林道義久蓋聲奚止文章重鹿鳴卻祿直追陶靖節著書何讓鄭康成千年史鏡扶名教百世儒宗啓太平天地有情終不老祝君豐饒見河清先主著作甚多其鏡古鏡傳宗軌載二種最有傳世

遺

中秋憶故鄉

佳節仍多難浮生曠得閑野花供老眼獨酒慰愁顏世變朋儕少時危道路艱江南風

月好何日故鄉還

先公秋祭感言

先公天津專祠在河東遺溫在孟莊宅設位舉祀  
南院今春新葺三楹名春暉臺將爲子孫供奉香火之所

音容宛在拜尊前淒愴秋霜已廿年

先公辛酉十九月葬今已二十年矣

瀛海難忘完趙璧

析肆猶記絕

義編先公晚年住孟莊著易理匯參楹書世亂思繩武豚豆時荒愧掩肩千里松楸空拭目故鄉何日

熄烽烟

光緒庚子兩宮蒙塵苦折衝約成兩宮始得同鑾

前年熙革屯綱湖同宅立

議和與八國聯軍統帥在西苑篤合親

先公紀念堂傳于孫

拜云歲時瞻

重九約諸友登高茶會

二首

一年容易又秋高天與清閒貸我曹落帽漫矜當去客題糕猶得幾詩豪長空雁度無留影四海鯨吞有怒濤半醉半醒堪玩世且浮杯茗當醇醪

晨星寥落數交游惆悵津門幾度秋避世陶潛甘閉戶憂時王粲怯登樓壯心尙共杯傳手殘鬢難禁菊滿頭且喜置身塵壘外乾坤萬事莽悠悠

子貞一甫同訪孫氏園觀菊

四首

黃花滿眼帶香歸結伴清遊與世違欲仿羲人載酒風流文物是耶非繁華事散與誰論獨有柴桑逸興存開遍東籬偏寂寞孤芳相對卻無言秋容老圃倍精神千種芳名色色新扶杖繞廊忘日暮別花原自屬閑人名花幾日尚爭妍容易秋光又一年尊重風霜堅晚節莫將過眼付雲烟

再至壽豐觀菊賦呈園主人孫俊卿

三首

捲地西風百卉殘徘徊三徑意闌珊天公獨展東籬興留得黃花最後看  
金英春植到秋寒十日暄晴兩度看多少辛勤供眼福賞花容易養花難  
秋容雖淡有餘歡要是人間晚景難解笑花迎重至客癡心不厭百回看

河東萬氏園觀菊感賦

一別長安四度春上林辜負幾芳辰欣逢陶令開香徑聊勝湘累問水濱醉月已忘當  
去客迷花猶是可憐人天涯行遍吾廬好爲愛東籬雨露新

飽觀萬家名菊率成俚句卽呈園主璧丞先生

二首

荷枯桂落負佳時老圃秋容又一奇魏紫姚黃難比美環肥燕瘦總生姿芳心不覺風  
霜苦傲骨還憑雨露滋陶令東籬無此景喜開三徑好尋詩  
莫羨柴桑歸去時東園名菊更新奇美人高士無凡品立鶴翔鸞有古姿滿坐芝蘭熏  
酒醉一庭風露覺衣滋未言割愛頭須插且擘籜箋贈小詩

立冬後重訪孫氏觀菊仍用前韻

二首

風塵邂逅惜才難三日還應刮目看要信天成真傲骨凌霜不見一枝殘  
緩拖籜杖步珊珊三至東籬興未闌歸去尙攜香滿袖見時容易別時難

看雲

老懷孤寂百無思閒看飛雲任轉移坐久不知天色暮長空偏愛落霞遲

病榻偶吟二首

身世今如退院僧菴居歲月捷飛騰驚回七十年前夢祇有寒窗半夜燈  
鼎沸中原又幾經白頭衰病任伶俜儘餘薄粥支殘息四野哀鳴不忍聽

遊李氏荒園有感

昔日園翁肆盛筵椿庭趨侍意翩翩春花豈得朝朝好秋月難教夜夜圓儘有蒼穹新  
雨露空餘培塿舊山川平泉自古多遺恨獨憶希文思灑然

自歎二首

濟世才庸近寡恩虛生何以立乾坤一身溫飽耽餘蔭鎮日優游妄自尊未使親疏俱  
得所安知禍福總無門邯鄲夢覺須臾耳回首平生事孰存一生平所辦故鄉善舉一無所存真可嘆歎

憂懷夙夜懷淵冰道德文章不足稱東國冠裳方在厄西方公據更何憑簡篇莫化青  
衿子鉢飯難周白業僧宏願未償看就木千年應愧漆光燈

七十有六自壽二首

浩刼年光東逝波浮家又見四年過地來津今已四年籠紗密護風前燭策杖徐行雨後坡堪  
笑迂拘觀本草不妨安樂住行窩白雞倘假金蛇幻星家言我明年已歲當喜終途窄淵明較已多

淵明甫六十  
歲譜前題

世界蝸牛角上攻茫茫逐鹿若爲雄清芬幸寄春暉裏慈範還昭淨業中  
津寓今年終宗香火京西極樂寺開淨  
業堂承奉吳太夫人神位身謝坡仙萬事足心懸渭伯九州同樓頭莫恨寒光短萬里  
霞烘落照紅

故都止園題壁

勸業文章志未據固應身世落樵漁四方蓬梗無安土三宿桑根有愛廬學禮諸孫勤  
祐主如愚季子典楹書千年城郭巍然在遼鶴猶當識故居止園在萬世屯湖胡同後院立先公紀念益歲時舉祀前院聚所藏書籍及師古

娛老

身如槁木髮成絲峰頂餘暉落尚遲玩世不爲明日計息心常若未生時偶尋耆宿嘗  
茶話戲賽兒童鬪草詩野鶴閒雲自今古伯倫荷鉛又何爲

先妣忌日祭

一別慈容四十年蓼莪抱恨竟終天難從圖像親言笑祗見雞豚列几筵定省晨昏無  
復事瞻依靈爽亦虛傳春暉未報傷衰草空向秋波哭逝川借句

自遣

靜對爐香百慮捐清輝夜月豈常圓隨緣樂去身無累諸有空來性坦然藏壑光陰飛  
野馬解弢世事等浮烟殘年自合青天管熟讀南華內外篇

放歌

大聖生時盜始多禮爲亂首論非苛祗聞狐鼠依城社不見禽魚脫網羅石未煉來天有漏山能銜去海無波乾坤浩浩羣兒戲千古英雄奈若何

病中自廣

二十韻

過去及現在孰爲今與昔上古在目前光陰倏過隙賢聖同仙佛精神昭典籍上下千萬年其光長赫赫人生本如寄處處皆火宅壽夭較短長總計不滿百卽事生悲欣寒暑成災厄五蘊苦之因八還苦之迹卻病有何方安心是藥石去住一無嗔久暫兩俱憚胸中養浩然所遇忘順逆譬如冬夏豈能無朝夕幽明通晝夜理故著周易知命乃樂天索隱並探赜得失平等觀我見頓冰釋餽鵬縱海天饑蟲安禪席秋菊不爭春朝菌不攀柏認取主人翁誰云當去客東土本無居西方亦非隔神游歸太虛勿謂前途窄

紀十月二十二日事

閩是日至德城陷居民逃避山谷四十里內盡成焦土獨吾村宗祠無恙

己遭旱魃又兵車痛惜黎民靡孑餘千里田園成赤壤萬家廬舍盡焦墟魂飛脫阱奔林鹿胆破沈淵漏網魚尙見孤村宗祏在上蒼應念隱君居

吾祖自中丞公唐時隱居於此山今千三百年矣

災後寄族人

閩境皆成焦土宗祠幸在亟築數數濟族威

莫歎衰宗族不華乾坤消息寸心知移風端自分朱墨挽刱終思拯溺飢千載清芬延

世德始祖申丞公自  
以舉友稱

百年厚澤述先慈

至今義田未廢

天公與善無差忒後嗣英才視

此詩

自解

鴉鳴鵠噪動機先要信人生各有緣社鼠城狐原是運池魚幕燕亦關天間中富貴心  
空爾壽外康寧數偶然但得癡頑如鐵石也成一日地行仙

癡頑

人言閒靜似而非惟有癡頑二義微蟠木不爭溝脊斷孤豚豈羨廟犧肥鷺魚飛躍皆  
天性鵬鶻逍遙總化機大冶鑄金寧有意鼠肝蟲臂又何譏

生日思親

風燭餘年風木悲此生難再是兒時每思喪芋承顏樂尙記分梨繞膝嬉蒿蔚豈酬天地德松楸徒撫雪霜姿廿年一別鄉千里空憶荒林聽子規

古香齋題壁

世事紛紛了不知閉門白陸是吾師飯餘茶罷拋書後清坐燒香賦小詩

有感

素抱希文憂樂衷百年至計一朝空生當剝復貞元際身媿辱沈天地中赤手未抒三  
黨難白頭猶望九州同鄭公裔竟汾陽勝世世惟勤力穡功

津友贈梅竹二首

隨處桃源好問津故人同作太平人分來梅竹清齋供渾似貞元第裏身  
唐花照眼白頭新擊鼓聲中作幸民喚醒揚州冊載夢蠟梅天竹萬家春

觀風雪有悟二首

任教平地忽生風幻滅原歸不動中天際飛花千萬斛可能一點礙虛空  
世間生滅境千般冰炭侵難片刻閑放眼乾坤真實相掃空六用是無還

小疾

櫛髮頭仍悶寬腰腹未舒一身猶是贅萬事莫非虛籠玩新華鳥池觀舊放魚齋心同  
止水小疾自能祛

耐病二首

頻經雨打花餘萼幾兆焚如燕覓窩何怪暮年能耐病平生憂患本來多  
既以爲人已愈有未能無疾算偏長乘除消息由天定且把虛懷抵壽康

病起偶題

拓開心緒一身輕砭去頭風兩眼明災害每從衰運至功名原自得天成百年日月無  
愆晷千里關河有定程啼鳥候蟲非作意昌黎漫說不平鳴

秋夜

衰疾秋無奈高年夜有情霜嚴衾似鐵月淨几如瑩繁響微蟲語長空斷雁征祇愁鄉  
夢遠歷歷到天明

斗室

斗室養殘軀乾坤一腐儒仰承三聖學潛玩六經圖活水觀魚躍清風聽鳥呼耄荒人  
事少且復兀枯株

傷老

一生桎梏利名場聞道功疏老始傷昨日不知今日是存身豈識外身長春來塞北蕪  
仍綠秋至江南稼亦黃天地無私同覆載區區人世說彭殤

有感

滄海橫流已遍遭抱殘守闕敢辭勞百年溝壑鴻毛重萬里關山馬骨高會洗金戈河  
痛挽自銷鐵戟浪爭淘焚香夜祝天垂祚濂洛諸儒媿禹皇

除夕守歲

庚辰

磊落將如此老何皤皤白髮得天多焚餘灰爐詩筒在殿後光陰爆竹過宵漢幾人曾  
鍊石虞淵無處更揮戈深宵那復童年趣一炷清香禮佛陀

辛巳元旦試筆

用除夕韻

燭殘餘燄奈風何重七之年已足多萬事盡拋雲外去一生都付夢中過祥開日月占

豐穀瑞靄河山兆止戈椒酒尙扶衰後健且追白叟誦彌陀

憶昔  
六十一年前辛巳十七歲

弱歲青衿方食餼及今回首是昌期百年家國中興日

三十一年百歲俱興

一第功名

發軔時

後十二年癸巳

棣鄂聯輝曾韓韓

大兄乙酉拔貢次子舉人二兄戊子副榜三弟癸卯經

庚卯特科九弟椿萱並茂正熙熙

先君是年補津海關道歷升直隸州官兩江

清芬在庭訓難忘燕翼

詞自唐朝始祖及六世祖以孝友文章著稱

先

古香齋題壁

仍用除夕韻

掃空大患奈身何茅屋三間則已多翠柏有心迎雪立石樓無耳任風過挽瀾徒屹中流柱垂涕難休同室戈燈燼欲殘看瘦影居然蕭寺老頭陀

休問桃源路幾何放懷斗室得春多彌天壘塊杯中盡閱世微塵枕上過萬里車書聯几席千年玉帛化干戈澄心似海皆仙境剩欲扁舟訪普陀

上元感賦

堪慰衰翁自在身圖書滿架未爲貧一門甲第慚通德半畝荒園負隱淪閱世不知朝市改撫辰猶見歲華新街頭燈火今猶昔閉戶還留斗室春

達觀

得過一日且一日後事茫茫誰可必無端妖伏雷擊牛未見滂沱月離畢魯使酒薄邯

止菴詩存

鄆圉陽虎貌惡孔子厄才與不才孰者全雁烹木壽俱逢吉

對食

飲食隨緣要適宜飽諳世味此中思精粗濃淡初何擇甘苦辛酸祇自知茶興每回微  
倦後酒香常在獨醒時人生底似安蔬好晚歲東坡是我師

自題像贊二首

庸庸碌碌本來面目食有青蔬居有白屋風月婆娑光陰迅速不怍于人笑容可掬  
菩薩低眉金剛怒目彼何人斯齒稀髮禿燕居溫溫色容齊遨保此形骸還我素服

衰病卻醫

一杯薄粥氣如絲過歷餘生豈自期足底雲浮常似醉眼前霧隔竟成癡陳篇展轉辭  
難理故友遭逢氏不知逆旅去留天所命何勞折柬更迎醫

思故鄉

人生樂事在鄉關回首思之覺破顏石上輕雲從足起枝頭好鳥伴身閒買花每入市  
中市採藥常尋山外山天幸倘歸遼海鶴可憐腰脚已非頑

小疾旬日不出

車塵門外浩縱橫環堵蕭然百慮清架有藏書消日永室無長物得身輕招呼風月詩  
中景檢校江山夢裏程師友凋零閒過少敢欺衾影負平生

初春得雪二首

滿庭飛雪趁風斜舞向枝頭似落花分付兒童漫除掃好催梅信到山家  
霏霏繞樹去還來偶聚階前玉作堆人事無心祇此似不妨隨處笑顏開

津寓午睡

七十年來寄斷蓬旌麾兩世亦匆匆一菴高臥餘何羨常是家山入夢中

余年八十有七

烽火漫天思歸不得  
歲邇司直難集司余集先君發任天津道長  
登樓皆陳述矣

登樓

憂患如山一笑空西窗睡起夕陽紅欲舒老眼無高處獨自登樓送去鵠

戲擬閒中富貴

貧賤騎人古有之天然富貴最堪思一畦葵長羅旌節兩部蛙鳴勝鼓吹管領湖山卿  
相業招呼風月帝王師書城坐擁無窮樂懶和淵明乞食詩

俚句自述

A 章 八句

世人行迹率多溢美過情之譽予甚恥之病榻無聊默溯平生耿耿于懷爰著

俚語以當私誅質之君子無譏厚顏

時當中興誕生鍾阜鼎盛家庭椿萱並茂十六食芹居然孝秀迨及壯年鹿鳴方奏

學官

京曹筮仕十載邂逅東魯北直先君治舊津道蘆齋廉訪最久愚也不才忝踵三綬

宦

謬綰度支民生莫厚經營實業心餘力否後樂先憂於己無取志在養民徒呼負負  
倏焉耆齡蟄居甕牖從事鉛槧殘闕抱守鑿納檻書光前裕後追維庭訓睦婣孝友  
屢顧梓桑教養粗究水旱頻仍兵燹重遘哀我父老流離顛仆車薪之火杯水何救  
而我獨安實深內疚饑粥有資數椽可覆雖曰豐亨衣褐飯糗閉戶息影兢兢屋漏約  
車馬無聲度此清晝西方彌陀未嘗雜口白陸詩篇未嘗去手回觴平生幸哉天佑修  
石火電光何物弗朽消息盈虛知足常有累世搢紳不爲不偶七秩餘生不爲不壽足

題室人七十六肖相

滿面春風神采淵若早歲辛勤晚年淡泊目昏能視齒落能嚼雖則蹣跚知足常樂

自况二首

過得一日又一日世間萬事海茫茫此身商略無歸處布被蔬餐卽道場  
生值玄黃血戰時一身泛泛欲何之終年謝病因疏客竟日無營卻愛詩

郊遊二首

謝客捐書鎮日閒攜筇原野散腰頑偶經橋畔多時立待得漁舟一一還  
輕陰薄靄露春光天意無私草木芳似有疑無蕪際緣半含乍吐柳梢黃

春暮二首

三月春陰柳絮飛山桃含蕊尚枝稀街頭袒臂羣兒戲竊笑衰翁未減衣

橋邊迎日得春多一水鱗鱗已綠波堪憶江南微雨裏扁舟四處起漁歌

敬止齋題壁四首

壯歲功名志未據老來作計更迂疏生涯零落從無恨四壁蕭然卻有書  
靈府寧容外物干四方多難卻辛酸放懷獨有圖書樂莫繪流民不忍看  
老學癡頑不慣愁世間萬事付悠悠干戈擾攘春秋際陋巷何曾禹稷憂  
積雲嚴霜一掃空千紅萬紫又春風天心剝復人難測自有英雄草澤中

雜感二首

千年王霸若風馳治亂興亡復幾時天地不仁原橐籥還將芻狗示兒嬉集切題  
版築魚鹽世有之風雲際會待昌期胼胝入載無家日正是垂裳端拱時思成世

讀史二首

蟲沙浩劫幾時終禍始蠻尤已自雄歷代幅員經亂展况今天使五洲同

王霸奸雄祗論成從來正統本虛名試開青史從頭數幾日黎民享太平

題故鄉災民冊上半以來歲色屢遭空單嘉祚十虛九壘其幸免者幾度皆嘗

飛空鋒鏑技爭奇歎息黎民靡子遺天地好生終不爽須知陰隲有倫彝

不徒發粟意殷殷要識民生在力勤處處春耕齊荷鋤家家秋稼卜如雲及時安輯田  
園去免見流離道路分寄語鄉鄰諸父老好留功德到榆枋

小園二首

透牕暄風拂面來方知大地已春回  
一番番花信從頭數擬伴園丁次第裁  
堪笑衰翁氣力微一冬篝火亂書園  
今朝忽動青鞋興喜見牆頭蝴蝶飛

道室偶題二首

藐藐一身同墜露悠悠萬事等浮雲  
金經讀罷香初燼獨倚西窗送夕曛  
眼明始見乾坤大心靜方知歲月長  
密訣丹經皆迹象饑餐渴飲是周行

惜花二首

冷煙苦雨方無奈烈日暄風又不支  
人事多乖常似此幾何調變得中時  
江南臘首先舒柳代北春深待放梅  
天運無私隨地轉好花原不爲人開

踏青二首

秋深花謝到春殘斗室身如坐井觀  
今日出門平野綠始知天地本來寬  
日麗風和絕點埃荒郊且喜又春回  
衰翁偶動尋詩興林下水邊特地來

高臥

義熙人易老高臥傲羲皇藥餌常堆案  
箴銘獨滿牆生涯憑市井歸思繞江鄉  
已是辭家客寧論夢短長

有感

青史若著龜燈前掩卷思風塵燕趙客耕釣帝王師運至臨高閣時違泣斷碑知音千載遇今古幾鍾期

寄俞壽田親家

十年居久別

七年前同居香山消夏

千里夢相親等是無家客

公遙地入川已三年余歸梓邑已四年

都忘有限身

余七年八十七

鶯花懷故闕

故都花時

屢

風雨渡迷津

公今擬赴申江道途不知何日得至

何日重杯酒江

山共主賓

花時子貞西甫一甫兩莊震初諸人常約公園相遇賦贈

同是天涯客相逢絮語頻不才生計簡多難故人親腸斷江鄉夢心驚海國春年年花下遇重見白頭新

得壽田去臘書云將迂道赴申沿途艱阻無定程俟到再告今已兩月不禁感喟字密心如見情深語益親安危無定所去住不羈身易失蠶叢路難知鯉簡津相期同敬浦尊酒慰歸賓

先公祠宇在河東道阻已數年今春仍在孟莊故居春暉堂設位遙祭感賦

往事鶩音口卒瘞空留祠宇寄津沽廿年孺慕悲欷莫挽

公辛酉見背二十年矣

百歲清芬仰畫

圖四壁懸先公百齡紀念圖

風雨敝廬猶昔在粉榆舊社及今無

周易繫辭上

式憑靈爽應含笑飲

胙孫曾滿坐隅

自曠

蝴蝶莊周夢本同大千世界一微蟲日消經帙詩牋裏生寄蔬餐藥餌中得意無時無美景放懷是處是春風桑田滄海俱觀盡不待修多說苦空

約雨莊上己日同遊李氏舊園

記取重三日清游恰兩人平泉仍舊主綠野又新春蝶影迎花徑鶯聲送水濱追懷杯酒樂往事問漁津

邁老

不作衣冠累寧辭髮髮凋春從蓑屐老日向雉廬消眷屬宵棲鳥筋骸雨敗蕉拋書酣午枕魂夢也逍遙

自幸

人容藏老拙天許作疏狂彝鼎常堆案圖書獨滿床鳥迎風過語花送雨餘香隨遇閒成趣翛然與世忘

寄旣

義利幾能辨隆污道不同家私隨手散生世轉頭空身出浮雲外心安陋巷中庖丁篇有味妙語善刀終

公園桃開有感二首

天涯忽已遍春風纔繞公園幾樹紅驚起少年京輦夢宮牆迤邐杏花中  
燕南芳訊太匆匆獨有山桃歲歲紅狂態欲尋花下醉故人難復一尊同

病齒不能咀嚼戲作

憤忍龜腸本自奇旋停鶴料亦相宜不嫌叱犬還投骨未問噭鵠卻食糜櫟上獨憐新  
燕乳欄間堪笑老牛啖一杯饅粥原無恨大嚼屠門竊鄙之

感歎

天地無情春不留落花風裏獨登樓亂離夢切還鄉兆老病詩多爲國憂羌笛數聲關  
塞月衣砧一片漢宮秋古今共盡兵車恨青史偏誇萬戶侯

喜春二首

久閱風霾可奈何連朝麗日得清和天心憫我窗中老陌上尋花忽已多  
世事無涯生有涯春風到處是吾家衰翁力少心猶壯欲伴園丁學種花

惜春二首

己過百五尙餘寒寥落公園露處難安得江南花似錦小軒品茗剩憑蘭  
九十春光強半過妬花北地苦風多卻看野燒依稀綠好景原來耐折磨

無心

熟讀堯夫林下吟自家康濟亦愔愔看花臥雪平常耳萬事無心喜不禁

治生

禍福無端不可尋莊生于此費沈吟治生莫妙鞭其後虎不能攫病不侵

修禊吟二首

蘭亭高會著清名天地無情卻有情俯仰山川千載邈招呼風月一身輕形骸共盡杯中物絲竹常留絃外聲誰識右軍胸百感永和原不是承平

流觴曲水久知聞詠事風流屬右軍俯聽清流多寄託仰觀峻嶺亦遙深高懷直欲前凌古陳迹猶思後視今千載江山無定主問誰能起繼斯文

上己日一甫約偕子貞西南雨莊震初茶敍賦贈

一杯清茗度芳辰太液瀛洲說往因地最多情河畔草天教得意水邊人偷閒隨柳青  
蹊建道故班荆白髮親千載蘭亭無恙否江山爲主孰爲賓

止足

逸老無如止足觀一窗高臥有餘歡簾陰滿架全忘暑篠火圍爐不覺寒風月放將詩句寫溪山贏得畫圖看但教方寸清如水丈室猶應抵海寬

觀化

王侯與蝼蟻共盡一塵微萬里隨鵬去千年任鶴歸乾坤真旅舍今古幾漁磯大化原無極應知躍冶非

菖蒲詠

拜竹何由隱者名春風被處且催耕杏花柳葉羞爲伍白石清泉過此生利劍新抽和露重安車早過覺風輕還思甲洗兵鋪日太守鞭傳政有聲

送一甫赴秦皇島避暑

滄桑世事若雲烟何處桃源別有天自古海濱稱大老羨君陸地作行仙雄文正氣思驅鱸遠水長空看墮鷺島上逍遙真樂土秦皇名蹟且千年

弔姜女墓

忍枯萬骨築堅城豈料關山盡曳兵孤塚難平千載恨至今朝夕看潮生

墓在海中距關數里

詠山海關

原來四海一家春天地無私孰主賓獨使孤城傳萬世至今愁殺度關人

公園遺興

二首

祗憤癡頑不憤愁偷聞日日作園游桃花開後春光老紅蕊何曾笑白頭  
幽燕三月始知春草綠花紅日日新除卻鶯聲無與語天教閑處作閑人

奉和楚卿見示修禊原韻

同是山林春暮天右軍獨步擅華年多情樂事無今古幾輩詩名有後先修竹虛懷塵外客流觴痛飲酒中仙及時好景君須領買斷風光不用錢

題天津三多里故居

何啻深山隱薜蘿閒居陋巷得三多牆園隙地分畦菜門繞清溪擁釣蓑學退有書還熟讀興來無酒亦高歌先人槐蔭風烟老詩禮趨庭幾度過

詠得年

濂溪窗裏風光短康節窩中日月長知命有緣隨木雁樂天無事問彭殤忘身徇欲原非計夏葛冬裘豈待商自愧虛生樗櫟壽懸疣附贊負蒼蒼宋儒周子十四卷五十五卷五程子五十八卷七十八

寄皓孫二首

萬里投荒日似年伶丁顧影自堪憐驚心更有難言處仰視飛鶯瘴海邊歎爾雙荆一已無眼穿似續我年徂玉門若待封侯入休問含飴墓草枯

課孫讀書有感二首

世運荆榛痛塞途士風凌替竟屠沽空齋市遠清如水獨課童孫誦典謨風露淒清月影沈伊誰能會此時心神遊颺拜廣歌世獨自挑燈出苦吟

清明家祭

松楸南望涕縱橫歲歲鷄豚客裏行千里魂飛蝴蝶夢三更愁聽杜鵑聲心摧邱壠今朝恨痛切門閨昔日情等是羈危虛墓祭何殊子厚謫邊城

寄傲

靈府寧容外物侵高吟且喜滌塵襟閒如不雨雲歸岫清似無風月滿林與世相忘猶落落閉門獨坐亦惜惜琴書可寄南窗傲千載陶公是賞音

遺懷

衰年無地寄心期九十春光百首詩梗觸每從花落後推敲常在月升時階前獨立頻搔首枕上沈吟幾斷鬢欲和淵明榮木句脂車策驥媿先師

閉門

難從世外覓田園老厭風塵欲閉門但擁詩書無客至不聞市井有聲喧紅殷萬朵花盈檻綠淨千竿竹繞垣得似深山人徑絕怡然自樂卽仙源

惜花三首

最早山桃幾樹芳塵霾連日逞風狂天心欲解名花厄留得輕陰護海棠公圃山桃已過清明花未開春光易老始風霾輕寒薄靄還多幸留待衰翁扶杖來三月春寒花事遲獨憐風日易離披老人慣及晨星起最愛含苞帶露時

落花二首

暖日烘窗柳脚斜杜鵑聲裏客思家東風不管春光老故向尊前送落花  
年年春色動鄉思客裏看花不厭遲最是落紅來枕上天涯歸夢乍醒時

郊遊有感

桃花無主幾人遊歲歲芳蹤不可留祇有春風似相識石橋依舊水東流  
花時思還舊都不得今五歲矣感懷賦此寄諸老友

春歸何處迹成陳歲歲花時又一新燕去尙留櫟上壘桃開難識洞前津但師康節藏  
窩裏休向長安問水濱天地無心人事改江山誰主我爲賓

園中春暮海棠初胎卻憶舊都稷壇最盛遊人如織

嫩蕊絲垂無限嬌多情紅燭伴春宵稷壇盛事輝如昨欲醉花前鬢已凋

憶昔

西禁棠陰出屋高花時芳氣若醇醪當年退食公廷晚繞樹千回亦足豪

西苑草堂集

于退食道之不恩去

孟莊止園種菜

二首

五載羈危別故都不堪舊圃盡榛蕪寄廬薄有三弓地自種青蔬佐筍廚  
多難何心花滿闌朝開暮落更悲觀及時小雨添畦菜贏得齋盂卒歲餐

自寬

世途易可出艱難嘗味須經苦辣酸事去無心何得失疾來不藥亦輕安歡聲籠鳥春  
同享伏影盆魚海樣觀與物相忘隨地足老人歲月本閑寬

寓意

豪傑原先天下憂韜光養晦若爲儔直鉤去解方垂釣五十年來不解愁

月夜聞笛

玉人何處倚闌干橫笛偏吹行路難寫盡關山無限恨清暉况是客中看  
排悶

時危身老欲何之那復山顛並水涯息盡機心還對弈苦無傑思強題詩遠追朋輩看  
花約近伴兒童鬪草嬉一炷晨香風定後黃庭兩卷畫陰移

老景

耄耋光陰古更稀一窗昏曉亂書園茶甘飯軟支殘息不管門前俗是非

市樓顧曲

千家歌舞作生涯變調齊摹塞上笳見慣興亡心似鐵更無人唱後庭花

信天二首

人生事事仰天公垂老彌勤屋漏功一息尙存生理在此心常與彼蒼通  
雞鳴爲善日孳孳天付神明勿負之太極本從無極始真源何慮復何思

世網

坐受陰陽寇橫招利欲侵存身同蠭井歷境等蹄涔醉去車堪墜醒來鹿漫尋一朝開

世網萬里縱仙禽

負暄

淳風誰及結繩前憂患原從識字先讀破縹緲千萬卷何如曝背負茅檐  
有感

順正方知命忮求豈事天蛾焦因撲談蠻鬪爲爭鱣花好無千日擇生有百年誓心若  
冰雪魂夢也翛然

答友人問老態

昔愛名山絕頂登于今足蹇罷行膝枝梧對客儀常略抖擞尋花興偶增頰有時紅惟  
賴酒髮無可白直如僧溪橋施藥尤堪笑聾叟相呼兩不嘗

憫世

搔首青天問弗簪蟲沙浩刼恨填膺百年有限如炊久萬事無憑若夢徵愛鼠尙留眠  
後食憐蛾還護佛前燈此心不泯知誰會欲學禪床入定僧

勸酒吟二首

一寸光陰一寸金勸君莫厭百杯深花前月下時時有難必身閑酒滿襟  
人生夢境苦蘧篠醉後方知樂有餘借問風塵名利客何如信脚到華胥

午睡

隨分生涯不願餘身閑且免負蝨廬午窗一枕寬如海齊斗堆金視土苴

好靜

晚年惟好靜高枕看人忙醉裏乾坤大閑中日月長摘花香入袖得句秀充囊自在方爲樂千金無此方

新霧

塵霾連日若飛烟天宇今朝忽朗然簇簇新花偏色潤闌關小鳥卻聲圓蔬添舊圃堪烹甲竹過鄰園未剷鞭綠柳扶疏陶令宅令人追憶義熙年

無生訣

欲問無生訣先從莫造因餐眠常淡泊呼吸要輕匀世入無懷氏身爲鼓腹民不憂真極樂卽此是能仁

閒身

當去辭家客遷流避地人枕中一瞬夢襟上十年塵雲閉桃源路烟迷楚國津江山留片土風月寄閑身舊居天津其祖已遷五年

四時樂

春花秋月醉顏酡長夏荷風送棹歌更喜冬來書課久樓偏西面夕陽多

掩扉

朋本難逢老更稀  
迷花醉月事多違  
春歸無復青華興  
把卷簾陰晝掩扉

戲詠公園所見

傾國爭妍時世妝  
不嫌袒臂髮披猖  
一年好景君須記  
瞬面朱鉛趁海棠

病起偶吟

老病龍鍾百不能  
一庵身寄冷如冰  
簡編有味還遮眼  
蔬水無營且曲肱  
興到舉杯胸壘塊  
睡餘覽鏡鬚鬢爐  
香坐對膝陰轉直  
似深山退院僧

夜坐

勞勞盡日果何圖  
夜坐方知勝故吾  
喜見明星小止觀  
拓空大地半跏趺  
三更月上涼如水  
萬籟風清兀似株  
堪笑人辜燈下影  
良宵添得睡功夫

自詠

逝水年光過古稀  
閉門萬念付愁癡  
清遊每恨同儕少  
涉世方嗟見事遲  
偶剪松枝通曲徑  
旋添藤蔓補疏籬  
是間幽趣誰能比  
問着衰翁卻不知

有感二首

百憂交集獨吞聲  
閱盡艱危世念輕  
堪歎癡人偏說夢  
徒聞豎子亦成名  
身如大海一孤舟  
逆順安危不自由  
飽歷風濤羨平地  
何如乘勢早帆收

慨歎

天教師謹降奇災又見良田盡雪埋誰嗣昌黎大湖祭鴻飛無澤更堪哀聞至德清明  
舊楚漢詩

更無望

災民歎二首

何幸先民盛世生己飢己溺最關情越州蓄記潮州祭欲誦曩編淚已傾人代天工作帝基一夫失所痛連肌堯時洪水湯時旱豈有黎民歎仳離

易歎

混沌乾坤本泰然庖犧一畫忽開天陰陽消長無時已遂啓兵戈億萬年

禮歎

唐虞三代遞相推兵禍偏隨制作開天地不仁視芻狗從知亂首禮爲媒

史歎

自從黃帝勝蚩尤千載征誅啓夏周歷代興亡觀大事直稱戰史續春秋

詠歐戰二首

大千世界海茫茫何處希夷問睡鄉欲駕雲車盱隻眼崑崙頂上看興亡進化文明豈有終忍將才智逞英雄盛衰倚伏須臾事抑滿方知造化公

自詒二首

人許衰稱壽天容逸養疴地偏來客少園小得春多花信從頭數鶯聲聒耳過一窗風

月好無事且吟哦

古今同逆旅天地一迂儒自分閑藏拙還教默守愚畦蔬方坼甲籠鳥已將雛會得時行樂吾生與物俱

小疾

小疾纔三日潛衰似十年春衣仍短褐午飯僅疏饘花影移階緩鶯聲出谷圓呼兒屏藥餌一笑百憂蠲

憶昔

生平懷壯志垂老際時艱幸爾抽簪早居然抱璧還風晨遊海嶠六十歲後百事謝絕避居大連數年雪夜度關山五十述徵召同趙幼梅冒寒出山原關夜抵新嘉島往事尊前訴清談尙解顏

讀史有感

乾坤留正氣今古幾儒冠濟劇奇才易投艱大節難胡天旌節落易水劍鋩寒青史論成敗須將冷眼觀

病起追慕慈親二首

自從弱冠到華顛曾幾晨昏依膝前天地無情人易老山川有路境難遷劬勞罔極孩提日疾恙誰憐耄朽年最恨絕裾垂淚別痛心何計及黃泉

憶昔微音在耳邊慈祥愷惻望能傳箕裘未紹辜陰陽桑梓堪憐尙沛顛願借馨香供

樂國京西極樂寺念佛堂 捐款樂濟會 衰遲自分無多日努力仁施報

擴充義莊

衰遲自分無多日努力仁施報

### 九泉

#### 記夢

憂患平生老已忘夢中豺虎忽猖狂晨窗驚覺心猶悸恰聽鶯聲繞畫廊  
風霾連日不出

已是天公度外人風雲變幻不關身齋居偏覺年光速掃地焚香送暮春  
春寒

撲地風塵何所之隔江絲竹盡哀思春寒袖手情無奈滿腹遺山集裏詩  
春殘

海國春殘幾日留騎肩士女語釣轉新花移植更番豔自是遊人不解愁

風霾過後公  
人傳成

#### 止足

一春能幾日晴明歷代無多時太平泉石優游堪適性風雲變滅亦怡情看花豔極容  
先悴玩月光盈魄始生人事原來須止足補天填海總難成

#### 題齋壁

白髮乘衰日日新一菴常掩寄閑身明窗換紙迎朝日小圃移花及暮春窺戶流鶯如  
始夢入簾乳燕不生人心安自是神仙境何必桃源別問津

連日風霾偶出櫻疾戲作二首

壠塢揚塵天地昏中人勃鬱又煩冤從今熟領雌風味窮巷深居獨閉門  
三日鑿蟬氣益衰食眠失度骨支離老夫堅臥消災訣但信天公不信醫

省事

衰老能逃名利場直將省事作良方終年謝客身因嬾三日捐書字旋忘喚夢新驚驚  
枕早穿花小蝶撲衣香荒園寂寂饒生意門外車聲爲底忙

大庶妣小祥忌日祭告哀思示七九兩弟

回思侍食迨尊前痛失音容倏一年忍見新阡滋宿草空留遺像薦疏筵驚心歲月同  
朝露極目江鄉入暮烟何日山程兼水驛安然扶櫬到牛眠

種蔬

留得青錢買綠蓑先生讀罷即高歌新知每歎同心少舊夢仍循熟境多天際有鴻何  
慕弋門前無雀可張羅種蔬幸得三弓地斗室春深養太和

無身

乾坤俯仰幾陳人除卻江山萬事新三五月輪圓缺魄廿番風信去來春空花豈得兼  
求果幻影如何更覓真道德經中唯妙語欲無大患在無身

二然

理數循環孰後先行時生物總由天當然人事原當盡若到成功卻自然

因果

寂然不動感而通易理明明說化工賢哲畏因俗畏果吉凶悔吝問心中

郊行

醉眼偏從郊外醒緩拖藤杖獨行行柳陰西畔多時立爲愛平蕪一片青

憫世運

危微精一審幾先歷聖相承道統傳禮樂凌夷三代邈乾坤解紐萬方顛狂瀾莫底橫流柱大海寧回東逝川五百年間名世出癡心猶望日中天

乘興

歷盡艱危萬事輕身閒乘興偶郊行喜聽黃鳥隨喉轉貪看青疇抵掌平僅有詩囊堪作伴亦無酒券得關情歸來尙補童孫課燈火清熒起誦聲

慨世

淵冰取譬懷規箴臨履何時不薄深豈料讀書同博塞還思瓦注勝釣金是非自古無公論得失從來忌有心蝶夢莊生觀大化魚游惠子問知音一篇木雁掀髯讀才不才聞好細尋

悶極思遠遊

忍將生世付飛蓬垂老能甘牖下終莫歎風塵埋俠骨尚存冰雪守孤衷寒山樹挂殘  
雲白野寺鐘來夕照紅一笑縱觀天地別此身合寄五湖中

衰病吟

七十七頽翁乘衰百病攻一身如野鶴萬事付冥鵠柏老迎霜翠花新帶雨紅祥金羞  
躍冶脩短任天公

偶健

歲月去崢嶸風塵久困橫二朝稍棄疾百體忽還瞑目爽憑闌眺身輕舍杖行久衰逢  
偶健天地別生成

老逸歎二首

遙老人稱耄耋年翛然飽食得安眠那堪四海無家日滿目瘡痍忍漠然  
衣食無營鎮日閑儼然一蠹寄人間手援天下雖非計安得心如鐵石頑

閒趣

新陰繞屋勝花時門掩蒼苔日影遲靜對小窗無俗事祇餘看畫並題詩

夜坐二首

散樸澆淳事事新燈前弔影百年身平生壯志成癡絕海內知心尙幾人  
少壯雄心醉簡編風流猶及渡江前老來百事渾忘卻惟愛青燈似舊年

藏書歎二首

勳業文章志已虛形骸土木臥蠅廬籤題萬軸塵封盡悔不終身作蠹魚  
結繩時代樂于于文字繁興性始渝門內若能徵五典一身自是一唐虞

夏初雨霽

身閒新雨霽開卷對窗光藤蔭侵簷密槐花滿院香溪深篴影門靜跡苔蒼長日如  
年永跕聲送夕陽

脩短二首

天地生成孰後先茫茫大化幾千年潛消暗換人誰在暑往寒來歲已遷冬雪霏時萬  
木淨春風被處百花妍彭殤脩短終虛妄熟讀蘭亭序後篇  
鼠肝蟲臂總無心何事偏爲躍冶金頑石不知生老病浮雲奚問去來今曠懷自蓄詩  
中畫閱世常留弦外音撫几長吟三太息且將白陸豁胸襟

自艾二首

蠶絲自縛一衰翁不是愁中卽病中讀破南華無用處從知書外少真功  
愁病原來總是空最憐當境困難通人生大夢終須覺何事糾纏幻影中

煩惱

天時多病魔人事多憂悒病從有我生憂從有我入無我卽無身無身卽無執身我皆

不有煩惱何處集

得失

憂患與生來壯盛隨年去冰炭自交戰甘苦常吐茹事過平等觀當境徒悲遽身本同太虛煩惱奚所據百年前後思得失在何處

春暮一甫約形皆一山及予茶談一山有作謹步元韻

四人莫逆相逢笑神馬尻輪儘攷懷住世不知何歲月寄身且喜在天涯年光如夢春明好山氣留人日夕佳願祝同登無量壽興來隨意置清齋

自慚

李子貞日事導引陳一甫日行十里皆七十首強子一無所能今及耄年筋骸支離矣二首

伯陽導引奪天功健步希夷若御風豈料飢餐並困臥也曾徼倖百年中渴飲飢餐百不能祗將任運樂騰騰飛鵬斥鶴慚無地猶勝藜床病莫興病起食粥

更把晨窗粥幾盃茫茫大化任遷推落花啼鳥皆生意笑口何妨處處開

土山公園散步

飽歷風塵寸步艱相逢野叟尙開顏自憐觸處低摧憤培塿如看百仞山

暮鴉二首

野處相親有暮鴉也同鵝鴨各知家翛然一夕枝頭伴秋月春風閱歲華

待得歸鴉接翅時柴門半掩夕陽遲老人曳杖行無事閒數疏林占幾枝

病中作

筋骸如木首如風殘息支離嘯傲中莫怪老人能耐病寓形天地本來空

拔齒感言二首

變滅浮雲本自閑身非我有更誰關百年骸骨終塵土何必嗟嗟一齒間前四年生膿已二年百瘻無拔去

從來柔弱勝剛堅脆弱包含已有年自此世無切齒事祇留唇舌與周旋

雨霽獨坐

小雨初晴一味涼花根土潤自生香悠然百慮清如水始覺幽居日倍長

閱孝友堂家乘有感

故鄉蓮達將產業移交南方先公所遺贈

蘭水鐘峰秀莫倫祖宗德澤尚如新一身梗泛三千里百口椒繁六十春閱世頓驚朝市改傳家猶賴簡編貌梓桑敬止思無斂似續仍期代有人

病起偶作

老來氣血憊百體無堅牢譬如住敗屋樑棟亦撓無時不顛覆風雨更屢遭衣食雖兢畏寒暑日夜鑿盪然嬰小疾臥榻百呼號生氣纔絲髮去死爭秋毫岐黃術已渺西士僅皮毛自分非膏肓疾豎行見逃置身大化中縱浪隨驚濤應盡便須盡何必事圭

刀絕食病良已三日復陶陶乃知天壤內何者非徒勞

自感老境二首

門巷清於水襟懷冷似冰目昏愁簡至足蹇怯階登風雨驚搖落杯觴厭逐徵虧人羹玉繆供此在家僧

家國艱危地乾坤否塞時已無三日計空有百年期舊苑鶯啼早荒江雁到遲飄零朋輩盡往事幾人知

小園

不緣侯印學陰行天地無情終有情白傅光陰多暇逸放翁生世半承平百年忽忽誰知悔千載寥寥幾善鳴好鳥自啼花自放小園春至也敷榮

閱焯兒及諸孫遊北戴河詩有感  
計有夏曾待有嘗外舉其說洗公雖太平石賦

憶昔椿庭扶杖遊轉頭二十五春秋窗前綠樹陰猶在門外清波去不留痛惜桑田變滄海忍看華屋偏山邱兒孫敢望能繩武且喜新詩雅韻流

獨坐

書冊乍拋思慮息杯觴久罷故交稀明窗靜領閒中趣一篆清香送落暉

自嘵

衰殘襟抱若爲開殺氣乾坤但可哀萬里家山隨夢去百年身世入心來門楣尙想清

芬繼閨里空思狂簡裁教澤不延天地否誰回厄運育英才

久思培植故  
育未盡

古香齋題壁

三間茅屋寄閒坊車馬無聲日影長自喜耄荒人事少讀書纔倦卽焚香

孤豚不羨犧牲貴叢棘何防蘭蕙香歷盡艱危心淡泊悠然身世兩相忘

對客

高會當年抵掌時文章勳業若風馳于今別有同心處相視無言一笑知

歎息

歎息平生志未伸謬思仁壽躋斯民晚將咄咄書空手終作騰騰任運人嫂溺不援原有道井從莫救豈徒仁此心自矢軒天地肯爲他緣負本真

無心

憑他電掣一身安萬事無心天地寬舉念卽時皆火宅放懷隨處是烟巒灰深和壁爐常暖談短搖風燭易殘春燕春秋鴻自來去癡人何苦動悲歡

坦然

百折經過始坦然誰能遇境燭機先人情苦樂原無定世事升沈各有緣山色遙連雲外影湖光近接鏡中天縱觀萬象難名處秋月何心分外妍

讀白陸詩二首

一間陋室藏身穩三尺孤桐寄意深千載同心惟白陸須知弦外有遺音  
白如修竹陸如蘭一樣清芬象外觀寄興山川隨處適放懷天地着身寬

閑逸

愈老愈知行路艱柴門雖設畫常闌世間魚鳥從飛躍天際風雲任往還捐盡浮名方  
是逸掃空執相始能閑秋來獨有抒懷處籬下幽花亦解顏

長孫女會孫子歸黃氏喜賦

韶齡百藥最關懷廿載居然詠絮才今日乘龍逢快婿好傳燕譽到妝臺  
宜室宜家德不形悠悠福祿到遐齡百年好合從今始詩禮毋忘絳帳經

春暉堂對菊懷舊友

蓬梗飄零歲月馳秋光又到菊花時尋芳每覺風霜早遇閨翻嫌雨露遲今秋落落清  
游稀舊侶疏疏寒鶴弄新姿幸留晚景春常在老圃攜筇祇自怡

萬璧臣家觀菊

品數金答謝以詩今日重遊不嫌前此之唐突矣

萬家名菊久心存往歲驅車憶叩門錦繡迎階香自遠瓊琳滿室品俱尊分金高誼驚  
殊豔擊鉢清詩勝晤言今日殷勤溫舊夢稱名應識隱君園

實之九弟今年周甲得曾孫俚句志喜

喜見吾宗福不回先公德澤久栽培桃觴花甲三多慶蓬矢林壬四世開門祚已徵龍

譽起家聲又聽雁行來待看弟齒如兄日五代同堂美備哉

重陽約友登高感賦是日爲吾族宋代兩節將單素星公生日承時年年闔族公祭奠廟碑旣甚盛會也

重陽佳節倍思親况值吾宗祖慶辰碧血丹心千載在紅楓黃菊九秋新萬方多難無安土一席清尊有故人憑弔英雄如過鳥登樓王粲已愴神

新買小磁屏彩繪山水絕佳康乾時物也喜題二絕

誰染丹青景物殊令人身欲老江湖依稀似入還鄉夢一路溪山盡畫圖半生羈宦走天涯小屋閒坊便是家垂老欲尋高絕地青山缺處白雲遮

題齋壁十月二十日

莽莽乾坤一腐儒北窗高臥傲唐虞目空天地無今我夢醒滄桑有故吾四野風清聞唳鶴中庭月白見棲鳥蕭然斗室堪吟嘯剩欲提壺趁市沽

累日不出門述所事

紅塵堆裏得身閑門對清溪竟日關課罷黃庭無一事焚香讀畫當游山

雪後書所見十月二十四日

夜闌瑟瑟隔窗聽曉見祥雲積滿庭飢鼠潛行欺枕席寒鴉迴陣撲郊坰近迷樓宇千重白遙露雲天一抹青坐久東窗清徹骨爐灰旋撥火星星

生日述懷二首

九萬鵬程醉裏看世間何物動憂端人稱耄齒衰中健天許浮家險處安遍地笳聲欺倦枕終朝藜粥愧加餐會期江上風煙淨還我平生舊釣竿

搜日與其美開家收津租界  
查居民設施尙無恙

何必星宮問斗牛人間萬事付悠悠百年日月輸欹枕千里江山入倚樓已駕驪車仍

小駐將拋鴻案尙淹留殘年自有安心法秋月春花用酒酬

星家言愚夫婦今年四月  
壽終及同病數月危而

安復

先妣忌日感懷二首

冊載長齋似水清巍巍慈德莫能名馨香俎豆無由報儲得青錢買放生慈惠從來不顧身年年推解到孤貧于今福蔭孫曾輩思嗣微音有幾人

閉戶

閉戶還留天地春逍遙鵬鷗本同倫飯餘宴坐殘書伴夢醒孤吟短燭親意適風雲隨聚散興來花鳥助精神陶潛容膝真堪樂何必桃源遠問津

始雪二首

正喜兼旬暖似春瞬看大地白如銀天工祇管豐年兆不惜街頭露臂人搖首孤吟慰寂寥空庭飛雪正蕭蕭坐看野外鴻泥遠卻掃門前屐齒消

雪霧出遊

嫩日清風雪漸消杖藜乘興不辭遙放狂泥酒投村店信步尋梅度野橋數點栖鶴爭

繞樹斷行征雁沒冲霄天空萬里塵氛淨拾得新詩破寂寥

記夢三首

年垂八十尙偷生藥餌藜羹日有程萬事不堪醒眼看溪山入夢尙分明  
萬疊峰巒是故鄉十年歸計枉思量夜來一檠寒燈下行徧家山覺夢長  
繞村喬木尙扶疏彷彿荒園認故居父老逢迎問蹤跡千家寥落盡邱墟

冬夜聞蟋蟀有感二首

紗護風燈到曉明爐溫蟋蟀尙冬鳴周家過歷秦期促大數原來本裏生  
虎食病侵盡可哀雁烹木壽若爲材倘非佛說通三世天理難憑人事推

讀莊子

心淨常明無盡燈身閑且作在家僧任教世上愁千斛讀破南華喜不勝

同諸遺老茶樓分韻得漚字

蟲沙浩刼未應休時難偏驚歲月道不覺爛柯人已老聊從擊筑客同遊山河興廢雲  
千態身世安危海一漚酒綠燈紅非復昔夕陽好處且登樓

晚眺

一尊相屬醉顏酡大似飛禽出網羅檻外長天秋水遠牆頭高樹夕陽多歸牛笛逐墟  
烟起護鴨竿扶野艇過何處青山堪送老御風吾欲上三峨

水仙花二首

仙凡骨相本非同，泉石生成金玉躬。  
靜坐獨聞香細細，與人偏在寂寥中。  
不隨梅影鬪橫斜，獨立亭亭自一家。  
仙子豈爭金帶貴，頭銜仍是玉無瑕。

憫老

鬢髮蕭然歲月馳，平生壯志果何爲。  
安危遍歷狂心歇，寒暑潛移病骨知。  
歸雁穿雲天有際，虛舟逐浪海無涯。  
夕陽空羨西窗好，起讀黃庭已恨遲。

有感

陽消陰長問庖犧，倚伏循環孰主之。  
梵宇尙觀周禮樂，梨園還識漢官儀。  
大千世界微塵渺，五百年間名士期。  
天地不仁視芻狗，英雄何代不兒嬉。

夢遊濟南三首

背郭堂深映碧流，出門隨意弄輕舟。  
風光得似江南否，十里青山眼底收。  
東流水

畫舫呼來近岸移，參差樓閣綠楊垂。  
南山千佛羅屏嶂，倒影湖光又一奇。  
鐵公祠

代北燕南久倦遊，誰知歷下似杭州。  
最堪詩酒留連處，城市湖山共一樓。  
北極閣

嘵世

世間生滅境何物，不能拋富室連千棟。  
貧家覆一茅蟻忙緣據穴，鴻噪爲爭巢。  
得失須臾事，同歸幻影泡。

七十七自壽二首

孰爲主宰孰疏親七十餘年夢裏身往事依稀如隔世舊交零落盡陳人宅邊柳樹今無恙洞口桃花別有春從此閑雲將野鶴耄期幸作葛天民茅齋息影復何求一領茸氈一布裘身世如鴻依水宿心期似鹿愛山游龐公不作兒孫念陶令能寬旦夕憂誰挽天河重洗甲入荒可望上高樓

自遣

榮枯脩短總由天耄齒光陰豈偶然獨放高歌須酒後閑拈秀句到花前江湖不羨魚濡沫廊廟應嫌蟻慕俎但得影衾無愧怍晝甘藜粥夜酣眠

勸世

禍有胎兮福有基天庥敬迓視人爲潛消魔力蠲葷血靜息機心屏弃棋春雨花開先有信晴雲日出不嫌遲世間無限閑恩怨黃雀螳螂郤問誰

書幸

掩耳不聞笳鼓聲黃塵堆裏且偷生飽經危殆身差免備歷艱難事竟成腹有箴規忘世濁胸無冰炭覺心清長齋繡佛殘生活贏得青蔬一鉢羹

閉戶

破巢危幕苟安居閉戶方知樂有餘愛覽溪山頻讀畫厭趨市井久懸車鶯聲近和風

前笛梅影斜揮月下鋤得趣偶然成獨醉不辭世俗笑迂疏

夜坐

寂寂復惺惺中宵酒半醒倚屏雙几滑掩卷一毡青香燼風生牖燈殘月滿庭功名今逝水搔髮感頽齡

歲暮感懷

俯仰乾坤萬事非天涯歲暮願多違抱經志士青燈老射石將軍白髮歸孤渚風淒無雁宿空庭月墮有鴉飛冰霜不遏陽和氣猶待春回百卉菲

憫世

世間何處異羊腸局促轍車祇自傷等是逍遙飛斥鷗爲誰辛苦轉蟻頓崑崙頂上山河壯蓬島宮中日月長獨立蒼茫天地別任教瞽眼幾滄桑

檢閱自記年譜有感

少日一心三不朽畢生十事九成空詩書莫繼先人業惠澤難伸慈母衷病聾吟肩詩有崇狂疏世態酒無功今看雪上鵝泥迹歷歷崎嶇是夢中

開歲余年七十有八矣立春前夕枯坐

殘生日月捷飛騰兀爾盲聲喚不響蟲臂鼠肝何必較魔宮佛國孰爲憑二千年史輪供臺九萬里天枉化鵬今古幾人醒大夢華峰驢背看雲興

冬夜獨坐

景短經旬不出門夜闌無客對芳尊松肪刻畫瓶花影篠火綿延布褐溫風急天青稀  
雁過月明窗白亂鴉翻關心料理殘生計佛粥春盤次第論

戲作有  
人謂  
辛巳年壽當盡  
日立  
辭死  
王午矣

已把金蛇視白鷄彭殤何物不能齊今朝水馬江頭看千里東流還趨西

深夜吟

昆明刲後有餘灰休歎斜陽景莫回止觀脫離愁境界按摩消滅病根荄伊川語妙直  
須去務觀詩狂不應來夢醒郤看深夜月一窗松影伴寒梅

春雨後郊遊

家在清溪小市西春郊過雨草萋萋輕飄弱柳翻翻舞自在嬌鶯特特曉天向空垂青  
野盡山從遠出白雲低桃花流水在人世欲訪漁翁路已迷

祀竈二首

禮隆三代普編氓歲暮馨香習送迎五祀獨存今不絕萬家烟火看昇平  
千年祀事尙如新一飯原知合有神會得監民圖上意家家黔突是深仁

歲暮祀祖二首

宦遊兩世寄天涯臘鼓聲中閱歲華七十年間常是客入歲隨侍到津前後居此七十年矣三千里外已

無家至德兵燹  
屋全壘尚歌麟趾徵家慶不掩豚肩示國奢  
弃葉清芬思燕翼靜看香篆繞梅花

雞豚不匱歲朝供餧粥猶堪守素封繞膝承歡賡燕譽病腰扶拜苦龍鍾心殷志述三遷訓目見祥開五世宗南國烽烟偏桑梓且將俎豆寄萍蹤

辛巳除夕

不復雞占命自安生涯隨遇本來寬  
輦尊且近椒花酒腹儉仍甘苜蓿盤喜聲吟箋娛  
歲晚驚聞爆竹怯更闌閨餘贏得春回早花信還應舊歷看

今年閏六月十二月十九日立春新歲爲二月十四

# 止菴詩存下卷

至德 周學熙 編之著

## 壬午元日試筆

水馬重逢六十年昔時青鬢今華顛太平景象家家足凱奏歡聲處處傳閉戶丹鉛忘歲月拂簷松竹長風煙兒童莫笑鄉音改已是孫曾四世延

醉歌余乙丑姜丙寅今值王午合計百五十五歲

一青牛一赤虎細數流光又當午昔爲華胄今辱虜滿眼江山誰是主哺可含兮腹可鼓世味不如村酒醞前有扶後有輔爛醉且向街衢舞道旁觀者環如堵借問翁姥幾春秋二人一百五十五從此到終身盡爲聞日月不須磨竭重推數吁嗟乎君不見古來蓋世幾英雄青史功名皆莽齒鹿門偕隱還辛苦子孫數典多忘祖海有時而枯石有時而腐况乎人生彈指陳迹隨仰俯去者不可挽來者不可拒周與蝶與胡不物化樂栩栩萬歲千秋今誰識松根一抔土

## 春日遣懷

春風和暢好披襟攬物興懷喜不禁麗日紅漬鸚嘴豔輕波綠蘸鴨頭深登山臨水驕人興醉月迷花處士心拈起龜毛三尺拂絲毫無復俗塵侵

## 春閒

水秀山明地風和日麗時花開頻載酒月上獨吟詩倦鳥棲林靜輕雲出岫遲聞身隨處適清味少人知

困中度歲

舊英租界改稱極普區  
四邊封鎖出入檢查

多難光陰速兵戈又歲除時危儀節簡道阻過從疏徇俗無冠服長齋有筍蔬親朋多潦倒吾敢歎虛居

元辰感賦

拜起龍鍾尊俎前屠蘇飲罷意愴然傳家乏術辜弓冶濟世無聞媿繫鉛險阻鄉關如越國飛騰歲月若奔川任教門外塵揚海斗室焚香看篆煙

讀史有感

古今成敗付悠悠青史功名每倖投燕市悲歌空擊筑荊州愴賦強登樓江山有盡星霜老天地無私禾黍秋千載風雲全偶爾皋夔不遇亦巢由

自怡

得失胥捐寵不驚放懷天地若忘情黔婁自樂輕猗頓顏子無心羨老彭儘領山川長供養莫辜風月負平生春來曉夢初醒後恰聽黃鸝三兩聲

苦風霾

幽燕無奈是春朝十日寒光九怒飄卻憶江南圖畫裏杏花夾岸弄輕橈

驚蟄

八十衰翁未減衣倚闌吟嘯弄春暉無言生意來天地撲面青蟲習習飛

夢江南

嫩黃柳色曉鶯啼江雨初過百草齊莫怪詩人頻載酒烟籠猶是六朝隄

山家

白雲深處有人家樹繞清溪一徑斜白首不知山外事雞豚自給話桑麻

止園題壁

浮生莫歎不逢辰百折猶存刲後身小沼魚游方得所深林鳥語始知春任教遼鶴千年化除郤江山萬事新借鋤菜灌花多樂事茅簷還我一儒巾

隄上小步

閉戶息塵羈攜筇傍水涯習勞方健飯乘興尙尋詩魚影依橋密鶯聲出院遲數時知候轉岸柳半黃絲

止足

消憂惟止足易可出艱難鼯鼠臨河偃鶴鵠占樹安徽醞名酒罷半吐好花看會到無言處幽人白骨觀

小園閒趣

淵明誰識羲熙人自是無懷上古民老矣拚無鴻鵠志怡然留得水雲身槿籬竹屋開三徑豆粥藜羹敵八珍萬事直如風過耳眼前常喜一花新

曠觀

過得一日且一日耐得一年是一年世間萬事皆天定何必思量後與前苟氏九公聊復爾武侯六出亦徒然深觀寒暑推遷理自古從無不散筵

看畫

不病不窮萬事足無思無慮一生閑茅齋自有安心法面壁常看畫裏山

憶昔

利名得失苦匆匆閱盡春花幾日紅回首閑愁千萬斛直如鳥迹印空中

孟莊寓新闢小農圃

綠陰四合不知鄰半畝桑麻雨露新莫道仙源無處覓短垣咫尺隔紅塵

春晝二首

春濃晝永意愔愔一寸光陰一寸金午睡乍醒忘早暮晨游乘興計晴陰攜筇覓句情先往宴坐觀書趣轉深願駐韶華人不老日移花影正天心

天教晝接荷龍光獨有熙春樂未央繡閣捲簾風送暖錦堂高枕午添長韶華似水繩難繫日影如梭晷可量最是惜花人起早本來無事卻成忙

身世

壯志隨年往虛名逐水流心平災自退身儉富何求匹馬關山路長鯨海市樓于今俱  
夢破曾熟一炊不

憫南洋華僑二首

寶藏從興已百年因緣先着祖生鞭巍巍華屋今非昔難向山邱問一塵  
偏地桃花偏地金生成雨露此中深王侯富僂來天厭可惜當年篳路心

遊公園山桃始開

西齋三日矣

新晴扶杖啓柴扉不覺郊原景物非野外漸知閑地少眼前時見故人稀風搖隄柳番  
番起日射山花片片飛領取春光無限意好攜童冠舞雩歸

弔陳西甫

總角論交六十年及今回首更潸然牛衣從識平生厄鹿御還欽晚節堅忻頌琴聲留  
北海感隨椿蔭入西川遺金區處傳清白猶憶忠言野席前

輓趙劍秋

把臂京華四十秋悠悠朝市任沉浮早登廊廟甘時忤晚落江湖爲國憂行水經綸資  
覆蕡如山簿籍賴紓籌儘多事業憑沉澱回首平生涕泗流

答子貞約同入舊都作伴看花

風雲變色海揚塵息壤彈丸尙見春莫問上林花事好市朝能得幾閑人

清明日栽花二首

清明時節客魂迷道路村民與夏畦小圃何心重花事年年辜負子規號  
庭荒無意惜芳菲千里家山十載違豔紫夭紅易搖落獨憐寸草送春暉

大公園看海棠

舊莫祖界中街大公園中海棠係舊日所栽至今年花最盛人如繁華

首

年年喜見海棠新今見花飛又一春最惜年年看花地幾回曾見去年人  
海棠花發逐年新今日花開別有春祇記年年看花地不須更問主花人  
一年花事一番新天地無私總是春燕語鶯啼留不住看花偏是惜花人  
千花百草一時新蜀蠳巍然六十春底事年年花下過更無人記種花人  
越日再至大公園觀海棠將謝又賦二首

六十年來萬事新甘棠幾樹尙爭春常留餘蔭深遺愛豈祇花光照後人  
百尺棠陰雨露新一年能得幾多春殷勤記得繁枝處尙待來年說與人  
上已未出悶損

萬方多難若爲家料峭春寒茗未芽欲出清游無伴侶空齋獨坐看飛花

得第三曾孫女

嘉貞出

喜聞鶴鳳兩三聲况復充閨又一行四世開先期嶽降比鄰待嫁卜河清竹林露早頻添苗蘭葉春遲始吐萌勿笑詒謀惟酒食門楣他日尚崕嶧

癸巳科五十年團拜席上作

霓裳同奏渺雲烟瀶洞風塵五十年天上不無星主酒人間仍有地行仙山河依舊花迎客日月常新雪滿顛星紀再週還健在鹿鳴重宴又翩翩

三月二十五日魯卿約一甫雨莊震初實弟同集市樓品茗並攝影爲紀念率賦兩世交情六十秋相看鏡裏雪盈頭鄰侯第宅欽堂構晏子楹書媿冶裘幾度滄桑醒倦枕一杯芳茗上高樓同遊丰采皆神駿努力勳名溢九州

寄題癸巳鄉舉五十年紀念圖

癸巳恩科至壬午五十年三月二十六日曾叔度值年釀金聚飲稷園牡丹盛開汪孟舒繪圖爲記念熙臥病津門未能赴會謹寄題一律以志盛舉

春夢初醒五十年文壇回首若登仙空餘身世天涯感誰識文章海內傳洛社耆英留故事山陰觴詠紀羣賢稷園尊酒花迎笑紅蕊何曾怨白顛

春寒

大地無私總是春餘寒尙中百衰身關懷獨有天涯客撫序偏驚陌上人日嫩重裘三度減風遲弱柳一番新村醪可買朝朝醉留待陽和作幸民

自題攝影

鬚白盡髮毛禿飽領風塵容可掬世間憂樂本來空還我平生真面目

詠斧二首

隔山樵斧聽丁丁滿壑松風送遠馨日落長歌歸去晚白雲深處一肩青  
析得薪樗一老翁運斤揮手郤成風歸來弗覺腰間重帶月行歌氣自雄  
登久安新五層樓望遠感賦

知非吾土強登樓王粲依人尚遠遊更上欲窮千里目不知何處是荊州  
題一甫入泮試藝稿二首

五十年前奪錦來筆飛墨舞出心裁平生志事關天下不愧希文始秀才  
昇平雲路寸階難泮水珍如鐵網珊瑚一字一珠堪擊節雲初應作典型看  
自嘲老境

耐病衰猶閒無憂樂有餘軟炊躬稼米爛讀世藏書倚戶期歸鳥臨池數放魚夜來燈  
炷小一枕到華胥

聞五月十日

陽歷六月廿五日

至德城內及堯渡鎮並紙坑山周村均被燬于兵新舊兩

祠皆焚先是縣政府借祠辦公屢函屬移未果故是有難二首  
禍福循環若有期盈虛消長孰爲之負乘致寇由來事堪歎愚氓總不知

洪楊刼後繼馨香人事天心浩莫量城市爲墟原倚伏山林何故有興亡  
舊同義于洪楊之亂同始初修後新祠先君手建成于光緒初年六七十年間永享頤仍元氣未復

### 感事

一生不傍訟庭邊八十翻遭票屢傳財本五家公共物酒無百歲不終筵亡羊能捕今非晚失馬仍還後勝前禍福無門天有眼好將倚伏觀其全

### 看雲

三首

暮年心事在烟巒陟磴攀崖興已闌高閣捲簾醒醉眼閑將雲勢作山看  
家山千里夢中探欲話幽深孰與談恰好雲容能百變層巒疊嶂似江南  
晴空萬里果何之來似從容去若馳舒卷無心誰管得人生自在只如斯  
和一老移居靜園元韻

二首

由來靜室是祇園住世因緣福有門安樂本因無意得羨君淡漠養天根

憶曾卜築靜宜園繞屋扶疏翠掩門回首林泉懸夢想五年足不踏松根

余小篆在晉山齋立園中

名參要別墅今因亂已五年又不能往居矣

### 病起自歎

天地無情終不老人生斯世貴有道不才下走百無成忝爾所生傷懷抱平生憂患積  
如山坐使百病形枯槁默數餘年追耄期自慚樗櫟人稱好少壯光陰瞥眼過十年讀

書恨不早僕僕風塵瀕洞中日月逝矣空懷寶文章未足欺盲聾弓冶辜負承祖考慈  
樟垂訓沛仁施三黨孤寒仍潦倒本不計薤上露易晞亦不計門前雪自掃生前燕幕  
等烟消身後鴻泥如電掃民生國計兩無裨且暮蔬粥徒自保及今桑梓不聊生疫癘  
連年加旱潦醫農兩事願終虛憂心清夜常如搗吁嗟乎風前殘燭日崦嵫驪駒在門  
殊草草縱假數年亦何爲一生叢過無由禱太息人間一蠹魚自問何以答蒼昊

秋園花木盛茂老妻病癆經年今得肩輿遊觀喜賦二首

小園爛熳壯秋容勃勃蓬蓬氣所鍾病足老妻生意在忻占來日快扶筇  
買得春秧待雨栽秋晴穀實百花開從知造化無窮妙萬物生成自在培

讀史有感二首

乘興容易救衰難時勢英雄互控搏得失是非誰管得祇留成敗後人看  
鑄金躡冶願難窮大化無心本至公千古英雄彈指過百年何事不成空

小園遣懷二首

柴門破落不曾開小小園林也曠懷莫恨泥深無客迹且尋徑曲有詩材枯藤引蔓旋  
成架新竹行鞭已破苔牆外紅塵飛不到免教俗慮入胸來  
小園何處可抒懷相對沈吟木不材延目千秋盡蘊粉怡情三徑掃莓苔青黃穀報連  
番熟紅紫花迎次第開順物自然隨意足不教冰炭逐心來

息菴七弟病神經二年未得常談昨邀敬之弟與實之九弟及子姪輩聚飲于春暉堂甚爲歡洽承惠二律因步元韻以志嘉會

白頭兄弟倍相親同是天涯淪落人四海兵戈罹浩刦一堂棟萼尙熙春放懷莫使悲憂極顧壽當令飲食勻杯酒聯歡無量福愁城打破氣常新

身作醫王心是藥仙方難得此心閑栖神直擬鯤鵬上涉世還參木雁間眼下不憂千尺浪胸中常有萬重山桃源可訪期聯袂待看兒孫濟世艱

重九日雨莊約偕味雲伯屏佩瑜一甫震初寶弟市樓登高口占二律

金戈遍地若爲歡尙插茱萸未闌去歲清游如夢境今朝舊侶盡儒冠三千里外同爲客二十年來不屬官更上一層慚脚力且尋高處望家山

客中重九聲幽歡朋舊追隨尙倚闌堪笑瀝巾虛綠酒郤誇落帽等黃冠糕無故實難題字盤有清齋不仰官俯仰滄桑傷往事且看雲物當江山

止園愛晚亭觀紅葉

唐詩今年春蘭小園栽蘿數莖重陽後居然皆因憶香山紅葉之感惜五年未傳觀三首

小院新栽薜荔叢居然爍爍得猩紅五年不躡巖前路引起香山入夢中  
春買新秧倚壁裁秋風吹豔入窗來人生隨地皆成趣贏得秋容笑口開  
愛晚亭前景一奇無花有豔也離披霞烘老眼成孤賞殊勝春風二月時

河東萬家看菊

盼到黃花又一年依然四海漲烽烟雲蒸霞蔚姿仍豔露浥霜侵色益鮮高士襟期多  
淡泊主人情誼久殷勤新妝異態還層出常與秋風結後緣

思鄉

獨立溪頭望南山路不分鄉心日暮切萬里送歸雲

壽豐公司觀菊賦贈主人孫俊卿

三首

年年匆促別花前今日相逢又一年幾度秋風人易老爲珍晚節且留連  
海隅無處不氛埃獨對黃花笑口開莫怪秋容還爍爍胸中原自有春回  
年年常作別花人一度花開一度新十色五光皆俊傑方知百鍊是金身

七十有八自壽

四首

勿幸頽齡病體輕燈前顧影更心驚鼓盆早懊莊生遠舉案還延孟媼生謂妻病棄年今我危而  
安復鼠臂蟲肝何足較藜羹糗飯尙關情官府置局食糧者少各有定數衰宗寒戚多顛沛誰挽天河爲

洗兵本邑被兵城內外及近郊市鎮各設營房庫械無存基數

故

舊宗祠

後

修復

食僅雙弓延歲月籌虛三策幹山河從今野鶴應相似一片閒雲隱碩  
蘿故  
正修復蕪

年垂八十似嬰孩獨守寢頑養不材屋角有風仍護竹溪頭無雪且尋梅久停棋奕機  
薰

心息閒弄琴書醉眼開  
悵觸老懷惟一事  
千年禮樂盡秦灰

漫將朝士數貞元  
白首交遊百不存  
千載詩書輸祖澤  
百年簪紱負君恩  
範圍天地休

言否草昧雲雷郤  
用屯炳燭光陰如石火

一經猶欲教諸昆

先妣忌日感痛

四首

慈雲失蔭至于今  
國破家傾日景沈  
三十五年憂患過  
幾回揮淚幾酸心  
自安體魄到桃源  
形勢空憑術士言  
若道先靈庇游子  
如何事事總驚魂

薄宦輕離遠膝前  
未能終養恨終天

鄉園南望多豺虎

不撫松楸又十年

丁未秋署直

遺大故未能  
一日侍養傳載

每憶兒時疾未平  
長齋日日誦經聲  
此恩無計涓埃報  
常積青錢買放生

余生多病吾母  
長齋念佛

四十一年今垂八  
十乃母之期也

有感

河東華新移廬今改公大廬今日  
茶會爲事務所新屋落成

隔溪歲歲有桃開  
贏得清陰遍地裁  
辛苦難忘當日事  
種花人尙看花來

生日諸子羅拜獨歎  
長孫隻身遠去三年不歸

二首

老邁顛危壽敢云厭觀世事苦紛紛  
頑孫莫解重闡孝海角天涯聞不聞  
水源木本義何云天性乖遠起亂紛  
千里安危榮夢寐忍教陌路不相聞

生日謁祖

形骸徒在久中虛扶拜龍鍾禮已疏租蔭獨憐殘老日萬方多難一身餘

生日家宴感言

輓粟飛芻計不材萬方粒食費疑猜蕪詞漫詡吟箋肇萊彩難令懷抱開失教稚孫千里去乞援疏戚百書來儘多家國關心事芋栗堆盤懶舉杯

十二月十六日大寒節申時初得雪

今年春夏皆未得透雨入冬無雨雪今日始見微雪

喜見祥雲兆歲豐太平有象九州同老夫一飽真天幸贏得殘年嘯傲中

十八夜又得微雪

又見空中戲撒鹽天公有意慰閭閻先教大地塵氛淨指日春回雨露霑  
今歲窘甚而乞援者絡繹苦無以應

人生得失有來由知命安天底用求莫怨飄風飛墮瓦不聞驚浪覆虛舟一身淡泊原無患三黨孤寒尚有憂飢溺豈關顏巷事手援天下若爲謀

喜雪大寒二月十九日午後  
明年歲朝立春

久旱祥雲玉作堆先春十日喜陽回天心愛育民生福百萬歸農解甲來

除夕守歲

壬午

暗換潛消總不知一年容易又星移山河破碎聊尋醉天地蒼茫獨詠詩九折危途憐馬力百迴夢境愴雞啼燈花燦爛爐烟直正是陽回黍谷時  
庚子正二月初立春

元旦試筆

癸未七十有九是日正立春午時

一枕邯鄲兩鬢皤平生憂患夢中多子遺幸有非延算

十七言余七十歲

壽於

性命纔全且浩歌

世界屯貞渾忘卻歲朝春首又經過

見歲朝立春以來

屠蘇飲罷乘陽氣笑看兒童起舞嗟

夜坐

由來夜氣本常新枯坐心虛息自勻殘藥掃除愁境界異書扶助老精神花無濃豔如高士月有清輝似故人陋巷閉門稀客迹一燈相伴百年身

上元節祀祖後支祠開會議事

宦轍于茲七十春太平版籍尙遺民祖宗靈爽三龕在天地清明萬象新禮樂不隨朝市改詩書仍望子孫親幽燕從古多名族源遠流長自有真

擇廬見示和東坡元旦立春三首因步原韻

驚心節序正星回五色祥雲拂曉催要信天心端歲首乘時陽氣載春回

正立春卯見五色雲

風吹柳絮未成寒快雪時晴宇宙寬化日光天人盡仰萬家翹首五雲端

未時雪中時晴午時日

雲霧不見

七百年來詩興同東坡彩筆煥神功羨君名士多佳詠如坐堯天舞日中

上元過天后宮前有感

二首

新年光景捷飛騰剛換桃符又撲燈市井蕭條今異昔煌煌廟肆冷如冰

嗷鴻遍野不勝哀粗糲充飢日幾回滿地燼餘無復問可能乞食耐嗟來

連日春宴傷食病作自警

連日春盤餉友朋豪餐兼味力難勝腹中頓覺生芒角身上居然似炭冰豈是風寒侵  
作祟由來飲食忌多增放翁詩句應知戒下箸還將對敵稱

偕老吟

余以甲申歲完婚今癸未滿六十矣中間幾經兒女之戚衛士言余夫婦當以辛巳壽終今竟過期妻病瘥三年余亦多病皆無恙每為不幸之幸

二首

六十年前始結褵椿萱並茂福無涯身經無數憂危境贏得殘骸老病癢  
兩人歲百五十七松桂隆冬尚見青冰雪交侵身是患不教方寸負冥冥  
病小愈阮叔招遊舊都廠肆郤謝

偏逢新歲病莫遂故都遊咫尺成千里睽違閱五週一身如槁木萬事付虛舟待到花  
開日能陪杯酒不

一炷清晨香效康節體

一炷清晨香虔心禱上蒼普天同歲熟故里莫兵荒族戚家家足兒孫個個長我今雖  
老病顰曠也何妨

病起小園散步

剝啄難逢舊雨來偶攜藤杖出庭階千年往事悲歌起萬里長空病眼閉好鳥枝頭皆

宿友閑雲天際盡詩材遠遊無復舟車興且繞蔬畦日幾回

楚卿慎之一甫雨莊震初伯平實弟及余在永昌西餐公祝佩璵七十壽卽席賦

詩二首

把臂同游適仲春清時贏得自由身一堂六百齡餘算都是桃花洞裏人

福祿同珍壽永昌相看白髮快稱觴肴粗酒薄君須醉道是壺中日月長

二月十六日春分小公園山桃初放佩璵震初同遊四首

歲歲風烟歲歲春同遊又見白頭新集喻今七十喜花容寂寞應含笑不是桃源也避秦

衰殘何意入芳叢幾度春風一笑空獨往小園天地別好花無主爲誰紅山後花早開景點

繁華俯仰迹成陳白髮尋芳又幾人今日春風若相識問花誰主更誰賓  
幾日輕陰花始開風霾忽作又遲回天公似阻遊人興好事多從磨折來

味西公治行得傅沅叔太史增湘撰墓志金息侯少保梁入清史補傳感賦

廉吏誰言不可爲年豐歲暖尙寒飢禦災捍患堪尸祝士習民生合繭絲召杜大猷留世法龔黃遺愛繫人思闡幽賴有鴻儒筆奚啻羊公墮淚碑

午後遊園口占

乘春隨地是吾家午枕初回自煮茶日暖綸巾何處去小公園裏看桃花

讀倦出遊登市樓遠望

目倦拋書且出遊適中寒暖是春秋天光水影高低見野草幽花遠近留一片烟雲任  
舒卷幾行鷗鷺自沈浮晚來尙補西窗課常帶斜陽下小樓

歎老

老邁心情百不如清遊十事九成虛探源莫放淵明棹入市難驅康節車鉛槧久拋書  
有蠹蔬餐頓減食無魚閒身祇合尋春夢欲傍溪山結草廬

惜春

不憂雨溼怯風吹九十春光能幾時忽見樓頭楊柳色落紅滿地又誰知

上巳日遊倪氏園林

旋風吟二首

永和禊事作清遊逸少文名百世留天地有情人易老江山無主水流將軍雄武存  
魏琛公子遺芳臘故樓舉目不禁今昔感幾行高柳蔭虛舟

幾行高柳蔭虛舟一片平原帶小樓叱犢短蓑人最樂聽鶯斗酒客消愁茂林非竹還  
棲燕曲水無觴且狎鷗大好園林閒是主永和禊事作清遊

第一公園海棠六十年前物今尙盛開

二首

六十年前事已灰依然蜀豔占花魁天心雨露殷勤護特表甘棠遺愛來

此公園始自光緒初年

名園舊事首空回獨有花枝歲歲開昔日遊人何處去得閒爲主且重來

公在井海關時贈  
朱百事創造經營

清明後降雪二首

忍飢待澤已經年忽降祥雲上已前未必豐穰能預兆且平穀價續炊烟  
三月桃花正落英忽來飛絮舞風輕老農力作知時節郤聽郊原叱犢聲  
約一甫子貞佩瑜雨莊伯平震初同遊倪園踏青茶聚

春入林塘分外幽沿溪草色綠如油杯觴昔日成陳迹杖履今朝結勝遊華屋山邱雲  
過眼風塵歲月雪盈頭得閒便主誰爲客何處非家且小留

勤儉吟近日賴貴家用不支烟瘠病根由干人多女指繁故如蠶爲儉之本

大學功夫重治生經言爲疾要躬行方知言儉勤居首家累先從食寡輕  
庸庵太保寄示近作感昔知遇率成俚句

抗言國計與民生憶昔從公領土爭筆禿唇焦心自壯點金煉石志何成百年風月春  
申地一代耆英洛社名魯殿巍然欽泰斗敢矜蟲鳥不平鳴鼴庚戌交涉已有收回隨公難堪公旋去位至今引以爲憾

風塵湏洞際時艱詩卷常留天地間矍鑠精神文潞國徘徊風月白香山北門鎖鑰猶  
堪憶東洛衣冠孰可攀世界滄桑增福澤天教老健且身閑  
和庸庵太保酬津友韻二首

千里詩筒速置郵相公風度本休休拋磚引玉方貽笑報李投桃可漫求心似陶潛依

舊宅身如王粲怯登樓越吟正苦情無奈坐井還思墜九州

茫茫大陸困風霜止殺誰思楚伯陽但使捫心憐總總不須搔首問蒼蒼劫灰自古何能測很石于今孰敢當詩酒流連吾輩老任教說蔡中郎

喜雨二首  
三月二十九日

小雨新晴絕點埃藤花滿架送香來老夫喜作齋孟備移得青蔬帶露裁  
半年久旱苦氛埃春暮風和細雨來天意惜民重秋稼新秧遍野及時栽  
慎之先生猥以拙句爲木齋尊兄壽賦詩言謝欽愧交并謹答元韻  
析津騷客盡聞人尤數君家氣象新閉戶著書多歲月壘篋協奏四時春  
羣書博極號知津勲業文章孰比倫每奉吟牋三浣誦芝蘭白首尙如新

自廣近日所見皆亘古所未有之事因無聊作此自抒懷抱但于無可如何之中得過且過云爾

家付兒孫命委天襟懷何日不翛然夕陽門巷堪羅雀野水烟波看墮鶯架上有書聊  
作伴瓶中無粟且安眠覩鷗斥鷃皆吾友熟讀南華第一篇

得雨爲飢民慶

米珠無計度朝昏歎息斯民飲恨吞已見遺骸曾滿路更聞鬻子竟連村流離四顧偏  
無地呼籲千番倘有門一雨郊原慶霑足天心猶自惜元元

歎世

治亂興亡事不奇千年王霸幾秤棋防空夜夜偷光禁配給朝朝數米炊

時空配給禁日屬茶甚

殘息苟延胡所底重熙再覩豈無期低回南渡東遷日習見中原盡仳離

### 小園

未恨天涯寄斷蓬小園新闢地三弓閑門羅雀清風至曲院聞鶯暖日烘野草不除全

物性良苗分植驗天功春花秋月皆生意贏得餘年歎微中

### 和伯平看花遲暮吟元韻

猶及繁華照眼新羨君原是別花人雖然節序驚遲暮富貴延年品自珍

開到春闌不恨遲餘芳豆綠正當時

謝雨後遺園甚丹已只綠豆綠一種

千紅萬紫雖搖落淡泊梨花

### 合鬪姿

歎息都門六載違春明情緒每依依長房縮地嗟無術遙想朱闌對落暉  
幾回吟興勃然生探得奚囊亦已盈點綴羣芳空纏縵姚黃魏紫費經營

### 題李子貞三知足齋額二首

知足能令百慮清如公誠不愧虛生原來三寶君家法七十年中祖述行  
福壽康寧世所珍多聞直諒益同人放翁耄老摩便腹還勝淵明乞食貧

### 鳧茈詠聞蜀流蘆一聲詩蓬島並飢民廢集掘食全活無

八風臺起頌維新寶貨當年不救貧畢竟子遺天自主鳧茈猶得活飢民

千錢斗米散亡多百倍于今可若何慈愛夫心回厄運忍言魑魅喜人過

奸商國賊

哀時

古云民以食爲天斗米今號百萬錢四海嗷鴻盡瘡口不知何處有卑田

乞婦歎

一食全傾卒歲資今生無復望朝期手牽兒女肝腸斷更忍嬰孩索乳時

對食歎二首

門前磯臥盡旄倪自媿齋盂僅藿藜舉箸心酸難下咽苦無呼籲上天梯紛紛托鉢遍街沿郤歎朱樓尚綺筵虞夏豈無經水旱可思減膳輒珍年

首夏雜興二首

九十春光過若馳綠陰芳草是佳時午窗睡起渾無事一炷爐香自詠詩簾陰引架荔盈牆蛱蝶雙雙點草忙天與幽人閑歲月拋書午倦日初長

遣興

映階碧色草萋萋林暖牆頭鳥自啼欲試郊遊慚脚力且攜筇竹過橋西老愛門前車馬無扶疏繞屋聽鶲呼停雲賦罷爐香歇閑寫詩筒付小奴

雨後平津道中所見

四月二十五日

漫言人壽俟河清今日驅車自在行西望雲山似相識北瞻魏闕更多情連村不斷青

葱色秀一鳥夢甚豔過市猶多語笑聲獨有道旁新壁壘龍蛇走陸勢縱橫俗鐵路旁挑連不繫作

重入止園舊宅

自舊漢事變倉卒出都今已六  
年重入舊居洵爲幸事二首

敝廬嘯傲養孱身一別匆匆六度春移竹已添三歲本題詩猶掩十年塵燕歸幕上危巢在蝶化燈前作夢新莫怪門無車馬迹樂哉天許作閑人

一踐吾廬兩眼明殘年猶望再承平圖書委案依然在松竹成陰乃爾清擊筑難尋呼酒伴酒尊食物不堪吹簫徧是賣餳聲舊片幅繪畫雖云故國非喬木且喜高槐綠滿城

永康胡同關宅見太平花

聞此花始于乾隆平大小金川時得來故宮一株至今尚有少有

直到于今號太平當時勤遠費經營興朝二百年前事祇有花枝得盛名

又見菩提樹花

兩樹猶沿佛國名看來枝葉盡駢生花開色相殊平淡卻有奇香入暮清據二云此花入暮清香異常

入舊都五日卽回津車中作

六年涸轍心如癆五日斜川夢又醒儘閱市朝徒展畫不堪身世等浮萍青山萬疊平肩列綠野千塍警眼經待得春明花事好重攜竹杖遍郊垌

和一山落齒韻

二首

唇齒相依泯怨恩香山雙落有詩存新詞祇合吟風弄舊恨應無切骨吞舟去誰尋遺劍迹暮危難補墮巢痕從今脆弱成虛幻變滅浮雲莫問根

齒與生俱豈計恩老衰當落理難存從來柔剋剛難久此去貽含橐可吞海闊濤翻寧  
漱石天空雲過豈遺痕屠門大嚼何嗟及戒殺還須尚味根

賀味雲親家與仲虎同歲重游泮水

四首

孝秀傳來真世家羨君韶齡見才華元音正始承衣鉢江左風流紹永嘉

公爲瑞安黃獻蘭學使所

駁歷勳名六十年優游林下若行仙身經幾度滄桑後猶覺金欄在眼前

我生同及中興年角勝文場相後先白首天涯驚舊夢還將往事話燈前

前歲庚辰余

萬仞宮牆化作塵子今幾輩是陳人世間甘苦消磨盡獨有儒酸老更親

訓勉嘉良孫

第貞今年二十四歲北京翰林院大學士第

業今

人于天地不虛生教養諸端總自成經濟循名原貨殖文憑責實有神明請纓要立無  
雙志發軾先端第一程念四光陰彈指過巍巍德業在躬行  
世界終能見太平立身端的重危行詩書要守重聞訓弓冶還期一技精且漫轉移隨  
世態須持孝友振家聲寒微族戚吾關念勿忘慈祥忝所生

自曠

迎年八十是衰翁蠶粥無虞亦自豐已付天機鵬鵠樂不關身世馬牛風蘭芽漸茁餘

冥識技  
置案首

揚龍章惠  
莫名

生慶鉛槧猶親卒歲功一事尙留遺憾在佳山勝水夢遊中

閱世

閱世浮沈孰與同縱觀物外騁吾衷大千世界微塵裏垂百光陰逆旅中北斗南箕增  
永歎西秦東晉若爲雄老夫不作鹽計憂患如山一笑空

詠呂碧城女士

二首

千年閨教重迂拘晚近才華便不觚畢竟易安心迹白錯教人說莫須無

邁世英華詠絮風漫游瀛海徧西東何如嶺表葉猗子本分事居名教中

順德李菱漪女史著讀史

管見女子言行錄且謂子分田耕族云莫辭本分內事更作名教中人

北京自來水紀念

光緒末慈禧太后壽誕念京師火災屢經工商部奏報照創辦自來水公司起歲告成迄今四十年始漸發達舉議造價無算人勞

接閱之處二首

深仁慈聖塵深宮承命胼胝豈有功今日飲和四十載幾人回首更呼嵩  
物理循環本至公雖云人事實天功放翁十年遇水旱老不能耕年始豐

和佩瑜感懷韻

二首

鶴唳聲中不計年鴻噭飛去又驚天蠟廬橫媿陳蕃下燕市鞭欣祖逖先屈指分襟題  
舊集關心把酒夢重圓良朋聚首皆清福品茗談詩豈偶然  
心傷板蕩感衰齡同是風中寄水萍我媿浮家新活計君還相國舊門庭燈前顧影盈

顛白酒後論詩滿眼青相待秋期籬菊下故交寥落數晨星

夢入家山桃源道中

春來花事滿烟鬟遠近高低五色斑一路鶯聲啼不斷輕輿已過數重山

風雪登樓

莽莽乾坤生若浮天寒景短獨登樓梅含雪意香冲鶴松撼風聲氣舞虬放盡山河千里目掃空身世百年憂夜遊秉燭人爭羨正好斜陽尚小留

小園

小園藝事勝農家禾黍盈疇場有瓜讀罷陶詩天欲暮又乘微雨去移花

自然

物理人情本自然窮通事事總關天伊川難必兄齊壽大雅七十而知栗里猶傷子弗賢天下無如平路險世間惟有不材全老夫獨得頤生訣熟讀南華內外篇

和佩瑜散步庭前一首

身心安處卽園林不必車塵費遠尋簾外高槐多古意窗前小鳥亦知音興來倚杖看雲起醉後題詩覺露侵何用經營買莊宅清閒一日值千金

止園消夏

薜蘿滿院綠如油鎮日蟬聲得自由雖少山光堪悅性也成曲徑可通幽野花時發偏

遮路斜月初升卻近樓陋巷閉門常謝客北窗一榦已迎秋

思鄉

紀夢

光緒初兄弟三人同居京師讀書廟歲如在目前

歷盡風塵兩鬢皤歸來窮巷隱烟蘿但餘一事還堪恨江上青山夢裏過

棠棣花

開幾樹紅名場少日苦匆匆驚回五十年前夢猶是青燈黃卷中  
聯翩釋褐繼諸昆盛世弦歌萃一門天地風雲今變色茫茫夢境與誰論戊子大兄中副榜辛卯二兄中舉壬辰大二兄成進士癸巳余中舉及今思之愧成夢境

嘉孫大學四年畢業得法學士文憑

四載星霜一紙書居然學士出茅廬敢言凡骨金丹換三食神仙似蠹魚

自慰

予遺猶是有黎民莫歎吾生獨不反黃帝餘裔終古在蚩尤遺孽至今新螭蟠否極回  
天地板蕩悲鳴泣鬼神指日河清應可俟及身還作墜驢人

六月二十六日偕子明泰孫嘉良遊天津馬廠國際俱樂部啜茗觀荷口占三首  
名區市外絕塵埃紅白荷花次第開幾度滄桑身見在偷閒贏得且銜杯

奪主喧賓主更來悠悠人事亦天哉從今國際難憑藉無限新荷向日開在時載以前華人不能入

據今則開故不論中外均得入會同享健觀

獨樂何如衆樂高。鯤鵬斥鶴任遨遊。今朝雨霽雲容淨，陣陣荷香勝餚糟。

雨後馬廠野遊

垂老身如縲絏中。今朝始覺出樊籠。幾行遠樹參差見，一脈清溪曲折通。細徑小橋過，牧馬斷霞落日送歸鴻。天青雨過人增健，洗淨塵襟萬慮空。

心地

禍福由來倚伏成。要將心地放寬平。海枯石爛終常在，電掣風馳總不傾。

觀幻

動多翻愛靜，閒久卻思忙。離合無須較，悲歡總不常。空中尋鳥迹，水底認天光。幻境終何在，人間夢一場。

病中短歌

二首

讀書未聞道，養生常抱疴。舉身皆荆棘，涉世徒奔波。惟有方寸心，時時在巖阿。算瓢度朝夕，蓬戶隱薜蘿。墳墓近咫尺，父老常相遇。雖無避世術，有興即嘯歌。子孫勿關念，成敗如機梭。禮義等弁髦，詩書輟吟哦。我躬且不閱，遑恤我後何。尚荷劉伶錙，彭殤孰與多。

藏書塵滿閣，遊山屐在牆。童稚嘗百藥，及壯猶羸尪。命宮遭磨蝎，十願九不償。中歲涉世故，世運值滄桑。暮年百事廢，飲食每自戕。須臾失競喪，苦痛生胃腸。雖云藥石效得

失介毫芒哀哉元氣子毋使入膏肓老無嚴師友衾影實在旁浮世本無戀惜此炳燭光

七月五日雨後若木味雲約同人茶敍口占防空廣楚鄉人因避阻未班伯

掩耳不聞失箸雷明窗淨几且銜杯溫涼氣候新秋始道義親朋舊雨來室有芝蘭深契闊途多荆棘重徘徊光陰遲暮應同惜笑口從今日日開

和佩瑜七夕立秋連雨有感二首

入秋得雨息塵揚頓覺炎威斂日陽幾樹蟬聲風送暑一簾桂影月生涼穆重徧野家

家慶春鋤防河處處忙獨有無懷沽上客北窗午枕夢偏長

秋來日景若飛揚誰見揮戈有魯陽未覺天心從暗換偏驚物候得新涼風雲自古原難會牛女于今爲底忙人事無憑多反覆久晴翻愛雨聲長

自幸二首

殘生猶及太平年世界風雲海變田看盡元黃天地血郤留方寸得安然  
八十年來海去非營營思慮失天機從今始得安心法褐不寒今糲不飢

秋花

秋來百卉盡離披一霎西風忽掃之造物惡盈人忌滿看花須在半開時

止足吟二首

功名富貴兩悠悠布褐藜羹到白頭愚弱兒孫勿關念但安本分勿貪求  
世間何事在人謀天地無私任自由十大礙行原不礙還捫方寸得安不

題焯兒及孫男女重遊北戴河詩冊二首

回思卅載侍嚴親雙鑠驢鞍放海濱今日烟波屬兒輩好詩還慰臥遊人

翁公隨翁北

戴潤寓太平石時十九竟衰頹不能徒步焯兒事詩稿往還以詩告且慰且悅  
當年海宇尚清平遍地金戈已屢驚準擬明年攜舊侶筆床茶灶一舟輕

當時海外無事而內地逢

年直奉直魯戰爭不息故人絕迹不知明年能否重遊殊勞夢想日

憫老二首

門庭茶藪本難知世路荆榛不可思躋地局天終日事豈能坦蕩到期顧  
大患原因有此身視身敝屣又何親槿花半日松千歲畢竟同爲一片塵

秋園晚眺二首

薛巖牆橫翠作圍千花百草正芳菲天敎晚景增虛豔故放紅霞送落暉  
拋書不覺晝陰移草滿階前路漸欺倚杖貪看雲百變畫欄西角立多時

答友人邀遊二首

形骸無病心無憂身世真如不繫舟魯殿巍然能幾許今朝遊得且須遊  
誰見回戈得日揮人間萬事與心違光陰秉燭今何幸莫使來時悔去非

新重陽日邀友人茶聚

八月初九白露初十爲新歷九月  
日時時空戒嚴四日昨始解禁

鶴唳聲中露未霜動人天氣是新涼莫尋落幅江山會且作題糕翰墨場桂影初生光漸滿菊花待放意先香一年容易秋光老鷄黍還期再舉觴

和味老防空一首

百鍊金成武器精橫空俯視眇堅城忍看墮水飛鳶影愁聽穿雲唳鶴聲執翳螳螂忘鵠過舍沙魑魅喜人行夜來風雨乾坤暗燈火銷沈夢亦驚

自笑

遭逢如屈蠖歲月若馳駒草舍平爲福蔬餐淡是耽眼前無障礙心下有工夫自笑真疣物乾坤一腐儒

得第四曾孫女命名啓賢

八月初二十二  
卯申更此

喜氣溢嘉辰門楣又一新占熊原有待設悅不嫌頻已得萊衣舞還令文褓親賢名如可副世作太平人

題止園齋壁

鑿事表夏延  
金固今已七年

十年喬木長風煙萬里頽波逐逝川斗室蠅廬聊復爾黃梁黑黍亦欣然征鴻掠野鷺秋訊舊燕尋巢伴午眠正喜清齋無一事又聞笳鼓隔城傳

戰方略  
報頤聞

有感

花時正好雨和風老不能耕歲始豐畏日苦長愛苦短人生百事仰天公

病中作

何事悲天更憫人羸然病臥百憂身關心戎馬生郊藪側耳噭鴻遍水演世上本無千歲治山中寧有四時春曠觀今古興亡運一局棋枰着着新

楚卿見予題先憇慎公暨吳太夫人百齡紀念圖謹依韻奉答

回首椿庭艱鉅日縮懷萱背亂離時興亡國運千秋感既我此難懷集英之句繼述家聲百世慈先妣平常著子墓廟貌莊嚴垂宇宙直指三會圖形烜赫詔來茲在

天靈爽當歆祀迎送歌君七字詩

癸未重九日雨莊約同楚卿一甫子貞伯平若木魯卿震初中原六樓茶會即席

賦二首

異鄉爲客故鄉思白酒黃花又一時城郭已無歸鶴識關河惟有斷鴻知騰空堡壘漫天過耀日旌旗逐地馳幸得良朋杯茗會高樓百尺共題詩

千里江山入倚樓高吟聊復遣吾憂紫茱郤病家家慶黃菊飄香處處幽極目長天從去雁放懷遠水任浮鷗掀髯笑語心先醉無酒無花亦勝遊

書家訓序言畢紙有餘幅因題二絕以抒悲懷

自歎廢頑八十年追維庭訓每心懸于今重展遺篇讀空慕慈顏在眼前

憶遠膝下逐萍蹤慈訓丁寧月幾封常記開緘多絮語恩情罔極意盤胸

詠止園紅葉

金風玉露樹全丹今歲鮮于去歲顏天惜幽人娛晚景故教秋圃勝春山  
一年容易又秋風句薛荔侵滿院紅恍似香山舊游地千巖錦繡雨烟中  
秋葉紅黃相間最愛晚晴尤覺鮮豔

赭葉黃花映碧蘿斜陽影裏豔容多莫嫌好景傷秋晚天使風霜養太和  
觀紅葉偶成

萬綠叢中爛漫紅秋容點綴仰天工世間萬事常如此榮悴誰知有主翁

詠牽牛

牽牛花發上松喬疊翠藏紅分外嬌弱質不爭朝日豔卻依餘蔭耐霜凋

詠薜荔二首

千林搖落草萋萋薜荔青紅又一奇不畏霜高曾煅煉郤愁一夜怒風吹

一牆炫爛趁晴霞淺紫深紅美莫加驚醒卅年山寺夢戒台千仞錦屏遮

明初年會  
詠

值  
九瑞山  
紅葉如錦屏

詠盆菊

寂寞三弓徑已荒尙餘盆菊伴秋光門無俗客堪羅雀廬有幽人勝舉觴靜對孤芳宜

暮雨掃空凡盡傲清霜 胸中飽領淵明趣 吟得新詩字亦香

觀紅葉有感二首

五色斑斕醉眼開 春花百態莫相猜 從知時至方稱傑  
居上還須讓後來 深秋侵曉淨無塵 露浥霜勻點點新 看到日晡似猩血  
霞烘晚照更精神

止園散步

小園霜曉曳筇枝 天趣全從靜裏知 一幅丹青大年畫 數聯恬淡放翁詩

先公忌日祭後感言

家國憂危六十年 英靈猶痛運難旋 先公卒于咸豐辛酉出山民固宰西蜀世遺其未卽世 遺書永付  
兒孫守舊札 還將師友傳今年廟恩撫點又續 先公遺訓一千八百餘言次二 城郭幾回悲  
化鶴松楸千里愴飛鳶馨香此日應來享 聲欸如聞俎豆前

止園秋末題壁

領略園中趣 方知造化功 霜漫三徑白 日射一窗紅 世事原難料 人爲固有窮歲寒 堪  
慰藉松竹伴衰翁

止園瓜架豆棚上覆薜荔紅葉最盛

誰解無花一味紅 儘多變態在風中 聞來繞壁百回看 朝暮陰晴各不同  
和伯平見示止園學道二什

薛荔年年茂秋林寄意深綠陰當戶減紅影入寂寞酬倡有知心

止園

用拙存吾道平居尊所聞人生誰主宰世運繫  
倦倦閉戶有餘勤

學道

紅葉今年最盛最久

安然無雨亦無風常在清霜煅煉中看到嫩紅

今年壽豐園菊晚十月初始得邀子貞往  
重陽過匝月園菊傲霜開冷豔輪叢桂幽香占  
猶壯清遊日幾回

十月初二日子貞正初伯平同觀壽豐園

賦絕句以謝盛誼

身遊錦繡萬花叢道似春光實不同濃抹淡妝比  
金玉成堆色色嘉環肥燕瘦總堪誇休言老圃也  
風日晴和絕點塵花光富麗一番新主人辛苦知  
美人高士聚同堂相對無言樂未央料得淵明饑  
年年同約看花人今日晴和天氣新解語名花能

風霜時節尙尋花獨數芳園第一家絕艷奇姿看百偏令人忘卻夕陽斜  
淡泊凡花郤自奇精神煥發繫人思金相玉質多新艷舞鶴驚鴻有令姿  
百卉凋零萬象秋此花偏向此時留天珍晚景人珍壽黃蕊何曾笑白頭

七十九生日感言二首

昔聞大畫若登仙今日思之已索然遼海幾曾同去鶴津橋仍自聽啼鵠龐公借隱當  
衰世陶令歸來尙盛年白髮龍鍾何所事置心常在結繩前

已外浮名更外身桃花源裏一遺民雖逢滄海橫流日郤作羲皇向上人歲暮詩書猶  
自課庭閑魚鳥亦相親天教晚景娛松竹且喜疏梅占早春見孫輩皆閉門安分荆妻  
步

答苓泉見示病中紀夢詩

勝境羨君續舊遊樂天形病神無尤廿年大抵如炊許百歲誰能過客留天地爲廬觀  
大化江山可友信浮漚衰殘如我心猶壯神馬尻輪興未休

題止園齋壁

年垂八十媿知津猶是桃源夢裏身靖節自分當去客東坡原是可憐人風雲天外從  
多幻草木庭前總見春五百年間同一瞬江山爲主我爲賓  
讀先公年譜感賦

家國興亡六十年田間崛起卒歸田先公成豐辛酉出山光緒丁未解組民  
鳩儀影天津寄寓內壘名春暉供奉考雲霧遙瞻馬鬣阡先公葬原籍中  
特祀直隸山東安徽江蘇各立專祠有祀典千載孤忠存  
芬澤聰訓從教字字研

季木葬事紀念癸未十月二十六日申時葬故姪季木于京西老山公墓與妻  
委婉于今已六年年大陸警烽烟今朝骸骨歸同穴永世丘原長夜眠老淚未能臨  
空洒癡心猶望後人賢家聲續學知難繼莫忘清明歲埽阡

答友人問疾戲述情狀

暮年歲月付悠悠衰朽形骸不自由齒腐強留常作祟牙疾常作唇焦視食直爲仇齶痛  
膏肓肌膚搔遍情難忍四肢作寒腸胃橫壅氣弗流大便閉塞且幸膏肓猶未入如  
泉詩思尚絲抽

病起偶吟二首

身如大海一浮漚原來任自由覺痛更無痛覺觀空何事不風流  
一事當前若不禁時移勢過渺難尋舉頭試看雲舒卷消盡平生得喪心

病中作

病魔如寇盜小疾爲前驅細微失戒慎然蔓將難圖平居安淡泊所戒是膏腴冲和常

在抱病自無根株恃強最可慮平日視若無一旦入膏肓性命祇須臾亦有過患者搏蟲施龍屠去疾誠剽悍元氣與之俱二者皆非訓其失蓋等乎中庸爲率性養生豈外殊不爲忿所激不爲慾所渝四時有佳趣自適見真吾君看廣成子壽享千歲娛試究其道妙乃與二典符

楚卿賜和五章融會儒釋闡發真詮至理名言百讀不厭謹抒俚句以志忻佩  
一紙飛回筆如椽拋磚引玉喜如顛巴渝鄙俚慚無地重拜陽春白雪篇  
病榻呻吟鬢已凋東塗西抹說無聊邯鄲學步難藏拙堪笑蕪箋尾續貂

答謝友人賜和生日詩

吉語聯翩感不勝德脩學講謝無能身同大海孤舟客心似深山退院僧往事已非忘  
墮甑前修莫繼愧傳燈年年願誦嬰鳴什還祝崗陵壽作朋

先妣忌日自傷

丁未年春至二首

悔貪捧檄爲娛親忍作人間無母人三十七年何所恃熒熒孤露夢中身

自從萱背痛傷神棠棣花殘更減春自此之後不久二兄下回首堂前嬉戲日忍看竹馬一番新

今日祭筵孫曾拜相顧

追思慈訓一事未成悲悔無地

多難偏驚歲月馳衰殘病骨已支離天翻地覆鶻聲急日暮途窮馬足疲三黨及今無

善策百年以後有誰思慈韓至訓音猶在一息尙存更勉之

答友人問近狀

世間萬事馬牛風日日從教醉夢中僕助筋骸勝拜起朋從耳目近盲聲膏腴久絕常  
枵腹寒暑難禁易迫躬野鶴閑雲隨去住放懷聊與此心同

冬寒六十歲後庶有皮衣全售助販值以新棉奪冬不着皮裘已將廿年矣

天寒富室苦龍鍾羔酒狐裘更幾重輪與茅檐負暄叟一身布衲過殘冬

食葷余體弱自少茹葷近因便開始略食海味干果淡菜蠅蛆作湯

少小自安淡泊生雞豚絕迹厭前烹暮年欲解枯腸厄鮮食還頻海錯羹

和樂天勸歡韻

補讀詩書已恨遲十年不學悔難追夜遊炳燭光陰好能得掀髯又幾時

天津河北大悲院叢林復興志賀

二首

回憶紅巾四四年名藍刦火渺飛煙補苴鼓鑄收餘燼拯救瘡痍仗佛緣光緒庚子義和拳匪先在大悲院正殿設壇請洋兵入境炮擊之次年項城督直百業蕭條我倚光斥命余設法乃就其壇祭奠虔誠設靈龕甫兩月而事成日慶廟元銀元以濟市面民生賴以安設定事機之頤希佛佑也

生公臺上立飢烏齋鉢年年若有無今慶大悲還寶刹佇看檀越贊金珠是時疫僧依

有某居士將募金修葺余亦傾囊相助乃未數月後殿宇告成恭奉大悲菩薩像以十

一月十六日開光香火頤或聞明年將修正殿復興叢林計庚子至今已二十四年矣  
數存焉余乃目睹其事不勝欣慶爰起故實賦詩為寺僧有

### 生日思親

久寄幽燕作幸民年年生日倍思親承歡菽水嗟無日空是人間賸長身  
楚卿一甫芷升予貞雨莊伯平震初諸公日前爲賤辰開公宴情誼優溫今備粗  
筵非敢云報謹和俚句聊表謝忱  
一陽初動後諸公楚楚行貞元懷舊雨卽席慶升平康節辭生會溫公重厚情敢云思  
報德藉此表傾誠

### 生日上供

是日始晝御食二首

瞻拜華堂莫養親天南邱壠倍傷神今朝供得長生麵難慰當年母難辰  
不見慈親已卅年如聞鼙歎傍香烟今朝庭院全鋪白似寫餘悲照几筵

### 生日逢冬至得初雪步伯平韻答賀

降來初雪及生辰天賜祥雲爲福民冬至一陽中夜復玲瓏玉從今瑞氣滿平津  
久困警區頗思江湖之遊

不存恩怨孰悲歡世界由來平等觀門可張羅雙耳靜室無長物一身寬消磨歲月傾  
觴易摹擬江山着筆難何似鷓鴣人迹外深林寄託得心安

冬至日喜初雪

入冬久旱苦多塵瑞雪今朝氣象新  
葭琯飛灰方似墨梅稍着彩恰如銀窗明快映仇  
書課王潤欣占樂歲因自是天心示仁愛故將霰霑惜斯民

登中原六樓望晴雪日暮始歸

雪晴憑眺百憂空奚止農民慶歲豐  
大地盡成銀世界遠峰齊作玉屏風重裘灞上尋  
詩友孤笠江邊獨釣翁星月交暉看更好萬家燈火入樓中

第三公園散步觀晴雪

衰翁無事擁書眠雪後來觀淡蕩天枯樹分明銀鎧仗  
小山起伏玉蜿蜒耳傾吠犬迎  
新旭日送征鴻入斷烟白髮披裘閑獨步爲貪覓句且留連

飯後同人登新華五樓觀雪率成

憑眺高樓雪暗天千家玉樹照瓊筵詩成不作天涯感興到何如世外仙

避地吟

井序

余自丁丑年避居津寓止園畫僅一几夜僅一欄庭有雜花室有殘書今忽忽  
七年矣世事日非生計日促幸終日杜門不接人事雖地非桃源而心同栗里  
矣因作避地吟以自慰云

齋居久掩關避地一身閒布被仍酣夢蔬餐亦駐顏眼前無俗物門外即深山衰與葉

爲伴清惟鶴可攀何當從此逝嘯傲入烟鬟

臘月十四日雪後楚卿邀家庭食堂消寒二集茶會卽席賦和  
消寒臨二集努力勸加餐風雪催冬盡家庭樂歲闌茶膏如酒醉木稼當梅看滿室同  
心侶清言氣似蘭

除夕詠

漫言歷尾有餘思恰是清齋燬磨時祈穀農人竿作炬祭詩才子酒盈巵凝默去原  
無忌煖熱然來只自知何事晉公偏歎老頻添商陸曉鐘遲

甲申元旦試筆

天容萬里見空青飲罷屠蘇酒半醒正是昇平新氣象依然詩禮舊門庭堆盤酥果童  
皆樂列俎犧牲祖有靈八十衰翁無所事一爐香篆誦仙經

題松下聽琴圖二首

松下跏趺露滿襟爐香一縷息塵心清風謾謾無凡籟耳畔常聞絃外音  
萬壑風來萬籟生七絃按指字分明妙香領略渾忘卻聽到無聲勝有聲

眉壽金婚紀詠二首

并序

憶自光緒甲申余年二十時貴池劉閣學公長女年十九來歸三月十一日在  
先公津海關署迎娶其時海宇昇平家門鼎盛今歲重逢甲申余年八十妻

七十九滿六十年夫婦西俗謂之金婚目爲家慶而感念時事不禁滄桑之歎  
因戒兒輩閉門謝客于元旦閤家齋心蔬食以迓天庥爰賦此爲紀念  
日月如過隙兒孫忽滿堂不圖今白髮猶是昔紅妝鏡裏流光速燈前舊話長從今幸  
無恙旦暮兩爐香

斗酒稱黃耆荆釵對白頭中多兒女戚五男今皆存四女今皆寡盡老尙米薪憂近來食糧百物貴且難購家  
事輸欹枕失大半產糧天心入倚樓世界戰爭未息庭前雙鵲噪卻已付悠悠

題春暉堂家宴圖余夫婦二人正中坐于四人媳四人東坐孫媳二人次西坐孫女十人會聚西侍坐孫女四人依次進飲

四代同堂恰卅人桃源洞裏夢中身齊眉周甲登耄耋天地長留世外春

題眉壽圖卷人日晨讀又遺一律

金蛇已過得身安昔有日者言辛巳年余夫婦當喜終今竟無恙猶似紅羊歷刼難今遭世界大戰計數難堪裙布釵荆原本分藜羹豆粥有餘歡傳家無復關心事閱歲猶如彈指觀天地有情人不老笑看兒輩勸加餐

甲申立春日作正月十二日卯時

歲屬青猴氣象新家家喜作太平民辛盤羅列兒童樂蔬果紛陳父老親大化潛移慶  
盛世陽和默運慶熙春交遊相見還相祝吉語連翻不厭頻

慰老

漫道衰翁感慨深任敎霜雪鬢毛侵一身只合都無患萬事從來只有心鳥迹印空原  
不着鴻泥留雲更何尋待看水面風來候吹皺波紋月影沈

病足小愈喜賦

兼旬痛塞實堪憂誰意迎春廢疾瘳嘉會祇憑詩卻赴好山方恃夢重遊奔騰未似林  
中鹿浮泛還同海上鷗待得身輕投杖去尋梅蹕雪到村頭

自怡

一室天地寬百年無媿難縕袍原自適藜羹亦加餐家事平爲福身心淡始安千秋延  
目視靈粉等閒觀

讀老子有感

大患原因有此身無爲方始見天真放翁拈出癡頑字深得函關句裏神  
眉壽金婚親友惠詩謹賦俚語答謝盛誼

已度金蛇時苦厄還知芻狗世磨礱妝臺尙見當年月敗屋猶禁徹夜風珠露新詩來  
眼底雲天高誼入胸中深情李報應還祝美意延年百歲翁

正月十三日立春后一日爲消寒第六集承芷升約茶聚卽席賦詩謹步元韻  
春來大地喜相迎且把茶鎗當酒鎗共挹清芬知室靜獨吟秀句覺天驚斯文不減山  
陰會樂事堪追洛社英安福燈期幸在邇踏歌三日慶昇平

甲申八十生辰筵資助賑用賦俚句敬告親友謝卻贈遺

癡頑幸有子遺身世界風雲日日新喘息苟延覬脫地陸沈猶見設弧辰不臨生會堯夫志特製寒衣樂圃仁願與親朋要約定儀文刪盡率天真母難之辰不忍思况今多難此何時蓼莪廢讀終天恨懿戒垂歲百世師胞與顛連無手拯親朋惠愛有心知鵠箋鉅製度修璧嘉祝惟希片葉施

八十生日感言二律

晚景紅霞送落暉天寒晷短倍依依心如遠水從魚躍身似孤雲伴雁飛難隱荒朝何有杖傷懷故里敢言歸老耽深巷車聲寂暮色蒼茫獨掩扉

聊將蠶粥度朝昏勸業文章愧莫言介壽無顏稱老耄遺安有訓到兒孫行窩且慕尊賢里世澤還延通德門白首若教無愧怍但吟抑戒答天恩

正月十七日焯兒爲就營業攜眷南行有感三首

世亂前途盡棘荆茫茫生計費經營十年教養成何事剩得牽裾兩淚傾熟讀東坡兄子書人間好事竟誰如爐頭兒女今須別悔弗參軍地種蔬

少日功名祇自期四方于役任奔馳于今繞膝情難捨想見當年別母時

扶天雨牛余

讀蘇東坡雨江署省親便藉同時吾母瘦臘面漸黑  
養未幾逾年丁未母竟轉易不得再見病發

紀病十載次年因愈

加餐博得病沈沈洞瀉連朝苦不禁忌飽尤須勿憚剩放翁明訓最堪欽

紀病中夢

晝苦支離夜臥閑夢中猶自戀溪山閒擣雨艇衣襟溼遍歷烟巒腰脚頑石洞穿來迷後返芒鞋脫去失仍還光明天地無塵滓忘卻殘身在世間

小病兼旬不出門亦無客至戲作

小疾兼旬可奈何惟將寂寞養天和大無避叱寧投骨雀自馴來不用羅甚欲觀心新境少每思過眼故人多西窗牕有衡山日獨對爐香發浩歌

二月三日芥泉寫小集和伯平韻

陽和乍轉運回初斗酒相招樂自如道義親朋開口笑胸中磊塊已無餘  
親友介壽有以鹿鳴重宴相期者詩以謝之

微俸名場敢算延當年桂影渺雲烟不禁身世天涯感安用文章海內傳當時試藝會刊臺席朝  
市隱來聊復爾貞元過後亦徒然聚奎風雅今誰嗣空見蟾暉六百圓癸巳二十九歲至今已五十九歲

亥年

花燭今逢周甲回憶鄉舉已五十年有感

蟾圓六百數當頭屈指光陰逝水流獻賦十年遲抱憾調羹三日早承麻鹿門正苦山林阻鴻案偏驚歲月道記取遠安孫子念詩書世澤若爲謀吾六世祖舜公唐咸道建

世譯于今歌絕可勝嘵歎  
遺世麥廣棄詩書千載年之

### 第三公園看山桃有感

年年遊興爲花顛今日花開又一年果是春風真浩厲藩籬撤盡亦欣然全撤去  
世外桃源無處尋小園閒步亦愔愔看來人事多興廢獨有花容無古今  
老樹新枝又幾重種桃人去已無蹤春風有意留遊客故遣花光分外濃  
又驅康節小車來此地年年日幾回笠影屐聲今見少桃花應祇爲儂開

三月三日楚卿約同人茗敍卽席賦二首

羣賢畢至盡清言一室幽情可共論不必山林脩禊事人間隨處有桃源  
一觴一詠足千秋天地無心任去留莫問世間何歲月放懷依舊晉風流

三月四日曉遊公園山桃始開春分後七日

新晴草色綠如油雅愛拖筇趁曉遊山外桃花春意滿數枝紅綻露梢頭  
寒風連日漲天塵忽轉輕陰始見春數樹枝頭初破蕊滿園生意一時新  
往日偕偕屐滿園今朝花下闌無言天公似遣遊人醉處處春風撲面溫

遊第四公園得句二首

四園花事勝三園幾樹高枝出短垣含蘿丁香多繞徑扶疏綠柳自成村  
昔嫌市井苦囂喧今日花封寂寞門雅稱幽人詩意境日斜覓句到黃昏

止菴詩存

三月十一日花燭重譜慶日謁祖後子孫輩蔬食會餐畢攝影爲紀念

六十年間事都如過去烟紅妝猶在眼白髮已盈顛祖蔭重重茂孫枝節節鮮簪纓雖已矣藜藿且欣然

舊公園看海棠有感

是年成于光緒甲午今已六年  
余花燭之期

炫爛繁華六十年及今寂寞儘堪憐令威回首應含笑猶記香風在目前  
世事天心豈易知滄桑幾度最堪思漫誇花好人長壽贏得風前兩鬢絲

小齋茶聚和伯平韻

庭樹春深未著花尋芳遊侶興偏賒芝蘭入室同心久品茗論詩閱歲華  
春來萬物各熙熙未盡餘寒花較遲好友不妨朝夕見盆窗小景尚遊嬉

小雨初晴芷升伯平楚卿子貞及七弟同遊第四公園海棠丁香盛開

二首

草色新晴綠似油幾株紅豔弄春柔氣清天朗羣賢集話舊論詩且小留  
共憐蜀豔逞紅妝卻讓瓊枝細細香絕妙天成西子美淡敷濃抹費商量

四月五日南隣失火幸未成災

風急星星近草廬熊熊烈焰如天教窮巷留遺字且學淵明還灌蔬

憶江南

事業文章興已捐故鄉山水尙欣然江南處處佳風月安得閑身健似仙

浴佛日茶集和芷升韻

滿架藤陰綠已成風和寒燠氣初平七賢雅集謀天趣千刼因緣慶佛生老至只堪真  
率會興來猶得小詩呈一杯香茗甘留舌相對清言倍有情

王紹溥五十壽

壽宇宏開伯五年千祥雲集到尊前椿萱並茂天增福蘭桂齊芳世繼賢樂事賞心詩  
卷在宦游底續頌聲傳優閒歲月今方半更祝期頤號地仙

題王欣夫抱蜀廬校書圖

寒燈相對一窗幽典籍經年費校讎著作等身垂百世丹黃過手足千秋探源古閣思  
前哲搜祕名山問蹇修目不窺園天獨厚定知異代有名留

四月初立夏後一日同一甫伯平看壽豐孫氏園牡丹歸途口占

清時臨夏首春思徧天涯忘卻烽煙地欣看富貴花比肩皆白髮照眼勝朱霞一覽承  
平夢京華意興贋不見懷園牡丹  
丹已七年矣

簡邀楚卿芷升子貞正初惠臨茶敍二首

匆匆花事看飛英幾樹新陰綠已成鼎有灘聲茶浪起廚無市脯餅香清魚浮水面依  
羣影鳥送枝頭求友聲寂寞空齋思晤語呼童掃徑喜相迎  
韶華九十夢中過寂寞將如長夏何無酒已拋花事了有茶還喜椀香多文詞老宿思

欣賞道義親朋盼切磋彼此光陰同炳燭莫教門外久張羅

喜長子明泰年五十得第一孫

綠竹生孫第一枝樂天知命復奚疑山留暮景霞烘晚雨喜朝晴日出遲剝復循環原有數綿延似續總堪思料當海宇承平日正是家聲再振時

庶孫入校已成名才基嘉貞大學士家嗣寧馨今始生否去泰來端有兆承先啓後更多情乾坤再造綱常振滄海橫流底柱撐他日風雲當際會詩書努力繼家聲

長子明泰年今五十始得子命名嗣更取宗嗣之義詩以紀之

我逾三十初抱子泰丙申生子爾今知命始弄璋大耋之年何所望尙期家嗣繼書香五十生兒未覺遲循環世運獨心知料將重睹昇平日正爾詒謀嗣續時

邀友過談

眼底匆匆花事了胸中念念故人多茗香果熟堪留客乞米求薪莫問他貪看無心雲  
出岫靜觀自在水舒波庭前松竹饒生意相對怡情且嘯歌

觀壽豐園太平花初開

日暖風和有令姿來從上苑得根移太平景物今猶見旣想當年鼎盛時  
玉潔香清美莫加朱容桃李占年華游人眼福今何似名貴方知出帝家

齊照巖八十壽

鴻才應運自天申兄弟兼折政績新管領湖山稱節度澄清撫署福黎民泮宮重攬斯文秀津市優游大隱倫愧我同庚無穀狀岡陵獻頌慶嵩辰

吳怡生八秩壽

惟仁者壽古猶今樂善如公夙所欽德望平生珍拱璧政聲昔日著鳴琴鄉鄰父老懷恩久道路嬰兒感惠深愧我同庚無所寄岡陵獻頌且傾心

集夏孫南行入大學賦此示之二首

鄧公子各一藝名傳家孝謹著賢聲分陰是惜須堅苦大器由來重晚成道德文章固有之更兼一藝是鎔基乘時利器須先備莫待時來悔具遲

陳庸庵太保八十八壽

林下清風登耄年潞公真是地行仙放翁休去無蓑馬白傅歸來有管弦天許海濱居大老人從洛下慕尊賢河山再造餘琴鶴誰記裝輕載石旋

夏至前六日娶課僕種蔬喜夜得雨

要備齋孟莫恨遲從來人事占天幾蔬畦強趁斜陽理恰喜深宵雨及時侍澤荒園事事遲病妻強自理蔬畦青秧移得僅奴喜夜雨霏微到曉時

自題畫像除今年八十汪君仲虎自吳  
外友為余畫像賦詩寄贈

滄桑幾度飽曾經八十衰翁迹似萍三萬里天春不老二千年事酒初醒閉門松古欺

頭白遡水葭蒼照眼青妙手高情住泡影常教五岳見真形

自豪

誰解書生意氣高門無車轍長蓬蒿久衰不復干旌夢老至猶親鉛槧勞促促光陰思秉燭悠悠世態學鋪糟小園三畝禾蔬滿讀罷陶詩乘雨蕪

題孔少軒遺墨

少從父執仰公名惜困芸窗未識荆今日欣觀遺翰墨喜贍泰斗慰平生

小暑後五日一甫達有喬梓約同芷升伯平赴馬廠觀荷

塵囂闐耳困坊場結伴郊遊趁早涼弱柳拂橋欣小憩新荷被沼喜微香銜泥燕子雙雙落點水蜻蜓箇箇忙偷得浮生閒半日且觀物態答年光

馬場觀荷和伯平韻

賽馬名區遠市場清遊雨霽好風光閑循柳岸迎朝爽小憩荷亭覺夏涼魚躍鴛鴦飛多活潑雲容天影共彷彿舞雩歸詠今如昔老興都忘白日長

小雨獨坐

舊雨殷勤今不來階前浙瀝長莓苔披襟獨倚柴門坐閑看幽禽自往回

明恩售京宅有感

宅在和平門內西半壁舍係內子親手書此一章辛苦付之東流

築室斯干費苦吟口瘡手拮願何深漫期寢夢虛熊虺悔擬楹書飽蠹蟫德裕生前空

灑淚淵明身後不留金百年堂構歸泡影辜負萱幃似續心

夏夜漁翁

露著霜筠織短蓬放歌常在月明中一竿得寄平生快飽領溪山四面風

偶過津門舊邸余入蟲舍母到摩寓城內府西舊宅今年八十  
仍食蠶婢舊居舊門前不禁令歲華老之處

韶齡曾記此中行歲月堂堂去可驚幾度春風飛絮逐儘多秋月候蟲鳴依稀棠棣隨  
屑影寂寞椿萱聲歎聲七十餘年無限恨邯鄲一夢未炊成

立秋日得雨新涼邀友借家庭食堂茶聚

長飈摧酷暑細雨報新秋興至欣扶策年高怯上樓家庭堪自適聲氣喜相求聊寄平  
生快茶香露滿甌

和楚卿書齋茶聚韻

君是羲皇以上人放懷言語妙通神新詩吟罷愁如洗掃盡乾坤萬刱塵  
溽暑方交三伏過涼飈乍起一時清始知新歷憐人意預報中秋氣已平  
未看桂影月方中且領茶甌兩腋風九老不虛今夕會夢遊應到廣寒宮

艱食歎年來米鹽甚苦百凡食皆無一不勝至百倍以上  
不可得事皆全活無事無不勝至百倍以上  
三首

垂老殘生罹百憂令人心慕赤松遊子房特識推千古避穀仙方底處求  
薪米從來珠桂侔齊民一飽擬公侯揮金似土難爲繼點石成金豈自由

一日生涯百倍增時危物值更飛騰曩編試檢唐時事安史殘年得未曾

唐史載安史之亂後物價大

開寶時加千倍今日物價有數平時二千倍者

枵腹吟

就食奇貴每斤入九元香油將斷炊白麵每斤至四十元費甚

悲哉口腹事憂煎日日針頭勝坐既粗糲直超梁肉貴萬錢一箸已無緣  
聖賢憂道不憂貧謀食無心道自珍陳蔡絕糧還溫見西山薇蕨幾何人

感時

處處應物奇貴並非年荒全由

蒸民乃粒太平時艱食虞廷實有之除卻化居無妙策如何今日背而馳  
民爲邦本食維艱自古興亡在此關益稷昌言存帝典懋遷一語重如山  
昨作艱食歎今日悔之作此自勵

視息偷生亦有涯敢將豪侈鬪年華庭饒花木園成趣餽粥朝昏則已奢  
麥舟未濟希文友施藥難追務觀風二龠晨炊猶得繼也應慙愧百年中

素位吟

二首

患難如何富貴觀直緣胸次覺天寬齊心便得無爲法自在能迎古佛歡  
最難因應是當幾自在方知作意非天際晴雲舒復卷庭中落絮住還飛

七夕詠

幾日菲葑棄若遺婚姻道苦使人悲梨園似解潮流恨猶唱天河腸斷詞

是日蘿漢天家

詠琴

流水高山寄意深五絃揮處碧天沈雁聲遠入瀟湘去洗盡人間塵霧心

和一山美人換名馬韻

本事見異聞錄卷生酒徒以妾華四故換韻生名馬

奈何雕逝失雄姿帳下淒涼一侍兒自古英雄嗟末路美姬名駿盡居奇須知換主皆辛苦三五年間去若遺此舉鮑生雖大雅終輸樂天大帶大書時

紀事

二首

未曾啓齒意先疏倨傲形容賈有餘忍使揮金謀一乘枉教高蹈是懸車

近日人力量奇貴且輸車

不可制故出  
則徒步而已

如何物值忽飛騰坐使飢腸塊飲冰日費萬錢無所食家家愁歎作何曾

根葉漲至百倍千倍富

塞已舉久支平民直成斯故

七月初九適與子貞擇廬鑑波不期而遇同至楚卿書室小憩去後始知是日爲

其夫人誕辰特呈俚句以伸補祝

賓主同將四百春

賓主五百人合三百數十歲

不期而遇盡詩人到門活潑觀魚樂入室莊嚴見佛真

祇識先生徵大德未知壽母值芳辰今朝願補岡陵頌歲歲康寧氣象新

聽鶯

止菴詩存

二十八

老來萬事不相關風月無邊可慰顏午夢正酣誰喚簷前雙鵠語綿蠻

新九月九日爲夏歷七月二十二白露後一日登高無處賦此寄興  
一年容易又重陽新歷光陰覺更忙相約登高無別意盼來新穀早登場  
無菊無酒過重陽天意何如人事忙強預登高聊望遠縱橫萬里盡沙場  
今朝新歷已重陽野老偏驚歲月忙心欲登高無處去詩壇堪作論文場  
九月十日芷升約茶聚即席賦

昨日清愁不可支登高未遂負佳時今朝歡聚芝蘭室果美茶甘合有詩

戲紀昨事弟約中原六  
秋登高未竟

幻影傳來度半空紛紛警報怖兒童老夫不減登高興縮地無方一笑中

閉戶

老如炳燭光何事爲人忙藥餌從堆案圖書任滿床侵晨猶拂硯入暮但焚香閉戶方  
知樂閑中日月長

將約同志置郊外薄田爲菟葵計二首

負郭田宜處士莊桑麻徧野得深藏數間茅屋青天遠一椀藜羹白晝長隙地鷄豚隨  
柵長豐年芋栗滿園香著書訓俗吾何敢且錄忠州濟世方

秋到江天有雁行幾人垂老得還鄉躬耕本是英雄事絕境難求避世方陶令長吟歸

壘畝放翁溫飽出農桑慢言陽羨平生願此志坡公未易償

紅葉吟三多里止園今年紅葉特盛  
滿園盡成錦簇可資大觀

秋花落盡已無期恰有鮮妍葉補之遠近高低皆入畫牆頭屋角更相宜  
春去無蹤不可追忽來奇豔更離披一年好景休嫌晚正是秋園燦爛時  
衰老心情不可支秋容晚景更多奇霞烘旭映看無厭朝夕徘徊合有詩  
葉葉迷離不見枝花光獨訝占春遲非招蝶戀蜂狂地恰稱蟲吟鴉噪時

八月八日震初茶集次伯平韻

小雨中秋近初晴景更宜白雲歸碧落黃葉點青墀茶社多閑侶詩壇盡好辭出門忘  
路遠喜赴故人期

答謝煒章賜詩

殘年如炳燭老學勘師承術守歧黃律詩從陶白繩揮毫慙拙劣抒藻羨賢能低首功  
貞相歡聲道路騰

國香送黃菊紫鷄冠各二盆

傲岸精神初放菊崢嶸氣象正羲冠秋霜鍊得春風豔魏紫姚黃一例看

中秋對月用伯平韻

萬里飛空玉作盤清輝斜照碧闌干放懷一寄平生快此景還同海上觀

小公園遇九十二老人自言秦姓潁州府人從馬玉崑軍中多年

甲申仲秋後二日

秋風動寥廓南極一星明相遇情難訴殷殷說太平

意氣尚橫秋平生不解愁會看河洗甲更見海添籌

自寬

身老生如寄時危夢自驚置心同止水何事不能平

日月如過燒風霜變早寒庭前衰草色猶耐夕陽看

讀楚卿疊和九十二老人詩前後六首命義高超因庚二首答之

世與人俱會天清夜自明乾坤今轉轂終得泰階平

福慧分修短盈虛理可明昔賢詩叟校壽考亦難平

宋儒惟節子五十七叶人謂子七十五叶

予五十八朱子七十一竟無  
一人能及八十  
如是故翁者

雙十節前一日孟莊茶聚楚卿有詩謹步原韻

秋同人共老萬事付蒼蒼愧有三多里曾無入百桑江湖思放棹風雨憶聯牀佳節非  
虛度窗前聞桂香

耆英原洛社今到野人莊地鋪蓑先白天教菊有香癡頑度世術淡泊養生方益茗情  
偏厚清言樂壽昌

雙十節約同志遊小公園後在子貞家小憩

佳辰且喜得秋晴日暖風和信步行山外閑雲舒復卷途間細石兀還平放懷縱語都忘老隨意尋詩不爲名知足齋中情最重烹茶小憩聽嚶鳴

八月晦日止園茶聚暢觀紅葉因作長句以寄慨

憶昔息影西山阪石如伏虎松如虬夏日炎炎涼似水忽焉露白風颼颼巖前黃櫨倏變色千紅萬紫紛錦裯翹首當窗得清玩嘵傲不覺鳴泉流從朝至暮看不厭往往扶杖穿雲游別來寂寢已八載常繞魂夢去無由今朝聊涉止園趣粗具杯茗邀朋儔疏柳殘荷已零落滿目紅葉堆牆頭豁然一寄平生快坐使春花簇簇盈我眸大似長房縮地法彷彿西山眼底收更思入方兵氣消磨淨胸中逸氣橫清秋使我奮身潭柘戒臺頂飽觀錦繡登山樓俗塵掃盡游世外常與親朋相唱酬吁嗟乎人生樂事無止境但得好景長淹留願祝諸君同老健明年江南楓岸弄扁舟

重九

書降後日

約同人登公園小土山後在子貞三知足齋茶聚用楚卿止園看紅

葉韻

重九先期已降霜東籬興趣慕柴桑園林幽靜山雖小風景依稀徑未荒每對青松懷野墅余西山有松雲別墅多古柏爲憐紅葉憶江鄉吾鄉多鳥柏天留好景原無限知足還師古伯陽

甲申重九書降後日同人登高賦詩遺興率成三首

年年風雨過重陽今歲多晴早見霜天意無私人耐老莫嫌白髮愛花黃  
幾忘足蹇試登高無酒無花興亦豪除卻吟詩閑事少笑看天外白雲勞

登高能賦漫相誇回首平生一笑譁南市黃花東寺酒誰能歷歷溯京華

故都宣南下  
街酒市著

最歲東城陸福寺街酒肆  
林立告光宣間勝境也

邀友觀止園紅葉賦以見意

春去尋芳興已闌一年好景到秋難天教百卉凋零後留待烘霞映日看  
纏枝引蔓補疏籬薜荔如花望欲迷正是霜晴風日暖天開圖畫更爭奇  
相逢歲晚喜同心飽受風霜雨露深有色無香原淡泊茶甘味永覓知音

觀孫宅

兄毛  
舊世

牆頭紅葉有感

天留晚景更精神萬紫千紅不是春人事風霜經煅煉可能爛熳見天真

九月三日楚卿子真正初來止園觀紅葉留餐暢談而別得句爲紀念

春水桃花何處尋秋來紅葉倍驚心天留好景人忘老愛晚亭前寄意深

亭爲園中紅葉景致處

題孝女金龍吉殉祖母事

養生之孝盡人能送死方堪大事稱心痛何如腸斷苦千秋獨有女宗曾

宗元卿少孤事祖母至孝

相依爲命祖孫親純孝天成不顧身令世旌祠無令典他年青史合傳真

祖母病元卿在遠方親時人稱爲宗曾子

分詠止園紅葉各景

四首

不是花時不解開牆頭堆錦費疑猜問渠那得紅如許卻受風霜煅煉來

南垣

天公有意作詩材一夜西風急景催繞屋循牆看更好飛紅片片點蒼苔

苔徑

秋來豔色勝春明世事盈虛本不平人爲山邱歎搖落我憑華屋看崢嶸

愛晚亭

天生百物本時行板屋遮來血似猩無數胭脂圖不得卻憑霜露一宵成

蓮廬

止園紅葉特盛九月六日與茶果邀七九弟暨子姪輩同觀得句爲紀念

莫道秋風動地哀誰知又勝百花開天增畫錦堂前景故遣萊衣四面來

今

歲余夫婦

值舊鄉重聚乃歡開內子大病垂危安而吾母長孫一人因憶余今正元旦詩有從今幸無恙及庭前雙鬢之句爲識

語矣忝叨天幸實祖宗殊當令闈中晚景如是可卜吾宗無奇正未有艾吾益歲歲焉

重九登電梯升中原五樓茶聚

楚廟一言並升于貞佑平雨莊慶初實弟共九人

不須捨級上高樓足底生雲冉冉浮放盡胸前千里目掃空眉上百年憂一盃清茗供憑眺幾首新詩許唱酬落帽龍山雖爽約題糕九老喜同游

提日于貞先於楚公園

達觀

等是風簷燭相看又幾年何分遲與早自有後和先芻狗生胡惜箕疋福底全晨光霏似露暮景散如烟去住須臾爾榮枯適偶然不須明日計飽食且安眠

重九朝晴與楚卿同登公園小土山遠眺

萬里無雲稱鶴心同登培塿意愔愔遠村烟樹多幽致恰似家山姑

依韻答和楚卿九日嘗饌

二首

龍馬精神意氣高羨公豪興敢題饌英才樂育推安定奚止胸襟立  
胸中豪氣與天高命世詩名不負饌自愧邯鄲初學步感深瓦缶北  
霜降後四日園中紅葉更盛已十餘日矣勢將搖落賞玩有時  
碧闌干外繡屏風大似春花寂寞紅吟罷新詩閑散步此身合在畫  
春芳早盛卻先頽何幸秋容續續來飽玩不須悲日暮明年方再目

天津河北大悲院重興前往敬香留題寺壁

二首

世運承平仗佛慈民康物阜繫人思驚回四十年前夢爐火純青卦

全燬項城濟直命修華嚴燈故銀元局換濟市而是爲余從政北洋之始今四十餘年矣變行不堪回首

從來時勢造英雄成住還知出壞空當日北門資鎖鑰轉旋天地一

物則發庫空如洗首謝銀廟元懷金陵復活不數年百廢具興北洋新政爲各省冠領項城始終北洋天下事未處不可爲惟矣天也

詠殘紅葉

正喜朝暉錦似花匆匆又見夕陽斜一心禱乞西風止留得殘紅

大悲院禮觀音像

二首

瞽眼紛紛事若麻須臾變滅總空花豁然得觀大自在身不出家

長轉金輪萬古存大千世界若朝昏衆生自在因緣度佛法原來不二門

立冬前五日同伯平往壽豐觀菊

年年雅有東籬興今日追陪得賞心看竹何曾須問主園圃駐拈毫猶喜有知音伯平先有詩千株冷豔紛如錦百本新標勝似金今年黃新紫多飽玩欣然忘日暮歸途聞品茗杯深舞士

茗品

題荔軒觀察令媛淑方女士夢鶴吟草

憶昔同舟忝世姻誰知淑媛是詩人斂才就範非無自承訓趨庭含有因詠絮不徒風月舊拈毫偏得露華新一編在手殷勤讀欲起隨園細擬倫

九月十九日一甫雨莊邀登中原五樓看菊會

尙依故事展重陽平步雲梯到上方人爲聞吟來舊雨天留冷豔未飛霜雖非落帽披襟爽卻得題糕煮茗香如此清遊須記取一年最好是秋光後三日立冬

先公忌日家祭感痛庚午年十二月

風霜北地九秋高追念先親撫我勞豈特松楸悲冷落故園三徑已蓬蒿故鄉連年兵

捕墓而且故居悉成灰燼

詠紅葉飛落

不是廬山錦繡谷亦非濟南錦繡川我憶分陽介壽日千絲萊彩舞堂前

止菴詩存

三十二

立冬後一日賀震初新居茶聚即席賦

喜得驚遷景不同池亭雖小綠陰籠地疑幽隱真仙境人有清高處士風滿架尊彝知族舊堆盤餅餌勝筵豐清言列坐皆耆宿嗣有楚憂患如山一笑空

立冬後乍寒三日不出門今日赴伯平茶聚喜甚率賦

家家閉戶怯寒侵何處茫然聞足音今日晴和思訪戴山陰乘興好相尋  
幾日冬寒苦莫言儂同臥雪不開門吟肩忽聳來詩社滿室茶香笑語溫  
有感

平生不解慕輕肥天與遭逢幸未違顯宦終貧殊有味久勞乍息似無依鶴尋竹徑遮  
炎景牛臥桑陰送落暉清白家風留式後子孫常守舊苔磯

生日燈下感懷二首

蕭蕭白髮獨心驚勳業無成誤有名餘粒坐空三黨困敝麥捐盡一身輕過情媿讀岡  
陵頌忤俗難消骨鯁聲八十到頭終強項依然黃卷短燈檠  
豈似東坡萬事足尙餘一念惜光陰承家未遂箕裘業礪俗空存枕席心炊黍燈前無  
幻夢哦詩月下有遺音但持業業兢兢志毋使中宵愧影衾

擬約友作旬餐會書以徵意二首

同居患難危城裏朝夕相親味正長猶幸鹽醯差可繼經旬一試齋羹香

嚴寒病足苦難行側耳窗前盼鳥嚶冬日南簷方可愛拋書倒屣喜相迎

歲暮感懷四首

豈有金剛不壞身天寒晷短欲誰親樂天幸是知幾早得享林泉二十春  
少年志氣已忘家饑粥於今幸不差雖苦隆冬從病蹇茅簷負日樂無涯  
啓後承先守素風心常履薄臨深中雖言所志非溫飽已愧無形習厚豐  
薪桂米珠古未逢那堪垂老歎途窮早知弓冶歸泡影悔不藏身畎畝中

芷升家茶集

是其長子花  
後二日

羨君仁德里迎祥滿座茶香勝酒香慶祝三多歸燕寢歡聯九老到華堂佳兒佳婦乾  
坤定宜室宜家歲月長今日饗酬成一獻明年湯餅醉千觴

十月六日旬餐第一集喜賦

二首

一月得笑纔四五今朝會食快平生七賢畢集娛清晝平淡心懷視菜羹  
暮年猶自見滄桑世事無聞喜若狂淡簡盤蔬忘慢客幸留殘菊伴茶香

旬餐第二集速客詞

十月十六日  
二首

心似嬰兒日身如逆旅時門憐殘雪掩窗愛夕陽遲鴻迹驚冬暖雞聲畏午飢夏朋欣  
室邇一笑慰相思

獨有朋來樂尼山道不窮簞瓢今陋巷葵菽古幽風家事平爲福生涯儉亦豐何須憂

鶴唳詩侶尙豪雄

昨午房  
求嚴

旬餐得句欣承楚卿賜和多首依韻奉答聊以寫懷二首

徘徊得句勉加餐衰老心情怯歲寒不有高人數晨夕悅如孤雁月中看  
且喜盤蔬嘗白傅尙虛杯酒餉柴桑百年贏得詩千首一飯還爭石火光  
傷食小瀉自敵

入口能令百病成清心寡欲要躬行災殃多自貪時起禍患常從忽處生天道好還原  
忌滿人生得福祇爲平菜根淡泊猶須剩從此膨脹自矢盟

十月十日喜得微雪

小雪後三日  
三首

夏末經秋苦久晴今朝霖霖沛祥雲衰翁忽動尋梅興枯柳橋邊曳杖行  
日日晴暄照小園地爐無炭喜冬溫誰知微雪乘時得又覺年豐瑞滿門  
正賦無衣樂歲終還將瑞雪惠農功須知天意真仁愛多在潛移默運中  
雪中震初邀茶聚未赴詩以謝之

小坐荒園逸趣生眼昏偏向竹邊明清甘一味增茶興竹葉燒來雪液烹  
與君同是尋詩侶愧我殊難信步行卻似山陰空訪戴蘭言未接意先傾  
喜雪口占一絕

大地變成銀世界千家幻出玉樓臺衰翁也助羣兒興齊向牆陰堆佛來

憫老

老子存身外莊生論物齊形骸爲蠹朽眷屬等禽栖榮盛從人說憂勞祇自迷知心惟  
几杖相伴夕陽西

雪後小飲二首

雲暗天低未放晴雪簷收滴暮寒生老夫未覺齋盂薄自摘青蔬淡煮羹  
雪雲三日尚沈陰天外飛鴻有遠音歲暮懷人千里思一杯何處覓知心

小園玩雪

酒鹽飛絮不會停積玉堆銀忽滿庭盡掩蒼蕪成片白昂然松竹獨青青

旬餐第三集致詞

十月二十六日

堪笑閒身爲底忙桑榆尙擬醉千場新詩不厭百回讀舊學何妨一再商真率盤盂惟  
淡泊耆英杖履正康祥小園松竹堪留客談塵揮時日影長

旬餐第四集遠客吟

十一月六日

不學燒丹不坐禪飢餐渴飲百憂捐心空已破浮生夢志定能輕造化權天地無情芻  
幻狗風雲變色紙飛鶯今朝疑入桃源境酒食相要並是仙

旬餐第五集遠客吟

冬至後八日

一陽初復待探梅逐月柴扉次第開始九寒消知日永後番芳信覺風催忘形莫問孰

賓主乘興何妨時往來會數禮勤仍物薄淡交似水味甘回

十一月二十六日旬餐第六集速客吟

相戒只談風  
月勿涉廣辰

一月得笑纔四五况茲旬會僅爲三及今不樂何時樂顧以俗見增寢愁人生斯世本朝露大椿幾見能天參君不見鵬飛逍遙九萬里青雲直上方圖南郤令翹翔蓬蒿下捨榆控地作斥鵠我今八十無聊賴遭時俘虜坐囚菴風聲鶴唳欲喪胆米珠薪桂寧敢貪眼昏罷書不能讀晨星好友難攀談藉此旬餐破岑寂藜羹豆粥樂且耽偶值懸弧憶疇昔父憂母難心如惔諸公倘使抒懷抱招呼風月助吟酣切勿區區循鄙俗翻效幕燕語呢喃至令掩耳欲嘔吐過情溢譽驚優曇短歌起舞影凌亂欣然捧腹投禪龕嗚呼光陰有盡誼無盡况今多難共苦甘至誠相見如骨肉胡不笑談終席情娓娓至矣夫何取乎聲譽烜赫招搖虎視來耽耽吁心須問情何堪請君勿視斯言等兒戲舉杯相顧白髮同鬢鬢同鬢鬢安得追呼羲和迴馭且停驂使我餐芝服玉囊中妙訣共君探

冬月二日先妣忌辰延僧禮懺感賦

己隔慈顏四十年丁未庚午至今十八年矣今朝營奠淚泣然經聲九衆通幽奠麥飯三杯薦几筵豈料耄荒兒齒老難忘幼病母心煎空餘清供茶甌滿一滴何曾到九泉

有感

五蘊不空六賊連勞勞智得百憂煎天心自是有消長人事豈能無變遷自後視今猶  
視昔得先亡後等亡前洞觀宇宙盈虧境一室悲歡俯仰然

十一月二十八日補行旬餐第六集詩以助興

流光又近臘嘉平佛粥春盤日有程岸外柳梢容已動窗前梅蕊氣先清論交金石歡  
高會欣賞詩書說善鳴大地陽回期在眼相將載酒聽鶯聲下月二十二立春計  
期當作旬餐第九集

十二月六日旬餐第七集速客吟

春暉堂裏戀寒暉風月無邊逸興飛牖透竹聲清韻遠窗移梅影暗香微三冬文史猶  
堪用百世羹牆孰與歸賴有良朋來宴語呼僮治具候荆扉

冬日述懷

耄年身世不相關隨地遊觀可解顏倦鳥夕陽歸野樹孤鴟夜雪度關山常懷風月詩  
多逸憤聽金戈夢亦閑一事冬來猶有恨尋梅松竹步行艱諸友不來我亦難往  
終日閉門殊苦寂寞

冬至後小聚得句

今歲初冬凍地乾一陽來復卻消寒冬至後晴暖良朋聚首春先到好詠梅花結古歡

生日自歎

二首

父憂母難獨何心一事無成感不禁城郭人民今昔異山邱華屋怨恩深邯鄲已破雲

烟夢京洛難開風月襟畫之年無可慶魯陽未挽去光陰

流光莫厭去聯翩歷歷甘辛在目前春水桃花逢古洞秋風薄薄送歸船比肩每憶同舟雨  
瞽眼偏驚宿草烟天下滔滔誰與易何心更數義熙年

題陳一甫雲水萍蹤圖

平生總角喜隨肩風雨同舟五十年燕翼詒謀天錫嘏龍驤健步地行仙冰霜節操承先德闕閱經綸越輩賢往事尙能天寶說披圖遠邁雪鴻篇

卻謝友人頌壽詩

興亡八十載志事悉成空無限生涯感都生美誄中何如鍼砭錫聞過省清衷拜等百朋惠交深見古風

薪米奇賈詩以自慰

人事悲歡無古今須臾苦樂杳難尋招呼風月饒清夢收拾湖山入短吟夜坐圍爐仍促膝晨炊數米漫繁心長安高臥真名士門外從教積雪深

臘八日伯平齋中茶集卽席賦

佛粥佳辰瑞靄臨寒催春近最關心大寒後一日風和日麗情先適果嫩茶甘意更深息影共看飛鳥倦哦詩自愛候蟲吟海天萬里鯨波靜佇聽歸鴻有好音

十二月十六日旬餐第八集速客吟

五九初臨歲事闌杯盤粗具可消寒玩來柳態風初動聞到梅香雪已殘撫景自吟千首易論交相見寸心難今朝小聚分陰惜盡日清言結古歡

詠止園木稼

十二月十六日同餐第八集三首

朝來濃霧重如烟玉樹瓊花忽滿前今後達官何用怕萬方有慶兆豐年  
殘冬雨雪卻嫌遲今日園林樹若絲莫是天公憐我老枝枝相伴白鬚鬚  
窗外銀花窗裏梅一般清影絕塵埃興高采烈人觴詠天送詩材好句來  
冬日自怡

家無長物送流光惟是蓍箇與藥囊雖有營求仍淡泊未能免疾卻平康時憑黃卷聊  
遮眼自種青蔬但裏腸偶值風和身亦健探梅訪友品茶香

十二月二十二日同餐第九集速客吟

是日午正立春二首

椒酒辛盤在眼前莫嫌歲月去翩躚祥光耀日迎中午淑氣催春入舊年天示星躔方  
赫赫人遵王道喜平平黃羊祀灶明朝事且辦齋盂小酌先

今年春去又春回卻帶昇平氣象來風動還舒隄畔柳雪消重釀嶺頭梅門楣競揭椒  
花頌閭里爭傳竹葉杯今舉屠蘇同預祝平安吉慶壽康哉

歎世

世運循環一氣符獨乖天理詎迂儒富強誤國從今有傲偉成功自古無禮樂已看嘲

敝屣詩書誰復玩真腴何緣得挽蟲沙劫佛說金輪定不誣

俞壽田八十四壽

豈止昌陽可引年由來商嶺有芝田市中大隱成遺老海上僑居作散仙風日婆娑希邵老湖山嘯傲慕逋賢驚駕如我仍追驥春水桃花約放船

汪仲虎八旬開慶

吳會多吟侶金闔一隱倫江山歸德望風月伴閑身耄耋康祥日耆英碩袖人相期春水至把臂問桃津

止菴八十自撰壽聯聯句爲清第起科名祇落得躬市虛譽林泉雅甲申冬月余八十生辰而歸兵燹故見大同

燭重諧過八旬兒孫晚得尙循循市朝虛譽人爭羨我卻憂危患有身

歲暮感懷

八十年來萬變燭低回身事獨潸然長空月冷聞征雁遠水風淒看墮鷺斗轉尙添新歲月雲迷難識舊山川歲寒冰雪摧凡卉敢信青松翠柏堅

題杖朝圖杖朝圖爲唐不羈不羈之

回首雲霄卅載前司農兩度百憂煎餘生風月心隨地老去光陰命屬天薇省當年驚夜漏蓬門今日惜朝烟杖朝故事猶能說三代衣冠已渺然

第九集旬餐卽席助興

儼然一日若三秋歲暮懷人序更道心慕陶潛歸故里身希王粲上高樓疏梅殘雪香彌遠嫩竹清風色獨幽今日夏朋欣小集倚窗嘯傲且消憂

安貧

知命安天自有真聖賢憂道不憂貧平生所學非虛偽到此方能不染塵  
養生

老云損又損要訣在躬行心胸苦惱血氣總和平飲食必淡簡衣服戒輕更持此養  
生術卽是學無生

立春喜晴

雨霽邀茶  
集卯席賦

春色來幽境晴光慰老心漸離寒瑟縮已脫病侵尋樹映魚藏影花薰鳥弄音興高多  
事樂茗集春聯吟

輓俞壽田

天末懷人寄慨深忽傳噩耗倍驚心甫承月下紅絲引前月爲孫女作嫁倏夢雲端白馬臨鯉  
簡往還虛祝嘏庚辰公以詩賀余亦寄祝公壽鸞箋唱和少知音唱和甚勤近年彼此從今無復江南興宿草荒  
墟不忍憑

立春二日得雪喜作

初春二日飛玉屑四野霑足農民悅詩人弄筆喜欲狂白雪陽春歌一闋萬方覩覩如

砥平一掃櫈槍無寸鐵胸中皓氣與天齊白鶴穿雲如許潔鴻飛那復計東西誠留迹  
偶然誰識別會攜茶鼎就烹煎冰液清甘味芬冽

小除夕九弟借止園茶集僕役人少諸事簡略賦此道歡並助吟興二首  
小集惜忽忽淨燉歲序終一身兼主僕滿座盡詩翁暖是晴窗借飢將市餅充隨緣萬  
事足喜見九州同

老惜年光速多情慰棣華蘭牋爲日課麥飯是生涯春色盈天地歡聲動室家歲闌猶  
速客雪液好烹茶

### 除夕遣懷

平生榮悴付諸天濟世徒勞願亦慳杼袖已空三輔澤春炊難繼萬家烟漫天荆棘心  
如痺遍地櫈槍眼欲穿未飲屠蘇先意醉佇看鏡聽好音傳

### 乙酉元旦試筆

百年生世喜逢辰白首扶衰又見春歲匝地塵氛指日靖彌天風月一時新晴光乍轉  
門前水漱氣遍驚牖底人萬里烽烟如電掃扁舟吾欲訪桃津

### 自幸開歲八十有一

餘齡八十又加強秉燭光陰夜正長家守清寒貧自適身能拜起蹇何妨梁間燕語雖  
孫長爾良孫耳屋角鳩呼拙婦忙老妻春勞耕隨地行吟隨地樂筆床茶灶答年光

題荅泉倣劍南體詩句冊

放翁身世老江湖，逸氣凌雲字字珠。  
如此胸襟如此筆，知公詩外有功夫。

人目前一朝預慶靈辰小齋茶集卽席助興

靈辰先日得晴明，海宇欣欣慶太平。  
九老共成真率會，小詩宜作短歌行。  
窗臨殘雪梅生色，枝倚和風鳥換聲。  
猶記來朝煎餅事，且將麥飯代傳羹。

戲詠市態

修容一擲中人產剜趾珍於席上資走豎競同勸貴傲揮金莫笑季倫癡

修容一擲中人產剜趾珍於席上資走豎競同勸貴傲揮金莫笑季倫癡  
雨水後二日得雪

去冬無雪

天心默運劑盈虛，冬雖不足春有餘。  
憔悴斯民深水火，卻教霖露惠犁鋤。

正月十六日一甫芷升震初同人聚飲伯平齋中

二首

風和日麗豔陽天，物阜民康大有年。  
膠漆論交詩酒樂，此身如在羲皇前。  
春臺同上樂何如，司馬遺風美有餘。  
不羨擊鮮兼市味，但希剪韭得園蔬。

正月二十六日驚蟄後四日新歲旬餐第一集速客吟

三首

樂天火急勸歡娛，要是幽懷得早撝。  
飲啄雖云前定在，也知先後有乘除。  
驚蟄初過百物蘇，鶯啼燕語友相呼。  
老人思乘江南興，紅杏村邊酒可沽。

春暉無限與騰騰，椒酒猶醺又撲燈。  
暖日烘簷來燕雀，晴雲際海縱覩鵬。

明止酒空

杯把務觀炊糕小旣蒸樂趣是閒誰得別同參且喜有良朋

旬餐本極簡單忽生還席之舉迹近徵逐殊失本義賦此以求解免二首  
徵逐流連樂惡般不如旬日且蔬餐溫公自是無還往會數專勤結古歡  
雲上天需易理探險前飲食又何甘遵時養晦真君子宴樂旬餐一義參

盧木齋先生九十壽

巍然南極一星明魯殿光臨天下平三輔謳歌留宦轍千秋著述飽書楹幾經世界滄  
田改直俟河流海水清當代耆英倘許附仰瞻皎月俯長庚公晉百齡龍馬精神才過八十已衰朽不堪矣

乙酉正月二十四日七弟七旬預慶九弟同邀子貞在春暉堂小宴七弟賦詩四  
首卽依韻和其二以志慶辰

小集春暉室怡怡見古風獨迎青眼客來對白頭翁酒美胸襟暢詩高憂患空所期同  
老健常享百年豐

剛逢春暖日正值古稀年棠棣多歡意盤蔬亦宿緣豈徒開笑口還聳作詩肩世泰從  
今始多將吉語傳

贈七弟神經病療養法

四首

空花毋復求空果守得中庸自有真要使靈明爲主宰勿將幻境作虛身刻舟覓劍徒  
尋惱蛇影杯弓自造因談笑無心皆樂趣行雲流水是長春

放開眼界一身輕世事何曾有不平金玉滿堂皆外物子孫委蛻屬空名但能裹腹餘無欠祇任虛心缺亦盈萬里海天堪縱鶴中宵雲淨月孤明

坦蕩爲君子誰教戚戚依探源蠲物欲端本認天幾但得胸襟淨自當賢聖歸悲憂徒暴棄長傲且遂非

心當嚴屋漏居敬理能窮念少憂自少情空苦卽空不聞不睹處亦保亦臨功何用求和扁金丹在寸衷

二月初六旬餐二集速客吟二首

不嫌簡略裹嘉賓燕趙遺風尙可循麥飯豆菹雖淡薄蕪蔓經難且相親耄老心情媿食珍菜根咬得可通神食前方丈非吾願隨意杯盤樂有真

二月初三街頭一蹶賴行人扶起幸未受傷賦以自慰

市門難倚有牆循僵僂龍鍾孰與親一蹶那堪童子笑提攜翻賴路行人

旬餐以過水麵薄餅餉客賦此道歉

金谷蕪蔓隨所遭萍鑿豆粥饗吾曹不因看畫停寒具且爲尋詩供冷淘

春分久陰悶甚春社後一日

小園寂寥影沈沈社後春分日日陰不有花光堪寓目卻來鳥語亦關心稷壇想見蒼松茂瓊島懸知緣水深一別故都今入載空餘閉戶得長吟

二月十二日郊遊

小園上已尙無花風緊隄邊草未芽郊外柳黃疑似有春光先到野人家  
有感

良庖不惜早藏刀儘供珍羞坐客豪醉飽餕餘星散後有無雞肋迨兒曹  
郊遊

老怯春寒未減衣郊原柳色尙依稀前村應卜香醪熟風動青帘是也非

味西公家事感言先兄瘦後三十餘年子孫治其厄三首

政績文章等暮烟獨留清白到黃泉今朝饘粥由天幸孤苦伶丁四十年  
涸鰍諸孤不忍言西江一勺幸今存興亡家國無窮恨誰起英魂與細論  
一輪紅日又朝升祖蔭欽承若履冰勤儉持家終不匱子孫兢業尙繩繩

春陰喜晴二首

又見郊原綠草生連朝風日得晴明老人未敢冬衣減已覺胸中喜氣盈  
春陰日日峭寒生今見青蕪兩眼明自是香風來有信不愁花事不豐盈

清明前五日公園訪友

十日陰雲一日開奇花又喜見初胎枝頭卻有鶯聲闌似喚尋芳舊侶來

先公春祭在孟莊春暉堂行禮二月十八日

崇祠咫尺若天涯祀事春暉尚有家堪歎豚肩不掩豆非因示儉國多奢

誠華慘落魚價在張値

肉蔬菜羹事近千  
元夏古所未有

山林方與

邀友遊園

山林方與

小園風景及時娛綠柳紅桃映碧蕪斗酒雙柑須伴侶枝頭好鳥且相呼  
何處仙蹤不可憑乘春歲歲興飛騰千株紅豔山如故難得漁人是武陵

詠落花

二月春陰久護持一朝風日又離披綠章倘乞寬花厄但恨飄零不恨遲

二月二十三踏青

二首

楊柳風和拂面吹家家士女踏青時回思身際承平日閒詠宮人進履詩

憶幼時應有擬書

風和日麗是深春草色萋萋綠似茵最愛小園新柳畔青鞋底軟淨無塵

看花有感

二首

今年不減去年春溪杏山桃又一新莫道看花人易老年年還作看花人  
半月陰霾兩日晴滿園春色一時生從來絕豔驚人處多在風塵閱後成  
庖人散去旬餐廢止僅具杯茗聊以助興

尸祝全空莫代庖杯盤無具缺嘉肴一甌香茗聊清話也合新詩共解嘲

和園中桃開韻寄佩瑜

止園晴暖正花開不待風前羯鼓催小牖通時宜竹隱疏籬補處有桃栽卻忘靜室春  
暉陋常盼幽人舊雨來何日高軒能蒞止新詩吟罷重低徊

馬場脩禊

五首

春日尋芳野水濱青蕪綠柳一番新無端忽起天涯感不見桃源洞裏人  
三月三日天氣新敏行看戲馬逐芳塵筆床茶灶追年少肯放衰齡負令辰  
當年遙少儘風流一序蘭亭萬古留畢竟地因人始重焉知此地不千秋  
崇山峻嶺雖無地雲淡風清別有天吾輩興懷原一致且將觴詠繼前賢  
野外春光可散襟天邊風鶴漫驚心騁懷遊目乘時樂留得風流後視今

感事

三月二日公園小憩忽遭逮捕展轉脫而歸行者已被虜不少

二首

子遺身事總由天世難何嘗異昔年偶語腹非徵信史縱橫緹騎不虛傳  
靈囿翻爲豺虎林須臾不測合驚心擇肥而噬偏耆宿誰似園匡尙鼓琴

悔過吟

三月二日作

人生蹈斯世跬步皆冰淵況值此衰季陷井逼圍田奈何不自審日日事流連雖云胸  
坦蕩含沙射影前一語稍不慎垣屬於耳邊一旦觸罔罟形神遭縛纏在彼雖非恕於  
我則叢愆雖悔其何及自取百憂煎所以聖人訓君子懷刑先老無諍友規吏酷勝師

賢戒我實愛我指摘盡箴詮繅紱幸獲免反躬自勉旃從此常閉門熟讀抑戒篇禁足若跋躠守口緘金堅臥遊玩丹青趺坐默參玄持此語同輩暮齒宜相憐言行寡尤悔禍福聽諸天

書三月二日事

老歇清閒安樂方小園脩禊玩春光無端嫌起鄭鄉校繩紱虛驚公冶長

公園看海棠

今年  
雨始開

年年蜀蠶鬪春風今日花遲意不同扶杖徘徊情更切紅顏應笑白頭翁

止園榆梅盛開

小園朝夕待花開日日東風幾度催忽覺闌邊春意滿濃妝如見美人來連日看花得句二首

鸞枝初過海棠來遍地春風陣陣催收拾錦囊無限美東阡南陌盡詩材丁香幾樹玉成圍恰伴棠花片片飛飽看不愁零落盡年年又見有春暉便餐遵改十八日恭候奉答楚卿

爲遲休沐得安車不事珍羞樂有餘侯相當餐思淡簡可師家法是魚蔬

衰老歎

五首

少小多災弱不禁自應遲暮更侵尋耄年幸免非常病本分當衰弗動心本分衰

解除冠履脫身寬伏枕奄奄病骨酸耐到鷄鳴窗欲白又饒一日在人寰眠起  
年垂九十不名珍啜粥茹蔬腹儉貧正苦更衣艱作厄郤憐夜起小旋頻復旋  
遠遊千里聽兒孫定省無疏幾問存最苦糟糠終歲病孑然相對度朝昏病妻  
文豹豐狐早隱身巖居穴處不知春偶追逐隊尋芳侶又值含沙射影人蓋舊

詠紫藤花

紅白花飛有紫英千枝簇簇似垂纓庖人收得供朝膳似玉堆盤帶露瑩

三月十八日小集喜雨

春來日日炎颸惡今喜霏微潤澤中邀友歡情聯舊雨隨時真率繼清風脩行早懷危  
言戒習氣還餘得句雄遇境放懷常自在平生百事仰天工

因果

陰陽晝夜本生成果熟因緣祇自明欲問百年身後事太虛大化總無情

明天二首

天道明明不可違大都心術是先幾種瓜得豆何曾有莫使來時悔去非  
佛國魔宮本自平寸心得失總分明欲求至郢何須問北轍南轔不可行

小雨初晴郊外遊覽

小雨初晴庭院深百花過盡綠成陰一川活水從魚躍千里無雲稱鶴心物我兩忘閒

亦樂江山無恙古猶今快然自得欣忘老天朗風清值萬金

歎老二首

光陰垂暮日銜山衰朽心情病骨孱施濟未能行就木空留遺憾在人間

蓮年故鄉薄有祭歲窮困未能

年垂九十媿虛生勳業文章總不成一事更餘桑梓恨墓田千里負歸耕

故鄉薄有祭十年來世

亂世祖國不能

喜立夏二首

三月二十五日

南郊迎夏喜生成物阜民康見太平蚯蚓久藏今得出居然蟻蟻也容鳴

天行火德盛南方日出浮雲見曙光萬里鯨波平似砥行看牧野有鷹揚

西歐戰事德己屬伏舊

依韻奉和佩嶼喜雨詩

天朗氣清景象開和平消息耳邊來澄清世界消殘刦收拾乾坤仗霸才澤沛一天深  
雨露塵空萬里淨氛埃老農從此安耕作鼓腹含哺亦樂哉

老趣二首

衰疾來無已癡頑興未闌酒從詩裏見山向畫中看弄筆慚鴉滿翻書惜蠹殘放懷扶  
杖出天地不勝寬

才斂詩情退心危酒興闌一身如露綴萬事等雲看棲鳥聲喧碎花飛舞弄殘無邊風  
月夜更覺小園寬

哀族難

原籍本村前年被兵焚燬寸椽無存去冬又遭匪刦衣糧一洗而空苦無生資

天教浩刦到寒門廬舍衣糧百不存堪歎一生謀繼述祇留灰燼付兒孫

書事

三月二日偶遭毒蛇咬之據為公呂晏答友人問訊

秦刑曾及腹非云齊園何由陷井聞方雜屠沽思匿迹豈知雞鶴忌成羣實心未識狐  
張祟厄運難逃玉石焚亂不居今危不入聖言垂戒本殷殷

傷食病中作

一日貪饕十日災膨脹滿腹骨虺墮頭如蓬轉身如醉百體乖同百寇來

止園雜詠

小溪流水繞門東此地天教着耄翁春老槐陰遮徑綠秋深荔豔滿牆紅鳥聲迎旭驚  
殘夢魚影趨波避釣箇斗室翛然何所事朋來談笑亂書中

隨安

二首

過得今日再明日世間萬事不須謀藜羹可敵八珍美隨遇而安何忮求  
境原幻惑得齊難萬事俱當平等觀羔酒孤裘不覺煖山僧一衲卻忘寒

尊天

二首

巍巍天德若爲尊聖道原來不二門但問此心心此理世間五教本同源  
三畏如何天命窺出王游衍不能離青冥直可通呼吸降監如臨念在茲

焯兒去滬傷足已半年今歸始得見知書此訓之二首

母病如何忍遠行親年喜懼最須明不忘跬步况千里傷足天教謹尙輕  
其進銳者其退速消長盈虛如轉轂從今事事讓三分失馬焉非塞翁福  
味雲書來自傷衰老賦以解之

陶公不諱當去客陸子更稱不應來本分衰原甘同受利名歇盡正悠哉  
壽豐園太平花盛開勝於往年

猶是承平上苑花居然寂寞落民家芳菲特啓游人興否極今應泰運誇  
移得名花出故宮芳菲不減上林中太平景象非無意特向民間慶壽豐

述懷

生歷遭邇世事艱甘休海澨養衰孱讀書有得徒編絕學道無成似石頑水暖春江魚  
縱躍風高秋樹鳥知還何由放棹江南去覽遍湖邊萬疊山

閉戶經旬無客至聊以自嘲

逝水繁華靜裏拋年光物候費推敲獨居深念宜清坐匿迹銷聲作解嘲露浥新蔬舒  
翠甲雨催嫩竹上青捎小園成趣門羅雀安用文章廣絕交

詠蝴蝶

芒種詩首  
舊歲成賦

開到薔薇花事了老人猶自惜芳菲殷勤留得餘春在可愛雙雙蛱蝶飛

止園小集賦以助興

歲次卯一甫子貞  
舊歲旬不題

相知道義最相親一日三秋况浹旬隨意杯盤仍草具開懷吟嘯任天真薔薇香到花應了燕子巢空迹已陳海宇風烟經眼淨朝朝歡聚白頭新

感歎

連日薰風  
麥苗盡萎

麥秀將焦日日風何如沛澤轉年豐伊誰得作南薰奏重見吾民解懶功

植樹節

植樹年年喜欲顛佇看被野綠林天何由再見三推禮福惠黎元粒食緣

芒種喜陰

俗云芒種喜聞雷今日陰雲密不開龍眸鳩聲呼正起佇看細雨自東來

慨歎故鄉孝友堂公產亂後全空仍望子姪聲將來興復

一世三十閱生辰况復今朝八十春子弟非才難自立孤寒無計恤家貧先人志事歸泡影昔日經營絕點塵欲繼希文宏義舉遺猷須付後來人

告焯兒養病法

接腰骨施手術後須服藥一月心閒則神  
舊時身安否則服藥不得養矣

一身堅臥寄人間醒裏心寬夢裏閒放下塵勞本無事飢餐渴飲是禪關

一念不生樂未央千年高臥又何妨華山老子傳心法不問仙方問睡方

煩惱

心爲形役久奔波得失情深煩惱魔白傅一唐君記起世間自取苦人多

小雨乍晴止園茶集

普 蘭 會 未 謂

霏微數點又成晴滿院飛塵得暫清朋輦方來花欲謝且攜茶灶竹間烹密雲不雨未終朝且免炎曠避酷敵入坐詩翁茶味永有花無酒也逍遙

擬孝友堂公產善後策書後示子姪

千年舊族素清貧祖德宗功苦種因天福梓桑收善果篤生還盼繼繩人

讀曾文正日記萬事由天命說書後

修身立命在當躬何事還歸冥漠中會得湘鄉淡忘說由來世界本全空  
端節後三日楚卿家小酌

每逢佳節覺心酸悵望鄉關道路難金石論交朋漸少芝蘭契合室猶寬喜從蒲筍謀真味雅有琴書結古歡老氏貞修能久視滄桑不厭幾回看同 金五人

憶舊都敝宅別九年矣不禁惘然

一廬紀念爲承先宅爲先公 沽石亭廊具體全半畝行窩希履道數椽獨樂慕尊賢年年宿草隨根衍處處幽花坼蘚鮮堪歎十年人事改巍然喬木長風煙同 常年小樹已非昔年小樹矣

病起午  
晴一餐傷食數日

病從口入老生談誨爾諱諱總未諳昨日腹膨生洞瀉百骸苦痛百憂懷乞靈醫藥輕微效床第呻吟祇自堪幸得衰羸扶杖起何如下箸一無貪

庸庵少師八十九壽重宴恩榮有詩志感敬和元韻以侑康爵

南極星明拜帝師地天日月本無私紅綾賜餅猶前寵白髮簪花又一時數典班聯承  
岳牧者前得清一代置宴恩榮者二十二人顧名道統繼曾思公號唐庵以子思中庸傳會子貴故而作期願甄叟唐宗瑞凡  
杖衣冠賜未遲聖祖康熙十七年一百三歲  
太宗幸其第賜以几杖衣服

小病初蘇雨後園中散步

小雨初過天氣清飛鶯軋軋弄機聲行人道左驚心憒病叟園中覺眼明修竹迎風閑偃仰高槐映日恣縱橫形骸己外遑論物滌盡塵襟萬事輕

哀故鄉

彈指光陰去擲梭希文志願付消磨故鄉浩劫方無已世界危機更奈何每念孤寒思拯濟空傷時勢歎蹉跎於今三黨餘墟墓自恨燈前白髮多

病中作  
二首

生平志願恨難成桑梓瘡痍滿目呈腹有詩書神味永胸離塵俗業緣輕閑花繞砌開  
仍落一畝者六丈今無新竹迎窗秀且清四子五孫皆安分讀書驪車在門何所戀心田留與子孫耕

蕭蕭短髮歎吾衰大化紛紛不自知窗外有蜂攢故紙梁間歸燕補新泥鼠肝蟲臂誰爲主石火電光復幾時欲學希文空有願愧無遺澤繫人思

小暑久旱微陰邀友茶集

同是梅天日日陰炎天烈日轉蕭森且看石上霏微潤難得簷前點滴音物阜民康千載事和風甘雨百年心老人無復憂時責茗椀詩囊且共尋

生計

物價漲至數百千倍區區生計無源之水涸可立待二首

一火燎原土盡焦身如幕燕苦漂搖點金乏術空餘石刀礪君看日日消放翁乞食和陶詩始信前賢慣忍飢吾輩讀書何所得清風準備蓋棺時

遊倪氏園

己無大柳與高槐豈似當年懷抱開稀甲數畦隨地長新荷幾點舊時裁豐碑獨見將軍塚曲水遙通戲馬臺白髮蒼頭何處去祇餘狂蝶過溪來

道室偶題

須彌芥子本無差天地壺中納可誇心下不關千載事眼前常有四時花掃開風火重重刱夢入華胥處處家空裏從來空裏去聖賢仙佛又何加

六月十一先祖妣忌日祭

猶憶當年十四時遭家不造事多悲椿庭偃蹇歸鄉里

先君假歸於棣鄂呻吟赴冥司三十

六一病

况復重幃簾蔭萎那堪病榻柳姿衰

重病亦

於今白首仍追祭空薦鷄豚不忍思

食啓新公司配給麵蒸食有感

說雜各公司二十餘年矣見于明泰初年改新公事得配給麵以盡食之不膳處懷

優孟衣冠自古難暮年食事愧加餐繡袍自是故人誼范叔平生豈畏寒

春暉堂茶話

二首

高槐叢密碧參天修竹新抽綠映椽不速客來茶話久此身如在結繩前  
昨夜驚雷震耳聾狂飈撼樹襲簾櫳今朝赤日天清朗贏得南簷解慍風

閉門

歷盡危機釋盡憂閉門歲月去悠悠庭前雜卉開仍落天際浮雲過復留一枕書橫聊  
引睡數畦菜長得清遊老人孤寂方爲樂安用題詩遍酒樓

遊農村

百畝膏腴歲有秋家家孫子服先疇興朝幽俗圖中美避地秦人洞裏幽日落牛羊被  
原野雨餘鷗鷺滿汀洲太平民物村村見閒過柴門笑語留

雨過倪園觀蓮

一溪美景占芳辰雨過清香細細新最喜暮年如意事愛蓮還是種蓮人

此花爲余手栽已四年矣

立秋

三首

炎天烈日正氛埃迎爽西郊節序催搖落千林蟬噪遠長空萬里雁飛來欲摧殘暑瓜

仍食徐行清風扇可推閑與幽人期舊約安排籬下菊花杯

垂老偏驚歲月道一年容易又迎秋驚同塞上征人夢引起樓中少婦愁不盡關河宜過雁無邊風月好乘舟問誰得似農家樂多稼如雲萬井收

秋至令人劇有情梧桐一落最分明形容蒲柳衰先覺身世芭蕉老可驚夜讀有聲聞在樹宵砧無月報疏更詩翁頗動湖山興從此扁舟似葉輕

仲穀姪六十壽

同憶韶齡雁序偏於今白首夢重圓欣看賢阮逢周甲儼似同懷享大年世澤已覘能

緒續

三五六十  
六道世

書香尤喜有燈傳

已達  
今年十歲矣

待將共享期頤壽堂列孫曾舞彩筵

有感

八月十日

忽聞三島棄兵忙漫卷詩書喜欲狂成烽鏑及今新玉帛河山還我舊封疆閭閻安堵乾坤定社稷蒙庥日月光世界滄桑同一變從茲四海不波揚

七夕喜雨

欣逢七夕雨滂沱溽暑潛消爽氣多從此甲兵長不用居然壯士挽天河

聞日本息兵感言

弱族衰宗生計難况經九載又兵端欲圖休養身垂暮苦恨時平力已殘

雨霽熱甚

立秋後十日

苦雨連宵朝日升休嫌殘暑尙炎蒸入年一夢過三伏盼到秋風喜不勝

時計改回舊制

午正子正均  
為十二點

陰陽晝夜本玄機豈待人爲有是非天道惡盈原不爽日中則昃示先幾明朝正午未初故作未初故

新時乃爲  
日是之末

### 處暑夜得雨乍涼勸友出遊

今年苦長夏困如身在囚處暑一夜雨颯然涼入秋縱如鳥脫網躍如魚脫鉤衣輕能便體食美易過喉何乃有餘適祇緣無過憂意適簪花舞興發採菱謳有情新伴侶無數舊朋儔去來各隨意遠近不預謀但尋好山水隨處有車舟千里不辭倦寸步儘堪休決除韁鎖累始得快哉遊勸君惜晚景何物不自由從茲任所之天地一沙鷗

### 新秋乍涼邀友小聚

二首

酷暑侵人蹤跡疏嫩涼天氣早秋初故人高會休嫌略請試家園自種蔬禮勤會數率天真喜得秋風正可人僻陋蓬廬無市味園蔬場穀一時新

### 喜晴散步

經旬連夜雨一霽埽塵氣水落魚歸壑天高鶴入雲倚窗風送爽欹枕日斜曛行飯忘身倦攜筇亦所欣

### 驟涼

又是新秋一味涼回頭郤笑汙如漿世間冰炭無窮境只合隨緣作道場

如夢二首

世事都如夢吾生固有涯再三防意必第一忌安排春到花爭發秋來木慚壞靜觀皆  
自得造作故多乖  
人生不百歲榮悴幾時哉順水舟方利逆風棹漫催身家惟任運孫子莫繁懷得失平  
常事都關天意來

有感二首

雄兵百萬受降書卻在彈丸一擲餘畢竟天心歸有道不將利器畀頑夫  
西傾大勢儘堪嗟何事冥頑最後誇一紙降書遲又久生靈百萬更無家

仁靜堂茶集

昇平再見樂何如道義親朋興有餘煮茗焚香忘世故掀髯高論到黃初

慶昇平

循環天理本相尋霹靂聲中奏凱音北極朝廷初建設東方寇盜永無侵收回疆土軍  
人血整頓河山賢吏心正本清源由教化百年禮樂入人深

述治道

唐漢忽忽了目前商周治譜遂無傳虞廷征伐兩階舞孟子經綸百畝田國脈培從錢

穀始民風端自禮刑先古人成績分明在誰取青編與細詮

陽歷重九泰昌里雨莊寓茶

露白葭蒼未隕霜卻驚新歷已重陽艱危世事迂迴久代謝天時節序忙是地驚心仍動魄何年物阜更民康今朝試作題糕會且喜人人泰且昌

平生

平生蹭蹬願多違卻遇天緣脫駭機得失憒留圓處闕行藏幸免俗人譏每從事後虛前料嘗使來時悔去非指日蓋棺方論定神遊天地欲誰歸

藐躬

獨立蒼茫一藐躬前無始兮後無終興衰不出盈謙外禍福常存倚伏中只見鴻泥留雪上不聞鳥迹印天空滔滔世變今胡底否泰循環萬古同

自詒

自奉如何祇自知天生付與又何奇布裘粗糲應知足文繡膏梁并是癡進德九思爲準則脩身三省是吾師年衰身逸心無逸百變堅持不動時

震初齋中茶集

八月十一日

三日不見俗塵生一入高齋兩眼明案有尊彝胸次古盤無腥血舌根清江湖性氣論交密風月情懷得句成滿座耆英追洛社放懷同與話昇平

輓楊斐然卽呈煥章先生

久仰芳型未識荆得交棠棣耳鳩名經營貨殖多勞勤保衛鄉閭有頌聲天不永年人  
戴德身雖羸瘦氣常清愧將俚語昭泉壤聊慰令原急難情

中秋遇雨有感二首

盼來八載月空圓惆悵浮雲暗滿天今日雲開偏送雨清暉有待又明年  
準擬今年看月明終朝浙瀝畫簷聲蟾光欲吐非容易洗淨塵氛分外明

八月十八夜子時地震二首

驚心幸免墮飛鶯踏地還知勝踢天造物恐人渾忘卻不教高枕得安眠  
自古傳聞釣六鼈三山屹立尙孤高於今領取盈虧訓毋使山河觸怒濤

秋陰

一日初晴九日陰小園光景更蕭森枝頭落葉黃兼潤砌下荒苔勸復深風月頓消遊  
客興闌河偏帶遠人音何時得見秋陽暴萬里無雲豁此心

八月二十三日國軍蒞津歡迎盛況

比戶兼旬盼國軍今朝如堵勢芸芸萬千婦孺呼雷動億兆黎元待澤殷電走朱輪隨  
瑞靄風飄赤幟兆祥氣河山從此聲威壯道左衰翁喜欲翁

寒露節 先公秋祭畢朋來茶集

良朋契闊復何言霖雨兼旬久掩門蒲柳先衰驚歲月芥菘漸美度朝昏愴懷秋露音容遠永慕春暉祀事存今日茶香謀小集餫餘粃粃尚甘溫

乙酉重九邀友登高

新華大樓

年年多難強登高今日時平興正豪太傅掩功休折屐仲宣能賦且拈毫天邊寂寞三山影海外縱橫萬里濤掃淨風塵堪縱目羣賢畢至好題糕

止園紅葉

乙酉重九後作六首

剪剪西風百卉凋牆頭薜蘿色偏嬌滿園爛熳紛如錦常伴幽人慰寂寥  
已過重陽烈日烘小園晚景十分紅回思埋沒牆東日常在愁烟苦霧中  
天意偏憐歲暮人秋深誰見再來春千花百草凋零後滿目紅雲又一新  
猩紅絳紫正嫋嫋朝暮陰晴不等觀午枕初回挨倦眼行吟渾覺是春山  
年光如水去難回不待秋容菊訊催物態頓驚春意滿翩翩雙蝶過牆來  
今朝茶集聚羣賢錦繡題詩在目前太息御溝何處是多情倡和有天緣

一甫約十九日中原六樓茶集

二首

天留晴旭展重陽王粲登樓祇自傷不是登臨能助興且分炳燭夜遊光  
人生何地異羊腸百尺樓高樂未央更上欲窮千里目白雲深處是吾鄉

十月初旬觀壽豐園菊

二首

十月清風有令姿東籬興趣未嫌遲衡門自賞凌霜操市井兒童道過時  
栗里猶存喜伴松風霜飽領豔偏濃天留晚景人同壽次第看花直到冬

詠殘紅葉二首

錦幃雲屏轉眼空幾番霜訊北窗風恰如三月春歸日零落殘花滿地紅  
鴉聲破曉占高枝正是楓林葉落時片片殘紅流水去令人渾憶送春詩

卽事立冬草木未凋

海隅秋盡氣蕭蕭今似江南草未凋萬衆齊呼太平樂奈何鵠北到津橋

十月十四日震初齋中茶集

是時久旱草木未凋

秋晴已久更冬陰庭院依然草木深數點栖鴉情默默一畦寒菜綠沈沈不增野叟催  
詩興難副農民待澤心天地無情人自樂嘗茶話舊有知音

題齋壁

世緣俗念不相攀身是高僧老坐關室本清幽如太古門無剝啄似深山午晴茶熟桐  
陰轉夜靜香殘折韻閑忍度朝昏堪自慰心同鐵石比堅頑

先妣忌日祭丁未十九年

已別音容四十年年年身世百憂煎荆榛道路征途憑珠桂米薪粒食慳桑梓敬恭無  
復日瘡痍凋敝總由天鷄豚相對空垂淚悲慨何能達九泉

喜雪  
歸交大書今又二首

十月猶和氣似春忽然夜雪一番新金吾不弛森嚴令誰識袁安高臥人時聽騎鼓夜紛紛  
四

朝晴庭院白同銀且喜寒窗夜色新天意慈仁重佳節來年玉粒賤如塵

妻病癆已五年今幸八旬同壽賦此自頌

鴻案居然伴寂寥飄蓬身世正無聊以平爲福眉同壽相敬如賓鬢已凋疏影梅開春  
益益淡烟香永夜迢迢庭前綠竹競清供得遇電報更得男是爲第一會孫皆先熟夢來年或仍有孫丁之望見新

歷迎祥又歲朝後二日爲新歷三十五年元旦

十一月十八冬至日春暉堂茶集賦呈助興

冬至陽生春又來一年佳興正相催三茅寺裏尋丹灶金闕七里灘前訪釣台富春名勝載酒南湖雙棹去杭州聽鶯北陌浩歌同踏翹人生行樂君須記茶熟爐溫笑口開

得焯兒信青島紗廠有回復之望感賦

世間何事有人謀失馬方欣得馬憂消長盈虛如轉轂去來逆順若藏鈎雲中出沒孤  
飛雁海上浮沈自在鷗萬戶痛癡歸袵席天心默運待箕麥

冬月初四日紹貞得男是爲第一曾孫大雪後一日有進冬至陽生之象取名啓

晉以志之

大耋曾孫始見之同堂五世待期願自昭明德方言晉三接天庥豈怨遲

安命

安命知天總不疑平生遇事可憐遲文壇九上輪空舉宦轍三遷未及施宗族式微心已碎箕裘未就養如絲旁觀謬許箕疇福姑葉含冰祇自知

冬至遣興

冬盡春回已有期老人清興欲何之沿溪問柳宜攜酒繞舍尋梅合詠詩名勝數來程自擬家山歸到夢先馳閒身安得如年少務觀湘湖夜泛時

題莊良孫女祝壽畫幅

山水情懷松柏姿喜看童稚畫中詩齊眉耄耋堂前樂四世新逢舞彩時

今年八月廿七  
歲生辰前

日始得長曾孫啟吾今女孫莊良  
繪此祝壽因題數語以志家慶

信數

廢寢忘餐可奈何行雲流水養天和知幾自在全憑數起箇念頭總是多

歲暮夜坐

久旱風生易常陰日出難那堪雙鬢禿又耐一年寒燈影梅枝瘦窗聲竹葉乾隨緣方遺興清詠到更闌

歲暮病中

主足痛不  
能着地

自是星宮有竭磨年年歲暮病中過泰來否極亨常少履薄臨深苦更多萬姓歡呼調  
玉燭百年至計息金戈簫前梅信頻催臘行看陽春日轉和

新歲感懷

衰疾來如寇流年去若梭惜花吟興減泥酒隨憂多倦馬辭鞍鞅飛禽脫網羅江湖徇  
歸去相伴一漁蓑

丙戌元旦口占

世界和平第一年乾坤旋轉福無邊湛恩汪濊深如海兵氣銷磨感自天閨里含哺能  
鼓腹康衢擊壤更摩肩及身得見河清日伏叟橫經喜欲顛

立之七弟七十壽

棟鄂花開白髮新承平版籍有遺民兄弟生于光緒四年丁丑千言策對徵名士萬首詩  
存繼古人滄海浮沈鷗世界江山嘯傲鶴精神他年聯袂歸鄉欽雁序庠門鼎足賓九

五亦近古稀

除夕病足製放翁句遣興

八十頭陀不出家平生志願在桑麻春光乍轉先梅柳歲事將闌薦果茶扶拜漸離愁  
境界改詩重理舊生涯等閒一事還堪笑夢到江南鬢未華

臥病三月第一次出門山桃將放二月二十日春分後三日

病同重見豔陽天偶值風和日正妍莫道傷春人易老山花猶似去年鮮  
筋骨酸寒得小蘇徘徊道左尙踟躕名花重見如相笑道是東方老病夫

勸北接枝

病起又見公園山桃初開感賦

四首

年年得見此花開幾輩詩人逐蝶來飛蝶不知何處去詩人獨喜久徘徊去年謂中故人疑爲閻旛

應補多人今則王達也  
祖矣舉集同音借用

詩人獨喜久徘徊每見花開首重回卻憶種花人盡去問花無主爲誰開  
問花無主爲誰開獨有詩人思別裁曾是桃源花事好武陵人得幾番來  
武陵人得幾番來五百年間只一回今幸時清身亦健年年得見此花開

久雨初晴小園散步

二首

花時二月久沈霾幾樹山桃嫩未開天惜詩人嫌寂寞草青松綠報春來  
小園風景度朝昏蝶影鶯聲不出門無酒有詩還寂寞令人遙憶杏花村

上已前一日重遊小公園

去年園中被指

去年今日儘堪思正是蜂狂蝶舞時風景不隨人事改重來花徑好尋詩  
年光如水盡東馳猶憶驚心動魄時天意憐人閒趣少春來無處莫非詩

病起春暉堂小憩

始信今年筋力殘小園猶自怯春寒生憑豆飯藜羹老居是禪房病室觀有忮有求知

念妄無思無慮覺心寬還從斷簡尋師友俯仰乾坤契古歡

讀史有感

英雄自古多僥倖得失全憑後世看濟衆博施堯舜病抱殘守閩漢唐安千年王霸文  
章著萬里江山奔局觀獨有先公年譜在一生德業出艱難

楚卿齋中茶話卽席賦贈二首

山水情懷百慮空芝蘭入室覺心同煎來香茗留清話常似春風滿座中  
不談興廢卽論文常似懸河覺齒芬茶灶筆床爲長物但看富貴若浮雲  
止園今歲花較稀別有幽趣二首

萬綠叢中數點紅花光不與昔年同欲參小圃清幽趣多在晨風夕照中  
葉嫩花稀又一奇芳菲原是怕離披半開自覺看常好免見紛紛落地時

舊英公園海棠盛開

移來西蜀不知年雨潤風和分外妍喜見紛紛蜂蝶鬧令人卻憶放翁顛  
雨晴止園散步

小雨初晴曙色開日光斜照百花臺滿園春意誰知覺獨有紛紛蛱蝶來  
嘆故鄉善舉無成

散財容易得才難萬事無如筋力殘暮負萱堂慈訓杳常留遺憾對孤寒

泰兒年五十一得第二子于吾爲第六孫命名述夏期其善述吾慈善之志也詩以紀之

庭前菉竹又菉枝老耄仍懷堂構思待爾昇平爲善樂但能述志未爲遲

齋中靜坐二首

寂寂花時閉院門陰陰綠樹自成村鶯啼盡永人聲絕一縷爐香直到昏  
息盡乾坤萬變心一窗竟日冷沈沈默觀天象人誰測纔露微陽又作陰

小園遣興

息影空園萬化觀絕無煩惱挂眉端深林鳥語攢枝樂小沼魚遊戲藻歡

雨後藤花盛開聞鶯二首

雨後藤花過水鮮枝枝紫玉似珠連人聲靜默禽聲樂入耳嬌鶯句句圓  
天心若有豐年兆久旱甘霖豈偶然且喜春畦看菜長青蔬綠韭一時全

太平花四首

當年豔說太平花神武開邊萬里誇今日流傳倫市井清香猶似帝王家  
淡白瓊花似玉叢枝枝凝豔露迎風看來桃李無顏色一樣芳菲便不同  
移根邊徼託孤蹤三百年來雨露中花木猶爲人愛惜將軍百戰已無功  
太平景象小園中曾顯開疆拓土功記取佳名千載勝年年常得被春風

叔弢家太平花既枯又發新枝

幽芳一簇滿園春去歲枯條又發新願與此花年年見此身常作太平人  
今年勝似去年春重見柔條氣象新料得天心能歎運看花還是不平人

壽豐園太平花盛開有感

太平名易盛時難等是芳菲不等觀卻憶謫仙清平調亭前玉笛倚闌干  
滿枝珠玉十分開正似熙朝獻瑞來料得御園供奉日筵前羯鼓幾番催

五月朔得第二曾孫取名啓益詩以志之

盈階綠竹正猗猗又見蒜芽秀一枝夏長春生天獨厚知叨祖蔭露潛滋更五月得孫也

曾孫號三日九弟林得第四  
會孫皆先人賢繼聲也

佩瑜端午詩來步韻答賀

止園惜別已經年節序榴開又目前雨過菜畦青滿地風清篠蔭綠漫天到門倒屣今  
無日掃徑煎茶昔有緣追憶舊遊勞夢想新詩展讀亦欣然

春暉堂獨坐

獨坐空堂意趣幽朋來何止隔三秋映階蜀菊紅如火透牖湘筠綠似油每憶攜筇尋  
野鹿忽思垂釣伴沙鷗人生何處非羈旅物我相忘自在游

亂後第一次謁先公祠

四月二十七日同陳一甫丁雨  
先公祠先祖書豐國看太平花盛開

八載烽烟海濛塵蒸嘗久缺幾春秋侵陵逼處還無恙呵護先靈却有神堂陸獨存歐

脫地

荷四圍皆日本軍庫

衣冠猶見宰官身太平已兆從今始百世雲礪俎豆新

光緒戊寅

先公遺命辦施醫事忽忽七十年此願未償今歲兒子明焯始定章

成立至德衛生會開辦醫院規模宏遠聊以告慰

桑梓痼疾七十年緬懷遺訓每泫然于今創業堪垂統繼述還期後嗣賢

前年至德經亂本村全毀一片瓦礫今秋勉修宗祠以供祀事

村舍全墟茂草場每懷風雨慨江鄉牽蘿補屋還無計勉葺宗祊薦豆觴

重修族譜

族譜全失以北方存

江南譜牒重名門一炬傷無片紙存代北尙留餘燼在得傳昭穆示諸昆

賀楚卿丁亥重遊泮水二首

從來道德有文章一第青衿姓氏香且喜韶齡春鼎盛還看大耋日舒長夢回冀北功名會神往江南翰墨場莫謂天荒吾輩老此身同幸列宮牆余庚辰年重造碑文之慨然文章道德是吾師一日三秋每見之偶憶遊庠談故事卻從周甲動幽思生平略試淵明仕旦夕常吟務觀詩更與希文同志事立身不負秀才時

祖妣忌日告祭

七十年來贍長身椿萱凋謝若爲親難忘遺訓躋仁壽救此蟲沙刲後人光緒戊寅祖妣

君懷身且無負書特制子孫以施書集為志事忽忘七十年矣今識易好  
病中自念三首

生本癡頑不足誇慈憲遺訓念無差一生所歷皆餘孽萬事艱危結果嘉  
生平行歷百憂端戒懼曾無一夕安天倖虛名娛晚景夢中環境更艱難  
閒吟斗室覺天寬身似鳴蛙不屬官薄粥一盂吾事了心原無病更誰安

夜坐

薪珍似桂仍供爨米貴如珠未閱餐更喜心虛禪意進青燈有味照蒲團

止園靜坐二首

齋居罕人事閉戶自成村饒有山林趣而無市井喧藤陰環宇靜視水過畦渾極樂知  
何似先除憂患根

空山多濩落市井盡囂塵不若家園內草木亦蓁蓁風來鳥歡樂雨過花精神卽此無  
爲地胸中常似春

楚卿見示中秋奉懷一首依韻奉和

一年容易又中秋物換星移四序周去歲烽烟爭起伏今朝粒食困供求耆英會上風  
塵老安樂窩中歲月悠世事不聞惟對月兩心同此寄清幽

星期小集步楚卿卽席元韻

乍涼天氣忽驚秋道義親朋每小留詩酒之間爲至樂蔬餐以外更何求任真言語心先醉淡泊交情味更悠掃淨塵氛天地別清懷常似月當頭

丙戌重九雨莊約同伯平震初及九弟中原六樓登高望遠卽席賦二首

衰年重九兒精神每憶淵明逸興新百尺高樓千里目抗懷同是義熙人

難得良朋是異鄉白頭兄弟作重陽呼來濁酒心先醉吟到黃花句亦香風雨初收天漠漠川原無盡海茫茫浮雲變滅知何預且共清游萬事忘

詠止園紅葉十一首

不羨春花雨露滋牆頭寂寞幾多時休誇晚景紅如火煅煉風霜祇自知孤高冷豔殿羣芳不數黃花伴倚牆有色無香堪自喜免教蝶戀與蜂狂誰將秋雨比春風染得如花二月紅最好初晴寒訊早斑爛五色綠陰中春去秋來豈有言花凋葉茂更同倫須知天意皆生趣雨露風霜總是恩小園風景不多寬萬點猩紅露未乾卻羨今年寒訊晚菊黃猶稱畫圖觀江南九月氣初寒兩岸江楓照眼丹今日小園紅似火閑身如坐釣船看年年秋老百花殘小院留連興未闌三五親朋謀小集殷勤濃豔勸加餐紅雲浸曉射朝暉一片流霞直到昏獨有高槐添異致青陰夾道擁柴門故鄉鶯鳥映江楓十里溪山豔不同欲覓牧童來問酒令人還憶杏花風

香山憶昔晚秋居百丈屏山畫不如儘道無方能縮地今朝錦障擁螭廬  
藤陰密布障霜風猶似春花次第紅造物知人重愛惜故教晚景莫匆匆

丙戌雙十節子貞以魚羹餽鈺約楚鄉嘗食頗得鄉村風味賦以志謝

三首

知足齋中味道腴羹藜炊黍日相呼試觀方丈筵前客能有山翁此樂無  
故人胸次本逍遙一味烹鮮每見招嘗得此中真意味世間何事不寬饒

于貞楚鄉每年十月朔月相約而紅葉

一次產值三人食無奢味以風世之一會數萬金者

疏水簾瓢意味深孔顏樂處儘堪尋何曾一飽猶難得下箸何勞擲萬金

詠晚紅葉

二首

不是花前羯鼓催霜辰風雨更聞雷天嫌老圃秋容淡萬紫千紅又喚回

十月朔風交作

紅葉今年落更遲天教不負菊花時閑來尊酒籬邊客愛晚亭前獨詠詩

今年十月朔而紅葉

壽康里見于貞鄰家滿屋紅葉極盛口占一絕

銜門藏得滿園春如火如荼氣象新莫認桃源尋洞口此中疑有避秦人

觀壽豐園菊

二首

千枝冷豔一時開玉質金章照眼來老圃秋容原是淡居然富麗又春回

五色斑斕不可思鸞翔鳳翥更生姿天教珍品多遲遇卻在秋園冷淡時

今年十月朔而紅葉

丁亥新春茶集喜賦

初晴春雪又成陰舊舊相逢喜不禁擊節筑難追痛飲無弦琴尚有遺音曠懷始悟乾坤大撫序方驚歲月深卻笑頰齡餘長物筆床茶灶敵千金

借宿啓新招待所

數椽幽靜寄坊場魚影鶯聲白日長春在枝頭人不覺雜花齊放滿園香

還北平止園

倉皇出走十年離隻影歸來路不知世事但驚今異昔思身已耄期時起重蓋倉卒是

津忘去  
十年矣

道旁柳色二首

今年遇閨覺春遲二月花開未有期道左遙看高柳色含青猶是未黃時嫩黃舒綠十分清幾日濃陰忽已成造物無私原自得祇應頭白覺心驚

遊頤和園養雲軒老對年會與此屋

二十年前此廢宮風光猶與昔時同梁間燕壘依然在不見雙飛夕照中

頤和園船遊

吹面猶寒楊柳風晚花斜照夕陽紅遊人不覺年光逝船自西行水自東

城南公園看山桃

三月春陰半日晴飯餘信步望花行城南偏覺春光早一片紅雲照眼明  
市飲

猶是當年老酒徒相逢俱是白頭顧十年一覺長安夢誰見街頭有廢壘

看紅芍藥

苦恨年年花事忽盼來催去怨春風杜鵑啼血能多少洒遍東闌一片紅

寫入生墳四首

難料兒孫代代賢惟將心事凜冰淵千年勤儉承家法世變縱橫自得全  
人生離合總憑天白首何分孰後先羨爾已登昌運地可容相見太平年  
勸業文章不足珍好將忠敬事心君浮華幻影曾何在夢醒方知自有真  
垂老方知感慨深百年歲月苦驥驥林間宿鳥無留影天外孤鴟有斷音  
昌運宮開土六尺下細膩光潤可稱中上吉壤

禍有胎兮福有門平生遇合盡君恩今朝得壤還乾淨清白應期世世存  
不慕功名不學仙心安得喪只由天簪纓世胄非吾願華廡無如陋巷賢

四月十二日癸巳同年聚餐紀事

卻憶登科日今逾五十年青雲曾過眼白雪已垂眉觴詠星仍聚風光月向圓相將幾  
回醉重赴鹿鳴筵定例宴席之令計自癸巳至辛卯四年矣

丁亥三月爲亡妻營葬西郊屢過西直門見售太湖石于道左購置止齋庭中形容靜穆如相親敬感賦

如賓遠別苦悲思石不能言恍見之寂寞形容仍靜穆尙堪相伴到期頤

北海看牡丹已殘

四月清和吹南風一年芳信太匆匆紅稀綠賸天猶惜春在輕陰薄霧中

念佛


進德功夫要日新如何悠忽昧前因彌陀一句非無據直抵西方認主人

秋園

飯軟茶甘萬事休一身衰老更何求小園留得春光住次第看花直到秋

示兒最後語

先公篤守程朱學孝友傳家忠厚存門祚興衰原有自願兒詩禮教諸孫祖宗積德遠功名我被功名累一生但願子孫還積德閉門耕讀繼家聲



上卷詩外

集

本  
心  
靈  
默  
修

中華民國三十  
年七月月初吉  
至德周氏藏版

# 止菴詩外集

師古啓

## 春風三首

化日舒長仰歲功漫誇花信幾番紅萬方草偃懷新意都在陽和醞釀  
舞零光景最相親浩浩乾坤孰主賓總是無情芳草色一回旛動一番  
林泉杖履得春多爲有東風釀太和疊疊遙山皆錦繡洋洋大塊遍笙  
拋剪池面龍文細織梭誰取揚仁安石扇一時薄海止金戈

## 春雪三首

千紅萬紫儘繁華不及祥雲六出花天地無私春有脚霏霏都遍野人  
入蔡奇勳自古難可能元夜擁雕鞍一聲羌笛關山怨回首桃花馬上  
春回喜氣滿山川瑞雪先占大有年不盡落梅香似海無邊新柳絮漫  
耕犢南浦蓑寒放釣船何事袁安尚高臥起看寰宇淨風煙

## 晚晴二首

無限夕陽好人間重晚晴雲開平野闊風定暮潮生屋角添蛛網沙頭  
畫永閒對小窗明

雨霽吾廬好柴門日影斜羊牛同下坂鵝鴨各知家曳杖迎新月銜杯

共語樂意話桑麻

嚴子陵釣台

一釣清名宇宙垂英雄顯晦繫人思雲台高繪評難定星象飛章事亦奇鴻暝知歸帆  
歷歷鶯啼如夢草離離春風秋月空憑弔惟有灘聲似舊時

公園晚眺

時在都門雜記四  
公園各賦一律

太液春波綠影深瓊華夕照碧陰沈五朝宮禁空搔首萬姓芻蕘趁賞心樓外好山如  
罨畫天涯倦鳥欲歸林低徊不去迎新月歷歷千秋入苦吟

北海公園

城南清曠喜方羊况是當年藉禮場古柏行欹參偃仰春蕪耕廢半青黃數聲殘角迴  
鴉陣一抹斜陽上雉牆似聽遊人壇畔語昇平猶見萬斯倉

城南公園

中央

行春覽勝故宮前人影依稀欲暮天百尺銅柯酣雨露九重金闕暗風烟池邊鶯帶殘  
霞落陌上花迎夕照鮮恍憶少時從社祀衣冠猶及中興年

中央

驅車直北出城闈廢苑徘徊楊柳新九陸荒壇悲落日五洲大地喜同春

內蒙土石為五大銅模

五銅  
銜枚陣起投林鳥空担村歸趁市人極目郊原無限好何如海宇淨烟塵

京北公園

農家

二首

茅舍長林北柴門小市西深村晨喚犢窮巷午聞雞野菜和烟勑春蕪帶雨犁桃開人  
不識疑是武陵谿

時平多樂歲地僻好歸農宅外依依柳庭前稷稷松柴門風自掩石碓水能春不稅南  
陽駕何人識臥龍

黃鶴樓二首

黃鶴何年去磯邊尚有樓江聲流日夜山色自春秋樹隱晴川閣帆歸夏口舟登臨天  
地窄攏盡古今愁

高樓勝蹟幾兵戈玉笛橫吹發浩歌欲上青天問仙子江城回首暮雲多

聞鶯二首

寂寞深山裏春來處處鶯花間侵雨澀柳下度風清欹枕驚離夢銜杯弄晚晴幽人倚  
天賴小句又催成

幽燕三月尙飛沙桃李無言愴歲華窗外一聲驚夢斷春風忽已遍天涯

黃金臺

贊武成功自古無招賢何取見金夫可憐市駿名空豔七二堅城萬骨枯

古松

虬枝鬱鬱半青蒼桃李能爭一日芳誰識千年廊廟器此身百鍊出風霜

蘇武廟

茫茫大漠幾滄桑蘇武祠前草樹荒嶒雪孤臣悲坎坷瓣香故老吊興亡于今白道無

龍節終古青天

山居

青峰深處着柴

詩秀雲渡溪聲

大沽口觀湖

滄溟東望豁塵

年恨遷客浮鷗

夏日閒興

悠悠長夏萬緣空

痕綠釣引荷池

新秋

撩人詩思是秋初

何限懷扇臨風意

洛陽懷古

中原人往歎風微

秋在金谷揚塵暮

送客遊邊

莽莽漿邊塵桃花雪裏春羨君投筆客愧我撫髀人路遠雕鞍重身孤寶劍親離情倚  
羌笛長伴月華新

送客登泰山

絕頂挹清芬憐君避世紛襟痕膚寸雨屢跡盤層雲歸鳥情何極扶輪願更殷好尋封  
禪處苔蘚訪碑文

採茶歌二首

山村生計苦少田貧家兒女辛且堅平明日出相爭先新茶摘得露枝鮮有時冒雨慘  
風烟陟身危磴層崖巔歸來薄暮恆胝胼傾筐倒筥不值錢誰知賈客一反手利市藏  
鑑百萬千

農家三月忙江南風日好村婦摘新茶結伴登山早躡躡陟危崖披枝尋露草從來重  
利客奔走浮梁道不見傾筐人忽忽春光老

種竹

勸君莫羨巖前松悠悠千歲身難逢勸君莫豔籬邊槿忽忽一現華復隱世有美植無  
如竹三年可待四時綠渭川千畝何違哉特移鳳尾就身來東坡先生能免俗一日千  
回看不足我胡羨豔獨欣然把酒相對暮雪天吁嗟乎時人那識此中意傲骨虛心見

吾志

湖山小隱

青山燒舍近依湖老我乾坤一廣儒物外烟霞隨地有塵中車馬到門無百年事業歸  
鉛槧萬里心期入畫圖最好漁樵閒作伴家家新釀暮相呼

贈僧

禪房幽處喜知音一縷爐香萬籟沈未度松陰尋定磬郤開蘿逕候孤琴廬中歲月忘  
昏曉刦外山河自古今蓮社宗風幸不遠好攜瓶鉢上東林

老馬

空羣冀北幾人留伯樂虛名一笑酬伏櫪豈甘依路癡識途誰憶蹴長楸百年逐電金  
鞭折萬里嘶風畫角秋莫羨草深堪試足缺銜猶自惜莊周

謁李文忠祠

沾上猶存異代祠相公勳業本艱危卅年膏澤渝三輔一片丹心泣四夷碩果英雄今  
古恨才遺父老歲時思鑾輿未返晴難暝孤節凌峻百世師

海光寺訪古

析津梵宇歎空花瀕洞風塵愴帝家那復諸天騰睿藻祗餘落日咽悲笳鐘聲漂渺無  
歸鶴柳色依稀有暮鴉乘興郤尋方外趣扁舟閑泛衡南窪

客中旅懷

人生逆旅復何之古驛閒坊處處宜萬里心期長劍倚百年身世獨燈知驚回孤夢簷  
間雨寫盡豪情壁上詩無限青山堪伴老莫嫌白髮寄天涯

中秋口號二首

客裏中秋月倍華不須辛苦怨天涯團圓仰見山河影海宇分明共一家  
巖前丹桂正飄香帳下笙歌趁舉觴百萬流民鴻遍野噭噭含淚月中望

光武廟

中興帝業尙誰看野廟淒淒落日寒禮數已無周佾舞威儀猶是漢衣冠於今白水追  
思永自古黃圖繼盛難何日中原休逐鹿時清歌薦荔支丹

寒食感事

年年寒食寄天涯况復中原多難時動地鶻聲催夢醒迷花蝶影入情癡千家麥飯征  
夫淚百歲杯棬孝子思日暮輕烟看靄靄五侯姓氏有誰知

題五老圖步杜祁公原韻

睢陽泉石堪偕隱那用重彈挂壁冠萬里鵬搏翻鸚笑九淵龍見卻覲桓賓筵白髮心  
同壯泰岱青松歲共寒天壤幾人鴻雪在杜公圖畫尙留看

菊

乘興看花遼海行九秋風雨重孤征尙尋栗里沽醇碧莫效湘累拾落英晚節江湖驚歲暮幽芳泉石傲霜清悠然一笑東籬下紅樹青山合有情

燕

茫茫大造欲誰親勞燕分飛物候新巢幕無驚酣午夢穿簾得勢接芳塵關心王謝堂前事彈指春秋社裏身幾見雕梁依舊壘尋常猶說六朝人

西湖放棹歌

天下美景莫如湖西湖之美天下無琉璃萬頃比具區樓臺城郭金碧敷四圍山色入畫圖春風秋月清難摹我縱扁舟問蒼鱸一葉不繫同鷗鳧天光雲影爲前驅返觀身自鏡中呼嗟哉人生在世苦形拘往往局促轅下駒洗空百慮見真吾推舟行陸胡爲乎

乎

重陽

大連作

十年孤劍紅塵老九日清樽白髮新對菊郤懷忘世客插茱萸方覺憶家人心榮戲馬千秋感夢斷啼猿萬里身幾緬青鞶吾願足不妨海外作遺民

觀魚

領略濠梁趣相期汗漫遊救枯嫌煦沫罷釣惜吞釣鏡裏乾坤大天涯歲月道平生縱壑意雲水寄悠悠

蓮

心與塵俱淨盈盈一水涯碧凝晨露滴紅襯夕陽斜魚戲波搖葉鷗馴影傍花豈徒君子詠香潔到僧家

春雨

雨添春意到人家楊柳陰陰曲徑斜綠野一犁新叱犢清溪八尺趁浮艤采茶歌起愁天色賣杏聲喧領歲華好伴漁翁蓑笠去試沿流水覓桃花

夏日山居卽事

幽居何事得相關斜日柴門映斷山一曲薰琴青卷外數聲樵唱白雲間前村雨驟峰巒失別院風輕草木閑金石續成消夏錄吉光片雨不須刪

雪晴晚望

山村雪後路行難獨倚柴門曳杖看紅日映成銀世界白雲封盡碧峰巒千楓陣黑鴉聲樂一棹蓑明鷺影寒寂寞風簷書好展莫將暮景等閑觀

瓜

陶穴綿綿啓帝基於今頃刻等兒戲中原豆剖爭雄長絕塞刀環失代期零雨難忘征士苦清風郤寄故侯思平生一片冰心潔避世還嫌納履疑

梅花

休嫌花事晚梅郤占春先豔冷心全醉香清骨是仙鋤痕斜月裏笛韻曉風前獨有孤

山客幽芳對暮年

雪中偶成

不禁尋詩興騎驢雪滿衣梅殘香更遠柳靜絮仍飛絕塞驚鴻杳空山待鶴歸還應高士臥寂寞掩柴扉

立春

白首逢春喜莫論天教瑞靄到柴門迎祥吉語東坡帖買因芳醪北海尊萬紫千紅從此數柳眠花信始今番願將元氣消寒盡一脉陽和亘古存

毛遂

漫誇濁世獨翩翩小豎成功亦幸然遊士舌當師百萬美人頭謝客三千處囊目笑錐空見按劍心驚璧偶全不有李同身却敵虞卿畫策更虛傳

留侯

如何博浪氣輕乘從古英雄不自矜雲雨難忘韓國恨風塵獨幸漢家興赤松一去便遺屣黃石三招愧飲冰千載知心惟范蠡五湖烟水舊魚醫

花朝

莫虛花信記年年九十光陰在杏前柳色遙迎挑菜路簫聲驟暖賣餳天日消殘醉春

將半夜喜清吟月正圓莫怪風華忻老健踏青人笑雪盈顛

食筭

齋居市遠罷烹鮮玉片登盤肉食捐聊喜巾盂方外淨郤教芒角腹中便百壺高宴歌  
韓弈千敵清風飽渭川堪笑園丁貪護箭隔籬又報竹行鞭

韓信

莫嫌胯下困風塵自古英雄有屈伸背水旌旗孤注擲登壇壁壘一番新龍興鼎革多名將鳥盡弓藏得幾人鄭重當年漂母意忍教草芥刲餘身

信陵君

中原十載息兵爭救趙雄圖在定傾幸奪蟄弧急難獨交屠狗共功名寥寥高誼千金重耿耿孤忠一劍輕天意難回齋志隕恨留讒舌助秦威

三月三日

春到重三淑景多年光莫遣等閑過水邊圖畫唐天寶亭畔風流晉永和芳草無情侵繡履嬌鶯有韻入笙歌木蘭舟小宜烟雨且擬攜尊泛綠蘿

魯仲連

口舌全消字內爭斯人可作慰黃生從來助浪興戎馬幾見懸河洗甲兵一矢書遺孤將泣千金壽卻獨身輕名聞天下還高蹈玉貌翩然海上行

讀書

休言秉燭怨天公畢竟丹鉛日有功歷歷先型來眼底津津餘味在胸中青燈帳外欺  
寒雪白髮簷前倣晚風老學十年無限恨枉教窮達誤英雄

詠鏡

從來明鏡苦塵封况許斑斕古銹濃妝罷樓頭誇舞鳳鑄成江上欲飛龍效忠合著千  
秋業獻媚難留六代容方信金仙無住相圖靈自不愧真宗

荆軒

八創碧血濺階除方識田光薦不虛千載秦宮餘瓦礫百年燕社總邱墟藥囊幸有琴  
聲會七首難言劍術疏終是天心存白帝筑中鉛朴又何如

賈誼

賈生才調萬言書年少乘時願豈虛鵬鳥未除懷抱惡鬼神無補聖躬疏至今宣室思  
前席終古長沙弔謫居太息風雲關運會馮唐已老更何如

雷

雲雷自始出艱屯萬象昭蘇草木春咫尺回天欣雨露崢嶸平地出風塵驚車乍喜秦  
宮女失箸應慚漢室臣世變僅看龍鬪野會當君子有經論

東方朔

小謫人間四十秋歲星之說轉悠悠辨香孔子非阿好觸鹿匈奴有隱憂共信偷桃來  
夙業獨因割肉見風流相知恨晚嗟明主一例前生范蠡舟

夏夜

披襟寄快海天東炎夏如秋景不同枕上荷聲先報雨燈前竹影細生風暑消浩月蒼  
茫裏夢入滄波浩綠中散髮行吟忘夜久聽殘更漏日輪紅

范蠡

北伐旌旗振國威弓藏鳥盡悔同歸中原霸業終黃土上將勳名曠白扉滄海桑田今  
易姓湖天烟水早知幾英雄得失尋常事廊廟山林孰是非

董仲舒

漢興儒術孰爲傳獨數江都重魯鄒目禁窺園原後樂身羈相郡尙先憂匡時帝業惟  
三策正誼經生第一流郤笑公孫誇布被妨賢欺世亦春秋

穎稽

秋成粒粒出田間誰識民生稼穡艱盛代君侯還省斂豐年婦稚總開顏場邊日暖雞  
聲樂林下風清梓影閑一幅豳風圖在眼老懷何日得歸山

管寧

斯人襟抱海天空遼左孤芳孰與同千載心情歸去鶴百年身事寄冥鵠遺金直抵壘

寒夢割席拚教馬耳風何用弓旌汚泉石巖扉應是白雲中

秋日旅行

塵氛洗盡御風行一路溪山照眼明短劍孤燈饒客思白雲紅葉動詩情楓林日墮停車晚  
燃葉霜高逐寒輕老氣尙橫秋萬里未應幾展了平生

周瑜

漫言赤壁擅雄名氣壓曹劉國已傾顧曲未回千載誤飲醇誰息四方爭爲貪西蜀終分鼎翻悔東風等拂羹地下若逢王士治沈沙鐵戟恨難平

虞翻

原戎馬漲紅塵絕學犧經尙有人腐草肯貽千載笑青蠅從付百年身遙遙芝醴今在落落磁鍼孰與親絳帳不遺知已恨海隅長養十分春

荀或

濡須一片傷心地千載孤忠士氣伸勸進獨排儕輩議生香還盞座中春志存漢室侔三傑心吊殷墟號二仁太尉可追終飲恨天教賢嗣表清純

祈雨

中原久歎棘荆橫甘雨休徵兆太平一室焚香通帝座四方洗甲事春耕關心涸鲋窮途語側耳哀鴻徧野聲志士向天空有願可能膏澤被蒼生

叔孫通

綿蕞遺風感不勝綱常從古重兢兢豈徒臣節尊儒術要是天心屬漢興一代衣冠今  
尚邈百年禮樂更誰徵盈廷博士多新策北望觚棱第滿膺

田橫

中原逐鹿本無常運會英雄共短長五百士寧爭衆寡三千年幾弔興亡稱王莫倚逃  
蠻蠻有客難憑脫劍鉗海上空餘名島在漁人遙指暮山蒼

詠牛二首

水耕火耨老猶親盼到倉箱願已伸今日閑身無處着好隨函谷度關人

難從物外起田園聊幸清時長子孫賣劍家家還買犢桃林處處是桃源大連舍基縣原

畫名

樂毅

玉碎寧能復瓦存英雄遇合本難言揮戈易醒堅城夢遺珮空歸故國魂幸賴兵車光  
宇宙恨事魚水失中原榮枯歷歷千年事伯仲猶堪梁父論

蕭何

中原逐鹿苦黎元楚漢相持况有年誰惜粟芻千里遠郤輸刀筆一身先圖書早決興  
王計田宅還思後嗣賢今日鼓鼙聲未息幾人華屋倏雲連

園墓

得失須臾類轉圜一枰黑白尚班班勞生歲月縱橫裏百戰山河指顧間燈燼敵殘忘夜永樵柯爛盡專身閑山翁妙訣君知否息竟機心自解顏

孔融

尼山教澤一時新誰識風塵了了身北海清名周絕學東都奇節漢孤臣丹心合辱山陽友白眼翻驚校尉賓堪歎江湖尊酒滿抗懷殊酒又何人

廬山

不復微塵芥此胸好持玉杖訪仙蹤是真面目三懸瀑獨柱乾坤五老峰金闕迴迎紅日曉草堂深在白雲封遠公高躅今誰嗣心折東林夜半鐘

人日

歲朝幾日景逾妍遊徧長安意灑然寶馬香車如水市鶯啼燕語早春天梅花額上風初信竹葉杯中月半圓最好隄邊挑菜路野人相值慶豐年

王粲

不嫌落拓寄荊州名士依人氣尚道千里新知曾倒屣四方多難獨登樓聯鑣著作非凡子驚座風塵有故侯何必侍中矜晚遇流聲江漢已千秋

張子布

渡江一鶴出風塵賞識英雄貴有真半壁揩摩三鼎足兩朝珍重百年身治經久矣春秋志顧命居然社稷臣東郡不名同鶴立始知建國賴文人

華陀

世無良相惜醫才百歲光陰刼未回腸垢湔餘心自潔頭風愈後志應灰遺方捷竟千秋祕薄技驚從萬里來願起斯人開壽宇昭蘇黎庶共春台

早春

清遊乘興稱心期正好輕寒薄靄時阡陌乍晴鶯伴語池塘剛暖鴨羣嬉雲深陽內梅初蕊風軟橋邊柳似絲極目郊原生意滿春光偏讓野人知

譙周

窮經皓首已堪論况篤儒行到子孫九列齊聲知學顯三朝遺蹟喜書存難全社稷心尤苦不愧鬚眉像亦尊鼎佛中原同此恨試披仇國誦名言

春日郊外

春郊行樂勝居山不負韶光日日閒逐隊驛蹕跳踏弄晴鶯燕語關關青圍茅舍苗千畝紅映桃潭樹一灣誰識會心成獨往置身沂水舞雩間

臧洪

平生肝膽誼成空漢祚難回逝水東天地無情摧壯士江山有恨著孤忠一州自決擇

戈志五郡誰憐敵血功竟使郡丞同日殞本初終愧不英雄

鶴二首

遼海孤飛萬里天歸來城郭已千年悄然不舞人休笑但是清閒卽得仙  
獨立雞羣歲月深乘軒亦自惜駿駿白雲千載誰知已遙寄孤山處士心  
虎

山居寂寞絕紅塵虎過階前印跡新沒石雄風飛將邈聽經殘月老僧鄰豐狐善幻威  
偏儻單豹長生術亦湮歎息暮年談色變忍教苛政苦吾民

金陵懷古

庭花歌舞久成塵柳色城邊歲歲新舊恨江聲流不盡青山曾送六朝人

詠玉

磊落風塵瑚璉期暮年還復白圭詩艱難歷盡堅貞在好向他山訪碩師

端午二首

瞽眼繁華沽水濱龍舟蕭鼓逗芳辰於今滄海浮槎客都是當年競渡人  
一節能令百世師汨羅江上有遺祠年年角黍留芳餌誰解憂時愛國思

華山

中原形勝萬方趨太華三峰勢忽奇風雨遙連秦故塞河山近拱漢京畿何緣小睡驚

初醒未卜前生隱已遲數點殘雲歸日暮獨憐武帝弔遺祠

題杜子美書堂

清廟生民寢不虛詩人千載更誰譽能扶社稷推椽筆獨柱乾坤賡草廬赴闕感時三接浙閉門憂國幾封疏中原父老吞聲久遺像年年薦野蔬

硯

十載丹鉛孰與親寥寥長物屬詩人臨池滌漬魚身墨閱世微凹鵠眼新歲晚江湖輕載石天涯書劍暗流塵丈夫投筆渾閑事翻淒端溪拱璧珍

狄仁傑

望雲亭畔見遺祠伏虎謳歌治亦奇天下安危宗社計生平陰陽影僉知錦袍有字方驚龍桃李無言豈爲私要識勸名跬步起思親從上太行時

鷓鴣

天教巧舌付珍禽無限詩情感不禁顧影鷄籠悲羽翼分甘紅豆惜光陰寂寥春夢宮中事蕭瑟秋風寵上心休學人間恩怨語迎陵好自伴仙音

函谷關

幾番風雨暗中原欲取丸泥涕莫收百二雄圖紛逐鹿五千仙籟候騎牛山川不爲興亡改名勝還因道德留天意入關先長者問秦苛法可除不

宋璟

廣平相業尙如新千載勳名自有真推轂難忘天下士臨軒獨數帝心臣梅花冷豔無雙賦鳳閣孤高第一人始信讀書寶宰輔文章氣節本相因

弓

男兒七尺尙豪雄盤馬能開十石弓天道弛張超象外楚才得失在賓中功臣有恨空飛鳥志士無心擬射鵠莫忘桑弧懸戶日四方多難敢稱翁

太行山

太行高臺覺天低鬱鬱烟雲望欲迷千里蜿蜒畿輔右萬峰羅列薊門西心驚鼙鼓飛  
孤險目痛鹽車老馬嘶京邑可移山不改愚公物論古來齊

觀潮

瞿塘賈豈似漁翁靜玩濤頭意不窮白盡滄溟橫落日青來天地滿西風難平立馬千年恨空負彎弓一世雄疊疊沙痕明眼底人間衰盛古今同

漢江

晴川長閣快登臨一派江流閱古今化國已無游女詠浮天猶見逐臣心湯湯逝水宗  
滄海歷歷長皋帶綠陰夏口夕陽無限好千年淘洗浪痕深

笛

一枝瓊玉出風塵誰識柯亭別有真鶴去樓存音縹渺龍吟水徹調清新梅花易落空江夢楊柳難催絕塞春千載桓伊負高潔移舟三弄又何人

韓愈

濡筆淋漓不計年卻從磨蝎晤金仙詩通正直雲山表檄著威靈瘴海邊自古文章憎命達于今梵志喜名傳不然風閣鸞臺老嶺外何人識大顛

道觀

歷盡艱危氣已降晚尋道觀樂無雙黃庭課龍身忘世丹灶春生意滿腔一炷爐香雲繚室數聲鉄笛月臨窗欲回憶兆浮生夢半夜清鐘好擊撞

闕里

千載斯文孰與歸緬懷闕里有芳徽嬉陳俎豆身先老志到春秋願已違鄴邑衣冠空想像魯宮絲竹更依稀杏壇花信雖猶昔除卻春風萬事非

上元觀燈

通街燈火競熙春節序偏驚白髮人匝地魚龍嬌作態漫天星月淨無塵漢家伏臘今難廢優孟衣冠古亦新自是海隅金革遠驪虞猶見太平民

西湖二首

湖水烟籠城郭低風光最愛賈亭西清波點點舟如織芳墅連連路欲迷草綠千年蘇

小墓桃紅十里白公隄古今不少詩人詠輪與春鶯日日號

西子湖宜濃淡妝低徊人事小滄桑千年城郭攀樓閣一派波光繞市場岳氏有阡旌  
淑惠錢家無塔弔興亡六橋風月今猶昔且放扁舟送夕陽

渡船

馬嘶波上去匆匆古渡船邊落日紅枯柏慣迎雙槳月蓬萊欣待一帆風中流擊楫天  
爲窄彼岸迴船刦亦空好向荒江問漁父蘆間曾否識英雄

張九齡

伊呂科名道豈侔老臣心事轉悠悠曲江空有忠魂祭蜀道誰先聖主憂獨步鴻文矜  
七歲賸留金鑑鎮千秋他年小友饒焜筭十載綸扉讓鄰侯

春晴

漫道春陰好尋芳卻喜晴池塘明聚鴨阡陌碎號鶯紅日迎花豔青煙入柳輕時平無  
吠犬緣野有人耕

聞柝

廿載長安事已差柝聲猶是市無譁燈前擊碎心辭國枕畔驚回夢到家小巷泥深和  
吠犬廢塘草滿互鳴蛙年來觸耳多惆悵曉角聽殘更暮笳

紙鶯

大鵬垂翼海天空弱質纔禁五兩風繫帛魂歸蘇武雁援弓心擬弈秋鴻鵠一縷青雲上飄泊千絲白雨中閱盡升沈談世事笑人嬉戲效兒童

讀易

天心如見杞人憂倖脫秦灰刱未休漫草太玄無一世尙研皇極有千秋著靈始悟乾坤大帶絕方驚歲月道身入羲皇超象外小窗閒坐篆烟浮

樵歌

南山高北山高新纖芒鞶緋結牢天梯石磴蒼苔滑深林虎豹窺人號一身直寄白雲裏下看塵世真如水浮生萬事頑肩挑日落崦嵫誰肯已君不見古來豪傑今成灰樵柯爛盡幾人回不如收拾青松換酒日千杯

白荷花

白水盟心萬事非素荷相對喜忘幾蝶飛不定香難覓驚立多時影亦微一點無塵初過雨十分如玉趁斜暉淡然獨會凌波意皎潔羞爭百卉菲

筑

勁竹柔絲節自和興來相伴醉顏酡如等月下殷勤弄似瑟風前哀怨多壯士痛銜燕市飲征人悲咽龍雲歌當年漢祖聞高會海內欣看洗甲戈

銀河

風露浩無際銀河夜色淒光侵孤月隱勢壓衆星低架鵠天何迥乘槎路欲迷雄心思  
洗甲壯士孰攀躋

荷錢

小荷出水鑄青銅撫景方知造化工點去盡情沾濁酒算來幾度買清風天光範就輕萍外波影絲穿弱柳中滿眼欣看魚戲樂羨他新富是漁翁

苔痕

宿雨苔痕徧野堂寄身喜在水雲鄉門前不掃青春老階下常封白日長紋隱幽花滋靜院色連深竹透禪房未嫌印屐尋高士一路徑行百草香

古劍

琴書有伴可消憂一劍身輕與古儔橐敝星霜豪傑老匣鳴風雨鬼神愁千年寶氣浸塵土百丈光芒射斗牛誰見干將曾躍冶不妨彈鋏付悠悠

簾波

二首

夜色涼如水簾垂影似波月移花渡鏡風織押拋梭地白知庭靜山青入戶多留香枯坐久喜捲近秋河

烟波何處是簾際憶瀟湘細縷雲生牖清光月滿廊沈沈花弄影漾漾篆留香不作垂槎想幽窗日自長

雁字

秋高作字雁飛臨搔首西風感不禁幾點依稀鴉潑墨一行斜挂宿橫參都傳遊子天涯語似寫羈臣塞外心咄咄書空緣底事海鷗閒伴好相尋

秋柳

無情柳是最多情容易秋風序又更蕭瑟江城驚過雁寂寥庭院漫藏鶯霜微瘦葉先無色雨細疏林卻有聲莫歎水邊蒲共老岸容舒臘又春生  
觀弈

漫譏鴻鵠送悠悠老眼旁觀笑弈秋彈指縱橫成故迹機心黑白見陰謀雲烟祇好雙眸合天地還應一指收爛盡樵柯吾固在不妨桑海作枰楸  
社酒

一杯獨酒餞餘生社事相沿倍有情滿座盡歡鄰曲誼隔籬呼起太平聲民風近古家家醉天意無私歲歲成堪笑山中忘歷日卻從村裏識周正  
寇準

澶淵一策世空欵枯竹回生恨至今南渡衣冠歸氣數北門鎖鑰付升沈親征縱壯山河色孤注難昭日月心千載秋風亭句在勳名後贊清吟  
魚羹

暮年詩酒重徘徊卻憶魚羹笑口開訪舊江邊漁父去試新廚下小姑娘來英雄不扣馮驩鉞神武寧分項羽杯獨羨莼鱸湖畔好秋風一棹放歌回

歐陽修

文章合冠宋諸賢天地菁英至性先忠孝陳情出師外誰能著表媿龍阡

釀雪

晚來寒意入幽思綠酒紅爐合有詩一片雲舒橫檻際幾番風緊撲窗時疏林寂寞鴉棲靜遠水蒼茫雁下遲佇看祥雲豐歲兆太平天象老農知

范仲淹二首

當年西夏一彈丸剿失戎機撫更難畢竟龍圖呼老子漫將好水咎歸韓  
斷整畫粥本非奇後樂先憂獨見之地易滄桑天易老斯民猶說范公隄

韓琦

兩朝顧命本忘身捧日擎天夢有因進藥丹心向少主撤簾赤手見純臣空頭敕杜僉  
壬漸利已尙窺拗相真如此孤忠譏跋扈子孫應悔識丁人

焦山

中流屹立一烟螺玉局尋詩短棹過風撼魚龍擊砥柱月移樓閣躍金波潮聲遠接東  
溟壯山色平分北固多我亦暮年思勝蹟茅菴佳處且婆娑

岳飛

叩馬書生語不刊權臣孤將立功難十年同澤猶憐憲三字埋冤豈服韓天地誓心終  
飲恨燕雲垂手竟偏安中原莫復知關數要使精忠萬世看

司馬光

二首

粹德翻教黨首鑄安民不忍尚名傳忠奸倚伏寧天祚國事傷心進少年  
新政紛更痛理財蒼生額手相公回四朝柱石安危繫誰識都無妄語來

文彥博

二首

四朝社稷賴純臣五十年間將相身安石何心摧國脉忍忘推轂負斯人  
內侍曾聞叱禁廬奈何蜀錦進芭苴須知此老光明處完策功高且不居

花影

九十春光妙化工看花惜影莫忽忽簾前掩映昏昏月水際橫斜裊裊風魂夢已拋紅  
燭外精神猶寄綠杯中憑闌獨有欣然處一洗人間色相空

王安石

赫赫當年亞聖齊侈言新法福羣黎青苗若果安天下王政何勞說彘雞魏晉書有云  
而其公大體也孟子後于後如此

巢燕

莫笑新來燕子忙營巢贏得一春狂  
繫間弄語簾方靜花下銜泥壘亦香  
訪舊何曾擇貧富乘時原不爲炎涼  
伊誰可以詒謀遠孫子年年肯構堂

蘇軾

玉堂金炬亦兒嬉漫誦奇才帝后知過寺尙傳留帶處立朝空憶諫燈時生逢磨蝎詩人例老寄蠻荒逐客悲豈信文章慚魯直好將性命問元師

送春二首

姹紫嫣紅事已非天高日薄欲無暉獨憐陌路聽鵠語爲惜巢居看燕飛雲裏去鴻音渺渺風前瘦蝶影依依綠章乞這年年恨好鑄金戈倩魯揮

千紅落後綠陰長洗盡繁華歇盡狂萬里功名生入塞百年富貴老還鄉燕舞大廈禁同首柳折陽關忍斷腸獨有詩情無限好西樓留得豔斜陽

無絃琴

詩到無人愛處工琴無絃趣得毋同神超流水高山外興寄黃花綠酒中剩有癡情防  
賣鶴懶將醉眼送歸鵠陶公妙手吾能假一曲重回解悵風

新月

倚仗黃昏後柴門月色新半鉤斜似玉一片潔於銀萬古心常闕千秋迹不陳遙知空世界自是絕微塵

荷塘消夏

堪笑塵寰逐熱忙老年幽興寄荷塘掃空炙手因人煖領略明心自在香霽月光風從所好流金礫石任何傷翛然一夏清涼境直擬匡廬古道場

太白酒樓

一代豪名孰比肩高樓詩酒重流連招呼風月觴三百吐納江山象萬千醉眼豈能留白日狂心直欲上青天憑闌不盡遭逢感幾闋清平調尚傳

芙蓉

誰似芙蓉不染塵秋風容易獨傷神涉江欲采無名士隔浦相思有美人琴疊玉京雲裏豔旌搖湖水雨中春漫嗟太液歸來晚猶伴當年柳色新

伐冰

寒光那許夏蟲知記取沖沖歲暮時身臥求魚憐孝少心憂履虎惜春遲牛羊不畜臣工節羔韭相將帝業基寄語凌陰好珍守長安待換樂天詩

新柳

青青又上柳梢頭新景偏驚歲月道隔葉流鶯藏復露穿林早燕去還留柔絲不綰離人恨嫩色頻添少婦愁最是無情江草畔烟籠依舊六朝不

山寺晚鐘

山寺難尋到萬峰蒼然暮色忽清鐘境超香界度幽巖更幾重望去上方疑  
月近聽來何處卻雲封鹿門堪繼龐公隱好覓僧歸細徑蹤

寒蟬

螳螂遠迹着身安蟬翼翛然尚耐寒吟到金風宜瑟瑟飲來玉露郤漣漸空庭影抱棲  
枝瘦古柳聲催落葉乾主賓莫驚秋易老詩人還愛白頭看

石首魚

誰將治國小鮮觀石首何因挂釣竿世鮮媯皇濡沫少人無仙白作羹難海深鼈戴三  
山重天遠鳬飛萬里寬濠上老夫心似鐵且憑強項倚欄看神仙傳白石生嘗煮石爲  
食本草石首魚秋化冠魚有石

漁翁

漁翁幽興有誰知千載心情一釣絲蘆隱舟中埋姓氏桃迷洞口臘歌詩天荒日月披  
裘老歲晚江湖醉帽欹獨怪渭川人未識髦年翻作帝王師

鵠哨

插羽佳人昔有聲平安頻接海舟輕吹成豐歲家家樂喚得霜天日日晴側耳尙能千里應關心還使一軍驚飛奴喜盼知心簡勝過腰鈴捷足行

烹茶

莫笑山齋長物無也安石鼎味雲腴吟成竹裏樵青句寫入篷梢白傅圖親候火生魚眼活郤憐烟避鶴形孤瓶笙奏處留僧話喜勝春宵酒滿壺

靜趣

老境天教百慮空青衫洗盡舊塵紅身餘俯仰寬閒日心有洪荒太古風雨送簷聲來枕上月移花影入杯中焚香掃地煎茶竟道是忙人實不同

微雨

捲幔看新雨霏微景亦奇未妨沽酒路恰好種花時點點簷聞漏蕭蕭柳外絲不看簷語溼清潤少人知

曲江

少陵哀怨昔城隅宮殿于今已廢區人物尙傳唐進士江山不改漢皇都一川風月歸詩酒百代衣冠曠畫圖春水正分蒲柳綠可能乘興泛舟無

村行

掃空車馬遠塵埃村路閒行日幾回遇雨獨尋牛跡去迎風遙識碓聲來縣將濁酒家家許數徧新秧處處栽領略閨閣豐樂意竹籬茅舍盡詩材

聽琴

欲取鳴琴舊恨深聽來一曲洗塵襟霜淒月照幽人境流水高山志士心竹露中宵多

古調松風萬壑有遺音寥寥千載逢漁父夢寐相將返故林

蘭亭

逸少平生選勝遊永和遺蹟擅風流江山暫眼成今古天地何心任去留遠矣襟懷容一世偶然觴詠亦千秋斯亭不朽多名士歲歲常供禊事修

校書

儒生事業等閒看獨守遺編歲月寬萬卷縱橫推點畫一燈明滅雜鉛丹贏來祕閣新銜易掃盡秋林落葉難隻眼不留毫髮憾忍教秦火惜經殘

鞦韆

移人習俗古今同纔上鞦韆興已雄聲送笙歌千度曲影沈院落百花叢光陰迅速三春候壯志銷磨一蹴中漫卷詩書狂更喜是誰寂寞守冬烘

揚州懷古

秋風容易到天涯回首揚州愴歲華珠箔詩人空有夢錦帆帝子已無家二分猶見樓頭月十里難尋郭外花人世興亡千古恨至今梅嶺樹棲鴉

耶律楚材

祠墓在順和園

居然遼裔有文人賢母孤兒八尺身萬世尊師承祖訓百年垂統屬儒臣江山故土無夷夏祠墓名園孰主賓帝室興亡幾回首尙留遺像古衣巾

磨墨

物理相推墨果珍休將蹭蹬怨風塵  
贏來筆底光芒氣拚到燈前著作身穿硯十年名士老聽香一室古人親平生知白從吾好磨涅從教世事新

古鏡

珍傳古鏡重摩抄卽物捫心發浩歌  
今月當頭知歲久春風識面閱人多銷沈塵土形非缺照破乾坤性未磨一瞬易留千載恨不教拂拭奈明何

小孤山

獨峙長江最上游小姑仙子有高樓天連霄漢風雲壯地絕川原日夜浮吳楚休爭存砥柱乾坤大勢重中流蒼茫山色今無恙回首中興百戰收

山雲

入山有徑苦難尋處處雲封隔遠岑樹色迷離巖壑變鐘聲遙度寺樓深峰開天鑒孤臣節岫出人描處士心千載高風棲嶺上那堪緘取贈知音

鹽

誰知潤下奏奇功甘苦由來用弗同詩思散空今獨步霸圖寰海古稱雄賢臣相業梅羹外寒士家風蘊贊中口腹豈關輕重事依然淡泊在淵衷

昭明選樓

頻年逐鹿興戎地寥落誰聞帝子宮一代文章流海內六朝勝蹟曠江東遙遙天祿名  
何在赫赫文淵事已空人往風微今古恨辦香還問士林中

清談

夷甫清流一世宗闡然談笑騁機鋒龍門且喜雌黃口塵尾寧披狡窟胸嵇阮諸人方  
赫赫蕭劉片土已淘淘百年板蕩知誰責空使懸河語折衝

茅屋二首

隻身天地也稱雄茅屋經綸古孰同海內烽烟高臥老天涯涕淚著詩窮數莖白髮欺  
簷雪一盞青燈透牖風悵失當年計豐鎬三間管蔡與周公  
半間茅屋儘相容八九能吞雲夢胸心遠高人如託鳥時艱處士亦稱龍臨窗白髮三千丈入戶青山一萬重堪歎吾曹生世晚草茨不復見黃農

拜石

車馬無聲廢往還此身翻拜石堅頑補天漫禱風雲曾仗地甘投巖壑間千載盟思心  
抱璞一生低首向他山米公道是顛狂未贏得英光占卻閑

方孝孺

青史何尊一姓臣丹心十族總成仁日星炳耀綱常節天地孤擇鐵石身建業于今無  
故國果卿而後有斯人雨花臺畔留荒塚除卻江山萬事新

黃觀

千古文章道義根斯人甲第豈虛論國家忠孝回元氣天地菁英萃一門鍾阜崔嵬名  
不朽秦淮嗚咽恨孤吞故鄉父老能言舊欲訪荒祠薦醴尊

桃花源

武陵豈必非人世春水桃花偏眼前心遠雲山皆異境地偏雞犬亦登仙谿邊恍惚千  
重峽洞外興亡幾百年莫效淵明問漁父扁舟散髮儘翛然

胡廣

明史

漫將文穆儼文恭先後蓬萊最上峰一代功名誇沒馬千秋氣節惜攀龍經筵有幸皇  
孫寵法曲何心帝子供應恨引年無菊飲稱名終愧漢華容

楊士奇

自古強藩國弗延斯人大計燭幾先四朝繼統無疆業三相齊名最大年天遣孤貞矜  
母難帝憐老景慰兒賢于今鼎祚如碁弈獨撫青編一泫然

戚繼光

紀效論兵動若神韜鈴不負讀書身百年澄海無鯨浪千里籌邊有騎屯自古干城多  
世族于今樽俎亦交鄰風雲聚會河山壯自欠江陵一輩人

老樹

十仞臨山亦壯哉莊生社夢近諧談甘居風月千花後飽歷星霜萬刼來天地獨標松柏操古今同惜棟梁材婆娑世外饒生意海上看桑已幾回

半臂

美人嬌態獨伶俜半臂新妝不蔽形倚笛身輕風滿閣折花影瘦月中庭吟肩欲聳驚秋近舞袖偏寒怯酒醒誰憶憐姬老名士千秋豔說舊儀刑

訪友

幽居歲月苦駸駸有友天涯尙訪尋馬足關河千里夢鷄鳴風雨百年心幾回夜雪山陰棹一曲陽春漢上琴自笑山林常閉戶卻從好鳥覓知音

冰二首

內熱難教愧影衾飲冰身世不忘篋造從夏日嘲凝絕履到秋霜寄恨深蠹齶終年名士節玉壺一片故人心長安倘許新詩換贏得香山費苦吟

丈夫壯志比冰清堅白光中過此生日出岷山峰有曜風迴瀚海浪無聲神通稚子求魚得天相興王躍馬輕何日置身三代上凌陰羔酒見昇平

黃淳耀

南都獨弗慕羶腥一第孤忠著典刑皎矣丹心爭玉潔蕭然青志伴燈青至今僧舍傳雙節終古儒林重六經浩氣不隨明社盡誰言舉業負朝廷

梧宮

漫觀梧樹問當年齊楚雄圖已杳然幾日章華惟片土無邊滄海亦成田興亡有恨輸樽俎聚散何常視席筵陳迹不堪回首處空留喬木慘風煙

殘柳

幾日春城柳絮狂衰殘容易忽秋光疏枝雨墜無多綠蠶葉風驚不待黃寥落深宮形弔影蕭條孤驛客思鄉伊誰貞幹方松柏歲暮悠然傲雪霜

銅鎮紙

文字精神象外參須知正直物中探方圓難脫書生見輕重寧空紙上談擲去金聲搖五嶽摹來鐵畫對三龕何由悟得從心矩出格煙雲醉墨酣

馬嘶

出門一往已情深班馬蕭蕭感不禁波上淒聲憐顧影風前矯首嘵知音驚回驛舍勞人夢喚起沙場壯士心伯樂難逢鳴軒斥昌黎舊恨古如今

采石磯

無限興亡感來乘采石風直擊孤月小橫障大江東太白曾高詠開平此戰功金陵天險扼閻盡幾英雄

促織

夜夜頻繁促織音秋來無處不蕭森聽從衰草微風際覓去空階落月陰恤緯頓驚嫠婦恨盼衣如訴旅人心山家莫怨催寒早三復豳詩蟋蟀吟

俠士

是真俠士邈襟期落落風塵志不移屠狗賣槃埋姓老思魚彈鋏立功遲百年豪氣千杯盡萬里輕身一劍知擊筑已無燕市客于今易水尙寒漪

冬夜

迢迢深夜峭寒侵且喜經冬返故林酒綠杯深遺世事爐紅氈暖老光陰最難枕上天涯夢不盡燈前歲暮心會得乾坤冰雪意一窗梅影伴孤吟

席

青氈莫笑誤儒冠席上珍無非義干錦簇花間春驟暖風漪竹下暑猶寒雄圖霸卷河山壯大幕闇眠天地寬堪歎虛前宣室夜蒼生不及鬼神看

倪瓈

平生清潔出人傳青史名高隱逸收一代圖書歸閥閱暮年風月屬扁舟零縑奚止千金重芳躅猶應萬古留最憶獅林幽絕處金闈何日得重遊

負暄

嘯傲南榮未厭貧高人還屬負暄人書生有志茅簷老天意無私斗室春抵掌尙談千

載事捫心不愧百年身窗間野馬憐駒隙贏得光明日日新

聞歌

厭聞鼙鼓震中原數處夷歌耳不煩離唱多愁驚客舍夜聲深怨到長門英雄垓下應垂淚商女江頭欲斷魂何似漢高還沛日殷勤檀板對金尊

越王臺

越王安在獨登臺多難心驚白髮催勝蹟天留吳國恨風塵人惜賈生才當軒碧水千帆落入戶青山萬馬來最是鶴鳴聲喚處年年草綠見春回

橄欖

甜酸一果喜新嘗酒罷偏餘舌本香好共茶甘留客話漫容骨鍊惱詩腸生涯不厭囊羞澀老境方知蔗味長蘆橘楊梅重品第好添食譜餞年光

羊二首

羶行久不到柴扉起石仙人示化機龍上風霜盤馬逐村邊烟雨伴牛歸茅山地老松多壽莎苑春深草正肥願減食錢蠲細項齋心洗盡百年非愛羊存禮各千秋九牧從知道不謀身世車危腸欲折功名等濫胃堪羞十年海遠孤臣節五月江寒處士裘善會南華鞭後語浮世羝觸漫悠悠

勸農二首

我生猶及中興年木鐸巡春喜欲顛布穀音聲桑麻地藉耕時節杏花天艱難王業先  
教稼尊重科名在力田自古治平事溝洫君看神禹亦胝胼

誰念烝民粒食先耕烟耨雨正堪憐殷勤田畯趨千耦鼓舞徧氓願一廛帝儉難忘虞  
稷日天章尙見漢文年書生攬轡寧無策三復豳風七月篇

### 九華山

名山奇似石蓮裁九疊橫江翠作堆雨過爭從雲表出晴空齊向日邊開謫仙得句驚  
天破古佛尋芳特地來四十八巖遊屐徧最高峰項且銜杯

### 水仙

爲愛冰清百卉芟靈苗可刪佩長鏡久依泉石成孤潔一出風塵便不凡天許梅蘭盟  
骨相人教金玉錫頭銜黃冠終老知無恨處士襟期在壑巖

### 井

春逢野叟話桑麻鑿井還將帝力誇親汲菊泉晨服藥聞尋桐蔭晚澆花美人幽怨牽  
絲虎處士虛聲缺鈿蛙最好見磨樵斧處客來都識放翁家

### 初夏

無計留春興未央清和正喜日初長柳陰乍密書窗暗梅子全青酒甕香朝雨分秧千  
畝始夜寒護繭一村忙誰知農月閑人少遊舫城中更價昂

菘

莫笑迂儒愧素餐久諳世味得菘難漫將橘綠矜秋末不讓松青傲歲寒霜露飽經便酒醉風塵終老覺蔬安人生底事腥羶物記取參軍半畝寬

岳陽樓

戎馬關山老白頭多情還上岳陽樓聽殘隔浦聲聲笛數盡歸村點點舟掃壁已無張  
守墨憑軒猶有杜公愁祇今風月寬閒地誰與斯民共樂憂

垂絲海棠

紅萼絲絲弄春柔別有情風牽嬌作態雨纖細無聲抱蕊蜂如墜樓枝燕覺輕碧雞堪走馬誰繼陸顛名

燭二首

總角鄉園夜課遲半窗燭影雨絲絲于今烽火天涯老忍話家山夜雨時  
秋光銀燭對花枝獨坐燒香賦小詩喚起少年金馬夢風簷寸晷急書時

曉霧

細雨輕煙景一奇清光偏與曉天宜柴門犬吠山全失茅店雞聲路欲迷初日微茫無樹影晨風隱約有花枝須知豹隱平生志多在紅塵未動時

食菱

飽雨湖菱亦療飢算來食美是秋期故鄉風味堆盤出貧女生涯小甌炊舌有甘留茶  
罷後胸無芒角酒醒時漫誇咀嚼圓如芡磨刺艱難祇自知

長江

南北雄天塹長江萬里流閱空來往客淹盡古今愁春雨桃花岸秋風木葉舟茫茫遊  
子意天地一沙鷗

雁來紅

老圃紅如許秋光雁帶來非花和露染似樹待霜催赤奪雲邊錦黃消塞上埃美人鄉  
思切手摘盼書回

筆筒

與筆相依歲月長一箇古意滿山房虛懷若谷輪囷相守口如瓶翰墨香投竹人誰憐  
晉士插花吾欲贈江郎書生空羨功名老安世平生剩橐囊

早雪二首

早起多幽興霏霏雪滿園門封聞犬吠窗白看鴉翻冷意衾先覺晨光樹轉昏曉風梅  
正坼相對喜忘言  
寒到山中早雲停雪意催絮飄無待柳花落獨先梅曉月烏啼去胡天雁帶來最奇紅  
樹裏翻見玉崔嵬

柿

誰解禪關半顆尋由來銜柿亦仙禽味從甘後風霜老顏到丹時歲月深書葉有情栖  
野寺吟箋無意報華林獨憐屋上新枝弱低首東平寸草心

嵩山二首

自從漢武登封後千載空留萬仞山金鏡迴標紅日表玉壺直上白雲間四方覽盡知  
環鎮二室歸來欲閉關何日生申應昌運三呼聲再滿人寰

萬仞嵩高迥出塵從來仙館好樓真儘多摩詰尋幽處獨少盧鴻講學人引風吹笙勞  
夢想暮禽流水自心親許由尚有遺瓢跡千載清風重隱淪

芭蕉

何物春寒與遣愁芭蕉分綠一窗幽故留燭影臨風展喜聽簷聲待雨收鹿徑無心誰  
續夢蜂房有味獨驚秋輞川對雪清如畫曾解詩人意興不

周遇吉

天人難與古似今大同宣府獨何心常山而後思甯武空使英雄淚滿襟

春寒

新造江商  
題畫而賦

春寒北地本無奇最惜江南放棹時燕怯啞泥風似翦柳疑含絮雪團枝開顏賴酒朝  
朝醉問信看花處處遲莫笑龍鍾嫌料峭尚貪湖畔去尋詩

諸葛菜

待時諸葛起南陽一菜猶留萬古芳宇宙大名來  
畝畝平生滋味飽風霜拚敍六出鹽  
梅苦存得三分俎豆香魚水遭逢今有幾此君每飯不能忘

滕王閣

俯瞰章江日夜流斯樓閱盡古今愁卻看帝子遺芳在曾見才人獨步不盼到便風片  
帆影催來暮雨一簾秋東南自昔多名士幾輩題詩最上頭

薔薇

滿架名花月月紅春光且喜四時同染香翠錦來番國買笑黃金出漢宮喜伴美人迎  
曉露忍教名士怨秋風酡顏未恨全無力鬪雪芳姿亦自雄

著

古訓猶深象箸憂先嘗甘苦爲人謀英雄並世驚還失帝業開基借可籌小節無拘來  
御史大哉不置出條侯笑他豪侈羶腥客日費萬錢得下不

古塔

居今思古發幽情一塔登臨百感生歷刼幾磨珠補網千秋誰識雁題名興亡歲月憐  
蕭寺縹渺河山問鄗京欲向賀蘭瞻霽羽空留餘恨對孤城

角黍

佳名益智竟如何撫物興懷感慨多採縷已隨前代去雕盤常伴異鄉過于今風土思  
荆楚終古荒江吊汨羅蒲裏難平千載恨沈沙鐵戟亦銷磨

錢唐江

立馬吳江望滄江日夜流溝分天日雪潮咽海門秋直瀉降胥弩橫通訪載舟錢王堤  
在否思借片帆遊

夾竹桃

徘徊桃綠竹竟難分花報平安日喜聞開趁輕風無雪壓種來和露也凌雲忘情標綬逢  
高士拂面香塵識此君彷彿渭川千畝裏武陵紅雨正繢紛

食西瓜

漢家西域啓鴻猷瓜剖猶存惠澤流絕塞地漸牙慧拾長安人喜齒芬留鎮心三伏多  
佳士交口千秋老故侯務觀有懷消肺熱河須食案憶梁州

木鐸

三代于今此物留不禁希古思悠悠閭道在春風被金木聲中教澤流帝使道人蘇  
萬姓天將至聖炳千秋何時再振如綸綺喚起斯民盛世遊

暮虹

風雨全收暮景清斷虹偏喜此時生天腰繫得殘霞住澗底翻迎夕照明萬里橋空仙

嫖鵠一彎弓影雁孤征詩情漫效兒童詠好事人間重晚晴

山藥

堪羨珠崖百歲生山家清供美晨烹鮀傳洛下郎君瑞贏得終南博士名西蜀蹲賤貧  
有味東坡參玉淡宜羹米空莫漫愁朝飴且喜凝酥粥已成

木瓜

芳名瓜小木還柔且喜詩人句裏收繫去風塵難裹腹剖來河漢等虛舟瓊琚有報情  
堪佩桃李無言氣共投歲暮山齋破岑寂香盈書几亦清幽

鵠

翩翩白羽泛清波意態由來寄傲多不有右軍重知己山陰道士等聞過

鹿

喜將鳴鹿玩年華木石生成豈有涯洞古幾人遊聖域門幽何處訪仙家逐從草澤英  
雄老夢入蕉窗道路賒遼海可拓千歲鶴春洪長與共煙霞

春曉

春來又見草萋萋破曉郊遊試馬蹄驅犢有人過陌上聽鶯無夢到遼西藥欄旭射紅  
如抹柳岸烟迷綠未齊最愛小樓新雨霽賣花聲起月痕低

村醪

獨醪自適日巾車閑取村沽野徑斜田父攜來瓶塞草牧童指去杏飛花豐年有樂家  
家醉古俗無猜處處賒最愛茅簷杯共把隔籬呼起語聲譁

中冷泉

莫問吾生固有涯中冷泉已遍桑麻名高自古茶經著味美當時玉局<sup>壽</sup>欲取銅鉗堪  
漱石惜隨鐵戟久沈沙玉泉第一今猶在歎息何年屬帝家

枕

溫公寢警未爲迂一枕由來事業殊鴻室書曾遺學子黃梁夢弗到農夫囊分秋色開  
三徑玉引仙遊入五湖欲取虎頭何處問不侯名將古今無

夢尾春

築欄攜酒錢芳辰夢尾名花好殿春綃綻獨爭晨入市金園相待暮來人魂追帝子留  
餘豔色讓宮姬託後身二十四橋堪贈別莫將離恨怨風塵

聞笳

萬里關河感不禁清笳常與淚痕深喚回公主傷春夢驚碎征人出塞心馬上風淒多  
急拍城頭月落有遺音沙場醉臥歌相和莽莽煙塵自古今

枕杷

四時偏歷物猶人雨露風霜萃一身太傅漫吟溢浦月相如卻賦上林春  
嫩宜並綠亭

亭立杏似初黃顆顆勻最羨江南載酒客楊梅過後又嘗新

蘋

不染淤泥不受塵獨來真賞有佳人風花影底疑無地雲水光中好寄身一片頭銜齊玉雪滿腔心緒盡絲綸豈知混迹烟波裏菱芡偏霜雨露新

海濱

日晉

萬里滄溟萬里風乾坤淘盡幾英雄掀天浴日尋常事都在先生一笑中喜對驚濤醉眼開百年何地避塵埃太公雄武伯夷潔盡自蒼茫雲水來纏袖崢嶸萬斛舟源源鱗鱗敵琛鏘獨憐蜃市能千變望斷神仙十二樓衣香人影夕陽多重譯韡韡笑語和出沒魚龍貪水戲恨無仙子解凌波

簾鈎

珠簾鈎上倍多情春好揚州十里行靜院無聲來燕息清池有影看魚驚秋河倒卷當頭近新月平分照眼明卻憶宮人斜挂處御爐烟裊幾回繁

黃山

五嶽尊雄外江南第一山星分吳越界雲出海天環<sub>黃山以環海勝</sub>絕頂蛟龍窟<sub>山頂有窮崖</sub>虎豹關<sub>近因山中虎</sub>丹砂泉可掬洗耳聽潺湲

丁香

雞舌奇香海國聞移根得地重殷勤蘭闔人解心中結薇省郎生口角芬豈獨臨風爭皎皎從教立雪自零霧粉身晚節名逾顯靈苑猶傳濟世勳

### 白鹿洞

鹿洞宗風不可忘地靈人傑在綱常表坊未繙條規教金玉如聞義利章一代偏安新學館千秋正脈舊書堂廬山面目今無恙誰振斯文繼紫陽

### 蓼花

行來蓼岸畫橋東天水澄鮮意不同儘有閒鷗依錦簇絕無癡蝶入芳叢綠垂疏柳煙痕外紅映殘荷日影中莫對西風歎搖落江湖伴老是漁翁

### 孔雀二首

嶺表生成密簪中豈因翠羽慕雕籠倚屏金殿開闔闔始信文章命世雄射屏不掩美人羞翠帚金根亦自愁佛法光明回世界也隨白鶴轉珠喉

### 秋雲

翹首西風歲易過雲容變態九秋多涼天入夜輕如水淡日初晴薄似羅影落瀟湘宜有月纖空霄漢欲無河漫辭出岫師陶令歸雁還思漢武歌

### 太湖

萬頃清波動遠空別開巨浸大江東乾坤吐納烟濤裏吳越平分島嶼中僻繞有人留

戰蹟扁舟何處起英雄洞庭霜後山容好飽看千林橘柚紅

供菊

山家清供喜幽香獨有蘿邊野菊黃薦到寒泉開壽宇釀成芳醞入仙鄉奇姿合種朱  
門裏晚節偏宜繡佛旁稽首高人思栗里好留貞白殿秋光

筆

聲技誰憐趙女工伊州喚起幾英雄神遊玉柱金絲外心醉燈紅酒綠中一曲悲歌驚  
謝傅千年哀怨憶秦宮何由正月歡無歇日日春生夜夜風

前題有感

素手殷勤夜漏催空房心怯忍歸來拂弦不惜時時誤贏得周郎顧幾回

塞上二首

塞上誰令啓戰場至今哀怨弔秦皇雲邊雁斷腸千折帳下笳清淚萬行天地無情留  
古月山川有意限遐荒何時得見四夷守策馬關河返故鄉

華夷天限屬燕雲塞上連屯昔所聞赫赫長城終古在巖巖疆土自中分深閨望斷三  
春夢列帳雄誇百戰軍秦漢開邊千載恨何如干羽策奇勳

醃菜

御冬旨蓄喜芳鮮蘿甕冰壺自古傳歲共簞瓢貧士樂天留鉢飯老僧緣飽舍地脈多

霜露食厭人間有火煙百事艱難根味好更希畫粥幕前賣

牧童

兒童放牧喜芳菲豐草長林帶落暉柳岸擁菱衡雨過秧隄吹笛趁風歸詩人遙問青  
帘社父老閒迎白板扉莫謂飯牛多豎子長歌扣角未應非

虎邱

天教名勝擅東州虎踞何年尙此邱霸業消沈無片土文人題詠有千秋海空獨著亭  
當面臺廢猶傳石點頭卻笑真娘欣託地百花深處一坯留

尋梅

風信頻傳未見梅偏尋處處得詩催心懸香海春無恙興寄孤山日幾回探遠每穿雲  
裏去怕寒偏冒雪中來何須化作身千億一樹相逢笑口開

葡萄酒

葡萄何幸上林栽卻歎邊疆爲酒開漢殿添香王母下唐宮含笑太真來美人帳裏鳴  
等勸戰士軍前立馬催絕塞功名同草木于今贏得夜光杯

春陰

老懷無那惜春暉幾日輕陰正掩扉病酒卻嫌風料峭養花還待雨霏微杏涵紅潤鶯  
聲澀柳暗青迷燕影歸薄靄未妨遊興在尋芳晨發且添衣

雨花台

諸天法雨不重來憑弔興亡獨此臺靖難忠魂祠有主中興戰骨地無灰石頑尙見花  
千片塔廢空存礫幾堆舉目江山今似昔新亭咫尺好銜杯

白鷗

伊誰精白十分清雅有閑鷗共此情雪月交暉孤影漂江湖送老一身輕紅橋畫舫多  
新侶碧海青天有舊盟且喜漁翁垂鶴髮相逢雲水話平生

琵琶

仙樂如聽有賞音琵琶聲與淚痕深輕攏花底多幽思放撥燈前半苦吟出塞淒風公  
主怨繞船明月逐臣心豈真千載終胡語一曲東樓自古今

送客

故人語重客心驚一曲離歌腸斷聲柳店酒香還共醉桃潭波森漫孤征渭城朝雨殷  
勤唱溢浦秋風慘別情但去南山君莫問白雲無盡慰平生

露珠

夜氣生成仰化工珠圓露潤百花紅荷盤歷歷迎初日桂粟纍纍趁曉風月魄印來光  
正滿雨絲穿去色皆空凝香早摘無人會喜看牟尼入掌中

心涼隨地意悠哉偏向湖山醉眼開竹裏披襟忘暑退荷邊揮扇帶香來閒追野老臨  
風話靜領詩材待雨催乘興不知天早暮有時踏月放歌回

不染車塵十丈紅納涼幽事與誰同羞耽綺枕三竿日飽領縑衣五緬風浴罷行吟斜  
照裏酒醒放釣碧波中天留俠骨炎囂外別是人間清淨翁此香

寒山寺二首

地據楓橋側鐘聲動客思吳中千載勝方外幾人知遺像僧兼俗清詞偈似詩寒山今  
在否吾欲問豐師

楓橋寺裏月曾看依舊鐘聲到夜闌千載文人傳片草一時勝地著名蘭龕中幻影猶  
凡俗石上留題盡話端覲面真仙誰識得相從雲水訪豐干

釣魚

五首

一竿煙雨蒼蒼回首磻谿日月長八百開基如曉夢太公應悔起鷹揚  
雲臺圖像幾英雄堅坐苦磯獨此翁千載江山無定主終輸一縷釣絲風  
蓑笠高人寄意深空江獨釣豁胸襟直釣去鉤緣何事洗盡平生得失心  
足重山游路苦賒市朝徵逐厭紛譁殘年無復安排處好共漁翁傍水涯  
歷盡風波意已仙分潭並釣亦前緣扁舟不繫知何處祇在蘆花淺水邊

萍

萍蹤偶聚且婆娑梗泛光陰等客過飛絮無情辭故柳隨波有意傍新荷浮沈已拌江湖老飄泊還禁雨露多看蘸漁扉秋水遠一汀分綠上煙蓑

秋色

莫笑秋雲薄似羅得逢好景且婆娑霜催盡菊黃盈圃雨打殘荷綠蘸波村外稼收平野閣樓頭木落遠峰多正須策蹇尋詩去紅樹青山滿眼過

落葉二首

搖落悲秋後千林葉漸疏迎風疑墮鳥點水誤遊魚爐畔供溫酒窗前誦校書天教重晚景紅豔滿階除

木葉無邊落淮南有客過行來幽徑塞望去遠山多亂逐枝頭鵠輕隨檻外波蕭蕭驚旅枕將奈月明何

秋風二首

年光容易又秋深蕭瑟西風動桂林中夜讀書聲過耳一庭落葉客驚心催寒先到關城柳向晚偏聞御苑砧正是菊芳蘭秀日白雲歌裏好披襟

杖策臨風百感生每逢秋至倍多情清催畫角征夫老寒徹書帷志士驚萬里月明無遇雁千林霜重不藏鶯江鄉樂事君知否有約範鱸酒待傾

霜星不覺白盈頭收斂光芒靜斗牛句列宿郎官曾一瞬少微處士卻千秋長空幾點  
雁橫塞斜照闌干月滿樓自謝故人辭帝座桐江作客儘風流

花瓶二首

花好人長壽銀瓶插亦鮮幽香浮酒盃古色映詩箋凍釋朝暎候妍生夜月前涵春君  
莫逆一掬且隨緣

愛護銅瓶爲寫生始花風雨漫無情姿橫玉膽天然趣香浸冰心分外清淨几春涵梅  
數點明窗韻續月三更東皇巧助詞人興贏得芳名美欄英

大庾嶺二首

東嶠窮高處征人首重回蠻荒從此限瘴癘幾曾開弔影全無雁先春獨有梅甘泉恩  
卓錫何地訪僧能

梅枝開與落寒燠一方殊題驛詩人老征艱逐客孤天低雲羣寺地迥樹規衡南服今  
雄視安危此奧區

薪

薪樗壽櫟古猶今散木偏教百感侵析去無情虛假斧爨餘何意續鳴琴燃萁煮豆宗  
臣淚落葉添槐節婦心燭向松陰訪高士一肩遙望白雲深

金魚

喜見金魚逸興新  
寄懷常得養天真  
藏身且作池中物  
避世還辭席上珍  
洗硯有時堪

守墨吞釣無意漫垂綸  
化機要識盆山趣  
風雨龍門憶孟津

游山二首

茫茫塵海寄游蹤  
獨愛名山豁此胸  
飽領煙霞幾編屐  
消磨歲月一枝筇  
尋碑每戀崖前石  
問寺時追嶺外鐘  
太白已遙同好少  
謝公行迹白雲封  
勝遊乘興一身輕  
老至看山倍有情  
久入林深忘脚健  
遠聞泉細覺心清  
煙巒雨岫朝朝變  
香椀詩囊處處行  
白髮喜逢千里友  
快談五岳慰平生

古佛

時方商借西山長安寺屋爲春洞詩

偶尋廢寺作幽栖  
古佛森嚴眼欲迷  
趺坐負牆塵漠漠  
淡描畫壁墨淒淒  
燈昏穴鼠隨時出  
供闕臺鳥入夜曉  
無量光明無量壽  
不禁翹首到天西

春草三首

草色離離歲有常  
天心子奪費思量  
幾番野火難燒盡  
一樣春風各短長  
造化流行總一般  
春來草綠自閑閑  
滿腔生意天心見  
爲愛窗前不忍刪  
寒盡春回草滿墀  
太和景物自熙熙  
河邊蕪淺鋪茵地  
坡上莎長試馬時  
待女踏來思進履  
與兒鬪去慣輸詩  
瀛洲有意年年綠  
問着東風卻不知

春日即事

莫負光陰忽此生一春能幾日晴明借池塘水暖浮離鴨楊柳風和度晚鶯隨處青帘邀客醉儘多畫舫載歌行看花樂事追康節閑挽柴車遍洛城

束髮

束髮原非血氣干漫言一怒可冲冠續來墜緒千鈞重解到禁絲百結難滿鬢風塵欺客况垂肩霜雪歎儒酸寧知白首心彌壯裹鄂英姿尙據鞍

落花

方惜輕寒花較遲鳥號催落又空枝乍禁小雨飛無力旋倚和風舞有姿紅溼新泥添燕壘豔飄香餌入魚池山翁癡絕留春住卻愛家僮未埽時

月夜

卻忘夜久曳枯筇皓月當空豁此胸滿樹風聲驚塞雁臨窗雲影伴秋蛩川遠見林間火太華時聞天外鐘乘興清光爭炳燭花陰且喜社醅釀

竹杖

漫誇筇杖竹痕斑蹀砌誰知道路艱幾雨清風添足健一竿瘦影伴身閒芒屨共領雲兼水箬笠同參雨裏山博望當年開萬里寥寥此物得生還

野花二首

攜筇野外欲何之寄興尋花別有思當路吹香隨地發傍巖幽豔少人知春光可惜風

塵老天意無私雨露滋回首上林空寂寞東籬贏得傲霜枝  
長安看徧一身輕爲愛奇花野外行樵叟逢來知有處牧童問去本無名山林毓秀幽  
還豔泉石添香遠更清開謝年人未識孤芳天地自生成

巫峽

卻從巫峽喜穿行慣涉風波險不驚十二峰凌千里遠萬重山送一舟輕魂飛神女朝  
朝夢腸斷啼猿夜夜聲天地何心限西蜀撥開雲雨自清明

晚霞

人間晚遇本難期雨霽明霞景一奇驚影天垂秋水遠魚鱗雲觀夕陽遲看宜梅橫初  
晴候坐愛楓林欲暮時莫笑照顏紅似醉風光還稱白鬚鬚

楓

最宜楓葉嫩霜天紅似春花特地妍舉酒客留明月下停車人愛晚風前夢回蕭寺鐘  
來遠吟到吳江句得仙記取放翁扶杖處范寬妙手畫中傳

假山

假作山川聚米看小庭風月倚闌干丸泥忘卻秦關險拳石思通蜀道難千里移來新  
錦障一峰買得舊煙巒閉門不覺攀躋苦着脚方知寸步寬

羽扇

閒拈羽扇思無窮異物堪驚一世雄飄擬鶴姿輕視雪動如松籟凜生風指揮相業三分定飛翥功名入翮終千古興亡誰在握手教明月入懷中

初晴

空齋昨夜雨蕭蕭盼到初晴破寂寥池面魚游欣驟暖枝頭鶯語乍添嬌風微水閣雲猶在日薄林深霧漸消且喜路乾堪覓句青鞞乘興過溪橋

豆腐

精華糟粕共芬芳隨事供盤日有常盛饌儼然同玉版和羹原不讓瓊漿飽諳饗舍詩書味領略僧堂七箸香平淡家風布帛粟此君每飯弗能忘

蛛網

從心規矩任縱橫一縷盤空自在行珠綴樓頭知過雨絲牽屋角報新晴每嘶郎馬人爭喜卻羨淵魚物有情冒得落花明五色容身偏愛錦爲城

天台山

欲訪丹邱世莫逢瓊台獨有最高峰天留江海居閒地山顯東南第一重萬丈標霞迷絕境千年採藥失仙蹤國清寺裏豐干在且向殘僧問觀宗

古槐

矯首高槐費苦吟千年存得幾園林孤擣岱廟星霜久飽受唐宮雨露深搖落望穿貧

嬌眼雙雙隱痛老臣心古人不見今柯夢一枕清風趁午陰

古鼎二首

三代儀型杳莫昭摩挲古鼎已寥寥問從輕重周家舊鑄始神奸禹室遙籍篆幾行精  
鏤刻斑爛五色任磨銷尊彝壽世雖同久何似圖書有列朝  
古人作鼎意何深覆鍊詒譏慨至今款識難欺名士眼重輕易啓世臣心品追三代思  
宗器祕洩千年覲故林歎息子孫空永寶孔家三命有誰欽

酒家

典盡貂裘馬上誇英雄落魄酒爲家雨遮紅杏村邊遠風颶青帘郭外斜易水不聞燕  
市筑秦淮猶唱後庭花一杯殘日呼愁起萬里江山咽暮笳

蛤蜊

東海新添食譜傳錫名內史號甘圓浮沈身是池中物開合光生水底天久掩泥沙能  
煥彩一登鼎俎實芳鮮隔牆聞賣心偏喜吟到橫塘句亦仙

蜂

莫談蜂薑重咨嗟閒伴幽人逸興賒世態恨無三尺喙生涯喜有四時花飽嘗甘苦方  
成蜜歇盡顛狂始放衙永渴來窺硯水更添詩思放翁家

莫愁湖

湖畔詩情望古遙春愁如夢水迢迢空思金粉留千載不怨江山送六朝棋局難消元老恨鶯聲尙學美人嬌綠楊城郭今猶是賸買香醪問畫橈

玫瑰

錦繡春藏帶露開稱名特地擬瓊瑰新妝豔奪珊瑚珮芳醞光浮瑪瑙杯翡翠凌風仙子過胭脂映日美人來天生玉質知多少乞向階前萬樹栽

尺

功名得尺付雲烟分寸光陰老更憐拋去金科繩檢外絮來長劍短檠前捫心枉直千秋業放眼縱橫萬里天獨惜量才今古事風塵識拔幾遺賢

帆影二首

偏愛孤帆影風輕雨霧時粘天歸浦遠依岸夕陽遲鏡裏開圖畫尊前動客思清遊經赤壁卻憶放翁詩

浮生歲月苦駸駸帆影迢遙感慨深遠浦似懸高士畫中流如見逐臣心斜連雨白波兼湧倒映潮青日欲沈望眼思迎千里客喜來無恙話山林

蕉

美質天生重古歡莫因庶出等閒觀亭亭玉筍風難折滴瓊漿露不乾世味悠長名士老宦情冷落大官寒虎頭漸入皆佳境奚啻汾陽拜賜看

象

虎豹同驅到遠邊周公德澤至今傳焚身齒莫知幾晚作箸杯宜杜漸先耕野尙聞明聖世立朝曾見太平年性仁得享無疆壽天地生成豈偶然

醉翁亭

太守清遊孰與倫意非在酒樂吾真浮沈天地朝還暮嘯傲林泉主亦賓風月無邊輸野老江山有幸屬高人瑯琊名勝今猶昔除卻殘碑萬事新

荷梗

天教秋露洗殘紅閒看荷枯景不同玉立自高薄影外根深猶寄藕香中招搖風月停詩舫管領烟波繫釣筒莫歎此身終泛泛一心且喜萬緣空

紡車

熙皞遺民不可名家家惟聽紡車鳴成來一縷驚秋早轉去孤輪對月明女伴燈前豐歲樂征夫衣上別離情如今誰挽豳風俗夜績村村見太平

待月二首

近水樓臺不可尋遙遙林下美人心憑欄久盼星光隱沽酒安排日影沈不寢三更先倚幌相思千里尙停琴清暉未厭遲遲見古往今來寄意深人間樂事月當頭東限連山尙小留坐久不知天地迥望深難遣古今愁百年光景輸

棲枕千里心期入倚樓未必浮雲終作祟舉杯相待思悠悠

種菜

小園半畝一身藏恰有參軍地可商早韭迎春看甲坼晚菘趁雨伴丁忙繞畦拾塊英雄老閉戶攜鋤日月長要識人生須底物滿天霜露得先嘗

畫鷹二首

爭看名畫重鷹鵠摹寫英姿豈偶然懸去干旗知勁翮吟來鐵馬有題箋綿州蹟古千年地遼海神傳萬里天方識武揚深寓意楚公筆底尚餘妍何事英雄畫裏收鷹揚自古屬陰謀廣寧妙筆無雙手務觀題詩最上頭點血圖成千里勢風塵寫出一天秋世間尤物宣和本尺幅能令隘九州

石鐘山二首

小山獨障大江東奇響誰知水與風勝蹟常存天險外清遊偏在月明中名傳玉局無雙記師紀湘鄉第一功奚止文人留片石鐘聲曾閱幾英雄

鐘鳴何處小烟靄界首江湖此一關形自陰陽陶鑄始聲來天地有無間水風相搏山彌壯星月交暉石不頑留得坡仙夜遊記酈經名注欲從刪

羅漢松

難尋羅漢最高峰隨喜來看古寺松有相風姿如伏虎無聲濤勢欲降龍問師何處雲

中去訪道他年徑裏逢獨會禪心人不識靜聽萬壑入霜鐘

顯微鏡

顯微人事代天工一鏡攜來氣自雄日月真形收眼底山河大勢聚胸中管窺蝎角蠻爭觸燭照蠅頭叟傲童何日得窮千里目掃開雲霧見晴空

稻田

二首

水利農田萬世資東南稻美繫人思芸芸偏野雲千鍤汨汨平溝雨一犁蜀壩已開前古制涇渠還作太平基羈懷夢入江鄉景滿眼青秧畫裏詩

久倦風塵故里回田間觀稻幾徘徊渾渾白水掀泥起點點青秧趁雨裁萬頃天連飛鷺去千村人約踏車來江南豐歲農家樂豔說紅蓮笑口開

銀魚

如銀魚族喜形藏白石清泉樂未央翁釣臨風鬚煥彩鷺銜映日羽生光躍舟天許興王業賜袋人誇學士章潛伏彌昭堪作鑑休將香餌過濠梁

蛙

一篇秋水寫詩情井底終休與海爭得意軍容增怒氣癡心天語問私聲跳梁自恣空千里待漏翻驚噪六更好伴幽人供鼓吹草間那復不平鳴

汾水

二首

汾水當年繞帝宮晉陽兵甲古稱雄懷襄底續居先地利導平原第一功美玉鍾靈傳  
世少醇醪買醉與誰同于今禹甸難回首沮洳空歌采莫風

神禹胼胝此首功千年王氣水流東于今贏得盲翁在古柳斜陽說令公

山茶

曼陀名卉出天南誰向梅邊竹底探春到枝頭先冷豔夢回舌本尙餘甘漢宮未許風  
流減岷嶺偏禁雪意酣烈士心情同歲晚好尋三谷結茅菴

馬鞍

莫言馬上貴乘時一種雕鞍有所思萬里風塵孤劍寄半生鞅掌百壺知淒涼撫髀英  
雄老據盼驚心釅鑠姿琴調難傳今古恨名山何處訪鍾期

炊煙

憑高一笑與誰同點點炊煙入望中百歲豐穰斯有象萬家生聚此應雄山村繞樹迎  
朝日漁浦橫舟送晚風最是幽人會心處黃梁未熟莫怱怱

棗

莫嫌世味苦分明取棗遺金且試嬰曼倩奇聞來御苑安期珍食出仙城糕成柳色題  
名夢花落桐陰送別情何日上林重獻果丹心絳質不虛生

蟻陣

勾回蟻陣看兒嬉郤誦人間省事詩鳩喚風聲方逐北鶴鳴雨意決雄雌待將都邑封  
還後等是侯王夢醒時千載韜鈐青史上腥羶况味祇如斯

青塚

誰繪琵琶馬上妝至今青塚尚流芳天荒地老人何在雪壓風欺土亦香臘有圖形酬  
殿陛永埋環珮鎮疆場年年春草生顏色千載征夫欲斷腸

桐葉

客舍春歸節序道滿庭桐葉怯登樓千聲恨徹唐宮雨一片心驚漢苑秋金井夜飄霜  
信落綺窗晴轉午陰收棗花尚喜長相伴且挽柴車爲小留

鍼

一縷傳來萬法空金鍼普度與誰同穿絲難遣昏昏月投芥相逢習習風稚子敲釣無  
事樂謫仙磨杵有心雄涪翁倘啓千年秘壽世還先砭灸功

聽雨

好詩偏向雨中成聽到簷間劇有情憤惹閨愁欺倦枕郤撩鄉思間疏更小樓側耳春  
先覺客舍拈毫韻亦清最愛幽人茅屋底銜杯靜對一聲聲

芹

名珍雲夢澤邊尋此物由來重士林鹿野聲中三代制類宮香裏百年心清同荷芰污

難染臭比蘋繁味更深歎息千秋勿輕獻漫從口腹覓知音

駱駝

生從漠北本無羈賦性含靈亦自奇虜塞蹄輕趨水草天廚峰美勝牲犧木蘭歸夢飛千里郭樹榮名噪一時最惜東風吹血夜舊都來滿又誰知

天目山

鳳舞龍飛第一山東南靈秀此烟鬟池懸峰外乾坤大洞隱雲中日月閑遺屐高人何處有采芝仙侶幾時還謝公臥去名千古絕頂吾思翠檻攀

冬青

何物青葱慣忍冬巍然此樹見孤蹤不殊凡卉春前色獨占妍姿歲暮供密葉正陪梅影瘦繁枝翻襯竹陰濃霜欺雪壓知無憾松秀猶堪對遠峰

竹櫈

斬春名竹古曾傳處士清修櫈可穿對几正宜聽雨坐臨窗還得看雲眠移來逭暑深林地橫去生涼似水天恩怨久空秋夜好倘逢徐孺喜相延

綠陰

陰陰綠樹護幽居一味清涼爽有餘翠袖添寒新雨後碧窗便靜午晴初日斜屋角聲喧雀風定橋邊影聚魚郤喜槐柯無俗夢放懷高枕到華胥

醉蟹

名蟹何須十二圖但期佳釀醉相呼竊來吏部新春甕夢入文君舊酒爐夾餚已看埋  
俠骨持螯猶喜見真腴獨醒人笑褲中蟲羞比監州世味殊

黃蝶

小圃欣看一色黃翩翩飛蝶弄秋光如金點點穿花徑似蘭雙雙過繚牆晚節留香貪  
伴菊前生入夢笑炊梁籬邊郤助幽人興沾得鵝飼又舉觴

洞庭湖

關山戎馬幾時休生似湖天日夜浮吳楚不分雲水界乾坤同漫古今愁扁舟來往三  
湘客叢橘縱橫八月秋賢守難逢才士少題詩誰上岳陽樓

鵝冠花

奇花雄視血盈顛冠冕羣英舞欲僂載月衝寒茅店外傲霜爭豔竹籬邊黃如春曉鶯  
衣嫩紅似秋高鶴頂鮮常伴幽人叢裏立峨峨翹首獨凌煙

撲滿

滿多招損儘堪憐郤喜胸中志益堅守口尙閼經世計積銖方羨起家賢百年富貴輸  
銅臭千古英雄愧瓦全翻笑童心虛一擲儻來聚散等雲烟

秋池

無限秋光憶故鄉園林勝境在池塘一雙桂棹迎新月四面菱歌送夕陽夜雨巴山還  
作帳清風洛社又催霜樂天獨洗塵心淨卻置藤床是道場

核桃

蟠桃留核笑人癡佳果稱名郤最宜象外園中雖作梗剝膚存液尙如飴堆盤喜薦同  
榛栗繞膝分甘共棗梨芳潤心脾稽本草一般風味老方知

蝸牛

蝸角牛名實不如星精自是別蟲魚崢嶸世界雙蠻觸渾沌乾坤一室廬錦字漫誇天  
子兆枯形偏效野人居但教風雨藏身固素壁流連樂有餘

釣絲二首

自古名傳幾釣絲蘋汀醉把夕陽時香飄茜蕘隨風裊倦立蜻蜓帶露垂渭水千尋維  
世遠富春一縷繫人思直釣去餌非無意臘綰江山屬與誰

一縷空明水底天烟波嘯傲若登仙季真風月身如繫管領湖山五百年

紙

一紙能令價有聲褚先生號若爲情風清漫喜鶯舞雲白還教雁字成世難司農虛  
擬幣時危豎子侈談兵洛陽騰貴知何日待寫鴻文頌太平

燈花

花好天教願不違喜占燈燄是耶非閒敲棋子聲聲落靜對爐香片片飛冷豔空閨人  
易老繁星遠塞客應歸神仙也解尋芳夢夜夜祥光照九微

柳絮

弱柳依依未忍看小庭飛絮又春殘風吹壓酒香仍滿雨灑霑泥色未乾高下如烟偏  
作態飄零似雪不成寒最憐萍逐橫流去欲共梅花一曲難

金谷園

石氏芳蹤不可留澗邊金谷變荒邱落花有意繁華散啼鳥無心雅韻流敵國富曾堪  
幾日墜樓名亦足千秋香塵已杳園何在憑弔徒深萬古愁

鱠魚

一美江鄉莫與京獨憐四月趁潮生登盤風味方思兼上市光陰正賣錫多刺尚添才  
子恨小鮮偏愛老臣烹吳淞鱸膾雖同賞豈待秋風始得名

曉色

太平景象問庖犧曉色清明得似之柳態迎風多自在花姿帶露尚迷離青從麥龍烟  
消後紅趁芸窗日上時最好山居晨眺遠蒼茫獨立自吟詩

獨鶴

獨往無依亦快哉凌空一鶴出塵埃繡衣道士橫江過華表仙人渡海回落落難羣憐

顧影熒熒驚在愴餘哀待看天際孤雲裏萬里山河任去來

桑葉

十畝桑田葉正肥太平景象是耶非牆頭執斧隨風落陌上盈筐帶露歸矯首雞鳴青似染關心蠶老綠應稀遲遲春日今猶昔想見倉庚處處飛

哈密瓜

百戰開邊自古愁瓜名猶喜至今留星霜西域尊天使風味東陵抑故侯浮去團圓關塞月剖來涼澈漢宮秋砂場血染紅如許獨抱丹心萬里遊

五臺山

自從胡虜服祗園赫赫名山萬古存形勢直疑天地窄威靈翻失帝王尊宏開東土無雙剎妙顯西方不二門五嶽風雲今變幻常留此境鎮乾坤

秋葵

老圃繁華事已非秋容萎盡向依依摘從松下含朝露看到籬邊向夕暉膏澤四時瓜讓美風光七月菽同肥菊黃共保霜前色晚節飄香百卉稀

深院

涼入簾櫳百慮清沈沈院落有深情鞦韆月落新秋色絲竹風傳靜夜聲寂寞宮花通曲徑依稀閨夢繞疏更朱門甲第雖如海茅屋三間樂此生

月餅

新節家家薄夜忙一年容易又秋光形分天上團圓影味識宮中不托香丹桂漫誇名士畫紅綾猶得大官嘗飛空金鏡驚流序細嚼鴉酥樂未央

熨斗

火乘金木若爲情炎上翻教潤下成雅有爐錘供赤手好將衣被到蒼生賦形坎壈回春煦操柄縱橫致泰平但使風煙從此靖歡騰挾續萬家聲

水紋

一水誰教百態生如紋細浪卻縱橫風梭吹繡春無力冰簾鋪成月有情紅映窗光朝日麗碧搖簾影夜雲輕繞停潮落漁村晚還愛清流鏡面平

鄱陽湖

溢浦西連一片秋五湖烟水弄扁舟地縉彭蠡乾坤隘溪匯昌江日夜流堪頌中興開戰略豈容縱賊破奸謀匡廬峰頂聊東望駭浪浮天點點鷗

立冬

乾坤閉塞獨何爲霜後冰前最可思南畝滌場豐歲樂北郊迎候漢官儀水邊雉入非無故天末虹藏合有期豈特不周風信至床隅蟋蟀也知時

柏

一木難將大廈支由來神力有扶持棟梁豈待文章露鸞鳳還經香葉棲霜肅中河貞  
婦節風高古廟相臣思柯銅根石今誰惜獨仰千秋際會時

虎皮褥

下莞上簟夢熊羆虎帳談兵又一奇  
苛政無形安衽席經生有味擁臯比灾狐合去君  
侯位蒙馬還驅敵國師方錦龍鬚同八尺可能大庇士寒時

江雪二首

雪際人蹤絕江空景最奇洲蘆花一色岸柳絮多姿  
斷雁低垂處孤舟獨釣時最憐千里客帆重棹歸遲

雪境畫難描長江入望遙天低烏鵲起波定白鷗搖色映三城  
戌寒生萬里橋一簣身了事買棹趁歸潮

食粥

南山誰辨數弓田藜釜方知粥味鮮  
考父有銘傳達後宛陵得法致神仙雲堂早過香  
生鉢月殿宵吟玉滿筵憂樂要懷天下志功名原始斷壑年

爆竹

爆竹家家喜氣盈清時樂事掃櫬槍千花銀合偏無燄  
一樹珠聯郤有聲爍爛熙春童子戲崢嶸錢歲老人驚年年願祝平安字簫鼓喧騰不夜城

潼關

排闥山奔勢壯哉漢唐門戶若爲開兩朝帝業從茲入千里河聲到此迴太華殘雲飛  
白去中條疏雨送青來驛樓題罷人何在牕有漁樵共舉杯

菖蒲二首

高齋無長物清玩寄萍蹤九節能師竹千尋獨讓松青留棐几淨香透綺窗濃點綴盆  
山上心親處士供

安樂窩前詠新蒲景物幽清芬多縕真淨綠獨迎眸常伴磁苔石還依近柳樓光陰隨  
分好易足復何求

夜坐

斗室端居夜氣深窗前獨坐影沈沈閒看飢鼠風過席靜聽驚鴉月滿林酒後香消仍  
剪燭花間露溼尚橫琴一龜贏得蒲團穩洗淨平生塵襟

歸鵝

日落長空有暮鵝歸來不覺在天涯羣飛點墨還如陣一宿寒林便是家欄外聲呼牛  
背立巢邊影伴雁行斜倚筇閒數添詩思零落枝頭觀晚霞

羅浮山

誰賦羅浮夢裏遭夜遊靈運獨拈毫百巒近立奇峰壁萬里遙吞大海濤花首風雲臺

眸聚朱明日月洞中高稚川丹竈今猶在欲訪冲虛逸興豪

食芋

西蜀蹲鴟卒歲糧誰知芋食慶豐穰燔煨候火寒灰底磊落登盤野菽旁一宿僧齋心自賞十年相業味先嘗何時雲水岷山去羹麥東坡玉糁香

畫屏

誰識屏風畫意燒倚來寒盡怕春宵相看銀燭秋光冷不負香衾夜氣嬌甲第豪誇金寶飾草堂孤詠月雲譜邊鸞花鳥今何在想見征西一幅描

返照

返影深林去似梭魯陽何日有揮戈天憐鳥免流光速人重桑榆晚景多花隱穿簾雙燕入楓明迴陣萬鴉過青苔復上空山裏但見門前雀可羅

紫藤花

藤陰小坐愛花開紫色鮮明不染埃斐几筵前清影壓竹根爐畔妙香來低垂曉露欺紅葉飛趁斜陽點綠苔莫恨閉門人事少餘芳滿架且銜杯

富春江

浙西圖畫是天開獨羨江流美莫追仙去桐君仍有廟釣空巖子尚留臺無邊綠樹千帆隱夾岸青山萬馬來七里灘聲終不改曾驚春夢幾人同

一物猶堪作帝基  
豳風蠶事入笙詩  
微軀眠食春光老  
滿腹經綸沒世知  
口角有聲聞下筆  
胸中無染漫悲絲  
束身自許尊王業  
黼黻心期獻廟時

擣衣石

二首

寒衣欲寄是深更  
石不能言最有情  
縫憶室中慈母意  
採原山上望夫名  
半規斜月侵階色  
一片清風近苑聲  
似訴征夫千點恨  
愁心如擣夜分明  
征衣擣徧幾曾休  
此石堅頑孰與憐  
爲送貞情馳塞外  
難留黛色在山頭  
驚回月下三更夢  
喚起天涯一片愁  
別恨年年消不盡  
千家聲報漢宮秋

鐘聲

何處鐘聲驚醉眼  
清心常在早霜天  
和煙遠墮荒寒外  
激石虛飛浩淼邊  
細徑僧尋雲隱寺  
空江客詠月臨船  
浮生祇此生晨覺  
莫待人嘲飯後憐

松子

寂寂柴門不掩關  
貪看松子亦開顏  
長生美佐千年食  
採擷高從百仞攀  
香引仙心來古寺  
聲和詩思落空山  
最憐月下垂清影  
常伴幽人散步還

峨眉山

欲問峨眉首重接  
幾人絕頂得遊遨  
雲容淡掃雙峰迥  
月魄橫描萬仞高  
天使莊嚴開

梵宇地鍾靈秀有文豪會看蜀道風煙淨歷井捫參不憚勞

棉花

天教福利九州同此物來從海舶中衣被蒼生源宋代畫圖丹辰補豳風分苗雨足三  
春業挾纊雲屯萬世功誰使乾坤開浩劫翻令霹靂助兵戎

香爐

室無長物有餘妍獨對香爐思邈然風定捲簾留細縷日斜欹枕看霏煙新暮周鼎商  
彝式常伴詩囊茗椀邊心賞忽期遊汗漫匡廬峰影落尊前

孤雲二首

掃空一切任沈浮心迹孤雲得似不海濛遙天看白起峰擎特地有青留九霄落落輪  
歸岫千載悠悠入倚樓且喜清風隨變滅從來不憤惹閒愁

孤雲變態獨奚如一味升沈任卷舒天外合依仙子去嶺頭應伴野人居雁聲遠入隨  
風墮梅影蕭疏帶月軒莫問無心仍出岫直將天地作穹廬

洛水

洛川雄勢至今存熊耳東來萬壑奔遠挹驚濤趨四闕長流王氣聚中原禮隆沈璧天  
家瑞夢寫凌波帝子尊獨有泛舟人望在千年元禮問淵源

蠟梅

不同紅蕊共爭妍別有新妝淡似仙寒意冲山催臘盡清容映雪占春先飽看冷豔顏  
欺玉細嚙酸風舌湧泉且喜華堂天竹畔歲朝雙供畫圖傳

冬夜

隆冬靜夜四無聞小住蝸廬亦所欣花影寒侵簷外月篆香細繞枕邊雲夢回衾冷燈  
餘燄詩就爐溫酒半醺待旦欲尋梅市去鴉鳴窗白雪紛紛

太湖石

太湖石透世間稀皴瘦形容或麻幾千載生成烟水闊一拳擎出翠雲飛牛公品第名  
園重白叟輕裝罷守歸輸入平泉無處問何如伴釣傍苔磯

春晝

春光九十滿庭芳晝永還添詠事忙柳岸有陰風乍暖茅齋無客日偏長聽鶯載酒朝  
朝醉結駟看花處處狂康節清游忘旦暮小車隨地得徜徉

萱草

人生難挽是慈幃獨見萱叢悔去非芳草留情知雨澤黃花吐豔戀春暉百年日月思  
親老千里風塵入夢歸未樹北堂餘舊恨忘憂無計更牽衣

長城

萬里雄圖笑祖龍千年曾隔幾邊烽子今姜女墳猶在想見當年淚滿胸

羊毫筆

且喜剗羊換兔毫雄封分得管城豪昌黎不必誇毛穎饗士家家重少牢

白兔

明視由來名世雄不因知白歎飄蓬藏身銀穴風光裏匿影冰輪月魄中守墨豈居毛穎後揮毫常與管城同義之獨有臨池興換得鵝羣色相空

繩床

家無長物獨繩床處士清風味可嘗斐牘依來寬宇宙戶樞分得幾星霜欲維白日情千尺不負青天夢一場誰似維摩空洞室茅齋恰好在中央

柳隄

柳色青青路欲迷春來隄上好尋詩烟籠一抹平于砥雨浥千條弱似絲馬跡多情十里處鶯聲如夢六朝時臺城不少游人屐休唱陽關送別詞

剪刀

誰知風力剪刀抽人代天工孰與侔二月難消吹面割千金莫買解心愁詩情筆似并州快壯思杯澆易水流悟得裁成春意妙萬花錦繡一時收

白芍藥

最愛深情芍藥枝白欺紅豔更多姿露迎旭色還添皎雪殿春光不恨遲欄外迎風飛

片羽池邊映水浸凝脂美人持贈心中素一樣香雲拂面吹

山海關

第一關頭俯仰思山形千古限華夷開門迎敵伊誰責三百年來悔已遲

斧三首

王業艱難孰見之承平志士獨憂時欲知八百年基礎熟讀三章破斧詩  
端拱垂裳十二章如何繡黼獨生光萬幾一日資乾斷猶是宵衣取則忙

一斧從知造化工古今得失繫吾衷攜來樵陽松風裏望去冰輪桂魄中破刃元臣安  
帝室爛柯堅子入仙宮抗懷獨有龜山操假手還思萬世功

紅蜻蜓

別開生趣小園中誰似蜻蜓特地紅望杏晨飛初過雨樓荷午倦不禁風猩奴蹲視闌  
千角鳳子相將錦繡叢卻向玉搔頭上看花時寂寞怨深宮

初晴

聞愛山光過雨看初晴猶見白雲漫煙銷柳染條猶重日射花烘蕊未乾屋角蛛絲忙  
網補牆頭雀語乍聲歡幽人收拾青蓑笠好趁溪清下釣竿

夏雷四首

赤日行空暑莫當村村田坼桔槔忙一聲霹靂掀天地贏得勞農趁午涼

舞

片雲頭上爲催詩正是幽人這暑時隱隱隆隆疑近遠拈毫揮灑不曾知  
東風堤外鶴鵠啼蓮動漁舟下小溪雲裏一聲波影黑魚兒逐隊過橋西讀  
樵夫腰斧入雲深浹背頰肩息午陰電掣風馳方送爽山鳴谷應又驚心

晉祠

晉陽兵甲已千年今日園林別有天戎馬尙容甌脫限蛟龍豈藉此中眠一池清水迎  
朝旭萬樹濃陰宿暮烟霸主已無今片土空餘名勝屬前賢

湖景

湖遊美景不勝收老境方親范蠡舟一笛聲吞溢浦月千帆影帶洞庭秋無邊烟雨迷  
歸棹不盡江天入倚樓何日石魚閑嘯傲酒徒歷歷坐巴邱

秋塞

塞上秋高古戰場從來雄武喜開疆雁聲落月砂先白馬影斜陽草正黃千里關河驚  
絕域十年征戍動思鄉將軍金甲知寒早一笛風清引斷腸

看雲二首

庭前倚杖久徘徊一見雲生醉眼開當戶拈毫臨畫本憑闌覓句取詩材百年瞬息隨  
舒卷萬里晴空任去來等是無心閑處看人間何事不悠哉  
何事能令笑口開爲看雲氣重低徊行如水上波無定立似山中木不材晴暖和烟歸

浦去陰濃帶雨過山來放金盃意堪怡悅相對忘言亦快哉

秦闌二首

當年霸主逞雄圖不信千軍敵一夫畢竟天心歸長者子遺父老爲前驅  
河山百二等閒觀形勢東臨盡膽寒今日寂寥爭戰地征人吹笛月中看

秋菊二首

漫誇春日滿庭芳瞬見秋風草木黃尊重人間珍晚節淡香猶得傲清霜  
疏疏老圃竟何依顧盼羣芳已昨非寄傲東籬還自笑獨懷高士與誰歸

菱角

誰採湖菱樂未央寄身常在水雲鄉堆盤磊落鋒仍露入口模稜味更長短棹浮來清  
露滴長歌送去晚風香貧家不識青梁貴溪女忻添一歲糧

題柱

清江橋畔歎居諸難蜀雄文譽不虛畢竟梁園無諫草茂陵秋雨又何如

新雁

萬里秋高無片雲動人鄉思最殷殷一聲新雁來天末常使深閨枕上聞

楓岸

閒遊斷岸喜霜前幾樹丹楓色倍鮮移棹貪看秋草外停車坐愛晚林邊吳江衣冷孤

飛鶯蕭寺鐘微夜泊船可似春花紅二月長亭十里着先鞭

鴨爐

莫笑齋居長物空小爐睡鴨伴冬烘喜看露處原無水卻羨風摩尙有銅古鏽斑斑千點在微煙息息一絲通重簾鎮日繁香篆常是幽人嘯傲中

玉壺

莫羨青田白玉卮壺中樂趣更誰知芝蘭含蓄皆芳醞瓈瓔橫陳有令姿高士買春三斗後仙人邀月百花時江鄉親友情何極一片冰心夢寐思

初冬二首

歲歲嚴冬弱弗禁初寒且喜意愔愔雁聲甫斷更深過蟲語新從牀下吟岸柳待舒期臘訊嶺梅先放見天心不須苟盡悲搖落殘菊猶欣未雪侵

容易秋風意已闌初冬且喜歲仍寬未妨釀酒枝梧老卻好添繒準備寒柳蔭乍稀巢影露楓林將落葉聲乾隔溪尚有清遊興始覺橋霜穩步難

松濤二首

習習風來勢不平卻從松裏覺濤生會當登岱輕與去洗耳千巖萬壑聲  
獨對松陰病眼開一聲驚覺夢中回世間萬事空如洗卻看潮頭立馬來

畫錦堂

永叔文章翰墨香千秋勳業重斯堂從來門第因人盛何怪平泉草木荒

釣雪

寂寞寒江鳥不聞一翁蓑笠雪紛紛直釣去解休言釣萬古清愁付與君

貂裘

一龕坐破幾蒲團布衲深宵及雪殘寄語貂裘早朝客五更待漏不勝寒

除夕

百年日月捷飛騰除夕翻驚一歲增爆竹聲聲童稚樂老人心事佛前燈

椒酒

歲朝俗事卻非輕椒酒尊前見太平三代遺風知敬老禮從童稚得天成

春暖

消盡餘寒喜不勝春風送暖看雲蒸重裘頓減尋芳客破衲猶支在定僧放鴨水深浮  
野艇聽鶯林遠買行縢山翁未覺吟肩聳紅日烘窗釋硯冰

走馬燈二首

一火能令燄上升光陰走馬捷飛騰千回萬轉皆空相寶此長明無盡燈  
行來未覺千山遠看去原徒一紙輕道上儘多名利客不緣中熱曷長征

佛手

有手能扶日月光爭傳佛國作資糧不妨指堅參禪悅正自心清得妙香擊玉春花迎露白拈金秋實帶霜黃算來藥餌長生品味美還超橘柚芳

天津橋二首

方慶昇平已百年年年春在小車前洛陽久卜安居樂何事驚心聞杜鵑

天下雄都數洛陽往來車馬此康莊于今安樂窩何在祇有鷄聲趁曉霜

公年三十一年

遺洛陽見天津碑有碑氏宗祠即安樂窩遺址人言北魏初造時七十二棵過

碑有碑氏子孫十數家皆業其

清明

清明時節淚痕潛子厚遺書讀紙顏柳綠桃紅迷野外隻雞斗酒遍墦間杜鵑啼去遊人醉蝴蝶飛來客夢閒何日崩榛休塞路年年寒食見家山

雞舌香

誰數龍延重上方算來雞舌有奇香漢宮奏事郎官貴要使聲傳字字芳

麒麟

靈物昭昭擬聖賢由來瑞應總闢天詩徵周召呈祥日書見春秋絕筆年盛世幾曾郊  
櫞現深宮猶喜畫圖傳昌黎一解情無盡婦孺還知以德先

梳風

神禹巍然萬世功艱難沐櫛雨兼風卻懷士子名場日簷下埋頭寸晷中

銅雀臺

臺臨漳水起盤空突兀原知一世雄人自分香天自厭二喬不必怨東風

梨花

東欄如雪一株新百草千花迹已陳炫爛極時春亦老柳陰常伴白頭人

青衫

休將困頓怨功名一領青衫百處輕柳汁染來文思進松陰罩去道情生雨中斑點春  
常好江上琵琶淚已傾留得杭州櫂尙在酒痕猶記舊縱橫

豐年

從來民以食爲天治世還期大有年春暖新秧和雨插秋深多稼看雲連盈倉父老歌  
呼樂拾穗兒童笑語頻報賽村村簫鼓競太平雞犬亦欣然

送酒

客無問字欲誰親獨喜良朋送酒頻題壁尙留黃絹婦叩門時有白衣人赤泥乍坼來  
新餉綠蟻旋傾接近鄰從此幽居多樂事銜杯不患腹中貧

栗

霜露頻經實自開辛盤珍果喜成堆纍纍秋後連村熟戰戰風前傍社栽新婦清晨榛  
共薦高人深夜芋同煨淵明歸里方真隱千載芳名首重回

槐夏

爲愛高槐夏日宜寒音長蔭繁人思清陰滿地秋先到炎景漫天午不知北牖風光三伏日南柯身世一炊時長安夾道今猶昔月掛雲屯有密枝

盤

熟讀湯銘振振詞日新三復繫深思豈惟六百年王業直紹心傳萬世師

枕戈

千秋大節獨臨難欲識艱危入夜看夢裏魂飛關塞黑宵深骨徹雪霜寒中天回日心猶壯待旦橫流淚未乾壯士百年家國恨豈圖帳下一身安

鳩

天生弱質喜園林拂羽桑顚有好音緣野逍遙原獨樂人間晴雨尙關心

書帶草

窗前生意滿吾廬天地菁英萃一儒遍地干戈高臥老山中草亦味經腴

天河

河行天上歷星躔雲漢昭回氣象鮮誰挽空中無盡水甲兵洗淨過千年

琴匣

清獻當年白鶴攜卻借琴匣入川西百年塵積留珍秘千里風輕付小奚古調不傳常

止菴詩外集

固鎖詩囊未啓且親題一肩行李還歸去栗里幽人手自齋

謝公墩

遊屐平生萬里行半山幽處偶經營六朝風月原無主留得高人百世名

中元

百年邱壠感秋霜底事浮圖作道場千載北邙山下路幾人鶴黍月中忙

菽豆

采茶食鬱邵非時烹菽居然且療飢三代承平人易足豳風七月最堪思

秋雨

秋來景物最多情一雨郊原分外清遊子眼穿征雁杳老農心切晚禾生低垂葭葦波  
中影蕭瑟梧桐枕上聲獨有幽人意瀟灑小詩偏向此時成

枯荷

幾日新荷事已非枯枝忽見傍苔磯繞堤綠暗烟仍護照水紅蕪露亦稀殘蓋數莖風  
習習餘香一縷雨霏霏采蓮艇子知何處廣欲尋芳載藕歸

擊磬

二首

滿腹憂時一磬聲悠悠心事欲誰傾過門莫解硜硜意空得千秋荷葉名  
萬綠歇盡愛禪房擊磬晨昏上佛香更喜中宵從定起一聲清遠意悠長

肉脯二首

修脯高堂佐酒漿。百年燔肉薦蒸嘗。  
盤飧日對心滋戚，誰識聞韶味更長。

泥

二首

式微方詠問歸蹤。失足泥途困短筇。  
得志能平天下險，還教函谷一丸封。

居庸關

二首

春來塘水恰泥融。片片飛花落影中。  
燕子啣歸新雨後，堂前故壘又添紅。

菊樽

建瓴雄勢俯燕京。得失頻煩與寇爭。  
輪軌已無天下險，于今金翅御風行。

煙塵

宣大限，雄關車駕頻經萬仞山。  
邊外風流天子恨，至今香塚尚班班。

何事樽前喜欲狂。菊花晚景愛秋光。  
興來把盞看金色，詠罷銜杯覺齒香。

几上近浮多

淺碧籬邊遙映恰深黃。會當佳節重陽日，痛飲人人祝壽康。

秋水

多難三秋出苦吟。盈盈一水更情深。  
難忘故國鱸鮮遠，不盡長天雁影沈。  
烟樹迷茫遊子夢，霜葭迴迥故人心。  
扁舟短棹歸何處，家在江南黃葉林。

詠霜

詩思撩人是曉雞感懷霜重板橋西周行萬履心如疚遠水漫洄望欲迷千里風清無雁過三更月落有烏啼最宜行旅秋山客茅店閒吟步小谿

皮冠

以旌一召失虞人錦重皮冠豈顧身孔孟心傳綱紀在千秋青史幾遺民

習射

蓬矢桑弧有令名由來男子不虛生驕虞經首蘋蘩節三代于斯享太平

鼠二首

誰知大患起田間蜡祭迎貓防未然巧竊豪倫原莫制欲投忌器更堪憐  
恆言依社托身安畢竟閑評得失難倚勢縱橫方恣意豈知鳩吻嚇鵝鸞

冬日

殘醉閑吟百不知蟬暉冬日更相宜晒網凍雀依簷久弄影游魚出藻遲野叟負暄農事畢詩人映雪畫陰移一年好景還堪愛正是寒松鬱翠時

茯苓

天地著英金石堅松根匿影已千年幽人採藥深林下一鑊荒山自得仙

花萼樓

開國曾操同室戈居然花萼迓天和他年南內傷懷抱記否樓前風月多

合歡鏡二首

影去形來任自逢，歡情合寄百年縱。  
潛消暗換人誰識，還憶當年玉貌容。  
色即是空象外詮，無端歡戚起纏綿。  
從來離合皆虛相，滅盡癡心便得仙。

臘日

魯陽何計可揮戈，佛粥春盤屈指過。  
欲放山梅風有信，待舒岸柳水無波。  
乍聽賽鼓催年近，閑看祥雲得瑞多。  
歲暮太平新景象，村墟父老且酣歌。

胡麻

菽粟今無一飯緣，子房避穀占幾先。  
何如劉阮天台去，但食瑤華自得仙。

景星

億兆惟星拱北辰，也曾景福錫斯民。  
從來邦本天心見，咸世卿雲一樣新。

春餅

已消臘雪透春光，麥龍風來餅餌香。  
但使公庭無猛虎，可教閭里得充腸。

歷下亭

濟南城北小滄溟，山色湖光共一亭。  
多少詩人鳴盛世，龍舟猶記此曾停。

鵲噪

鳥生非必不平鳴，鵲噪如何報曉晴。  
喚起人間癡夢醒，不辭樹杪一聲聲。

春宵

人生歲月苦驚心分寸時時重惜陰何事春來宵苦短方知一刻值千金

連理木

分形同氣本相連物理人情總自然此木倘教能化石望夫名更足千年

山情

天地忘情奈若何古今無盡此山河雄圖不爲興亡改名勝偏驚感慨多千里奔騰形突兀百川縈抱氣中和峰巒處處宜風月輪與漁翁瞽眼過

鴛鴦

誰將鶩鳥比鴛鴦三代詩人怨不傷終是聖明宜福祿還賡君子萬年長

觀舞

千羽兩階溯盛時七旬苗格繫人思于今豔舞盈街市遑恤公庭入佾悲

錦繡

令聞廣譽施于身錦繡文章品就珍一襲千金空炫美還輸市上敝枲人

閨月

見月盈虧節不移廿番風汛且須知民生得閏方成歲始信唐虞定四時

靈芝

松壽千年瑞象成靈芝飛節有仙名九莖共染烟霞出三秀還從岱岳生獨立風前參造化無根雲裏吐菁英祥光寶劍分明在天下應期洗甲兵

穀雨

老農待澤是春深布穀聲中雨似金猶記聖明天子事陰晴糧價最關心

膾二首

一味肥甘豈療飢徒貪口腹祇成癡深宮莫識窮簷苦翻命饑民食肉糜  
穀食神明壽且康何須膾炙澆枯腸詩書不厭百回讀人口流芬味更長

桃岸

物外田園寄意深春來一水碧沈沈桃花夾岸今猶昔不辨仙源何處尋

寶髻

無量精光佛頂圓看來寶髻尚翩翩螺旋自是盤空結消盡塵根萬劫緣

故宮

五百年來王氣終年年秋月與春風玄宗故事無人說空見名花寂寞紅

龍

一天風雨看雲從隱現難窺首尾蹤變化神明人莫測卻從老子識真容

滇池

楚軍莊蹻始開藩習戰昆明漢帝尊今日滇池偏富庶卻教形勢控中原

羊毫筆

一毫能拔勝中山意態縱橫出指間鄭重中書託豪興好將潑墨寫煙鬟

喜雨

溽暑蒸人汗似漿鋤禾當午老農忙灑然細雨從東至籬下桑根一味涼

荷葉粥

雅詠荷杯號碧筒更敎綠葉粥如醴色香兼味稱三絕悅口清心六月中

消夏雜詠

炎炎夏日半陰晴何事能消暑不生論盡嘗茶隨意適浮瓜沈李覺心清午看慵燕依濃蔭宵聽私蛙噪短更獨有幽人閒詠罷溪遊偏愛一舟輕

扇

能消炎暑送清風祇在斯人掌握中秋後棄捐非薄倖行藏原不負初衷

新涼

殘暑無多日新秋一味涼乍能身自適方覺意差強桂霧晨初見荷風晚更香老人詩興發清夢繞江鄉

落日

日暮村居景孤烟趁落暉風清蟬噪急露斂雁聲稀樵唱渡頭去漁歌浦外歸幽人興未減手自掩荆扉

天河

雲漢昭回照眼明秋來景象一番清不須架鵠成橋會壯士還期洗甲兵

早秋

新製縑衣未覺寒扇猶在手意先闌一天雲薄涼如洗破曉蟬催暑氣殘  
殘暑

一入新秋暑氣平殘荷帶雨尚孤擎蟬吟日暮聲猶壯雁過天高影已清紈扇緩揮知  
汗少縑衣初換覺身輕幽人夢醒添詩思臥聽私蛙噪五更

中秋玩月

月到中秋分外明浩然風露十分清臨軒不盡天涯感舉酒能生萬古情

牽牛花

秋來百卉已全凋一種凡花色更嬌弱質不嫌生少幹卻依松柏上千霄

菊影

休嫌菊淡尙餘香籬下猶堪傲夕陽清影一枝無限好恰看倒映入杯光

尺

由來玉尺少遺材長短縱橫妙剪裁鄭重善量天下士不勞方寸費嫌猜

登高

盛會年年九日遭攜朋載酒不辭勞心隨雁陣千山滅興寄龍山一世豪隱逸幽人還采菊風流名士漫題糕獨憐佳節思親客插遍茱萸詠事高

柿

橙黃橘綠正堪思別有甘鮮一樹奇最愛山村茅舍外垂垂紅實得霜時

雲峰

雲似山峰不善平漫將春睡報春晴卷舒自在知無意起伏天然覺有情疊障千尋時變滅屏風九疊勢縱橫獨憐出岫還多事常使幽人百感生

華清宮

一脈溫泉曲折通高低依勢入離宮貴妃浴後人爭豔千古興亡憑弔中

茶鼓

靈鷲山前第幾峰通通茶鼓暮烟濃西湖不少僧行脚誤急歸心飯後鐘

立雪

卓立師門道義欽不知積雪有寒侵原來屋漏堅貞節履薄臨深一樣心

冰枕

忽覺冰肌玉骨清飄然紈縠一身輕誰知烈日蓬窗下揮汗如珠纖得成  
攝笛

長笛聲聲起遠村滿腔心事指中論風流名士知音少一曲山陽欲斷魂  
冬蔬

見說東坡喜種蔬心安題額愛吾廬氣含霜露冬餐美彈鋏誰歌食不魚

金山

山隨塔影過江流名冠東南第一洲千載文人添詠事東坡玉帶至今留

冰床

水澤冰堅何所施一床安臥得游嬉臨深無復驚濤險履薄還同下坂馳等是寢興高枕候儼然橫截亂絲時何當乘興郵亭去趁雪尋梅任所之

雪夜

尋梅乘興夜深回寂寞空庭雪滿堆燈火鮮明銀世界冰輪輝映玉樓臺雲移清影窗前過風送寒聲枕畔來獨有衰翁吟不寐短檠相對且銜杯

走馬燈

走馬章臺寄意深華燈相伴白頭吟三更簫鼓羣兒興千里關山獨客心短談風前光  
裊裊一鞭月下影沈沈何由喚醒幽閨夢休問征夫墮地金

春餅

休將春景等  
香久月殿油

山桃花

年年花事首  
物外桃源無上

早起

一輪紅日照  
鴉鳴窗白正廿

春暖

莫嫌北地得  
鶯語水活清

送春二  
千紅萬紫幾  
芳名有意費

聽泉

泉聲不厭聽入耳夜泠泠枕上催詩意尊前伴酒醒貪廉無異地豐樂有名亭寄語山中客還將清濁銘

柳絮

三月春風費剪裁庭中飛絮殿花開天機鼓舞人難測聚散無心任去來  
稻田

覽遍青秧稻龍遊一犁水滿正驅牛休言多稼田家樂沐雨櫛風直到秋  
蛙聲

入夏聲喧百草青忽來蛙噪耳邊經每臨野叟尊前鬧常使幽人枕上聽兩部恰添新  
鼓吹千官不屬舊宮廷最宜田舍茅簷底半夜疏更伴酒醒

清談

清言莊雅勝于談笑曾能月幾回正欲評詩逢客至偶思數節報花開風前月下無  
心遇酒美茶甘有興來王衍諸人多妙諦罔干國事又何哉

雄黃酒

蒲劍門懸百魅驅一杯相屬勝醍醐從來日午原當是正氣乾坤要力扶  
曉色

何處高樓報曉鐘鴉鳴窗白正村春方曉月落天容淨又見風柔樹影濃一片紅霞迎

日出無邊綠野斷烟封幽人晨起尋詩去閒倚柴扉數亂峰

比目魚

魚目如何可混珠方將味美比蒼鱸不嫌隻眼隨蓬梗且喜駢肩逐藻蒲收視境能空世界曠觀心欲邈江湖試援並翼雙飛鳥物理原難問有無

蟬聲

蟬噪風前端爲誰最撩旅客動秋思聽來搖曳斜陽裏正是馬嘶人倦時

荷葉二首

又見新荷出水鮮延溪點點似金錢汙泥不染無銅臭卻愛青蓮品是仙荷香未吐葉先之碧玉亭亭態自奇最好凌晨清露墜珠圓正是走盤時殘荷

幾日新荷照眼明秋容乍換最關情香殘無復臨風趣蓋立猶堪送雨聲

冰

履霜冰至最驚心千古詩人寄慨深莫怪長安爭苑賣幽風先已詠凌陰

病馬

世間無伯樂病馬孰知音歲月拳毛聳風霜汙血侵沙場身百戰燕市品千金冀北空回首秋高萬廩瘠

聞雷  
鵠

霹靂飛來百物驚無如掩耳一聲輕英雄喪膽尋常事失箸何曾意氣平  
消息傳來碧落中也曾羽翼著軍功于今霹靂從天降奚止鈴聲響半空  
秋熱

幾日西風一味涼忽驚餘熱畏秋陽茅簷晚稼期豐稔正喜田間赤日光  
月餅

雅似紅綾景色鮮中秋佳節幾家傳桂花香裏堆盤出相對蟾光箇箇圓

聽雨

霏微點滴十分清細雨初來可解醒最喜讀書微倦後焚香臥聽畫簷聲

帆影

雲影天光一水通布帆無恙喜乘風倒懸日落成全白斜映霞烘得半紅入水波平流  
不去凌虛浦遠逝如空更看挂起清宵月千里長空明鏡中

得勝歌

八年抗戰逐天和嘗膽臥薪夜枕戈白髮將軍心力瘁居然還我舊山河扶持得力盟  
堪恃徼倖成功理不頗千載英雄造時勢自來王霸等拋梭君不見七十二戰無不利

忽聞楚歌可奈何天道好還從不爽陰陽消長無愆訛橫空霹靂山爲動掃淨風雲海  
不波漫謂千年誇國祚還將一彈靖天魔滿城赤幟迎朝氣父老歡騰鼓腹歌偃武修  
文開百世勝殘去殺善人多善人多常使乾坤正氣與天摩

嘉陵江

蜀道多名勝嘉陵昔所經建瓴千尺白夾岸四山青氣勢從天降濤聲入畫聽扁舟遊  
客棹隨處爲詩停

東籬採菊

悠然何處見南山獨有東籬意興閑採菊幽人千載事淵明高節孰能攀

霜降

堅冰馴至惜年光葛屨兢兢爲履霜獨有幽人珍晚景東籬偏愛菊花香

落花生

一物還從落地生春花秋實自分明天工不惜多埋沒美質猶須重晚成

墨梅

幾枝冷豔色無雙疏影橫斜映曉窗淡墨生綃開畫本天然一幅對寒釭

乞新茶

喜見山頭露葉鮮採茶歌裏曉鶯天詩人何事添幽致乞得銀毫就竹煎

車螯

風味和羹最美時小江烟雨正晨炊桃花流水鮮肥外別是輪囷又一奇

江亭晚眺

獨上江亭意興豪風聲不絕似江濤捲簾卻寄平生快歸雁斜陽一樣高

殘菊

留得殘花送夕陽秋容疏菊最芬芳精金淡後仍擎玉寒露欺來尙傲霜處士所珍惟  
晚節高人相伴有餘觴籬邊光景雖零落歲暮還應歸枕囊

自行車

日行百里若風馳列子冷然或似之兩足生雲多自在豈勞趨步賴扶持

初雪

久旱寒風凜凜催忽如飛絮自天來農民待澤心先慰喜見祥雲第一回

雁

千里音書不計程江南塞北動關情最憐獨客三更夢忽聽孤明月下聲

費宮人故里

乾坤浩劫等蟲沙何似宮人尙有家三百年前事回首寒林落日牋樓鴉

冬青樹

列樹園林勁不凋隆冬雪裏尙抽條最憐繞砌蘭干角一帶青青秀滿腰

家書

一紙家書值萬金太平極樂亂離暗等閒何事分憂喜同是乾坤愛育心  
天鵝

何處天鵝叫帝闢天聰人聽更無言大賢獨守千秋業鹿洞尋來別有源

春雪

料峭春寒景一奇無香有色雨同滋詩人合動遊山興恰似梅開萬樹時

早梅

鶴噪簷前第一聲寒梅初放雪新晴安排躡屣尋芳始山杏溪桃後有程

踏青

青青草色好尋詩竹杖芒鞋任所之沽酒聽鶯宜有伴踏來河畔不嫌遲

蝴蝶

問渠何事爲春忙繞徑穿花賽爾黃蝴蝶是周周是蝶似醒似夢兩相忘

春柳

春來最愛雨霏霏柳色初匀草正肥樓畔客吟情脈脈陌頭人見夢依依青搖過燕枝  
還弱黃露藏鶯葉尙稀正是江南好風景清陰常罩杏花飛

贊

一物輕微滿腹絲經綸天下有誰知詩人詠入幽風裏常繫蒼生卒畿思

太平花

上林一樹太平花神武開邊萬里誇市井移來和露種清香猶似帝王家

蟻鬪

蟻聚誠微物紛紛鬪自誇蝴蝶猶據角蜂蠻尙爭衙逞勢增塗炭甘心費齒牙何當勤  
掃蕩一雨淨蟲沙

滌硯

臨罷黃庭何所之間來滌硯併清池卻看游戲魚吐墨且喜鬚眉涅不縉

妙峰山

鍾毓王畿千里壯峩嶢雲漢九天高香辰不減承平盛士女漫山似海濤

楊梅

青杏朱櫻未可方楊梅項里喜新嘗枝頭垂實鮮如荔舌本留甘雋似漿

初夏雜詠

清和首夏日初長贏得詩人詠事忙喜見池塘秧水滿閑迎門巷麥風涼晴烘枝上楊  
梅熟雨洗庭中梔子香回數一春花事了戲拈俚句入奚囊

古槐

獨有高槐閱歲寒誰遺後嗣子孫安百年喬木風烟古累葉三公屈指看

飲冰

飲冷能教內熱蘇陰陽交戰胡爲乎何如保此雙清操一片冰心在玉壺

蟬

一物羣飛能蔽天關心民食豈徒然休誇循吏捕蟬譜吞食還應盛世傳

湯餅會

誰家湯餅得先嘗會食爭看喜氣揚廊下正稱新婦手堂前增親乳兒光

絲瓜

豳風七月食瓜時老喜羹香此最宜齒豁不須嗟祝哽天然縷膾軟如絲

蓮鬚

蓮開萬柄露垂鬚侵曉清風面面吹贏得波心蜂蝶鬧暗香惟有釣徒知

竹椅

杖履優游老不支閒來竹椅得相隨花前息倦臨風久松下安禪待月遲隨地夜宜聽

雨坐有時晴爲看雲移一般清潔涼如水且喜先秋病骨知

自鳴鐘

物不能平或使鳴報來昏晚亦心驚自強不息方成德終日乾乾重力行

秋興

容易光陰又到秋興來美景不勝收安排待雨催詩鉢準擬乘風泛釣舟目送征鴻來  
野思心隨奔鹿作山游新涼贏得身常健到處尋幽爲小留

美人蕉

二首

靄靄停雲態寂寥小園風雨正飄蕭美人一覺相思夢旋卷心情葉似蕉  
亭亭玉立美人姿豔吐紅雲故故遲卻怪心情常是卷爲傳衷曲寄相思

祀孔

日月照臨天廣大凡同血氣盡尊親宮牆萬仞還如故俎豆馨香百世新

蟬

二首

驛路蟬聲到曉鳴遊人征夢正難成忽驚秋色涼如水入耳西風一味清  
一物從來一羽輕枝頭何事不平鳴吸風飲露知無憾堪歎炎涼畢此生

嫦娥

月照宮幃舊恨深碧天如水影沈沈從教靈藥忘圓缺一片孤明夜夜心

芋

蹲鵠名產擅西州白髮高僧歲月悠丹韶不停煨芋火衝山石窟亦千秋

錢塘觀潮

誰識驕夷意氣超  
秋深八月勢千霄  
會看白馬濤頭立  
千載孤忠恨未消  
苔痕

終年無客叩柴門  
不見蒼苔有屐痕  
露溼烟籠成片綠  
飛花點點映朝暉  
碧雲寺

佳城蘭若繫人思  
六百年來蹟尚遺  
山水鍾靈仍自在  
忠奸往事有誰知  
又為魏忠  
生號

紅葉

二首

不羨春花雨露滋  
牆頭寂寞幾多時  
休誇晚景紅如火  
煅煉風霜祇自知  
孤高冷豔殿羣芳  
不數黃花伴倚牆  
有色無香堪自喜  
免教蝶戀與蜂狂

聽歌

菱舟清唱不勝春  
慷慨悲歌若有神  
燕市難逢擊筑客  
齊廷誰識飯牛人  
三風恆舞官時敵  
九敍惟功德日新  
安得慶鶻逢盛世  
萬方側耳頌尊親

白塔

番僧曾襲帝師隆  
五百年前禮禁中  
一塔尙留天際白  
孤高獨映夕陽紅  
雷峰夕照

相傳寺爲事  
業楚村故宅

放棹西湖盡日忙  
天空雲淨水生光  
雷峰歸去鐘聲晚  
夕照波心塔影長

故鄉

富貴浮雲別故鄉  
錦衣躊躇夜偏長  
大風歌裏英雄老  
猛士何心念四方